







7-4


















34  
R.46.101



CAROLI SIGONII  
DE REP. HEBRAEORVM  
LIBRI VII  
AD GREGORIVM XIII  
PONTIFICEM  
MAXIMVM

Index rerum, & verborum locupletifs.



BONONIAE,  
Apud Ioannem Rossum. MDLXXXII.  
*Curia Episc. & S. Inquisit. concessu.*

*Res. 1297  
R. 46104*

THE UNIVERSITY OF  
THE STATE OF NEW YORK  
IN SENATE  
JANUARY 18, 1884  
REPORT OF THE  
COMMISSIONER OF THE  
LAND OFFICE  
IN RESPONSE TO A  
RESOLUTION PASSED  
JUNE 1, 1883








BEATISSIMO PATRI

GREGORIO XIII  
PONTIFICI  
MAXIMO



Carolus Sigonius,



VM magna omnibus ijs debetur laus hominibus, BEATISS. PATER, qui curas, et cogitationes suas ad hominum salutem, & commoda contulerunt, tum potissimum ingentem illi sibi apud omnes honorem, & gratiam pepererunt, qui constituendis ciuitatibus, ferendis legibus, atque obstringendis religione, atque officio populis studuerunt. Itaque animaduertere licet, praecleara, ac magna in omni memoria saeculorum ingenia vehementer in hoc studio elaborasse, atque huius praecipue laudis cupiditate flagrasse. Siquidem qui sapientia, atque eruditione ceteris praestiterunt, ferme aut nouas ciuitates instituerunt,

aut sese administrandis veteribus tradiderunt, aut certe illarum optime gerendarum sibi præcepta relinquenda putarunt. Ex quo tantum honoris, ac dignitatis adepti sunt, ut in hunc usque diem præclaris mortalium vocibus illorum memoria celebretur. Quod cum ita sit, nemo tamen omnium contra dubitat, quin multo illorum industria humano generi utilior, atque ad commendationem posteritatis illustrior futura fuerit, si, quod ipsi humano ingenio, ac studio adumbrare conati fuerunt, id ipsum ab initio singulari, ac præcipua summi Dei cura, ac sapientia expressum fuisse intellexissent; atque ita ad eius unius Iuris, quod ille statuisset, rationem & ipsi sua siue in formanda, siue in administranda ciuitate consilia conuertissent. Neque enim aut Solon, aut Lycurgus, aut Charondas, aut Plato, aut aliquis eorum alius, qui populos institutis, & legibus instruxerunt, Remp. Hebræorum, quod ex eorum liqueat monumentis, cognitam habuerunt. quæ tamen omnium non solum antiquissima, sed etiam præstantissima fuit. quippe quam ardens presentis ipsius Dei consilium, verbumque descripsit. & perspecta diligenter, ac tradita mirifica ad vitam constituendam ornamenta, atque ad sacras litteras intelligendas allatura præsidia fuit. Hoc ego iam tum intelligere cœpi, cum quarto abhinc anno iussu Sanctitatis Vestræ  
ad



ad Ecclesiasticam historiam perlustrandam, atque,  
vbi res postulare videretur, supplendam me contuli.  
Quod ipsum cum acriter obsequendi magis studio,  
quam perficiendi spe adhuc curauerim, sumpsit initium  
edendi ab eo, quod præclarum huius mihi operis fun-  
damentum est visum. quippe Hebraicam, quam ce-  
teri neglexerunt, Remp. mihi pro virili pluribus de-  
scribendam suscepi. quæ ut insignis fuit forma Eccle-  
siæ Christianæ, atque expressa ad viuum imago bea-  
tæ vitæ in caelesti ciuitate degendæ, sic principium esse  
debet totius historiae, quam intendimus, Ecclesiasticæ  
contexendæ. Quod meum consilium cum ego ad Illu-  
striss. Card. Palæotum, Episcopum nostrum, atque alios  
summos viros, ac summo iudicio, pietateq; præditos de-  
tulissem, maximum cepi fructum laboris mei, cum  
ipsum grauisimo eorum sensi testimonio comprobari.  
Quare extrema eò alacriore animo persecutus facien-  
dum mihi duxi, ut opus augustissimo S. Vestræ nomi-  
ni consecrarem, ut quæ non solum huius, quam de-  
scribo, reip. principatum in terris tenet, sed in summis  
etiam suis laudibus hanc maximam habet, quod ve-  
teri instaurandæ Ecclesiæ mirifice studet. Nam, ut  
omittam singularem in recuperanda antiqua eius di-  
tione industriam, hæc varia doctrinarum Collegia ad  
subleuandas inopum, eiectionumq; nationum erumnas  
† 3 insituit,

*instituit, ac vectigalibus magnis instruxit. hæc menses, diesq; temere præcurrentes opportune retraxit, ac labantem festorum dierum rationem solerti adhibita correctione constituit. hæc ius pontificium superiorum hominum incuria aliqua ex parte corruptum recognovit, emendauit, & illustrauit, ac sacra denique Biblia ad pristinam redigere integritatem decreuit. Quamobrem S. Vestræ imis, ut debeo, precibus oro, ut meum quoque non alienum ab hac ratione laborem hilari, quemadmodum spero, fronte recipiat, qui Vestræ omnium grauißima auctoritate confectus ad studia eorum, qui diuinis aluntur litteris, excitanda ab homine iam pridem nomini, familiæq; Vestræ deditissimo diuulgatur. cuius consilia, actaque omnia utinam Deus ad Ecclesiæ suæ incrementum fortunet, ac vitam ad eam rem longißimam largiatur. Bononiæ Anno Sal. M D L X X X I I. X. Kal. Septemb.*



CAPIT.



**CAPITA LIBRI PRIMI.**  
qui inscribitur de forma  
Reip.

*De populo Hebræorum. Cap. i.  
De populo Israelitarum. Cap. ij.  
De populo Indæorum, Effraimitarum,  
& Samaritarum. Cap. iij.  
De lege populo Israelitarum à Deo da-  
ta. Cap. iiij.  
De forma reip. Israelitarum. Cap. v.  
De ciue Israelita, & Profelyto. Cap. vi.  
De urbe reip. sede Silo, & Hierusalem.  
Cap. viij.*

**CAPITA LIBRI SECVNDI,**  
qui de locis sacris inscribitur.

*DE RELIGIONE. Cap. i.  
De locis sacris. Cap. ij.  
De Tabernaculo, Sancto sanctorum,  
Arca fœderis, altaribus, & ornamen-  
tis eorum. Cap. iij.  
De Excelſus. Cap. iiij.  
De templo Hierosolymitano. Cap. v.  
De templo Samaria. Cap. vi.  
De templo Aegypti. Cap. viij.  
De Synagogis. Cap. viij.*

**CAPITA LIBRI TERTII,**  
qui de diebus sacris inscribitur.

*De annis Hebraicis. Cap. i.  
De mensibus. Cap. ij.  
De sepsimanis. Cap. iij.  
De diebus profectis. Cap. iiij.  
De Neomenijs. Cap. v.  
De diebus singulis. Cap. vi.  
De diebus festis. Cap. viij.  
De sabbatho. Cap. viij.  
De Pascha, & Azymis. Cap. ix.  
De Pentecoste, siue Hebdomadis. Cap. x.  
De festo Tabarum. Cap. xi.  
De festo Expiationum. Cap. xij.  
De festo Tabernaculorum. Cap. xij.*

*De septimo anno. Cap. xiiij.  
De quinquagesimo anno. Cap. xv.  
De Encenys. Cap. xvi.  
De ceteris diebus festis. Cap. xvij.  
Vetus Kalendarium Hebræorum. Cap. xiiij.*

**CAPITA LIBRI QVARTI,**  
qui de ritibus sacris inscribitur.

*De generibus sacrorum rituum. Cap. i.  
De generibus sacrificiorum. Cap. ij.  
De Holocaustis. Cap. iij.  
De Libaminibus. Cap. iiij.  
De Pacificis. Cap. v.  
De sacrificio pro peccatis. Cap. vi.  
De sacrificio pro delictis. Cap. viij.  
Iterum de omnibus supradictis. Cap. viij.  
De confessionibus. Cap. ix.  
De sacrificio consecrationis. Cap. x.  
De sacrificio mundationis. Cap. xi.  
De sacrificio expiationis. Cap. xij.  
De oblatione incensi. Cap. xij.  
De donis sacris. Cap. xiiij.  
De primitijs, & decimis. Cap. xv.  
De pecunia sacra, & gazophylacio.  
Cap. xvi.  
De oblationibus votiujs, & volunta-  
rijs. Cap. xvij.  
De ieunio, & ceteris afflictionibus cor-  
poris. Cap. xvij.*

**CAPITA LIBRI QVINTI.**  
qui de personis sacris inscribitur.

*De generibus sacrarum personarum. Cap. i.  
De Pontificibus. Cap. ij.  
De Sacerdotibus. Cap. iij.  
De Levitis. Cap. iiij.  
De Cantoribus. Cap. v.  
De Ianitoribus. Cap. vi.  
De Nathineis. Cap. viij.  
De Nazareis. Cap. viij.  
De Prophetis. Cap. ix.  
De scribis, i. legis doctioribus. Cap. x.  
De septem hæresibus Indæorum. Cap. xi.*

**CAPITA**


**CAPITA LIBRI SEXTI,**  
qui de Consilijs, & Iudicijs  
inscribitur.

*DE CIVITATE. Cap. i.*  
*De Consilijs. Cap. ij.*  
*De Concione. Cap. iij.*  
*De Senatu. Cap. iiij.*  
*De Iudicijs. Cap. v.*  
*De Iudicijs Civitatum. Cap. vi.*  
*De Concilio Hierosolymitano. Cap. vij.*  
*De Panis. Cap. viij.*

**CAPITA LIBRI SEPTIMI,**  
qui de magistratib. inscribitur.

*De generibus magistratum. Cap. i.*

*De Iudicibus Israel. Cap. ij.*  
*De Regibus. Cap. iij.*  
*De Principibus Iudaorum. Cap. iiij.*  
*De Principibus Tribuum. Cap. v.*  
*De Principibus Familiarum. Cap. vi.*  
*De Principibus Civitatum. Cap. viij.*  
*De Scribis, seu notarijs. Cap. viij.*  
*De bellica. Cap. ix.*  
*De Principe militiae. Cap. x.*  
*De Tribunis, & Centurionibus,*  
*Cap. xi.*  
*De Quinquagenarijs, & Decanis.*  
*Cap. xij.*  
*De magistratibus templi. Cap. xij.*  
*De bellis Iudaicis. Cap. xiiij.*  
*De extremo statu Iudaorum,*  
*Cap. xv.*








CAROLI SIGONII

# DE REPUBLICA HEBRÆORVM LIBER PRIMVS,

Qui de forma Reip. inscribitur,



ROPOSITVM est mihi hoc loco, veterem Hebræorum Remp. à Deo antiquitus institutam, atque intimis penetralibus sacrarum litterarum inclusam inuestigare, atque inuentam quoquo modo in lucem, pòsterorum memoriae, prodere. Res est enim, vt omnes fatentur, cum per se ad cognoscendum præclara, tum ad sacros libros intelligendos vsque adeo opportuna, vt iure mirari quisque possit, veterum adhuc neminem in hoc genere lucubrationis elaborasse, quos constat magno, atque excellenti ingenio, doctrinaque fuisse, atque incredibili quodam diuinarum rerum exponendarum studio exarsisse. Vtinam autem hoc & ipse aliquanto ante vidissem. neque enim aliunde prima probandæ operæ, atque industriæ meæ rudimenta sumplissem. Quod quidem & temporum ordinem ineunti, & propriæ salutis rationem habenti fuit magnopere faciendum. Verum voluntati Dei obtemperare oportuit. qui occulto, credo, consilio grauiores fortasse

A                  annos

annos meos tractationi omnium sanctissimæ reservauit . quodque adolescens studio ad scribendum incitato non cogitavi, quem ille sibi populum delegisset, quamq. eius remp. lege data instituisse, iam grandem natu, viribus in dies magis ad lucubrandum elanguescentibus, ostendere voluit. Est enim mihi, vt dixi, consilium, his libris Hebraicorum sacrorum, sacerdotumq. descriptionem, Consiliorum, Iudiciorum, & Magistratuum rationem, totamq. pacis, belliq. disciplinam ex sacris litterarum monumentis erutam aperire. Feci hoc idem olim iuuenis in Atheniensibus, & Romanis, vt eorum leges, instituta, ciuitatem, & remp. varijs eorum voluminibus abdita palam facerem. verum, vt nunc sentio, conatu aliquanto ad scriptionis commendationem insigniore. quòd illorum commentarij, vt maiorem verborum ad scribendum facultatem supeditarunt, sic firmiora ad coniiciendam ex tanto temporum interuallo antiquitatem adiumenta subministrarunt. Adde, quòd res hæc minora quoque orationis ornamenta ferunt. neque enim elegantia verborum, vt illæ, sed sanctitate mysteriorum hominibus cõmendatæ sunt. Quin etiam in ipsis veteris Latini interpretis, vt oportet, vestigijs insistenti ea sæpe adhibenda dicendi genera sunt, quæ elegantes, & eruditæ fortasse multorum aures aspernari merito possint. Verum in re magna, ac maxime necessaria quencumque conatum opinor esse laudandum, & si facultas fortasse desit perficiendi, non improbandam tamẽ esse voluntatem experiendi. Quam ob rem accedamus ad rem, Deo ipso in nostrum auxilium inuocato, qui per prophetam dixit: *Beati, qui scrutantur testimonia mea, & in toto corde exquirunt me.* neq; enim aliud est testimonium Dei, quàm Christus ipse, filius eius, qui totius Hebraicæ historiæ finis est. ad quem omnia legis mandata,

omnia



omnia prophetarum vaticinia , omnia Hebræorum acta per arcana quædam mysteria referuntur . Hic est. n. Moyſes, qui verum hominibus Deum, veramq. illius legē ostendit . hic est Iosue , qui deuictis aduersarijs cælestem eis Chananæam distribuit. hic est Daud, qui cælestem Hierusalem à Deo sibi ab initio destinatam ædificauit . hic est Salomon , qui cæleste templum , templum inquam non manufactum, eisdem credentibus præparauit . hic est demum rex ille, qui Iudæos, & profelytos eius æque in cælo cōpotes reip. fecit, cuius adumbrata imago à Deo Moyſi in terris tradita fuit . Vt enim in hac terrestri rep. Daud rex cum xii principibus tribuum Israelitarum populum iudicauit, sic in illa cælesti Iesus rex cū xii Apostolis populum fidelium iudicabit. Quoniam autem sic sermonem hunc disposuimus, vt duas eius partes Religionem, Ciuitatemq. fecerimus, placet, antequam ad eas explanandas veniamus, rei illustrandæ causſa, vetustam Hebræorum originem demonstrare, ac legis traditæ, reipublicæ institutæ, & vrbis illi imperio destinatæ in vniuersum historiam enarrare, lectore harum antiquitatum admonito, vtilem admodum, frugiferamq. operam suscepturum, si prius, quàm se ad hæc cognoscenda contulerit, aliquā ex sacris historijs actionum Hebraicarum haustam animo notionem habuerit . cui officio nos quoque pro virili nostra seruiuimus in eo commentario, in quo sacram B. Sulpicij Seueri historiam explicuimus.

De populo Hebræorum. Cap. I.

QVONIAM vero hic populus primum Hebræorum, deinde Israelitarum, tum Iudæorum nomen tulit, ac varias sibi subinde sedes, & formas asciuit, sane res po-

A 2 scit,

scit, vt ante omnia, quis, ac qualis extiterit, & vnde has ille mutationes acceperit, videamus.

Primum igitur omnium satis constat, quattuor à principio hominū quasi stirpes, aut propaggines extitisse. quas scriptura sacra γενεαις, idest generationes appellat, vnam vero à primo homine Adam vsq; ad Noe, alteram à Noe ad Abraham, tertiam ab Abraham ad Dauidem regem, quartam à Dauide ad eum, de quo diximus, Christum, pertinuisse; ac secunda quidē ætate Hebræos, tertia Israe litas, quarta verò Iudæos emerfisse. Hebræi vero gens fuit omnium, de quibus litteris sit proditum, antiquissima, cum Assyriam, quæ regio in primis scriptis gentilium celebratur, secunda ætate tenuerit. Cum autem in prioribus stirpibus alij natura duce Deum vnum, ac verum, alij vero simulachra falsorum Deorū coluerint, Hebræi progenies eorum fuere, qui vltro Deum cognouerunt, ac cognitum adorarunt. Itaque succedente tempore eisdem sic Deus dilexit, vt non solum eis se præcipue patefecerit, sed ad extremum ex eis quoque filium suum Iesum Christum nasci ad salutem generis humani voluerit. Quæ omnia pluribus sacrorum librorum voluminibus explicata nos hic breuiter complectemur.

A D A M igitur, qui vt primus homo à Deo creatus primus Deum creatorem suum perspexit, sic primus mandato Dei violato, se cum tota hominum posteritate pefundedit, tres præcipue filios habuit, Caim, Abel, & Seth. ex quibus Caim fratri Abeli vitam ademit, ac prorsus à Deo defecit, & progeniem ex se impiam propagauit, quæ Deos plures, & falsos asciuit. & propterea scriptura illius rationem non habuit, vt quæ ad vnam Christi Saluatoris progeniem ex piorum genere proditura incumberet. Seth vero in paterna Dei cognitione ferme cum sua pro-

genic



genie perstitit. & ob id scriptura eam vsquē ad extremū recensuit, tamquā eam, cui se Deus indicaturus, & vnde salutem perditis hominibus esset missurus. Fuit vero eius posteritas talis. Seth, Enos, Cainas, Malaleel, Jared, Enoch, Mathufala, Lamech, & Noe. Huius vero ætate cum pij homines, nempe ex progenie Seth, cum filiabus impiorum, nimirum eorum, qui à Caim originem ducebant, connubia contraxissent, ac malitiam in terras inuentam cumulauissent, Deus nefario facto illorum accensus genus humanum vlcisci constituit, ac diluuiū aquarū sup̄ vniuersas terras immisso omnes vtriusque sexus homines perdidit, vno Noe, viro iusto cum familia eius excepto, qui in arca iussu Dei a se constructa seruatus est. Reliquit autē Noe tres filios, Sem, Cham, & Iaphet. Vt autē progenies Sem in patrio Dei cultu, quanquam non vniuersa, perseuerauit, sic soboles Cham, & Iaphet prorsus ab eo defecit. Quare scriptura posteritatis Sem tantummodo meminit, quæ secunda ætate floruit: nempe Sem, Arphaxad, Sale, Heber, Phaleg, Reu, Sarug, qui desciscens à Deo primus dicitur Deorum simulachra fecisse, Nachor, & Thare, qui pariter in patris, auique suscepta impietate mansere. Hæc vero progenies prima Hebræorum nomen gessit. siquidem post diluuiū, cum arca in montibus Armeniæ constitisset, Noe, ac filij eius Sem, Cham, & Iaphet in Oriente habitauerunt. ea vero regio fuit ratione illorum cis Tigrim annem, magna ex parte post Assyria nominata. Sem autem genuit Arphaxad, qui Tigrim transiuit, & in Caldæa consedit, vt S. Hieronymus etiam confirmauit. Itaq; sunt, qui putent, eos, qui cum Arphaxad traiecere, nempe filios, & nepotes eius, primum Hebræos dictos esse, quod ultra flumen venissent. nam apud Hebræos Heber significare ultra. vnde il-

Iud est Genesis x: *Sem pater fuit omnium filiorum Heber*, idest omnium, qui ultra flumen venerunt. Inde posterique quoque Cham, & Iaphet alias adire terras statuerunt, cumq; in Chaldæam tempore Heber, qui fuit filius Sale, nepos Arphaxad, concessissent, & campos Senaar tenuissent, antequam inde cederent, auctore Nebrod, Cham nepote, gloriæ causâ statuerūt, urbem cū turri condere, quæ altitudine sua cœlum attingeret. Erat adhuc, ut inquit scriptura, terra vnius labij, idest vna tantum lingua omnes utebantur, quam ab Adami ore hauserant. Deus autem foedam eorum audaciam auersatus linguarum diuersitatem immisit, ut alter alterius intelligere mandata non posset. itaque cum ex gloria, quam affectabant, confusione nacti fuissent, quæ babel dicitur, & turris, & vrbs, & regio inde Babel, Babylonis, & Babylonîæ nomen inuenit. Heber autem, quod expers consilij ædificandæ turris fuerat, veterem sermonem retinuit, quo Hebræi ex posteritate Sem vsi fuerant. Quare S. Augustinus in libris de Ciuitate Dei, Hebræos prorsus ab ipso Heber dictos fuisse asseruit. Abraham certe, qui sextus ab Heber fuit, capite x i i i i Hebræus vocatur. Inde diuisis inter se terris Heber in Caldæa, & Oriëte remansit. Iaphetis vero posteritas Occidentem occupauit, Cham autem, quæ intermedia sita sunt. Atque hæc quidem Hebræorum non minus vera, quàm vetus, origo, & prima gentis incunabula celebrantur primis decem capitibus Genesis explicata. Cum porro Thare filius Nachor, abnepos Phaleg adhuc in Chaldæa vitâ traduceret, & in Vr vrbe agens eos Deos coleret, quorum simulachra Sarug auus suus instituisset, venit inde cum filio Abraham, & Lot nepote in Mesopotamiam, regionem inter Tigrim, & Eufratem fluuios sitam, & sedes in vrbe Charris posuit.



Ab hoc porrò tempore Hebræorum cum prisca, tum sancta historia incipit. quæ Abraham præcipuum, & gentium, & rerum gerendarum auctorem est consecuta. Thare enim vita functo Abraham à Deo monitus, & promissis ingentibus excitus cum Lot, fratris filio, inde Eufra-tem, Iordanemq. traiecit, & in terram Chanaam venit, quæ postea Iudææ nomen accepit, & oppidum Sichem tenuit in ea parte, quæ postea Samaria nominata est. Promissa vero Dei Abraham facta, ac sæpius repetita hæc fuerunt. *Vade in terram, quam tibi monstrauero* (monstrauit autem Chananæam) *ibi faciam te in gentem magnam, & benedicam te, & magnificabo nomen tuum, & eris benedictus, & benedicam benedicientibus te, & maledicam maledicentibus te, atque in te benedicentur omnes cognationes terræ.* Tria vero promissa fuerunt, terra Chananæa, quæ posterius eius cum imperio, & gloria possiderent, gens Israelitarum secundum carnem, & omnes gentes secundum fidem. quod ad Iesum Christum ab illo multis post sæculis oriturum omnes constantissime referunt, qui dicitur filius Abraham. Post autem querenti Abraham, quod filiorum compos factus non fuisset, & seruum suum heredem habiturus esset (nā vxor eius Sara sterilis erat) dixit Deus: *Suspice cælum, & numera stellas, si potes, sic erit semen tuum.* & alio loco iterans idem promissum ait, se multiplicaturū semen eius, sicut arenas maris. Suscepit inde ex Agar ancilla filiū Ismael, ex Sara verò coniuge Isaac. ex quibus duo populi prodierunt, Ismaelitæ, qui à Deo defecerunt, & Hebræi, qui in auita religione manserunt. Isaac inde duos filios genuit Esau, qui & Edom, & Iacob, qui à Deo Israel appellatus est. Ab Edom Idumæi populi, à Deo auersi manarunt, ab Israele Israelitæ, qui veterē Dei notitiā cōseruarunt. de quibus nobis præcipue disserendū est.

De populo Israelitarum, & xii tribubus  
eorum. Cap. II.

CETERVM ipsum Israelem Deus in primis dilexit, eiq. promissa auo Abrahæ facta redintegrauit. Ille vero genuit filios duodecim, nempe ex Lia vxore sex, Ruben, Simcon, Leui, Iuda, Issâchar, & Zabulon, inde ex ancilla Bala duos, Dan, & Nephtalim, tum ex altera ancilla Zelpha totidem, Gad, & Aser, postremo ex secunda coniuge Rachele Ioseph, & Benjamin. Fratres inde decem Iosephum, quod patri carus in primis esset, & sapientiæ laude præstaret, inuidia deprauati ipso insciente patre mercatoribus Aegyptijs vendiderunt. illi vero eū Putiphari curatori regio tradiderunt. Ioseph autem propter egregiam somniorum interpretationem regi cognitus primum, deinde summis honoribus cultus ab eodem annonæ curandæ cum summa auctoritate præfectus est, quo tempore per septem annos terra ipso præmonente extrema inopia rei frumentariæ laborauit. Qua compulsus Iacob filios decem in Aegyptum ad frumentum coemendum misit, quod ibi Iosephi prudentia in multos annos congestum ad leuandas Aegyptiorum angustias diceretur. Eos vero Ioseph agnitos, neque ab eis agnitus varie primum illudit, deinde, vbi se patefecit, metu trepidantes fraternam in gratiam, amoremq. recepit. atque, vt ad se patrem cum familia vniuersa deducerent, imperauit. nam penuriam per multos adhuc annos terras esse cōflictaturam. Hac igitur occasione Iacob terram Chananæam, in qua vixerat peregrinus, reliquit, & cum septuaginta capitibus ex familia in Aegyptum se contulit, vbi magno honore à Iosepho filio exceptus aliquot annos egit, ac demum moriens duos Iosephi filios Manassem,

sem, & Effraim adoptauit, ac duodecim filijs suis adiunxit, & solemni benedictione affecit. Illo inde ex humanis rebus exempto Ioseph principatum familiæ gessit, ac post aliquot annos, & ipse naturæ concessit, relictis in Aegypto vndecim fratribus, & duobus filijs, qui subinde, vt Deus promiserat, ingentem, ac numerosam nepotum sobolem procrearunt, quæ à Iacob, qui Israel dicebatur, Israelitarum nomen accepit. Hic autem populus, vbi saecreuit, diuisus est in partes tredecim, quas tribus vocarunt, prout XIII principes generis fuerunt, Ruben, Simeon, Levi, Iudas, Issachar, Zabulon, Dan, Nephtalim, Gad, Aser, Benjamin, Manasses, & Effraim, qui iidem tribubus nomen imposuerunt. Cum autem Iosepho morte extincto Israelitæ in Aegypto à rege nouo indigna seruitute, atque intolerabili premerentur, Deus illorum misericordia motus, vt promissa superiora præstaret, Moyse, Levi pronepoti, oues in solitudine Arabiæ pascenti ex ardenti rubo se obtulit, præcipiens, vt eos ex Aegypto educeret, & in terram Chanaanam, quam illis antiquitus sedē propriam, ac perpetuam destinasset, adduceret, nam se illi affuturum, atque assidue auxilium allaturum. Ita Moyse diuinis præceptis obediens, fratre Aaron adiuuante, regem Aegypti omni ope exitum inhibentem varijs plagis affectum elusit, ac sexcenta hominum millia ex Aegypto eduxit. Inde Rubro mari ope Dei traiecto, cum persequētium Aegyptiorum manus euassisset, per solitudinem Arabiæ longo instituto itinere transijt, atque ibi, ita volente Deo, populum, licet reluctātem, atque inuitum annos quadraginta retinuit. Ibi primo anno Deus Moyse iterum se ostendit, atque homini ad se in montem Horeb solitudinis Sinai aduocato legem incisam duabus lapideis tabulis dedit, eamq. in posterum ab Israelitis seruandam



uandam esse præscripsit. ea vero vniuersam reipublicæ rationem, qua vti eos vellet, continuit. Moyſes autem omnia populo à Deo mandata denuntiavit, iſq. ſe dicto audientem fore, ſpoſpondit. Inde anno *xl* in campis Moab prope Iordanem amnem eam latius repetiuit, atque in volumen redegit, quod Deuteronomium dixit. ac paulo poſt moriens ducatum Iſraelitarum Ioſue Naue filio ex tribu Eſſraim tradidit. Is demū, Iordane traiecto, terram Chanaanem obtinuit, ac reges eius *xxx* *i* deuicit, atque armis regionem ferme totam ab Amorrhæis, Chanaanæis, Gergeſæis, Hettæis, Heuæis, Iebuſæis, & Pherezæis habitatam ſubegit. Quo factò Dei iuſſu illam duodecim tribub. partim arbitrio, partim ſorte diuiſit. Regio trans Iordanem, quam Moyſes armis pepererat, atque Rubenitis, Gaditis, & dimidiæ parti Manaſſenſium diſtribuerat, eiſdem eſt confirmata. Inde Iudæ, Eſſraim, & alteri parti Manaſſis regionis pars inter Iordanem, & mare eſt aſſignata. Reliquam inde æquis portionibus diuiſam ſeptē, quæ reliquæ erant, tribus in ſortem coniecerunt, Simeō, Benjamin, Dan, Iſſāchar, Zabulon, Nephtalim, & Aſer, ita vt Iuda vicina Arabiæ loca, Nephtalim, & Aſer à contraria parte Syriæ finitima obtinuerint, ac longitudo provinciæ à Dan vrbe ad Berſabee peruaſerit, quarum illa Syriam, hæc Arabiam attigit. Tribus autem Leui, quæ ter tiadecima erat, iuſſu Dei ab hac ſortitione ſummota eſt. neque enim eis pars vlla terræ eſt data, ſed ſacerdotia, primitiæ, decimæ, oblationes, & victimæ attributæ. præterea ſex Refugij ciuitates, quarum vna erat in tribu Nephtalim, altera in Eſſraim, tertia in Iuda, reliquæ trans Iordanem in Ruben, Gad, & Manaſſe, in quas confugere poſſe Deus reos cædis non voluntariæ ſanxit. atque his alias inde in omnibus nouem diſperſas tribubus adiecerūt, ita  
vt

vt XLIII ciuitates incolerent vnà cum suburbanis earum locis, quibus iumenta sustinere propria possent. Hæc in libro Iosue. Quare Leuitæ tribum propriam non confecerunt, sed ei tribui ascripti sunt, in cuius finibus habitarūt. Vnde Numerorum primo scriptum est: *Tribum Leui noli numerare, nec pones summā eorum cum filiis Israel.* & xvij Iudicum: *Fuit puer ex Bethleem Iuda, ex cognatione populū Iuda, & Leuites, & habitauit ibi, egressusq; de ciuitate Bethleem peregrinari voluit, ubicunque sibi commodum reperisset. Cum venisset in montem Effraim, & declinasset parumper in domum Michæ, interrogatus est ab eo, unde venisset, qui respondit, Leuita sum de Bethleem Iuda, & vado, vt habitem, ubi potero.* Fuit porro lege cautum, ne puella heres nuberet nisi viro ex eadem tribu, & cognatione, vt Numerorum vltimo in Hebraica veritate: *Omnis filia, quæ possederit hereditatem ex tribubus filiorum Israel, erit in uxorem vni ex cognatione tribus patris sui, vt possideant filij Israel vnusquisque hereditatem patrum suorum.* Quāobrem sacris placet Euangelij expositioribus, quoniā Maria virgo heres esset, Ioseph viro ex eadem tribu, & cognatione nupsisse, ac propterea S. Matthæum, & S. Lucam, cum Mariæ progenitores afferre deberent, Ioseph maiores, tamquam eosdem, exposuisse. Ab hac tamen lege Leuitæ excepti sunt. his enim cū ceteris omnibus ius connubij iam inde ab initio fuit. Vnde scriptum est XIX Iudicum: *Vir Leuites habitans in monte Effraim accepit uxorem de Bethleem Iuda.* Et Ioiada pontifex ex tribu Leui in matrimonio habuit Iesabeth sororem Ochoziæ regis Iudæ, XXI I secundi Paralip. Quo factum, vt S. Elisabeth, quæ erat de filiabus Aaron, teste S. Luca, idest ex genere Leuitico, cognata esse potuerit Mariæ virginis, quæ erat ex tribu Iuda, neque necesse sit dicere, Mariam

ex tribu Leui fuisse, vt nonnulli censuere. sic enim futurū erat, vt Christus non ex Iudæ, & sanguine Dauidis, sed ex Leui carnis originem traheret, contra omnia sacrorum voluminum testimonia.

Hæ vero tribus omnes, postquam sedes firmas in Chanana locarunt, republica, quam Deus præscripserat, instituta, primum Iudicibus paruerunt, deinde regibus Sauli Beniamitæ, & Dauidi Iudæo, qui sedem Hierosolymis vrbe Iudæ posuit, ac Salomoni Dauidis filio, qui templum Hierosolymis cōdidit. quo tempore regnum Israelitarum gloria inter mortales excelluit, prout Deus aliquando spoponderat euenturum. Atque hæ tribus sunt, quarum nos sumus remp. descripturi.

Depopulo Iudæorum, Effraimitarum,  
& Samaritarum. Cap. III.

SALOMONE inde ex humanis rebus exempto tribus duæ Iudæ, & Benjamin Roboam Salomonis filium regem sequutæ Regnum Iudæorum constituerunt, aliæ decem, cum ad Hieroboam filium Nabath ex tribu Effraim se contulissent, alterum Regnum Effraimitarum, siue Israel condiderunt. vnde Hieremias VI I: *Proieci omnes fratres vestros, vniuersum semen Effraim*, idest decem tribus Israel. Et Osee sæpe nominat Effraim, & Iudam pro Iudæis, & Effraimitis. Quoniam vero magna inter Iudam, & Benjamin coniunctio intercessit, propterea ambæ pro vna tantum tribu à scriptura acceptæ, atque vno Iudæorum nomine nuncupatæ sunt, vt postea demonstrabitur. atque ita resp. ad Iudæos solos redacta est.

Hoc diuortio factō magnæ inde inter Iudæos, & Effraimitas



fraimitas contentiones, ac dira odia exarserunt. Etenim Hieroboam decem tribus à cultu Dei ad simulachra veneranda auertit, ne populus suus ad templum Hierosolymorum quotannis ex lege conueniens aliqua ratione à se defectionem iniret. Quo scelere perpetrato Leuitæ vrbes, quas in decem tribubus incolebant, reliquerunt, seq. in tribum Iudam, & Benjamin contulerunt, atque ita sacra sibi à Deo commendata, viciniore templo Hierosolymitano facti, diligentius coluerunt. quemadmodum xi secundi Paralip. scriptum est. Cõtendere autem armis cū his sæpe Iudæi, ac Galilæam regionem eorum, ex qua incolas Teglatphulassar Assyriæ rex, Phacee regnante, decerant, atq; in Assyriam transportarat, ipsi regnante Achazo sibi vindicauere. xv, & xvj quarti Regum. Neque ita multo post Effraimitæ ceteri, qui se tanta impietate obstrinxerant, Deo volente, bello subacti in Assyriam regnante Osee à Salmanassare rege translati sunt.

Eorum vero vacuam regionem subinde homines de Babylone, Cutha, Aua, Emath, & Sepharuaim, eò traducti, expleuerunt, qui cum urbem in tribu Effraim, nomine Samariam, vnde etiam regio ipsa Samaria dicebatur, obtinerent, Samaritæ vocati sunt. Hi vero cum patriam Deorum superstitionem tuentes passim à leonibus vorarentur, edocti, id fieri, quòd verum Deum Iudæorum non colerent, nec legem eius tenerent, accito ex Assyria permissu regis sacerdote legem quidem Dei susceperunt, sed simul cū vero Deo proprijs etiam Deis cultum adhibuerūt. Quare de eis ita scriptum est xvii quarti Regum: *Et cum Dominum colerent, dijs quoque suis seruiebant iuxta consuetudinem gentium, de quibus translati fuerant Samariam. vsque in presentem diem morem sequuntur antiquum. non timeant Dominum, neque custodiunt ceremonias eius,*

*eius, atque iudicia, & legem; & mandatum, quod praeceperat Dominus filiis Iacob, quem cognominavit Israel, & percussisset cum eis pactum, & mandaverat eis dicens. Nolite timere Deos alienos, & non adoretis eos, neque colatis eos, & non immoletis eis, sed Dominum Deum vestrum, qui eduxit vos de terra Aegypti. Illi vero non audierunt, sed iuxta consuetudinem suam pristinam perpetrabant. Fuerunt igitur gentes istae timentes quidem Dominum, sed nihilominus, & idolis suis seruientes. nam & filij eorum, & nepotes, sicut fecerunt patres sui, ita faciunt usque in presentem diem.*

Interiecto inde aliquot annorū intervallo Iudæi quoque à Nabucdonosore Babyloniorū rege subacti, vrbe Hierosolymorum, temploq. incenso in Babyloniam traducti temp. amiserunt. verum post annos lxx, Israelitis, siue Effraimitis in Assyria remanentibus in patriam redierunt, iuxta illud Osee primo: *Non addam ultra misereri domui Israel, sed oblivione obliuiscar eorum. & domui Iuda miserebor, & saluabo eos in Domino Deo suo.* ac mox Cyro rege Persarum copiam faciente templum, & urbem instaurare coeperunt. Verum, quod Iudæorum in Samaritis odium stimulauit, ne tum opus perficere possent, à Samaritis inhibiti sunt. Inde Dario rege Persarum rerum potente non solum inuitis illis cōsummauerunt, sed eos etiam Galilæam sibi in exilio ademptam reddere coegerunt, & rēp. recuperare coeperunt. vt Iosephus litteris prodidit. Inde multis interpositis annis res ad Darium ultimum peruenit, quem Alexander Magnus deuicit. quo regnante Manasses frater Iaddi pontificis, cū ex lege alieni genā vxorem repudiare cōpelleretur, nēpē Sanabalat Samaritæ, præfecti Darij regis filiam ad focerū ipsum confugit, qui se illum pontificem effecturum promisit. Alexander autem victor mirificis Iudæos honoribus extulit,

ac

ac religionem eorum magnificet. Sanabalat autem defectione ad Alexandrum inita, permisso eius templum Hierosolymitano simile in monte Samariæ celsissimo, nomine Garyzin, extruxit. atque ei Manassem ipsum generum pontificem declaratum præfecit. Hinc Samaritæ sublati animis æquales iam se Iudæis factos existimantes progeni se esse Ioseph patris Effraim, idest veros Effraimitas, prædicarunt, & se pariter cum eis Dei cultores dixerunt. atque eos, qui criminum aliquorum apud Iudæos conuicti ad se confugerent, excipere benigne consueverunt. Inde res Iudæorum aliquot post annos ab Antiocho Epiphane Syriæ rege afflictæ, lex, & sacra eorum euerfa sunt. Quare animaduersa Samaritæ perterriti se non Deum, sed Deos colere asseruerunt, nec se Israelitas, sed Sidonios esse dixerunt, ac templum ipsum Ioui Cretensi se dedicaturos esse professi sunt. atque ita præsentem armati regis iracundiam eluserunt. Ea vero tempestate perfuncti, inde ambo & Iudæi, & Samaritani rursus opibus florere cœpere, ita ut armis aliquando inter se decertarent. Demum Samaritani à Ioâne Hyrcano rege Iudæorum subacti, & templo exuti Iudæis subiecti sunt. Fuit autem illud semper Iudæis incommodi, quod in Galilæâ provinciam suam euntes, atque inde redeuntes ferme per Samariam terram à sacris suis auersam transire cogebantur. Ad extremum autem vterque populus varijs seditionibus agitatus Romanorum in potestatem cōcessit. Hæc ex libris Esdræ, & Iosephi.

De lege Israelitis à Deo data. Cap. IIII.

EXPOSITIS ijs, quæ ad populi, de quo acturi sumus, notitiam pertinebant, redeo ad legem huic populo à Deo



à Deo latam, quæ rempublicam à nobis describendam continuit. Hæc igitur lex per Moysem à Deo data duo præcipue capita est complexa, vitam religiosam, & disciplinam ciuilem. Quarum ratio duobus potissimum iussis est comprehensa, cultu Dei, & caritate proximi. vnde illud: *Diliges Deum tuum ex toto corde tuo, & proximum tuum, sicut te ipsum.* Ea vero dilatata ad decem numerum perueniunt, quorum tria Deum attigerunt; vt vnus Deus coleretur, ne in vanum nomen eius appellaretur, & vt honos sabbatis haberetur, quod eo die ipse ab opere quieuiisset. sæpe autem hæc repetita sunt: *Nolite timere Deos alienos, & non adoretis eos, & non immoletis eis, sed Dominum Deum vestrum, qui eduxit vos de terra Aegypti.* Septem vero proximum spectarunt, vt parentes honorarentur, ne cædes, furtum, atque adulterium fieret, ne falsum testimonium diceretur, neque vxor, neque res alterius cuperetur. atque ea duabus lapideis tabulis sunt incisa. Hæc verò decem latius inde, atque vberius explicata ad quattuor tantum iussa redacta sunt, quorum duo Mandata, & Præcepta, duo Iustificaciones, & Iudicia nominata sunt, atque vt priora Deum, sic posteriora proximum attigerunt, multisque partibus singula constiterunt. De quibus postea, & quid singula fuerint, & vnde originem traxerint, dicam, si prius loca aliquot legis, in qua hæc voces, tanquam præcipuæ eius partes, repetitæ sunt, proferam. nam in hoc maxime & legis, & reip. huius ratio continetur. Exodi xv: *Constituit ei Deus præcepta, ac iudicia dicens: Si audieris vocem Dei tui, & obedieris mandatis eius, custodierisq. omnia præcepta eius.* xxi: *Facite præcepta mea, & iudicia custodite.* xxvi: *Si in præceptis meis ambulaueritis, & mandata mea custodieritis.* Et in extremo: *Hæc sunt iudicia, atque præcepta, & leges, quas dedit Dominus inter*  
se

se, & filios Israel in monte Sinai per manum Moyfi. Inde in fine Numerorum: *Hæc sunt mandata, atque iudicia, quæ mandauit Dominus per manum Moyfi ad filios Israel in campestribus Moab.* Quare Moyfes quarto Deuteronomij repetiuit: *Mandauit mihi Dominus, ut docerem vos iustificationes, & iudicia.* Item: *Scitis, quod ego docuerim vos præcepta, atque iustitiam, sicut mandauit mihi Dominus Deus.* Postremo concludens: *Hæc est lex, quam proposuit Moyfes coram filijs Israel, & hæc testimonia, & iustificationes, atque iudicia, quæ loquutus est ad filios Israel.* Et VI: *Hæc sunt præcepta, iustificationes, atque iudicia, quæ mandauit Deus noster, ut docerem vos.* Atque hæc quidem in Lege ita usurpata sunt. Inde vero qui post consequuti sunt eodem etiam modo legem sequentes loquuti sunt. vt Iosue XXI I I: *Proposuit populo præcepta, & iudicia.* & secundo tertij Regum dixit Dauid ad Salomonem: *Fac, ut custodias Dei mandata, & iustificationes, & iudicia, & testimonia, sicut scriptum est in lege Moyfi.* Et xvi I I quarti: *Custodite præcepta, & iustificationes, & omnem legem, quam mandauit nobis Deus.* Et xix secundi Paralip: *Iosaphat constituit iudices sacerdotes, qui iudicarent lites de mandato, caeremonijs, iustificationibus, & iudicijs.* Et xxiiii: *Percussit Iosias rex fœdus coram Domino, ut ambularet post eum, & custodiret præcepta, & testimonia, & iustificationes eius in toto corde suo.* Iam vero Dauid in psalmo cxvi I I repetit sæpe, se obseruasse, aut præterisse, aut doceri cupere, quæ in lege continentur, nempe mandata, præcepta, iustificationes, iudicia, & testimonia Dei. vt cum ait: *Tu mandasti mandata omnia custodiri nimis. Vt. nam dirigantur via meæ ad custodiendas iustificationes tuas. In via testimoniorum tuorum delectatus sum. In iustificationibus tuis meditabor.* Testimonia tua meditatio mea

est. & consilium meum iustificationes tue. Viam iustificationum tuarum instrue me. Et psalmo xvi: Quoniam omnia iudicia eius in conspectu meo, & iustitias eius non repuli à me. & ciii: Vt custodiant iustificationes eius, & legem eius requirant. & cxlvi: Qui annunciat verbum suum Iacob, iustitias, & iudicia sua Israel. & Nehemiæ decimo: Iurarunt, ut ambularent in lege Dei, ut facerent, & custodirent vniuersa mandata Domini Dei nostri, & iudicia eius, & iustificationes eius. & Ezechielis xliiii: Iustificationes meas iustificabunt, & iudicia mea iudicabunt, & leges meas, & praecepta mea in omnibus diebus festis meis custodient.

Hæc ex pluribus Testamenti veteris locis pauca protulisse, sufficiat. Nunc venio ad singularum harum vocum explicationem. Mandata, quæ Græcus interpretes ὑποτάξεις vertit, verba fuisse videntur, quibus Deus iussit, aut prohibuit aliquid fieri, quod præcipue se ipsum attingeret. Præcepta, quæ ille προτάγματα vertit, quibus rationem, qua id fieret, ordinauit. nam in illa voce πρόταγμα ordinatio quædam insita est. vnde pro ea aliquando Latinus interpretes cæremonias edidit. neque enim solū iussit Deus, ut se supra omnia colerent, sed etiam sui colendi ritum demonstrauit, nempe cum de tabernaculo, sacrificijs, diebus festis, sacerdotibus, & eorum officijs tradidit. atque hæc quidem duo ad Deum relata sunt, iustificationes vero, & iudicia ad proximum. Iustificationes enim, quas Græci δικαιώματα vertunt, iussa fuerunt, quibus Deus docuit, quo modo de proximo ab absolutionem iudicare, & quos innocentes, ac iustos habere, & pronunciare deberemus. iuxta illud psalmi vi: Indica me Domine secundum iustitiam meam, & secundum innocentiam meam super me. Neque vero hæc cælestis illa iustificatio est, de qua



qua post in Euāgelio differetur, qua, vt Theologi loquuntur, *per inherētem nobis Dei gratiam verè, formaliterq; iusti sumus*, sed iudicialis, atque terrena. Id ita esse probatur ex ipso verbo *δικαίω*, quod ijdē in veteri testamēto usurpauere pro iustifico, i. iustū, innocentēq; pronuncio. vt Exodi xxi i i in ipsamet lege, vbi de iustificationibus agitur: *Nō iustificabis impiū. i. nō absolues, grāce oū δικαίωσθαι eius.* Vnde Isaias: *Vt, qui iustificatis impiū pro muneribus.* & Leuitici secūdo: *Aequū iudiciū sit ciui, & aduenae.* grāce *δικαίωσις πία. i. pariter absolue peregrinum, ac ciuem.* Et Deut. xxv: *Si fuerit cōtrouersia inter homines, & ad iudicandū venerint, & iustificauerint iustū, & cōdemnauerint impiū.* grāce *δικαίωσωσι.* & Prouerb. xvij: *Qui iustificat impiū, & cōdēnat iustum, abominabilis est vterque apud Deū.* Et apud S. Matthaeū xij: *Ex verbis tuis iustificaberis, & in verbistuis cōdēnaberis.* Iudicia porro iustā fuerūt, quibus Deus ostēdit, quemadmodū cōdēnationis sententiā ferre, & quos fontes, & iniustos habere, ac pronūciare oporteret. etenim *κρίνειν*, i. iudicare usurparūt pro cōdēnare. vt xv Genesis: *Gentē, cui seruituri sunt, ego indicabo.* & secūdo Paralip. xxxvj: *Ammonite nos nitūtur eiicere de possessione, quā tradidisti nobis Domine Deus noster. ergo nō iudicabis eos?* idest non condemnabis. S. Matthaeus vi: *Nolite iudicare, & non iudicabimini.* S. Ioannes quarto: *Non veni, vt iudicē mundum, sed vt saluum faciā.* & vii: *Nunquid lex nostra iudicat, nisi prius audierit ab ipso, & cognouerit, quid egerit?* Iudicij porro in lege præscripti hoc sit exemplum: *Nocturnum furem occidit; iustificationis, Diurnum dimittit.* item iudicij: *Qui prudens hominem occiderit, capite pœnas luet; iustificationis: Qui imprudens, rite exulerit.* Testimonia vero, quorum saepe supra est facta commemoratio, fuisse verba, quibus Deus ipse

testatus est, se eos, qui mandata, præcepta, iustificationes, & iudicia à se in lege tradita custodissent, bonis varijs; sed ad hanc vitam spectantibus affecturum, qui vero secus, malis. Vnde dixit Hieremias ix: *Non attendunt mandata tua, & testimonia tua, quæ testificatus es in eis.* & quarto Regum, xvi i: *Abiecerunt legitima Dei, & pactum, quod pepigit cum patribus eorum, & testificationes, quibus constitatus est eos.* Eorum vero hoc sit exemplum, Exodi xix: *Si audieritis vocem meam, & custodieritis pactum meum, eritis mihi in peculium de cunctis populis. mea enim est omnis terra, & vos eritis mihi in regnum sacerdotale, & gens sancta.* Et Deuteronomij xi: *Si custodieritis mandata mea, quæ ego precipio vobis, & feceritis ea, ut diligatis Dominum Deum nostrum, & ambuletis in vijs eius adherentes ei, disperdet Dominus gentes istas ante faciem vestram, & possidebitis eas, quæ maiores, & fortiores vobis sunt.* Inde multa alia bona pollicetur, & mala comminatur, quas vocat benedictiones, & maledictiones. In Evangelio porro eadem etiam voces eodem modo usurpatæ sunt à S. Luca capite primo: *Erant iusti ambo ante Deum incedentes in omnibus mandatis, & iustificationibus Domini sine querela.* Quippe significat, Zachariam, & uxorem custodisse legem Domini, quoniam partes eius duas præcipue coluerunt, Mandata, & Iustificationes. quorum illa Deū, hæc proximum attingunt. Ac de summa quidem legis hæc dicta sint. quæ ita preponere libuit, quoniam ex his quattuor vocibus, tãquã ex summa legis, vniuersa hæc nostra de rep. disputatio deducetur. redeo ad legis historiã.

Hęc igitur lex primū duabus lapideis tabulis à Deo, deinde volumini scripto à Moyse consignata est. Iussit autem Deus, ut secunda legillatio à regibus legeretur, & cognosceretur, item à pontifice in solemnitate Taber-

bernaculorum populo traderetur. De primo scriptum est Deuteronomij xvi 1: *Rex postquā sederit in solio regni sui, describet Deuteronomium legis huius in volumine accipiens exemplar à sacerdotibus Leuiticæ tribus, & habebit secum, legetq. illud omnibus diebus vitæ suæ, ut discat time re Dominum Deum suum, & custodire verba, & iustificationes eius, quæ in lege præcepta sunt.* De secundo xxxi: *Post septem annos anno Remissionis in solemnitate Tabernaculorum conuenientibus cunctis ex Israel in loco, quem elegerit Dominus, leges verba legis huius coram omni Israel, audientibus eis, ut audientes discant, & timeant dominum, & custodiant, impleantq. omnes sermones legis huius.* Profectis ergo Israelitis in Chananæam diu in hoc instituto perseveratum est. Inde sub regibus eius oblitterata memoria est. Quod cum Iosaphat rex Iudæ cognouisset, ut erat summa pietate ornatus, misit de principibus, qui docerent in ciuitatibus Iudæ, & erudiebant populum. ut xvii secundi Paralipomenon scriptum est. Deinde vero res eò aut malitiæ, aut negligentiae venit, ut volumē etiam legis scriptum ē memoria Iudæorum exciderit. Tum casu inuentum in templo, dum instaurabatur, ab Helciapontifice ad Iosiam regem delatum est. Quod ut ille legit, subito discissis vestibus dixit: *Magna ira Domini accensa est aduersus nos, quia non audierunt patres nostri verba libri huius, ut facerent omne, quod scriptum est nobis.* Vnde librū populo recitari iussit, & se obseruaturum spondit. sic enim xxiii quarti Regum: *Percussit fœdus coram Domino, ut ambulaarent post Dominum, & custodirēt præcepta eius, & testimonia, & iustificationes in omni corde, & in tota anima sua, & suscitarent verba fœderis huius, quæ scripta erant in libro illo.* acquieuitq. populus pacto. Inde paucis interiectis annis, cum Iudæi in Babyloniam traducerentur,



tur, Legis quoque volumen euauit. Reuersis autem illis in patriam, Esdras scriba, & sacerdos eam aut amissam restituit, aut corruptam emendauit eo modo, quo nunc habemus. vnde ipse scripsit: *Esdra parauit cor suum, vt inuestigaret legē Domini, & faceret, & doceret in Israel præceptum, & iudicium.* Atque ab illo scribæ, idest legis doctores in rep. dimanarunt, vt postea ostendetur. Hi deinde libri iussu Ptolemæi Philadelphi regis Aegypti per lxx interpretes Græce conuersi sunt. Post aliquot inde annos Antiochus Epiphanes, rex Syriæ, coegit eos à lege hac Dei deficere, & legem ipsam comburere. Locus est in principio Maccabæorum: *Scripsit omni regno suo, vt esset omnis populus unus, & relinqueret unusquisque legem suā. & multi Israel consenserunt seruituri eius, & sacrificauerunt idolis, & coinquinauerunt sabbatum. & misit rex libros per manū nuntiorum in Hierusalem, & in omnes ciuitates Iudæ, vt sequerentur leges gentium terræ, & prohiberent holocausta, & sacrificia, & placationes fieri in templo Dei, & prohiberent celebrari sabbatum, & dies solemnes, & iussit coinquinari sancta, & sanctum populum Israel, & iussit edificari aras, & templa, & idola, & immolari carnes suillas, & pecora communia, & relinquere filios suos incircuncisos, & coinquinari animas eorum in omnibus immunditijs, & abominationibus, ita vt obliuiscerentur legem, & immutarent omnes iustificationes Dei, & quicunque non fecissent secundum verbum regis Antiochi, morerentur. & paullo post: Per vniuersas ciuitates Iudæ in circuitu edificauerunt aras, & ante ianuas domorum, & in plateis incendebant thura, & sacrificabant. & libros legis Dei combusserunt igni, scindentes eos, & apud quencunque inueniebantur libri testamenti Domini, & quicunque obseruabant legem Domini, secundum edictum regis trucidabant eum.*

Hoc

Hoc malo paullo vltra biennium Iudæa misere laborauit. successit enim mox Iudas Maccabæus, qui recepta vrbe & legem, & legis disciplinam in statum pristinum reuocauit. Assamonæis inde posteris eius regnantibus multæ subinde hæreses emerfere, vt Scribarū, Sadducæorū, & Phariseorum. qui ferme scribæ, idest legis doctores fuerunt, qui legem varie interpretantes populum vanis erroribus imbuerunt. Quos subinde excepit Christus, qui prædicatione sua cum veritatem docuit, tum in primis inanem eorū doctrinam elusit, ac nouam legem intulit, nouoq. testamēto sedes hominibus se non in Chananæa, sed in cælo daturum, qui vocib. suis paruissent, ostendit, denunciāns, se venisse, non vt legem solueret, sed adimpleret. recte. nam cum lex exempli gratia homicidium vetuisset, ipse non solum occidere, sed etiam succensere fratri prohibuit. cum lex adulterium sustulisset, ipse non modo adulterium, sed etiam petulantem mulieris intuitum interdixit, adiiciens: *Nisi iustitia vestra abundauerit plus quam iustitia Phariseorum, aut Scribarum, non intrabitis in regnum calorum.* Ac de lege quidem, quod ad propositum nostrum attinet, in vniuersum hæc dicta sint.

De forma reip. Israelitarum. Cap. V.

SEQUITVR, vt de forma reip. differam, quam Deus aut superiore lege præscripsit, aut post induci neglecta lege permisit. Ceterum cum de forma reip. quæritur, nihil aliud quæritur, nisi penes quem principatū summa rerum fuerit constituta. Hæc vero apud Hebræos primum penes optimates posita fuit, deinde penes reges. quorum principatum illum Aristocratiam, hoc Regnum Græci vocarunt. Aristocratia fuit sub Moyse, Iosue, Se-

nioribus , & Iudicibus , Regnum sub regibus .

De Aristocratia sub Moyse significauit Moyses XIII Deuteronomij , cum dixit : *Non facietis in terra Chanaanæ , quæ nos hic facimus hodie , singuli quod sibi rectum videtur . non enim vsque in præsens tempus venistis ad requiẽ , & possessionem , quam Dominus Deus vester daturus est vobis .* Ac multis quidem , ijsque bonis , & prudentibus viris Moyses rem totam commisit , vt alij sacra , alij profana curarent . ( ex ijs autem , qui operam rebus sacris dederunt , vnus fuit Pontifex , reliqui Sacerdotes , & Leuitæ . qui vero profana administrarunt , alij consultationibus , alij iudicijs vacauerunt , nonnulli pacis , quidam belli studia conluerunt . ) omnes vero non ex arbitrio voluntatis , sed ex præscripto legis suo fungi munere , in primisq. Iudicia , & Iustificationes exercere constituit . Atque ita deinde tempore Iosue , & Iudicum in terra Chanaanæ , dispersitis possessionibus , est seruatum . Etenim ad Iosue dixit Deus cap. primo : *Confortare , & esto robustus valde , vt custodias , & facias omnem legem , quam præcepit tibi Moyses seruus meus , nec declines ad dextram , vel ad sinistram , vt intelligas cuncta , quæ agis .* Et post præcipienti illi respondere Israelitæ : *Omnia , quæ præcepisti nobis , faciemus , & quocunque miseris , ibimus . Sicut obediuimus in cunctis Moysi , ita obediemus & tibi .* Inde Iosue moriturus , aduocatis Israelitis , eadem verba repetijt , quæ ad se Deus tradens imperium fecerat , de lege Dei custodienda , cap. xxxi i i . promisitq. populus , se Dei præceptis obediturum .

De Seniorum imperio significatur secundo Iudicum : *Seruierunt Israelitæ Domino cunctis diebus Iosue , & Seniorum , qui post eum uixerunt , & nouerunt omnia opera Domini , quæ fecerat in Israel .* Iudicibus inde rerum potenti-  
bus eodem modo aristocratia fuit . si quidem illis princi-  
patum



patum administrantibus & lex, ut ante valuit, & Deus ipse imperium tenuit. Hoc autem ita esse, probatur etiā ex Iosepho, qui libro I I I I Antiquitatum legem Dei ad hunc locum pertinentem explicuit, sic loquentem faciēs Moysen: *Aristocratia, & vita, qua ex ea degitur, res optima est, nec vos capiat desiderium alterius reip. sed hanc amate leges habentes dominas, ex ijs omnia facientes. satis enim est, ut Deus praesit. Quod si regis cupiditas vos inceserit, is ex eadem gente sit.*

Hanc vero aristocratiam, in qua lex potissimum cum Deo dominata est, Regnum ipsum excepit. Regnum autem appellarunt imperiū summum vnius hominis non ex lege, sed ex arbitrio imperantis. quem à Samuele Iudice postularunt, his verbis VI I I primi Regum: *Constitu nobis regem, ut iudicet nos, ut vniuersa habent nationes.* Quod ut ille audiuit, subito Deum, quid opus esset facto, consuluit. qui ita respondit: *Audi vocē populi in omnibus, quae loquuntur tibi. nō enim te abiecerunt, sed me, ne regnem super eos.* & addit: *Verumtamen contestare eos, & praedic eis ius regis, qui regnaturus est super eos.* Significauit enim aperte, ludicibus rerum summam ex lege habentibus regnasse Deum super Hebræos, quia lex dominata esset; imperio vero ad regem gentium more translato, Deum non regnaturum, cum non penes legem, sed penes voluntatem vnius hominis summa rerum esset futura. probe: etenim, ut optime dixit Aristoteles in Politicis, *Qui legē vult imperare, Deum vult imperare, qui regem, id est hominem, belluam. quod non semper ratione, sed plerunque cupiditate ducatur.* Hoc autem arbitrium Regis imperium expressit Deus, cum addidit: *Filios & filias, & praedia, & seruos vobis auferet, & greges vestros addecinnabit, & vos eritis ei serui. neque clamantes audiemini à Deo.*

Vnde

Vnde dixit Dauid psalmo 11 : *Ego constitutus sum rex à Deo super montem sanctum Sion . Dixit Dominus ad me . Postula à me , dabo tibi gentes hereditatem tuam , & possessio- nem tuam terminos terræ . Reges eos in virga ferrea , & tan- quam vas figuli confringes eos .* Hæc autem duo regis im- peria, eius inquam, qui lege tenetur, & qui legibus est so- lutus, Aristoteli quoque nota fuerunt. atque illud nullum proprium reip. genus facere, atque in omni rep. reperiri posse, hoc vero proprie regnum appellari, putauit. sic enim inquit : *Deinceps disputandum est de rege, qui omnia ex voluntate gerit . nam qui ex lege rex dicitur , non est reip. species , quia in omnibus rebus publicis dux belli perpe- tuus esse potest , ut in democratia , & aristocratia . & multi creant unum dominum administrationis . Plenum autem Re- gnum vocatur , quo cuncta rex sua voluntate gerit .* Hoc ergo modo Hebræi, postquam sedes in terra Chana- næa locarunt, primum Iudicibus paruerunt, qui ex lege præfuerunt, deinde more aliarum gentium Regibus, qui ex voluntate imperarunt. quorum primus Saul, secundus Da- uid fuit, à quo inde hereditarium regnum inter Iudæos euasit, donec res ad Sedeciam peruenit, qui à Nabucdo- nosore rege cum populo captiuus in Babyloniam est ab- ductus. Reuersis vero in patriam post annos septuaginta Iudæis, res iterum ad optimatum statum est adducta. quo tē- pore, ut inquit Iosephus libro xi, pontifices, qui pro tēpo- re fuerunt, & sacerdotum, & iudicum partes impleuerunt, donec populo ab Antiocho seruitute oppresso, Leuitica Assamonæorum familia insurrexit, qui primum sub titu- lo Principis, deinde sub nomine Regis manentibus vete- ribus institutis re Iudæorum vniuersam administrarunt. Quibus extinctis reges profelyti Ascalonitæ succedere, qui rectius appellari tyranni potuissent ; ex quibus. Hero  
des

des Magnus Antipatri filius, & Archelaus filius, & Agrippa nepos in Iudæa, Herodes Antipa tetrarcha in Galilæa, ac subinde duo Herodes Agrippæ reges in Chalcidica potiti rerum sunt, qui potestatem à Romanis Iudæam illo tempore obtinentibus creandorum pro arbitrio pontificum acceperunt. inde pulsus demum Ascalonitis Romani subactæ Iudææ magistratum, & tributum imposuerunt. ac legibus eorum magna ex parte seruatis regionis imperium, & procurationem sibi vindicarunt. ac postremo rebellantibus eis urbem cum templo inflammauerunt, ac gentem prope totam profligauerunt.

Est porro illud quoque tenendum, remp. Hebræorum quodammodo tripartitam fuisse. vna. n. fuit, quæ vniuersum populum, idest XII tribus, complexa est; altera, quæ singulas ipsius populi tribus; tertia, quæ singulas singularum tribuum ciuitates. Primæ reip. sedes in ea collocata vrbe fuit, quam Deus religionis causa sibi asciuit. (quæ verò ea vrbs fuerit, post dicetur.) ibi enim summus magistratus, summus senatus, populus, iudiciumq. consedit. Fuit tamen interim aliquando interregnum. quod significatur in libro Iudicum, cum scribitur: *Erat Israel sine regibus, & quisque faciebat, quod rectum videbatur*, innuens, non tribus singulas, aut ciuitates suis principibus vacauisse, sed vniuersam duodecim tribuum remp. summis præsidibus, & tutoribus caruisse.

Secunda resp. præfectum vnum habuit, qui Princeps tribus dictus est; itemq. alios, qui familiarum principes nominati sunt, qui tamen omnes summo principi, penes quem tota erat respublica, paruerunt.

Tertia vero hoc mō cōstituta fuit. Vnaquæque ciuitas suū habuit senatū, qui de reb. ad ipsam p̄cipue p̄tinentib. decerneret, & causas priuatas, capitalesq. cognosceret, & suos



suos magistratus, q̄ senatū haberent, & iudicia exercerēt. Quamobrem Resp. Hebræorum populum habuit, senatum, iudices, & magistratus. Vnde apud Iosue cap. xxiii scriptum est : *Conuocauit filios Israel, & Senatum eorum, & principes eorum, & iudices eorum, & scribas eorum.* Arma etiam, quæ publico populi nomine extra fines ferenda erant, à solo rege, & summo senatu decreta sunt, adiuuantibus singulis tribuum, & familiarum principibus, & ciuitatibus, quemadmodum post suo loco probabitur.

### De ciue Israelita, & Profelyto. Cap. VI.

EXPLICATA Hebraicæ reip. forma, sequitur, ut qualis huius-reip. ciuis fuerit, demonstretur. Censuit igitur Aristoteles, varios pro varietate rempublicarum ciues existere. qui uero optimæ reip. ciuis esset, eum & consiliorum, & iudiciorum compotem esse. Quæ definitio ad ciuem quoque accommodari Hebræum potest, ut is demum in eorum rep. ciuis fuerit, qui particeps consiliorum, iudiciorumq. extiterit. Nam sacra non omnibus cōmunia, sed propria Leuitarum fuerunt. Est præterea illud etiam admonendum, Hebræorum populum bipartitum fuisse, vnum indigenarum, qui Græce *αυτόχθονες*, alterum aduenarū, qui *προσϋλτοι* dicti sunt. quo nomine Profelytorum vsi sunt etiam, qui Latine sacras historias cōuertunt. Indigenæ fuere omnes, qui ab Israele genus, ut dixi, trahentes cum lege circumcisionem sumpserunt. quam Deus Abrahæ mandauerat **xvi 11** Genesis, his verbis : *Infans octo dierum circumcidetur in vobis. masculus, cuius præputij caro circumcisa non fuerit, delebitur anima illius de populo suo, quia pactum meum irritum fecit.* Profelytj  
fuere

fuere alienigenæ, qui ex gentibus procreati, sed ab idolorum ad Dei cultum traducti circuncisione donati sunt. quos Deus pro indigenis haberi mandauit Exodi *xix*, loquens de institutione Pasche: *Quod si quis peregrinorū inuestram voluerit transire coloniam, et facere Phasē domini, circuncidetur prius omne masculinum eius, & sic rite celebrabit, eritq. sicut indigena terræ. si quis autem circumsus non fuerit, non vescetur ex eo. eadem lex erit indigenæ, & colono, qui peregrinatur apud vos. sic Latinus. at Græce aptius: indigenæ, & profelyto, qui accesserit ad vos. & Leuitici *xvii*: Homo quilibet de domo Israel, & de aduenis, qui peregrinantur inter vos, qui obtulerit holocaustum, siue victimam, & ad ostium Tabernaculi Testimonij non adduxerit eam, ut offerat Domino, interibit de populo suo. & secundo: Aequum iudicium sit ciui, & aduenæ. i. profelyto. Quemadmodum autē gentiles circuncisi ad Iudeos trāsserent, extat exemplum Sicinitarū in Genesi tēpore Iacob. itē Achior, Iudith *xiii*: Achior uidens virtutem, quam fecit Deus Israel, relicto gentilitatis ritu credidit Deo, & circuncidit carnem preputij sui, & appositus est ad populum Israel, & omnis successio generis eius usque in hodiernum diem. Ioannes inde Hyrcanus rex Idumæos subactos ad circuncisionem accipiendam adegit. Quare Herodes Idumæus profelytus fuit, non antiqua stirpe Iudæus. Itaque, ut ipse regnum Iudeorum profelytus cepit, sic pontificatum etiam profelytis tradidit. Quantum vero studium poneretur à Iudæis in eo, ut profelytos facerent, idest, ut gentiles circunciderent, docuit Christus alloquens eos Matth. *xiii*: Vos circuitis mare, & aridam, ut faciatis unum profelytum, & cum fuerit factus, facitis eum filiū gehennæ duplo, quā vos. Hinc secundo Paralip. *xxx*: Hilaritate perfusa est omnis turba Iudæ tam Sacerdotum, & Leuitarum.*

*uitarum, quàm vniuersæ frequētia, qua venerat ex Israel, profelytorum quoque de terra Israel, & habitantium in Iudæa. & Ezechielis xii 11: Homo de domo Israel, & de profelytis, quicumque aduenæ fuerunt in Israel, si alienatus fuerit à me, & posuerit idola in corde suo. & Actuum i 1: Iudæi, & Profelyti.*

De vrbe reip. sede. Cap. VII.

REGIO porro, in qua hæc constituta resp. fuit, Magnæ pars Syriæ fuit. cuius longitudo à Syria Antiochena ad Aegyptum, & Arabiā, latitudo à mari Syriaco ad Cœlæ Syriæ, Arabiamq. alterā prodijt. Hæc mediā termæ Iordanis fluuius secuit, qui, vt inquit Plinius, ortus e fonte Paneade, vbi primam conuallium occasionem est nactus, in lacum se fundit, quem plerique Genesaram nominarunt. ( in Euangelio vero Itagnum Genesareth, & mare Tiberiadis appellatur. ) Inde velut inuitus Asphaltitem lacum (quod etiam mare mortuum dicitur) dirum natura petit. à quo postremo absorptus aquas laudatas pestilentibus miscet. Vniuersa regio antiquitus in sacris litteris terra, vt dixi, Chanaam, siue Chananæa dicta est, tum cum Abraham iussu Dei huc ex Mesopotamia transijt. atque per ea tēpora à septem populis habitata fuit, Amorrhæis, Chananæis, Gergesæis, Hettæis, Heuæis, Iebusæis, & Pherezæis. quibus etiam Philistæi siue Palæstini adiungi possunt. Inde posteri Israel, cū hanc armis occupauissent, terram Israel appellarunt, atque in xii, vt dixi, partes diuiserunt, quas tribus vocarunt, trans Iordanem Ruben, Gad, & Manassæ, cis Iordanem Iudam, Benjamin, Simeon, Ephraim, Dan, Aser, Issachar, Zabulon, & Neptalim. Decem inde tribub. à duabus auulsis, & post in Assy-



Assyriā transportatis partes huius regionis hæ celebrari-  
cis Iordanem coeperunt, Iudæa, Samaria, Galilæa interio-  
res, Palæstina vero maritima, Ituræa, Trachonitis, & Chal-  
cidica trans Iordanem. Iudæa à tribu Iudæ vocata ferme  
his insignita vrbibus fuit, Hierusalem, Bethel, Hierico,  
Arimathia, Emmaus, siue Nicopoli, Bethleem, Hebron,  
Cariathiarim, & Eleutheropoli. Samaria ab vrbe eius no-  
minis appellata, quam in monte Somer tribus Effraim  
Amri rex condidit, hæc oppida habuit, Silo, Sichem, si-  
ue Sichar, & Samariam. Galilæa hoc nomine iam tum,  
cum Isralitæ traiecerunt, nuncupata, oppida amplexa est,  
Nazareth, Naim, Caparnaum, Bethsaidam, quæ post Iu-  
lias, & Paneadē, quæ post Tiberias appellata est. eaq. du-  
plex fuit, superior ad mare Syriacū pertinens, & inferior  
ad mare Tiberiadis. Palæstinæ vrbes celebratæ Geth,  
Gaza, Azotus, Accaron, & Ascalon. Inde prævalenti-  
bus Iudæorum opibus tota regio Iudææ nomen inuenit,  
quā post Christum etiam Palestinam, & Terram sanctam  
nominauerunt. Cum ergo, vt ad priora redeam, totius  
populi Isralitici vna cōmunis duodecim tribuum esset  
resp., statuendus etiam locus fuit vnus, quo omnes ex suis  
tribubus, atque oppidis conuenirent, vbi Deo sacrificia  
facerent, primitias offerrent, consilia in commune agita-  
rent, iudicia tractarent, & is demum sederet, qui summæ  
rerum sacrarum, & profanarū præesset. Hunc verò Deus  
statuit esse illum, quem ipse inuocando suo nomini dele-  
gisset. sic enim in lege loquutus est cap. xi i Deuterono-  
mij: *Non facietis ita Domino Deo vestro, sed ad locum, quem  
elegerit Dominus Deus vester de cunctis tribubus vestris,  
vt ponat nomen suum ibi, & habitet in eo, venietis, & offere-  
tis in eo holocausta, & victimas vestras. Non poteris comede-  
re in oppidis tuis decimam frumenti, & vini, & olei tui, sed*

cor am Domino Deo tuo in eo loco, quem ipse elegerit. & cap. XVII: Si iudicum sententiam in portis tuis videris variari, ascende ad locum, quem elegerit Dominus Deus tuus, ut ibi nomen eius euoces. Elegit autem eas vrbes, in quibus Tabernaculum, & Templum suum est cōstitutum. Ihe vero fuere duæ, Silo in Samaria, & finibus Efraim, deinde, illa reprobata, Hierusalem in Iudæa, ac tribu Iudæ. De Silo hæc habemus testimonia. Cum Iosue mandato Dei Tabernaculum cum Arca in Silo posuisset, ibi etiã sedem religionis, & reip. collocavit. Vnde illa sunt in illius historia capite XXII: *Congregati sunt omnes filij Israel in Silo, ibique fixerunt Tabernaculum Testimonij.* & XXII: *Conuenerunt omnes in Silo, ut ascenderent, & dimicaret contra eos, qui trans Iordanem erant.* & Iudicū XXI: *Venerunt omnes ad domum Dei in Silo, & in conspectu eius sedentes vsque ad vesperum leuauerunt vocem.* & paullo post: *Ecce solemnitas Domini est in Silo anniuersaria, quæ sita est ad septentrionem vrbs Bethel ad orientalem plagam viæ, quæ de Bethel tendit ad Sichimam.* Inde Deus reiecta Silo delegit Hierusalem, & montem Sion in tribu Iuda, eoq; domum suam transferri cum tota rep. voluit, ac demum Silo quoque euertit. sic enim loquitur VI I apud Hieremiã: *Ite ad locum meum in Silo, ubi habitauit nomen meum à principio, & videte, quæ fecerim ei propter malitiam populi mei Israel.* & alibi: *Faciam domui huic, in qua inuocatum est nomen meum, sicut feci Silo.* Elegit autem Hierusalem tempore Dauidis regis. is enim Iebusæos, quos Iudas, & Benjamin olim eijcere inde non potuerant, profligauit, atque ibi primus iubente Deo sedem posuit, arca in montem Sion translata. Qua de re scriptum est VI secundi Paralip. ubi Deus ita loquitur: *A die, qua eduxi populum meum de terra Aegypti, non elegi ciuitatem de cunctis tribu*  
bus

bus Israel, ut edificaretur in ea domus nomini meo. neq; ele-  
gi quempiã alium virum, ut esset dux in populo meo Israel,  
sed elegi Hierusalem, ut sit nomen meum in ea. & quarto  
Regum **xxi**: In templo hoc, & Hierusalem, quam elegi de  
cunctis tribubus Israel, ponam nomen meum in sempiter-  
num. Hinc Iosephus legem hanc Dei sic concepit: San-  
cta una vrbs sit terræ Chananæorum in loco pulcherrimo,  
& virtute illustri, quem Deus illi elegerit, & templum unũ  
in ea sit, & altare vnum ex lapidibus non politis, in alia  
vero vrbe neque templum, neque altare sit. Deus enim vnus  
est, & vnum Hebræorum genus. ter vero quotannis in eã ad  
templum ex sinibus terræ conueniant, quam Hebræi possede-  
runt, & Deo offerat ex eis, quæ habent, & de futuris adhor-  
tentur, & conuenientes inter se, & conuiuantes amici sint.  
Est enim honestum, non ignorare, se inter se contribules esse,  
& eorundem participes studiorum existere. Itaque Dauid  
huc alludens dixit psalmo **lxxvi**: Et repulit tabernacu-  
lum Ioseph, neque tribum Effraim elegit, sed elegit tribum  
Iudæ montem Sion, quem dilexit, & edificauit inslar Ex-  
celforum sacrarium suum, siue sicut unicornium sanctificiũ  
suum: Significat enim Deo non placuisse, ut templum ædi-  
ficaretur in Silo in tribu Effraim, & tabernaculo Ioseph  
patris Effraim, qui illam terram extra sortem à patre ac-  
ceperat, ut scriptum est **xlvi** **ii** Genesis, & post in ea vr-  
be sepulturam acceperat, ut Iosue **xxi** **ii**, sed voluisse,  
ut extrueretur in Hierusalem in tribu Iudæ. Huc etiam,  
credo, pertinent verba illa Samaritanę mulieris apud S.  
Ioannem. quæ Christum ita allocuta est: Patres nostri in  
monte hoc adorauerunt, & vos dicitis, quia Hierosolymis  
est locus, ubi adorare oportet. Patres enim suos vocauit Ef-  
fraimitas, à quibus se manasse Samaritæ iactabant, eosq.  
adorasse ait in monte Effraim, de quo Iosue **xx**. *Sichem in*  
C *monte*



*monte Effraim.* nempe per eos annos, quibus domus Dei fuit in Silo; Iudæos vero eam laudem sibi vindicare, & lo cum adorationis esse in Iuda, non in Effraim, quòd esset in vrbe Hierosolymitana, contendere. Hanc vero religionis, & ciuitatis translationem in Hierusalem à Dauide factam ipse etiam psalmo cxxi cecinit, inquit: *Hierusalem, quæ edificatur, vt ciuitas, cuius participatio eius in id ipsum.* Illuc enim ascenderunt tribus, tribus Domini, testimonium Israel, ad confitendum nomini Domini. *Quia illic sederunt sedes in iudicio, sedes super domum David.* Significat enim tribus, idest populum ascendisse Hierusalem, primum, vt laudarent Deum, deinde, vt poscerent ius siue à magistratibus, siue à iudicibus, tum cum à se ædificata, & in formam ciuitatis redacta est.

Ceterum vrbs Hierusalem, vt latius, qualis fuerit, explicemus, primis temporibus Salem dicta fuit, & regi Melchit dec paruit, qui, sacerdos cum esset, Abrahamo à bello redeunti, quod pro Lot captiuo suscepit, occurrit, ac par em, & vinum obtulit, vt narratur xi i i i Genesis. Populus autem, qui illam incoluit, iam tum Iebusæus dicebatur, quem Iudas, & Benjamin extrudere vrbe non potuit vsque ad tempora Dauidis. Itaque vrbs in vtraque tribu fuit, nam xv Iosue scriptum est, Iudam Iebusæos incolas Hierusalem exigere non potuisse. in vaticinio vero Moyfis Deuteronomij xxx i i i: *Benjamin amantissimus Domini habitabit confidenter in eo, quasi in thalamo tota die morabitur, & inter humeros illius requiescet,* prædicitur, fore, vt Benjamin inter humeros Domini requiescat, quòd templum esset condendum in tribu eius. & xv i i i Iudicum additur, Benjamin non potuisse eijcere Iebusæum habitatorem Hierusalem, sed inter eos sedes posuisse. Ex quibus intelligi potest, urbem Hierusalem magnitudine sua

vtrique

utrique tribui communicatam. Quocirca sunt etiam, qui censcant, partem ipsius templi in tribu Benjaminis fuisse. Hæ certe duæ tribus propter vicinitatem, & coniunctionem pro vna tantum habitæ sunt. quemadmodum post etiam in diuortio tribuum factum est, cum Iudas, & Benjamin Roboamum sequutæ vnum Iudæ nomen adeptæ sunt. David autē spiritu diuino instinctus (nam Deus illā sibi, idest templo suo, sedē delegerat.) vbi primū regnum adeptus est, Ierusalæos vrbe exterminauit, atque ea extructa, murorum ambitum prolatauit. atq; ibi arcem in vno colle montis Sion condidit, quæ urbem despectaret, ac munitam Ciuitatem David vocauit. atque eò domiciliū suum cum Arca fœderis trāstulit. post autem, cum in altero eiusdem Sionis colle, Moria vocato, condere templū vellet, non probante Deo, eam gloriam filio Salomoni reliquit. qui regnum adeptus opus perfecit, atque in eius præsidium arcem in tertio eiusdem montis colle construxit, teste Iosepho v Belli, & VI I Antiquitatum. Roboamo inde Salomonis filio regnante Sisac rex Aegyptiorū urbem cepit, & thesauros regioꝝ asportauit. Ezechia vero rerum potiente Sennacherib rex Assyriorum acri obfidione, sed frustra, fatigauit. Inde Nabucdonosor rex Babyloniorum semel sub rege Ioachim, iterum sub rege Ioachim cepit, ac tertio sub Sedecia receptam euertit. atque vnā cum templo succendit. populumq; in Babyloniā captiū abduxit. Populo inde post LXX annos in Iudæā permissu Cyri Persarum regis reuerso templum per Zorobabelem, vrbs per Neemiam, lex per Esdram est restituta, arx quoque in tertio colle non longe à templo restructa. Mox ab Anthiocho Epiphane Syriæ rege vrbs direpta, lex cremata, templum profanatum est. Neque nam multo post omnibus his per Iudam Assamorum rece-

ptis, ac nouo opere restitutis florere opib. ciuitas cœpit. donec prauo duorum fratrum regum, Hyrcani, & Aristobuli diffidio Cn. Pompeius dux Romanus bellum in Syria gerens adductus ipsam occupauit, ac templo pepercit. quam paullo post Antigonus Aristobuli filius Parthorum ope recepit. Antigono vero Herodes Ascalonita rex à Romanis declaratus C. Sosio Syriæ proconsule opem ferente ademit. ac tandiu posteritas eius tenuit, quoad in potestatem Iudæorum beneficio Romanorum reuersa defecit. Quo tempore à Tito Cæsare Vespasiani Imp. filio rursus in ditionem adducta, & cum templo solo æquata, atque combusta est. Ad extremum Christiana iam fide ascita per Hadrianum, sed sine templo, resecta, ab eo Aelia est nominata.

Atque hæc quidem sunt, quæ in vniuersum de rep. Hebræorum præponenda censuimus, vt his fundamentis iactis deinceps expeditius ad reliqua pergeremus.







CAROLI SIGONII

## DE REPUBLICA

HEBRÆORVM

LIBER II.

Qui de locis sacris inscribitur.

De Religione. Cap. I.



**P**XPOSITA propositæ reip. forma, sane sequitur, vt partes eius eo, quo instituimus, ordine, persequamur. Quoniam autē Resp. Hebræorum religiosa, & ciuili vita, vt diximus, continetur, præcipue illud agemus, vt primum de Religione, deinde de Ciuitate loquamur. In hac vero diuisione constituenda verba ipsa legis sectabimur. cuius hæ, vt dixi, partes fuere, Mādāta, Præcepta, Iustificaciones, & Iudicia. quorum Mādāta, & Præcepta ferme ad Religionē pertinuerūt, Iustificaciones vero, & Iudicia ad Ciuitatem. Quoniam vero Religio, idest Dei colendi ratio in lege præscripta, & sæpe post repetita in quatuor item partes fuit diuisa, in loca sacra, dies sacros, ritus sacros, & personas sacras ( siquidem Deus certis se in locis coli voluit, & certis diebus præcipuum sibi honorem haberi, ac certis ritibus, & à certis personis) propterea illud quoque curabimus, vt deinceps sigillatim de his omnibus disseramus.

**L O C A** ergo sacra, idest terrestria ipsa sanctitatis domicilia, multa fuerunt. A principio enim Deus Tabernaculum, atque in eo Sanctum Sanctorum, Arcam, & Altaria sibi instituit, deinde pro Tabernaculo Templum in vrbe Hierosolymorum construi voluit. Interim vero passus est etiam, sibi sacrificari extra Tabernaculum, & Templum in collibus sub opacis arboribus, quæ illi Excelsa dixerunt. Post autem iniussu Dei templa alia duo, vnum in Samaria, alterum in Aegypto sunt condita. Quin etiã & in vrbe Hierusalem, & in prouincijs quædam conuenticula instituta sunt, quas Synagogas vocarunt. quæ postea deletis templis solæ remanserunt. Quæ cum ita sint, satis apparet, si huic parti satisfacere cumulate velinus, necesse esse, vt hæc singula declaremus. Quamobrem à Tabernaculo exordiamur.

De Tabernaculo, Sancto Sanctorum, Arca  
foederis, altaribus, & ornamentis  
eorum. Cap. III.

**C E T E R V M** Tabernaculum, quod etiam Sanctuarium dictum est, fuit huiusmodi. Aedificium erat instar templi ex lignis confectum, quod per partes compingi, ac dissolui, ac quocunque deferri potuit. in quo locus erat sanctior velo distinctus, Sanctuarum Sanctuarij, ac Sancta Sanctorum appellatus. ibi vero Arca Foederis seruabatur. quæ operculum habebat Propitiatorium, & Oraculum appellatum, duobus Cherubin alas super extendentibus insignitum, & altare aureum Thymiamatis. extra velum autem erat mensa cum

XI I panibus sacris, qui dicebantur Propositionis. præ-  
 rea Candelabrum cum lucernis septem, & labrum au-  
 reum, & altare aureum Thymiamatis. extra vero Taber-  
 naculum cum labro æneo altare æneum Holocausti, ac  
 præterea atrium, & tentorium. Hæc vero omnia Deus  
 Moyſi facienda præſcripſit, cum eſſet in mōte Sinai xxv  
 Exodi, his verbis: *Facite mihi SANC TVARI VM, &*  
*habitabo in medio veſtri iuxta omnem ſimilitudinem Ta-*  
*bernaeuli, quod oſtendam tibi, & omnium vaſorum in cultu*  
*eius. ſicq. facietis illud:* Inde ſic ordi-ur de ARCA dice-  
 re, & ornamentis eius. ARCA de lignis Setim compingi  
 te, & deaurabis eā auro mudiſſimo intus, & foris, facieſq.  
 ſupra coronā auream per circuitum, & quattuor annulos  
 aureos, quos pones per quattuor arcæ angulos. duo circuli  
 ſint in latere vno, & duo in altero. Facies quoq; VECTES  
 de lignis Setim, & operies eos auro, induceſq. per circulos,  
 qui ſunt in arcæ lateribus, ut portetur in eis, qui ſemper  
 erūt in circulis. poneſq. in Arca Teſtificationem, quam dabo  
 tibi. Facies & PROPITIATORI VM de auro mūdiſſimo.  
 duos quoque CHERVBIN aureos, & productiles facies  
 ex utraque parte Oraculi. Cherub vnus ſit in latere vno, &  
 alter in altero. vtrunq; latus Propitiatoriꝝ tegant expan-  
 dentes alas, & operientes Oraculum, reſpicienſeſq. ſe mutuo  
 verſis vultibus in Propitiatorium, quo operienda eſt Arca,  
 in qua pones Teſtimonium, quod dabo tibi. Quibus dictis  
 inde pergit loqui de menſa, & instrumentis eius. Facies  
 & MENSAM de lignis Setim, & inaurabis eam auro pu-  
 riſſimo. Facieſq. illi LABRVM aureum per circuitum, &  
 ipſi labro CORONAM interrafeſem, atque ſuper illam al-  
 teram coronam aureolam. Parabis quoque ACETABV-  
 LA, & PHIALAS, THVRIBVLA, & CYATHOS,  
 in quibus offerenda ſunt libamina, ex auro puriſſimo. Et



pones super mensam PANES PROPOSITIONIS in conspectu meo semper. Facies & CANDELABRUM de auro purissimo, hastile eius, calamos, scyphos & sphaerulas, ac lilia ex ipso pendentia. Facies & LUCERNAS septem, & pones eas super Candelabrum, ut luceant ex aduerso. EMUNCTORIA quoque, & ubi, quae emuncta sunt, extinguantur, fiant auro purissimo. His demonstratis inde TABERNACULUM de lignis Setim fieri praecepit, atque in eo partem unam sanctiorē, quam Sanctum Sanctorum vocauit. & Tabernaculi ipsius formam, magnitudinem, ornatumque ostendit. Quae, quia longa oratione texuntur, recitare supersedebimus, locum indicasse contenti. Quo sermone absoluto ita de Velo, & Propitiatorio subdit: Facies VELUM de hyacintho, & purpura, coccoque bis tincto, & bysso retorta. inferetur autem velum per circulos, intra quos pones Arcam Testimonij, quo & Sanctuarium, & Sanctuarij Sanctuarium diuidentur. Pones & PROPITIATORIUM super Arcam Testimonij in Sancto Sanctorum, Mensamque extra velum, & contra mensam Candelabrum in latere Tabernaculi meridiano. Mensa enim stabit in parte Aquilonari. Inde de Tentorio, Altari Holocausti, & Atrio loquitur ita: Facies & TENTORIUM in introitu Tabernaculi de hyacintho, & purpura, coccoque bis tincto, & bysso retorta. Facies & ALTARE de lignis Setim, & operies illud aere, faciesque in usus eius lebetes ad suscipiendos cineres, & fercipes, atque fuscinulas, & ignium receptacula, omnia vasa ex aere, craticulamque in modum retis aeneam. Facies & ATRIVM Tabernaculi cum columnis uiginti. Postremo de altari thymiamatis, labro eneo, oleo sacro, & thymiamate sic concludit: Praeceptum filiis Israel, ut offerant tibi OLEVUM de arboribus oliuarum purissimum, ut ardeat Lucerna semper in Tabernaculo Testimonij

nij extra velum, quod oppansum est Testimonio. Facies quoque ALTARE ad adolendum thymiamata de lignis Setim, vestiesq. illud auro purissimo, ponesq. altare contra velum, quod ante Arcam pender Testimonij, coram Propitiatorio, quo tegitur Testimonium. Et adolebit incensum super eo Aaron suaue fragrans. Facies & LABRUM aneum cum basi sua ad lauandum, ponesq. illud inter Tabernaculum Testimonij, & Altare. Sume tibi aromata myrrha, cinnamomi, calami, casia, olei, faciesq. vnctionis OLEVM Sanctum, & unges ex eo Tabernaculum Testimonij, & Arcam Testamenti, & Mensam cum basibus suis, & omnia sanctificabis. Sume quoque aromata stacten, onycha, & galbanum boni odoris, & thus lucidissimum, faciesq. THYMIAMATA, & pones coram Tabernaculo Testimonij, quo in loco apparebo tibi. Hæc in Exodo à capite xxv vsque ad xxx ita præcipiuntur. Sacrificia inde omnia ad Altare Holocausti ad ostium Tabernaculi facienda mandauit Leuitici XVII: Homo quilibet de domo Israel si occiderit bouem, aut ouem, siue capram in castris, vel extra castra, & non obtulerit ad ostium Tabernaculi oblationem Domino, sanguinis reus erit. Homo de domo Israel, & de aduenis, qui peregrinantur apud vos, qui obtulerit holocaustum, siue victimam, & ad ostium Tabernaculi non adduxerit eam, vt offeratur Domino, interibit de populo suo. Hæc autem omnia subinde perfecta sunt à Moyse, Israelitis cuncta, quæ iussu erant, summo studio conferentibus, cap. xxxvii, & xxxviii. in quibus de altari aureo, & æneo, nempe thymiamatis, & holocausti præcipue sic scriptum est; Fecit & altare Thymiamatis de lignis Setim, vestiuitq. illud auro purissimo. Fecit & altare Holocausti de lignis Setim, operuitq. illud laminis aureis, & in usus parauit ex ære vasa diuersa, lebetes, forcipes, fuscinulas, uncinos, & ignitum receptacula, cra-

riculamq. eius in modum retis fecit aneam, & subter eam in  
 altaris medio arulam fufis quattuor annulis per totidem re-  
 ziculi summitates ad immittendos vectes ad portandum,  
 quos & ipsos fecit de lignis setim, & operuit laminis aeneis,  
 induxitq. in circulos, qui in lateribus altaris imminebant.  
 ipsum autem altare non erat solidum, sed cauum ex tabula-  
 tis, & intus vacuum. Inde cap. xi sic concludit: Fecit  
 Moyses omnia, quæ praeceperat Dominus. Quippe mense pri-  
 mo anni secundi prima die mensis collocatum est Tabernacu-  
 lum, erexitq. Moyses illud, & posuit tabulas, & bases, & ve-  
 ctes, statuitq. columnas, & expandit tectum super Taber-  
 naculum imposito de super operimento. Posuit & Testimoniū  
 in Arca subditis infra vectibus, & Oraculum de super. cūq.  
 intulisset Arcam in Tabernaculum, appendit ante eam ve-  
 lum. Posuit & Mensam in Tabernaculo Testimoniū ad pla-  
 gam septentrionalem extra velum, ordinatis coram Propo-  
 sitionis panibus. Posuit & Candelabrum in Tabernaculo Te-  
 stimoniū è regione Mensæ in parte australi, locatis per ordi-  
 nem lucernis. Posuit & Altare aureum sub tecto Testimoniū  
 contra velum, & adoleuit super eo incensum aromaticum. Po-  
 suit & Tentorium in introitu Testimoniū, & Altare, Holo-  
 caustum, & sacrificia. Labrum quoque statuit inter Taber-  
 naculum Testimoniū, & altare implens illud aqua. Laue-  
 runtq. Moyses, & Aaron, & filij eius manus suas, & pedes,  
 cum ingrederentur tectum Fœderis, & accederent altare.  
 Erexit & atrium per gyrum Tabernaculi, & altaris ducto  
 in introitu eius tentorio. Quod autem scriptum est, Moy-  
 sem posuisse Testimonium in arca, declarat magis Deute-  
 ronomij x inquiens: Reuersusq. de monte descendi, & posui  
 tabulas in arcam, quam feceram, quæ hucusque ibi sunt, sicut  
 praecepit mihi Dominus. Præter hæc fuit etiā IGNI-  
 perpetuus à Deo cælitus ad incēdēda Holocausta demis-  
 sus,



fus, de quo loquitur Leuitici vi. & nos infra loco idoneo differemus: *Ignis in altari semper ardebit, quem nutriet sacerdos subiiciens ligna mane per singulos dies, et imposito hoc loco austo desuper adolebit adipem Pacificorum.* Ceterum Tabernaculum Testimonij, & Arca foederis, siue Testimonij, siue Testamenti dicta sunt, quod in ijs tabulae legis asseruarentur, in quibus continebatur Testimonium, Testamentum, Pactum, & Foedus, quod percussisset cum eis Deus. ex quo foedere populus Deo cultum exhibere, & Deus populum in tutelam acceptum tueri praecipua cura debebat. Nam xix Exodi dixit Deus: *Si audieritis vocem meam, & custodieritis pactum meum, eritis mihi in peculiū de cunctis populis.* Et Leuitici xxvi: *Si in praeceptis meis ambulaueritis, ponam tabernaculum meum in medio vestri, & non abiciet vos anima mea, ambulabo inter vos, & ero Deus vester, vosq; eritis populus meus.*

Haec de Tabernaculo, arca, mensa, altaribus, & ceteris scripta reperiuntur in lege. repetuntur vero etiā à S. Paulo ix ad Hebræos: *Tabernaculum factum est primum, in quo erant candelabra, & mensa, & propositio panum, quae dicitur Sancta. post velamentū autem secundū Tabernaculum, quod dicitur Sancta Sanctorum, aureum habens thuribulum, & arcam Testamenti circumtectam ex omni parte auro, in qua urna aurca habens manna, & virgam Aaron, quae fronderat, et tabulae Testamenti, superq; eae erant Cherubin gloriae obumbratia Propitiatorium.* Declarat inde, ut hoc tabernaculum terrenum, & manufactum typus fuerit tabernaculi caelestis, & non manufacti, quod introiuit Christus, qui noui testamenti fuit mediator. Nam & legē Christi postea quoque Testamentum vocarunt, quod in eo ipse testatus sit, se bona caelestia, & perpetua legis suae cultoribus praebiturum. Declarantur etiam à S. Hieronymo

mo epistola cxxvi i i i : *Legimus in Exodo tabernaculum , mensam , candelabrum , altare , columnas , tentoria , coccum , byssum , hyacinthum , purpuram , ex auro , argento , are vasa diuersa , tabernaculum diuisum in tria , duodecim panes per singulas hebdomadas mense impositos , in candelabro septem lucernas , altare hostijs , holocaustisq; expositum , crateras , scyphos , thuribula , phialas , mortariola , paxillos , pelles rubras , pilos caprarum , & ligna impuribilia . Tanta , & talia offeruntur in Tabernaculo Dei , vt nullus desperet salutem . alius aurum sensuum , alius argentum eloquij , alius vocem aris exhibet . Totus mundus in Tabernaculi describitur sacramento Primum , & secundum vestibulum omnibus patet . Aqua enim , & terra cunctis mortalibus data sunt . In Sanctis vero Sanctorum , quasi ad athera , & in calum paucorum introitus , & volatus est . Duodecim panes duodecim mensium significant circulum . septem lucernæ septem errantia astra demonstrant . Hæc isti . Refero me ad historiam .*

Hoc igitur , de quo dixi , Tabernaculum , quod ita constitutum erat , vt quemadmodum scriptum est quarto Numerorum , dissolui in partes , & rursus cōpingi , ac quocunque liberet , perinde atque Arca , deferri , possit , delatum est in terram Chananæam à Deo promissam , tum cum populus Iosue duce Iordanem exsiccatum traiecit , sacerdotibus , & leuitis hæc ipsa suis humeris perferentibus , atque in castris , quæ in Galgalis sita fuerant , posita sunt . quo eodem tempore vrbs Hiericuntis , Leuitis arcam circum muros ferentibus , mania prociderunt . Iosue i i i i , & v . Inde victoria parta vtrique perlata sunt in Silo opidum tribus Efraim , vnde erat dux Iosue . sic enim octauo decimo est proditum : *Congregati sunt omnes filij Israel in Silo , ibiq; fixerunt Tabernaculum Testimonij . Itaq; post ad ostiū Tabernaculi ibi positi sortitio , atq; diuisio terræ per-*

perfecta est. sic enim capite proximo: *Hæ sunt possessiones, quas sorte diuiserunt Eleazar sacerdos, & Iosue, & principes familiarum, ac tribuum filiorum Israel in Silo coram Domino ad ostium Tabernaculi Testimonij. Hoc aut facta domus Dei, & sedes religionis in Silo est collocata. liqui dem eò post ter in anno sacrificiorum causa conuenire instituerunt, vt in locum, quem sibi Deus propterea delegisset, prout in lege mandatum erat, Exodi xxi i i: Ter in anno apparebit omne masculinum tuum in conspectu omnipotentis Domini Dei Israel. Cum enim tulerò gentes a facie tua, & dilatauero terminos tuos, nullus insidiabitur terræ tuæ ascendente te, & apparen te in conspectu Domini Dei tui ter in anno. Atque ita per omne imperium Iudicum manente Arca in Silo, eò quoque religionis causâ populi conuentus est factus. Itaq; xvi i i, in interregno, quod fuit inter Sampsonem, & Heli, scriptum est: Mansit apud eos idolum Micha omni tempore, quo fuit domus Dei in Silo. & xx: Qui surgentes venerunt in domum Dei, hoc est in Silo. & sequenti: Venerunt omnes ad domum Dei in Silo. & paullo post: Ecce solemnitas Domini est in Silo anniuersaria. Mox autem, cū Heli pontifex iudicatum administraret in Israel, & bellum cū Philistæis parum prospere gereretur, placuit ad perterrefaciendos hostes arcam ipsam ex Silo in castra contra hostes adducere. prælio vero infelicissime edito arca in hostium potestatem concessit, & filij Heli ceciderunt. quo nuncio accepto Heli iam atate confectus mortuus corruit. vt refertur quarto primi Regum: Afferamus ad nos, inquiunt, de Silo arcam fœderis Domini, & veniat in medium nostri, vt saluet nos de manu inimicorum nostrorum. Misit ergo populus in Silo, & tulerunt inde arcam fœderis Domini exercituum sedentis super Cherubin. Inde addit: Et commisso prælio*  
*arca*



*arca Dei capta est, duo quoque filij Heli mortui sunt. His actis Arca à Philistæis in oppidum suum Azotum delata est, & in templo Dagon constituta, quo facto simulachrū ipsum Dagon ad terram decedit, & Azotiorum populus magna à Deo plaga percussus mori cœpit. Quare ex Azoto ad Gethæos translata est. Verum & ipsis ea de re per silentia pereuntibus ad Accaronenses traducta fuit, quibus etiam intereuntibus placitum est, post septem menses Arcā ad Israelitas remittere, atque ita nouo plaustro imposita duabus vaccis deuehenda commissā est. Vaccæ autem vitulorum, quos domi reliquerant, prorsus oblitæ nullo impellente recta euntes ultro vsque ad fines Philistæorum, & Iudæ peruenerunt. ibiq. à Iudæis Bethsamtis in holocaustum Deo oblata sunt. pereuntes autem & ipsi Bethsamtæ eò, quòd arcam Domini cōspexissent, miserunt nuncios Cariathiarim, ciues eius rogantes, vt Arcā reciperent, qui profecti eam ad se adduxerunt, & domū Aminadab in Gabaa oppidum Benjamin intulerunt, & Eleazarum filium eius sanctificarunt, vt custodiret eam. v, vi, & vii primi Regum. Inde Tabernaculum sine Arca, regnante Saule, delatum fuit in oppidum Nobe, tribus Benjamin, vbi erat Achimelec pontifex. xxi primi Regū. Post autem ætate Dauidis delatum fuit in Gabaon oppidum quoque Benjamin. vt primo primi Paralip. Tabernaculum fœderis Domini erat in Gabaon, quod fecit Moyses in solitudine. & xvi: David constituit Sadoc Sacerdotem, & fratres eius sacerdotes coram Tabernaculo Domini in Excelso, quod erat in Gabaon, vt offerrent holocausta Domino super altare holocaustumatis iugiter mane, & vespere iuxta omnia, quæ scripta sunt in lege Domini, quam præcepit Israeli: & xxi: Tabernaculum Domini, quod fecerat Moyses in deserto, & altare holocaustorum erat ea tempestate in Gabaon.*

*Gabaon.* 'Dauid inde rex Arcam extulit è domo Aminadab, vt in Hierusalem, siue in Sion Ciuitatem suam adduceret, verum vbi vidit, Ozan, qui illam inter vehendum inclinantem sustinere conatus fuerat, repentina morte correptum, ea re percussus reposuit eam in edibus Obed Edom Getthgi. postquam autem audiuit, Deum benedixisse Obed, & omnia bona eius, post tres mēses nouo Tabernaculo facto adduxit eam ex edibus eius in Ciuitatē suam cum ingenti omnium gratulatione, & plausu. & posuit in loco suo in medio Tabernaculi, quod ipse ei retendit. Atque ita Tabernaculum, quod fecerat Moyſes, mansit in Gabaon tempore Salomonis. sic enim scriptum est secundo primi Paralipomenon: *Salomon abiit in Excelsum Gabaon, vbi erat Tabernaculum fœderis Domini, quod fecit Moyſes, Arcam autē Dei adduxerat Dauid de Cariahiazim in locum, quem preparauerat ei, & vbi fixerat illi Tabernaculū, hoc est in Hierusalem.* Neq; huius Tabernaculi veteris post alia memoria in sacris litteris vsurpatur. Salomon inde perfectō templo, ac Sanctuario constituto Arcam cū Tabernaculo Dauidis ex Ciuitate Dauid eō traiecit, & omnia vasa Sanctuarij, quę erāt in Tabernaculo illo. siquidem scriptum est tertio Regum, & primo Paralipomenon: *Et intulerunt sacerdotes arcā fœderis Domini in locum suum in Oraculum Templi in Sanctum Sanctorum subter alas Cherubin.* Siquidem Cherubin expandebāt alas super locum arcę, & protegebant arcam, & vinctes eius desuper. In Arca vero non erat aliud, nisi tabule lapideę, quas posuerat in ea Moyſes in Horeb, quando pepigit Dominus fœdus cum filijs Israel, cum egrederentur de terra Aegypti Fuit inde Arca cum tabernaculo Dauidis in templo, quoad templum à Babylonijs est incensum. in qua rerum confusione I G N I S Perpetuus holocaustorum vnā

vnà cum tabernaculo, & arca, & altari incensi abscondita sunt. Res narratur à Iudæis Hierosolymitanis in epistola missa ad Aegyptios, Maccabæorū secundo: Cum in Persidem, inquirunt, ducerentur patres nostri, sacerdotes acceptum ignem de altari occulte absconderunt in valle, ubi erat puteus altus, & siccus, & in eo contutati sunt eum, ita ut omnibus esset ignotus locus. & post: Eodem tempore Hieremias propheta iussit tabernaculum, & arcam diuino responso ad se factō comitari secum usque quo exijt in montem, in quo Moyses ascendit, & vidit Dei hereditatem, & veniens ibi Hieremias inuenit locum speluncæ, & tabernaculum, & arcam, & altare incensi intulit illuc, & ostium obstruxit, & accesserunt quidam, qui sequebantur, ut notarent sibi locū, & non potuerunt inuenire. Ut autem cognouit Hieremias, culpans illos dixit, quod ignotus erit locus, donec congreget Deus congregationem populi, & propitius fiat, & tunc Dominus ostendet hæc, & apparebit maiestas Domini, & nubes erit, sicut & Moysi manifestabatur. Reuersi inde in patriā Iudæi templum quidem secundum ædificarunt, sed neque ignem, neque arcam, neque tabernaculum inuenerunt. De igne scriptum est in epistola Iudeorum hoc modo: Cū præterissent anni multi, & plasuit Deo, ut mitteretur Neemias, qui sacerdotes nepotes illorum, qui absconderant, misit ad requirendum ignem, & sicut narrauerunt nobis, non inuenerunt ignem, sed aquam crassam, & iussit, eos haurire, & asferre sibi, & sacrificia, quæ imposita erant, iussit aspergi aqua ipsa, & ligna, quæ erant superposita. Vtq. hoc factum est, & tempus affuit, quo sol refulsit, qui prius erat in nubilo, accensus est ignis magnus ita, ut omnes mirarentur. Consumpto autē sacrificio, ex residua aqua Neemias iussit lapides maiores perfundi. Quod ut factum est, ex eis flamma accensa est, sed & ex lumine, quod refulsit ab altari,



*ri, consumpta est.* Talmudici vero asserunt, neque Arcam, neque Tabernaculum inuenta esse, verum pro ijs in Sanctuario lapideum positum esse tres digitos è terra eminentem, ac supra thuribulum habentem. Reliqua vero vetera Tabernaculi ornamenta, altaria, mensæ, instrumenta resecta, vt res tulit, vsque ad extrema Templi tempora remanserunt.

De Excelsis. Cap. IIII.

TABERNACULO exposito Excelsa sequuntur. Hi vero colles alti fuerunt, in quibus contra legem Dei, sed tamen patiente Deo, sub frondosis arboribus sacrificarunt. Ac primum quidem Deuteronomij xi i Deus ea prohibuit his verbis: *Subuertite omnia loca, in quibus coluerunt gentes, quas possessuri estis, deos suos super montes excelsos, & colles, & subter omne lignum frondosum. Dissipate aras earum, & confringite statuas, lucos igne comburi te, & idola comminuite, disperdite omnia nomina eorum de locis illis. non facietis ita Domino Deo vestro.* Deinde vero Iudicum tempore ad ea sacrificari permisit. Hoc vero primus fecit Gedeon sub quercu, sexto Iudicum: *Tulit, inquit, omnia sub quercu, & obtulit Deo.* De hoc vero instituto sic S. Augustinus in librum Iudicum: *Deus consuetudinē populi sui, qua præter eius tabernaculum, tamen nõ dijs alienis offerebant, sed Domino Deo suo, sustinebat potius, quàm vetabat, etiam sic exaudiens offidentes.* Inde ea consuetudo ad tempora Regum peruenit, nondum condito Templo. vt nono primi Regum regnante Saule: *Hodie venit in ciuitatem, quia Sacrificium est hodie populo in Excelsum.* & secundo primi Paralipom: *Salomon abiit in Excelsum Gabaon, ubi erat tabernaculum fœderis Domini.*

ni, quod fecit Moyses in solitudine. & tertio tertij Regum: Attamen populus immotabat in Excelsis, non enim edificatum erat templum nomini Domini usque in diem illum. Dilexit autem Salomon Dominum, excepto, quod in Excelsis immolabat, & accendebat thymiama abijt itaq; in Gabaon, ut immolaret ibi. illud quippe erat Excelsum maximum. Templo inde constructo nō tamen Excelsa deseruerunt. Nam Hieroboam rex Israel defectione à Deo facta fana in Excelsis fecit. atq; exemplo eius reliqui reges Israel Deos alienos in Excelsis coluerunt. vnde scriptum est se ptimo decimo quarti Regum: *Aedificauerunt sibi Excelsa in cunctis urbibus suis, feceruntq; statuas, & lucos in omni colle sublimi subter omne lignum nemorosum, & adolebant ibi incensum super aras in morem gentium, quas sustulerat Dominus à facie eorum.* Quare Deus permittit, Osce regem cum omni populo à Salmanassare rege Assyriorum captiuum in Assyriam duci, regnumq; eorum deleri. Eodem vero modo neq; Roboam rex Iudæ priscam Dei religionem integram conseruauit. siquidem eo permittente Iudæi edificauerunt sibi aras, & statuas, & lucos super omnem collem excelsum, & subter omnem arborem frondosam. Neque ea posterius eius reges Asa, aut Iosaphat, licet pietate prestantes, sustulerunt. siquidem scriptum est x i tertij Regum: *Fecit Iosaphat rectum, quod erat in conspectu Domini, verumtamen Excelsa non abstulit.* adhuc enim populus sacrificabat, et adolebat incensum in Excelsis. Inde Amasias, Azarias, & Achaz reges pariter Excelsa seruauerunt. nam de Achaz legitur: *Immolabat victimas, & adolebat incensum in Excelsis, & in collibus sub omni ligno frondoso.* Hæc deinde Ezechias rex dissipauit ille quidem, sed filius eius Manasses restituit. de quo ita proditum est: *Aedificauit Excelsa, quæ dissipauerat Ezechias pater eius,*

*eius, & erexit aras Baal, & fecit lucos, sicut fecerat Achab rex Israel. Tandem Iosias subsequutus omnem eiusmodi Excelsorū consuetudinem aboleuit. sic enim de illo refer tur secundo Paralipomenon vigesimo quarto: Munda-  
uit Iudam, & Hierusalem ab Excelsis, & lucis, simulachris  
que, & sculptilibus. & vigesimo tertio quarti Regum: De-  
leuit aruspices, quos posuerant reges Iudæ ad sacrificādum  
in Excelsis per ciuitates Iudæ, & contaminauit Excelsa,  
vbi sacrificabant Sacerdotes de Gabaa vsque Bersabee. ve-  
rumtamen non ascendebant sacerdotes Excelsorum ad alta-  
re Domini in Hierusalem, sed tantum comedebant Azyma  
in medio fratrum suorum. Excelsa quoque, quæ erant in  
Hierusalem, quæ adificauerat Salomon rex Idolis, polluit.  
Insuper & altare, quod erat in Bethel, & Excelsum, quod  
fecerat Hieroboam, & altare illud excelsum destruxit, at-  
que combussit, succenditq. etiam lucum. insuper omnia fana  
Excelsorum, quæ erant in ciuitatibus Samaria, quæ fecerāt  
reges Israel ad irritandum Dominum, abstulit. Itaque S.  
Augustinus de Iosia loquens sic dixit: Notantur reges, qui  
inter opera laudabilia sua non destruxerunt Excelsa, vbi  
contra legem Dei populus sacrificare consueuerat. & qui de-  
struxit, maiore prædicatione laudatur. Atque hic quidem  
Excelsorum exitus fuit.*

*De Templo Hierosolymitano. Cap. V.*

**P**OST Tabernaculum Templum cōstructum est. Hoc  
vero sibi vt fieret, à principio Deus præmonuit, Deutero  
nomij XII: *Non sacrificabitis Domino Deo vestro super  
excelsos colles, sed ad locum, quem elegerit Dominus Deus  
vester de cunctis tribubus vestris, vt ponat nomen suum ibi,  
& habitet in eo, venietis, & offeretis in illo loco holocau-*



sta, & victimas vestras, decimas, & primitias manuum vestrarum. & post: *Caue ne offeras holocausta tua in omni loco, quem videris, sed in eo, quem elegerit Dominus in tribuum tuarum, offeres hostias, & facies quaecunque precipio tibi.* Dauid inde rex, antequam regnum filio Salomoni permitteret, hostibus omnibus circūquaque deuictis, & pace toto Imperio parta, de Templo demum Deo ædificando consilium cepit, idque cum Nathan propheta cōmunicauit, turpe esse asserens, te in domo Cedrina habitare, Arcam vero Dei in medio pellium positam esse. Quod consilium cum Nathan approbasset, tamen reuersus ad eū mandato Dei monuit, ne faceret. nam id decus esse à Deo Salomoni illius filio referuatum. Verba vero Dauid sunt xxvi i i i primi Paralip: *Audite me fratres mei. Cogitavi, ut ædificarem domum, in qua requiesceret arca fœderis Domini, & scabellū pedū Dei nostri, & ad ædificandū omnia preparavi. Deus autē dixit mihi. Non ædificabis domum nomini meo, eò quòd sis vir bellator, & sanguinem fuderis. sed elegit Dominus Deus Israel me de vniuersa domo patris mei, ut essem rex supra Israel in sempiternū. & post: Salomō filius ædificabit domū meam. ipsum enim elegi mihi in filium, & ego ero ei in patrem. & vi i i secundi Regum: Hac dicit Dominus: Numquid tu ædificabis mihi domum ad habitandum? neque enim mansi in domo, ex quo eduxi Israel de terra Aegypti vsque ad diem hanc, sed fui semper mutans loca tabernaculi, & in tentorio manens cum omni Israel. Item: Cum autem completi fuerint dies tui, suscitabo semen tuum post te, & firmabo regnum eius, ipse ædificabit domum nomini meo. Inde Dauid, ut à pestilentia liberaretur, emit aream in monte Sion nomine Moria ab Arena Iebusæo ex monitu prophetæ Gad, atque ibi altare extruxit, & obtulit Holocausta, & Pacifica, & Deum*

pro-

propitiavit. Post autem comparatis omnibus ad templū ædificandum impensis ante mortem Salomoni filio accito dixit: *Fili mi voluntas mea fuit, ut ædificarem domum nomini Dei mei, sed factus est sermo Domini ad me dicēs, Multum sanguinem effudisti, & plurima bella bellasti, non poteris ædificare domum nomini meo tanto effuso sanguine corā me. filius qui nascetur tibi, erit uir quietissimus, faciā enim eum requiescere ab omnibus inimicis suis per circuitum, & ob hanc causam Pacificus vocabitur, & pacem, & ocium dabo in Israel cunctis diebus eius. ipse ædificabit domum nomini meo. Nunc ergo fili mi ædifica domū Domino tuo.* Præcepit quoq; cunctis principibus Israel, ut adiuuarent eū, quem regem constituit. Hæc ferme tertio Regum, & primo Paralip. Salomon inde anno regni sui quarto templū inchoauit in monte Moria, idest in altero colle montis Sion, qui demonstratus fuerat patri eius in loco, quem parauerat in area Areunæ Iebusæi. consummauit autem opus spatio septem annorum. Forma, amplitudo, & magnificentia, qua omnia ædificia superauit, refertur utroque in libro, multis verbis, quæ propter longitudinem huc transferre, non videtur operæpretium. Additur inde, postquam de templi constructione peroratum est, de ornamentis, & instrumentis eius, qualia Tabernaculi fuerunt, libro I I I Regum, cap. VI I, hoc modo: *Præterea fecit Salomō Oraculum in medio domus in interiore parte, ut poneret ibi arcam fœderis Domini. fecit etiam porticum ante tēplum, & omnia vasa, altare aureum, & mensam, super quam ponerentur panes Propositionis, aurcā, & candelabra aurea quinque ad dexterā, & quinque ad sinistram contra oraculū ex auro puro, & quasi lilij flores, & lucernas de super aureas, & forcipes aureos, & hydrias, & fuscinulas, & phialas, & mortariola, & thuribula de auro purissimo. Et*

cardines ostiorum domus interioris Sancti Sanctorum, & ostiorum domus Templi ex auro erant. et intulit qua sanctificauerat David pater suus, argentum, & aurum, & vasa, reposuitq. in thesauris domus Domini. Item primo Paralip. tertio, & quarto: Fecit domum Sancti Sanctorum, & in ea Cherubin duos; & Velum ex hyacintho, purpura, cocco, & bysso, & intexuit ei Cherubin; & altare æneum, & mare fusile, conchas decem, candelabra aurea decem, mensas decem, phialas aureas centum, omnia vasa domus Dei, & altare aureum, & mensas, & super eas panes Propositionis, candelabra cum lucernis suis, thymiateria, & thuribula & phialas, & mortariola ex auro purissimo. Hic actis inde narratur, ut Tabernaculum Davidis cum Arca Moysis in Sanctum Sanctorum Templi magna cum pompa translata sunt. Sic enim in Regibus: Venerunt inde cuncti senes de Israel, & tulerunt Arcam Sacerdotes, & portauerunt Arcam Domini de Ciuitate David, idest de Sion, & Tabernaculum fœderis, & omnia vasa Sanctuarij, quæ erant in Tabernaculo, & intulerunt sacerdotes Arcam fœderis Domini in locum suum in Oraculum Templi in Sanctum Sanctorum subter alas Cherubin. Siquidem Cherubin expandebant alas super locum Arce, & protegebant Arcam, & vinctes eius desuper. In Arca vero non erat aliud, nisi tabula lapidea, quas posuerat in ea Moyses in Horeb, quando pepigit Dominus fœdus cum filiis Israel, cum egrederentur de terra Aegypti. Quibus rebus perfectis rex populo benedixit, & preces ad Deum super Templum fudit. quæ propter longitudinẽ omittuntur. ac facto sacrificio Templum dedicauit, ac medium atrij sanctificauit, quod erat ante Templum. Quippe fecit Holocaustum ibi, & Sacrificium, & adipem Pacificorum, quoniam altare æneum, quod erat coram Domino, minus erat, & capere non poterat Holocaustum, &



*flum, & Sacrificium, & adipem Pacificorum. Inde apparuit ei Dominus dicens. Exaudiui orationem tuam. Sanctificauit domum hanc, quam adificasti, ut ponerem nomē meū ibi in sempiternum. Tu quoque si ambulaueris coram me, sicut ambulauit pater tuus, in simplicitate cordis, et in equitate, & feceris omnia, quæ præcepi tibi, ponam regnum tuū regni Israel in sempiternum. Si autem auersione auersi fueritis vos, & filij vestri non sequentes me, sed colueritis Deos alienos, auferam Israel de superficie terræ, quam dedi, & templum, quod sanctificauit nomini meo, projiciam à conspectu meo. Adijcitur etiam illud, Salomonem inde terquotannis obtulisse Holocausta, & Pacificas victimas super altare, quod edificauerat Domino, & adoleuisse Thyimiamata coram Domino, significat autem Pascha, Pentecosten, & Tabernacula, ut post docebimus.*

Mortuo Salomone Hieroboā filius Nabat ex tribu Ephraim traductis ad se decē tribubus regnū contra Roboā filium eius inuasit, quod Israel appellauit, & ne populus suus desiderio Templi Hierosolymitani captus à se aliquando deficeret, ipse à Deo defecit, cunctoq. populo ab auita Dei religione ad idolorum cultum auerso, duos vitulos, ut duodecimo tertij Regum narratur, consecrauit, vnum in Bethel, alterum in Dan, atque altare ibi erexit. Quem sequuti reliqui deinceps reges Israel certatim in eadem impietate manserunt. Quare Deus permisit, Osee regem captiuum cum omni populo à Salmanassarē rege Assyriorum abduci.

Eadem ratione reges Iudæ Templum non omni, quae decuit, sanctitate habuerunt. Quin etiam Athalia, siue Gotholia regina, studio impietatis ipsum corruit. Quod ut successor eius Ioas nepos cognouit à Ioadā pontifice in Dei pietate educatus, ipsum instaurari

præcepit. atque ita exacta à Iudæis legitima pecunia, atque ei rei gazophylacio, de quo postea dicemus, instituto refecit. vt in Regibus, & Paralipomenis scriptum est. Inde res eò vecordie processit, vt sacris ritibus templi neglectis Achaz rex ipsum etiam Tēplum, & vasa eius polluerit. Quare Ezechias post ad populum ita dixit: *Patres vestri auertere facies suas à tabernaculo Domini, clauserrunt ostia, quæ erant in porticu, & extinxere lucernas, incensumq. non adoleuere, & holocaustum non obtulere in Sanctuario Deo Israel.* Atq; his dictis mandauit, vt munderent templum, & vasa eius, quæ rex Achaz polluerat. Successit inde Iosias, qui Templum iterū instaurauit. Sic enim narratur de illo in Regib: *Præpositi domus Domini distribuunt pecuniam exactam ijs, qui operantur in templo Domini ad instauranda sarta recta templi.* Non multis vero post annis Iudæi vrbe, tēploq. à Nabucdonosore incensis in Babyloniam abierunt. manseruntq. vt inquit Osee cap. 11. sine sacrificio, sine altari, sine ephod, & sine theraphim per annos LXX. Quibus exactis, ipsis permissu Cyri regis Persarum in solum patrium restitutis, Iosue Pontifex, & Zorobabel Princeps erexerunt altare in solo Hierusalem, vt offerrent Holocausta. Inde noui Templi fundamenta iecerunt. Verum mox à Samaritis hostibus impediti opus intermittere Cambyisis regis iussu coacti sunt. Itaque vix post annos quadraginta sex rege Dario Hystaspis filio concedente consummauerunt, ac dedicarunt. vt Esdræ quarto, quinto, & sexto narratur. Hoc vero Templum secundum multis verbis ab Ezechiele descriptum, multis rebus primo inferius fuisse à Talmudicis dicitur. primum enim diuina præsentia caruit, quæ ad Propitiatorium responsa, vt suo loco dicitur, edebat, deinde Spiritu sancto, qui prophetas afluere desiuit,

desiuit, cum vltimus Malachias sub Dario fuerit, tertio igne sacro, qui in aquam concretus inuentus est, quarto lapidibus, qui in Rationali pontificis erant, quorum conspectu sacerdotes occulta intelligebant, quinto Arca, & Propitiatorio, & duobus Cherubin Arcæ hærentibus, quæ inuenta fuisse, illi negant, vt supra diximus. Post aliquot inde annos re Iudæorum ab Aegyptijs regibus ad Syros traducta, Antiochus Epiphanes rex Syriæ Hierosolymam ex Aegypto accitus à Tobia filijs, quos per seditionem Onias pontifex vrbe deiecerat, venit, & intrauit in Sanctificationem cum superbia, & accepit altare aureum, & candelabrum luminis, & vniuersa vasa eius, & mensam Propositionis, & libatoria, & phialas, & mortariola aurea, & velum, & coronas, & ornamentum aureum, quod in facie templi erat, & comminuit omnia. ac biennio post reuersus adificauit abominandum idolum desolationis super altare Dei, idest, vt tradit Iosephus, ipsum Ioui Olympio dedicauit, atque, Onia pōtifex interfecto, Alcimum Pontificem ex non pōtificali genere fecit. Maccabæorum primo. Verum biennio post Iudas Assamoneus cognomine Maccabæus Princeps Iudæorum exortus vrbe recepta ipsum Templum mundauit, atq; omnia in antiquum statum redegit ipsa Abominatione sublata. Siquidem, vt ibi scriptum est, cum pulsus hostibus dixisset: Ecce nunc contriti sunt inimici nostri, ascendamus nunc mundare Sancta, & dedicare, ascenderunt in montem Sion, & viderunt Sanctificationem desertam, & altare profanatum, & portas exustas. Tunc ordinauit Iudas viros, ut pugnaret aduersus eos, qui erant in arce, donec emundarent Sancta. & elegit sacerdotes sine macula voluntatem habentes in lege Dei, & mundauerunt Sancta, & tulerunt lapides contaminationis in locum immundum, & destruxit altare



*altare holocaustorum, quod profanatum erat, ne forte illis  
 esset in opprobrium, quia contaminauerant illud gentes. &  
 reposerunt lapides in monte domus in loco apto, quoad usq;  
 uenisset propheta, & responderet de eis. & acceperunt lapi-  
 des integros secundum legem, & edificauerunt altare nouum  
 secundum illud, quod fuit prius, & edificauerunt Sancta, &  
 quæ intra domum erant intrinsecus, & adem, & auria san-  
 ctificauerunt. Et fecerunt uasa sancta noua, & intule-  
 runt candelabrum, & altare incensorum, & mensam in  
 templum, & incensum posuerunt super altare, & accende-  
 runt lucernas, quæ super candelabrum erant, & lucebant  
 in templo, & posuerunt super mensam Panes, & appende-  
 runt vela, & consummauerunt omnia opera, quæ fecerant,  
 & ante matutinum surrexerunt quinta, & vicesima die men-  
 sis Casleu mensis noui, & obtulerunt sacrificium secundum  
 legem super altare holocaustorum nouum, quod fecerunt se-  
 cundum tempus. & secundum diem, in qua contaminau-  
 erant illud gentes, in ipsa dedicatum est in Canicis. Et fece-  
 runt dedicationem altaris diebus octo, & obtulerunt Holo-  
 causta cum letitia, & sacrificium Salutaris, ac Laudis. Et  
 statuit Iudas, & fratres eius, & uniuersa ecclesia Israel, ut  
 agatur dies Dedicationis altaris in temporibus suis ab anno  
 in annum per dies octo à quinta, & vicesima die mensis  
 Casleu cum letitia. Et edificauerunt in tempore illo montem  
 Sion, & per circuitum muros altos, & turres firmas, ne  
 quando venirent gentes, & conculcarent eum, sicut antea  
 fuerat, & collocauit illic exercitum, ut seruarent. Postre-  
 mo Herodes rex Templum reedificare, atque altius ex-  
 citare cupiens ad Iudæos locutus sui consilij sic ratione  
 explicuit: Nostis, templum hoc à patribus nostris adifica-  
 tum, cum è Babylonia reuertissent. & quia desunt ei ad alti-  
 tudinē cubiti sexaginta ad instar illius, quod Salomon con-  
 struxerat,*

struxerat, nemo negligentiam pietatis nostrorum parentum  
accuset, quia nō culpa illorum factum est breuius templum.  
Sed Cyrus, & Darius Hystaspis filius huiusmodi mensuram  
adificationis fieri praeceperunt. Quibus illi seruientes, vel  
successoribus eorum, & post illos Macedonibus, non habue-  
runt aptum tempus, quo ad eiusdem antiqui formam istius  
mensuram perducerent. Inde addidit; se velle inchoatum  
opus corrigere, & integrum Deo præbere. Itaque para-  
tis rebus omnibus ad tātum opus necessarijs, Templo di-  
sturbato in iisdem fundamentis noua imposuit, & super  
ea templum excitauit, longitudine centum cubitorum,  
latitudine totidem, altitudine centum viginti. Ostendit  
inde Iosephus huius historiæ auctor libro Antiquitatum  
VII magnificentiā huius operis multis verbis, post alio  
loco situm cum turri munita his: Collis erat saxosus paul-  
lum erectus à parte Orientali Ciuitatis, pronus super arcem,  
quam dudum rex Salomon per Dei providentiam magnis  
operibus muro circumdederat ab inferioribus incipiens, quē  
vallis altissima circumdabat, à latere Aquilonis turris alta,  
quam ante Herodem reges Assamonei construxerant, & Ba-  
rin nominarant, ut illic sacerdotalem stolam deponerent,  
qua, cum opus esset, ut sacrificaret, pontifex induebatur.  
Hanc vero Herodes serauit. quo mortuo sub Romanis fuit  
vsque ad tempora Tiberij Caesaris. ea enim à Tiberio reddi-  
ta est instante Vitellio Syriae proconsule, cum Hierosolymam  
profectus benigne à populo esset susceptus. Eam vero tur-  
rim Herodes muniens ad templi custodiam in gratiam M.  
Antonij Triumviri amici sui Antoniam appellauit. Ex ad-  
uerso templi ipsa urbs in modum theatri stabat circumdata  
valle altissima per omnem australem tractum. Hæc uno an-  
no, & quinque mensibus ab Herode perfecta sunt. anno re-  
gni eius octauo decimo dedicatio templi ipso regis die nata.

li magna

*li magna letitia celebrata est.* Hęc Iosephus libro xv. Sumit autem, qui templum ab Herode non resectum, sed auctum, vetere conseruato, putent, atque à Iosepho ipso falsa relata esse; quia Iudæi post excessum Herodis, cum audissent, Iesum dicentem: *Soluite templum hoc, & in tribus diebus ego suscitabo illud*, responderunt: *Quadragesa sex annis adificatum est templum*, nunquam ita dicturos asserentes, si verum fuisset, templum illud intra bienium ab Herode constructum. nam ea verba conuenire Templo, quod Zorobabel sub Cyro inchoauerat, & sex-to anno Darij post annos sex, & quadraginta absoluerat. Quorum opinionem ego non approbo. neque. n. tantæ temeritatis hominem esse puto, qui ea scribat de re præsertim insigni, quæ multorum etiam viuentium redargui testimonijs possit. neq; enim Iosephus longe ab Imperio Augusti Cæsaris absuit, sub quo Templum Herodes adificauit, aut Tiberij, sub quo Iudæi hæc dixerunt. Verum Iudæi, cum redarguere Christum vellent, & scirent, Templum primum à Salomone conditum spatio septem annorum, secundum à Zorobabele quadraginta sex, tertiū ab Herode vnus anni, & paullo amplius, neque primū, neque tertium nominarunt, vt ea, quæ parum causæ suæ fauerent, sed secundum. multo. n. longius absunt tres dies à quadraginta sex annis, quàm ab vno. In morte inde Christi Velum Tēpli scissum est à summo ad imum. Caligula inde Imp. synagogas Iudæorum ad sui ipsius cultum traduxit, & suis statuis exornauit, ac Templū ad eā vsque diem inuiolatum suo nomini dedicauit. ex quo apparuit, vocem, quam Iudæi temere coram Pilato effuderant, cum se neminem regem habere, nisi Cæsarem, dicerent, merito in illorum iam capita recidissee. vt scribit Iosephus. Ad extremum Vespasiano Imperante suborto  
ex defe-



ex defectione bello Titus Cæsar, vrbe expugnata, siue inuitus, siue volens hoc Tēplum incēdit eodem die, quo à Babylonijs olim fuerat inflammatum. Quam cladem pluribus verbis Iosephus memoriæ prodidit. Hadrianus inde Imp. Iudæos rursus rebellantes subegit, ac captam urbem solo æquauit, ac reliquias Templi igne deleuit. Tumq. demum Iesu Christi vox diuina completa, qua dixit, fore, vt Hierosolymis lapis super lapidem non remaneret. Hadrianus autem Templum Domini ad tollendam religionem terra obruit, ac Templum aliud Veneri dedicauit. vt Eusebius scripsit. Quare S. Paulinus ad Seuerū scripsit: *Vbi sacra nati Saluatoris infantia vagierat, illic Veneris lamenta fingentium lasciuis luctibus infamis ritus ululabat.* & Seuerus in Historia: *Hadrianus existimās, se Christianam fidem loci iniuria perempturum, in Templo, ac loco Dominice passionis demonum simulachra constituit.* Hoc autem Idolum Daniel cap. ix vocauit Abominationem desolationis, cum dixit: *Et erit in templo abominatio desolationis, & usque ad consummationem, & finem perseuerabit desolatio.* neque enim hæc verba in desolationem Epiphanis conueniunt.

## De Templo Samariæ. Cap. VI.

ALTERVM Templum fuit in Samaria. Quippe Manasses frater Iaddi pontificis, cum vxorem alienigenā legibus dimittere cogeretur, ad socerum suum Sanabalat Darij Persarum regis præfectum confugit, atque ab illo auxiliū implorauit. Sanabalat autem, ne genero summa nobilitatis viro spoliaretur, suavit, vt a Iudæis desiceret, ac mox permissu Alexā dri Magni victoris templum in Samaria in monte Garizin altissimo condidit. atq; ibi Manassem

Manassẽm pontificem collocauit inter Samaritas, qui, vt dixi, homines ex Assyria profecti fuerant, ac legem Dei ita receperant, vt tamen veterem idolorum cultum non destituerent, ac propterea Iudæis infensi essent. quod Templum Trásgressorum est appellatum. Hinc exarsit inter eos de loco adorandi Dei certamen, atque contentio. Cum enim in lege traditum esset, vt vno tantum in loco Deus coleretur, quem ille elegisset, ac primum Silo in tribu, & monte Effraim delegisset, deinde illa reprobata Hierusalem in tribu Iuda, & monte Sion asciuiisset, Samaritæ, qui montem Effraim obtinebant, sibi eam laudem vindicabant, quòd in Silo primum inuocatum esset nomen Domini, Iudæi vero contrà ad se id decus trahebant, quòd postea Sionem Deus ipsi Silo præposuisset, vt Dauid scripserat, quem ipsi non accipiebant. neque. n. nisi quinque libros Moylis approbabant. Qua de re cum aliquando disceptaretur coram Ptolemæo Philometore rege, ille pro Iudæis pronunciauit, vt Iosephus libro xiiii scriptum reliquit. Hoc vero Templum post Antiochus Epiphanes, cū in Iudæam infestus venisset, Ioui Hospitali, ipsis Samaritis non repugnantibus, consecrauit. Ad extremum autem Ioannes Hyrcanus rex Iudæorum, cum Samariam Iudæorum imperio subiecisset, Téplum hoc funditus euertit post annos ducētos, quàm fuerat cōditum, teste eodem in loco Iosepho. Veterem inde quæstionem post aliquot annos tetigit Samaritana mulier loquens cum Christo Iudæo. vt est apud S. Ioān. cap. iiii: *Patres nostri in monte hoc adorauerunt, & vos dicitis, quia Hierosolymis est locus, vbi adorare oportet. cui respondit Christus: Veniet hora, quando neque in monte hoc, neque in Hierosolymis adorabitis patrem.*

## De Templo Aegyptio. Cap. VII.

TERTIUM templum Iudeorum conditum est in Aegypto ab Onia. Etenim ætate Antiochi Epiphanis, seditione Hierosolymis orta Onias Oniæ pōtificis filius, eius, quē Epiphanes interfecerat, vrbe profugus ad Ptolemæum Aegypti regem, & ipsius Epiphanis hostem, se contulit, atque accepto ab eo in Heliopolitana præfectura solo ibi oppidum Hierosolymis simile condidit, Templumq. ædificauit. ibiq. pontifex inter eos Iudæos, qui seditione vrbe pulsi in Aegyptum concesserant, præfuit. Quo vero tempore Titus Cæsar templum Hierosolymis inflāmauit, eodem hoc à Paulino proconsule Aegypti claudi est iussum, ita vt vestigium diuini cultus in eo nullum remaneret, post trecentos triginta annos, quā fuerat constitutum, vt Iosephus libro Belli septimo prodidit. Extat epistola Iudæorum Hierosolymitanorum ad Iudæos Aegyptios, petētium, vt festum dedicationis Templi sui agerent, quemadmodum alia celebrarent, libro secundo. Maccab. cap. primo, quā in manus sumere, non erit inutile.

## De Synagogis. Cap. VIII.

HACTENVS de Templo, siue de Templis sit dictum. sequitur, vt de Synagogis agamus. etsi enim hæc non templa fuerunt, tamen aliquid templo simile habuerunt. Origo autem synagogarum non fuit vetusta. neq; enim in historia Iudicum, aut Regum vlla earum memoria celebratur. Ego vero, si quid in eiusmodi antiquitate concipienda coniecturæ est concedendum, eas in Babylo-nico exilio primum constructas putarim, vt qui Templo



plo carerent, in quo aut orarent, aut docerent, locum aliquem similem Templo haberēt, in quem eiusmodi officij gratia conuenirent. atque hoc idem fecisse reliquos dispersionis Iudæos in Asia, Aegypto, & Europa censuerim. Itaque in prouincijs, ubi Templum non fuit, frequentissima fuit synagogarum consuetudo. Postquam autem Iudæi ex Babylonia redierunt, ac Templum in vrbe Hierosolymorum restituerunt, simul etiam institutum iam synagogarum vltimum retinuerunt, vt Iudæi Hierosolymitani in Templo legem audirent, prouinciales vero, cum ad urbem veniebant, in Synagogis. In commentarijs certe Hebræorum scriptum est, vltimis temporibus in vrbe Hierosolyma quadringentas octoginta synagogas constitutas fuisse, quod Iudæi eò ex omnibus regionibus conuenirent. Erant ergo Hierosolymis synagoga peregrinorum, templū ciuium. in reliqua vero Iudæa, & Galilæa, & in ceteris prouincijs, in quibus Iudæi post dispersionem versabantur, erant ipsorum etiam incolarū, quibus Hierosolyma adire, non erat commodum. De Hierosolymitana vna synagoga mentio fit præcipue Actuum cap. vi: *Surrexerunt quidam de Synagoga, quæ appellatur Libertinorum, & Cyrenensium, & Alexandrinorum, ac eorum, qui erant à Cilicia, & Asia disputantes cum Stephano.* Hi enim omnes erant Iudæi, verum in prouincijs habitantes. qui cum Hierosolyma negotiorum suorum causa adibant, non ad Templū, sed ad synagogam, quam ipsi sibi parauerant, conuenire instituerant. item apud Ioannem xviii: *Ego semper docui in synagoga, & in templo, quo omnes Iudæi conueniunt.* De ceteris cap. Actuum xv: *Moses à temporibus antiquis habet in singulis ciuitatibus, qui eum prædicent in synagogis, ubi per omne sabbatum legitur.* Moysen autem intelligit libros eius. & ix: *Paulus petijt à ponti-*

à pontifice epistolas in Damascum ad synagogas, ut si quos inuenisset huius sectæ viros, ac mulieres, vinctos perduceret in Hierusalem. De synagogis Galileæ, quas Christus, & Asiæ, quas S. Paulus adiuit, multa in Euangelijs, & Actis testimonia extant, quæ postea referentur, vbi de Scribis agitur. Hæ vero synagogæ aliquando à priuatis hominibus, & quidem etiam gentilibus, pij officij causa construiebantur, ut illa vii Lucae in Capharnaò à centurione Romano. sic enim dixere Iudæi: *Dignus est, ut sanes illi seruum. diligit enim gentem nostram, & synagogam adificauit ipse nobis.* Ut autem in templo sacerdotes, & pontifex principatum gerebant, sic in synagogis scribæ, & eorum princeps is, qui synagogæ princeps, siue archisynagogus dicebatur. & probri loco maximi ducebatur, si quis synagogæ, idest coetus illius, qui ad audiendum conueniebat, expers factus fuisset. Vnde scriptum est apud S. Ioannem ix: *Conspirauerunt Iudæi, ut si quis confiteretur, eum esse Christum, extra synagogam fieret.* & xii: *Ex principibus multi crediderunt in eum, sed propter Phariseos non confitebantur, ut è synagoga non eijcerentur.* Quin etiam in iisdem locis Scribæ ambitionis causa prima cathedras affectarunt. quod Christus eis obiecit, cum præcipuam illorum contundere superbiam vellet. Sed de officio scribarum in synagogis post suo loco pluribus, vbi etiam alia de synagogis adijciuntur. nunc enim hæc de synagogis dicere volumus, ut eas diuersum aliquid à templo esse, ostenderemus. cuius rei argumento est, quòd eadem euerfo etiam templo in hunc usque diem seruata sunt. vnde Ecclesiæ Christianorum opposita est Synagoga Iudæorum.



CAROLI SIGONII

# DE REPUBLICA HEBRÆORVM LIBER III.

Qui de diebus sacris inscribitur.

De Annis Hebraicis. Cap. I.



**D**ONIAM de locis sacris diximus, deinceps sequitur, ut de diebus, prout proposueramus, agamus. Quæ disputatio quò aptius explicetur, prius de tota ratione Hebraicorū annorū, ac mensū differetur. Hebræi igitur, ut satis inter interpretes constat, annum habuerunt lunarem ex mensibus duodecim, & diebus trecentis quinquaginta quattuor constitutum; eum vero duplicem: vnum, quem naturalem, & vulgarem, alterum, quem civilem, & sacrum appellauerunt. Naturalis ab initio mūdi sub æquinoctium autumnale est institutus, quo tempore ipsi etiam mundum à Deo creatum existimauerunt. Civilis ante egressum Hebræorum ex Aegypto sub æquinoctium vernū à Deo præscriptus est, ille post conditos fructus, hic ante inchoatam messem. Ut autem lunaris annus fieret solaris, idest spatium, quo sol Zodiaco circumuoluitur, finiretur, qui cursum suum diebus trecentis sexaginta quinque, ac quadrante absoluit, opus intercala-



calatione vndecim dierum, & quadrantis, qui supererant, fuit.

Ceterum numerus duodecim mensium confirmatur quarto tertij Regum: *Habebat Salomon duodecim præfectos super omnem Israel, qui præbebant annonam regi, & domui eius. per singulos enim menses in anno singuli necessaria ministrabant.* & 1111 Danielis: *Post finem duodecim mensium in aula Babylonis deambulabat.* & 111 Elther: *Mense primo, cuius vocabulum est Nysan, missa est sors in urnam, & exiit mensis duodecimus, qui vocatur Adar.*

De anno vero naturali incipiente a mense Septembri docet Cap. 2111 Exodi: *Custodies solemnitatem in exitu anni, quando congregaueris omnes fruges tuas de agro.* & 331111: *Solemnitatem hebdomadarum facies tibi in primitijs frugum messis tue triticeæ, & solemnitatem, quando redeunte anni tempore cuncta conduntur.* Adde, quòd annus septimus, & annus quinquagesimus ordiebatur à septimo mense, vt postea demonstrabitur, tanquam ab eo, vnde vetus, & naturalis annus exordium sumeret. Quin etiam Chaldaeus Paraphrastes locum ex 7111 tertij Regum ita expressit: *Conuenerunt ad Salomonem in mense Forium festo die, quem vocabant olim primum mensem, at nunc est septimus.* Iosephus autem libro Antiq. primo tradidit, diluuium Noe coepisse secundo mense anni, qui à Macedonibus vocatur Dios, ab Hebræis Mareshuan, qui respondet apud Romanos Octobri.

De institutione vero sacri anni sic præcepit Deus in Aegypto cap. 111 Exodi: *Mensis iste vobis principium mensium primus erit in mensibus anni.* Eum vero mensem post vocauit Cap. 33111 *mensem Nouarum frugum, & 331111 mensem verni temporis.* Quare omnium consensu putatur fuisse idem, atque Martius.

De intercalatione non extat præceptum in lege vllū, verum interpretes asserunt, eā necessariam fuisse, vt conseruaretur ratio mensium, qui à noua semper luna exorī sunt, & Paschæ, quam quartadecima die primi mensis celebrari oportuit paullo ante messē, & Tabernaculorū, quæ perfectā vindemia celebrari Deus præcepit. Eos vero dies Iudæi interposuerunt secundo, & quarto quoque anno post mensem duodecimum, qui dicitur Adar. Itaque cum mensem tertiumdecimum vocant Veadar, quasi alterum Adar, dierum viginti duorum, & viginti triū, vicibus alternatis, habita ratione quadrantis.

### De mensibus. Cap. II.

MENSES porro singulos instituerunt à noua luna. eos vero ante exilium Babylonicum nominarunt à numero, prout quisque primus erat, aut secundus, aut tertius vsque ad duodecimum. Post reditum autem ex Babylonia his ferme, vt aiunt interpretes, ornati sunt nominibus Nisan, zius, siue Iar, Siuan, Tamuz, Ab, Elul, Ethanim, siue Tifri, Bul, siue Mareshuan, Casleu, Thebet, Sebat, Adar, qui respondent Martio, Aprili, Maio, Iunio, Iulio, Augusto, Septembri, Octobri, Nouembri, Decembri, Ianuario, & Febuario. Ex his autē alij xxx dies alter natim habuerunt, alij xxix. vnde illi pleni, hi caui vocati sunt. Qua ratione ccccliiii dies emerferunt. Prioris appellationis testimonio est caput Exodi xxi: *Mense primo quartadecima die mensis ad vesperam Phase Domini est.* & Numer. ix: *Faciat Phase Domino in mense secūdo quartadecima die mēsis ad vesperam.* & primi Paralip. xxvi: *Prime turma in primo mense Iesboan præerat. Secūdi mensis habebat turmam Dudia. Dux turma tertiæ in mense ter-*

tiō erat Banaias. Quartus mense quarto Azazel, Quintus mense quinto Samaoch, Sextus mense sexto Hira. atq. ita deinceps vsque ad duodecimum.

De nominibus alijs postea mensibus inditis docet quintum tertij Efdraē: *In secundo anno regni ipsius mense Nysan primo.* tertium Esther: *Mense primo, cuius vocabulum est Nysan.* Baruc primum: *Decima die mensis Siuan.* Sextum secundi Efdraē: *Vicesimo die mensis Elul.* Zachariae vi 11: *In quarta mensis noni, qui est Casleu.* & primum: *Quarta undecimi mensis Sabbath.* & primi Maccab. xvi: *Mense undecimo, hic est mensis Sabbath.* Esther xvi: *Mensis duodecimus, qui vocatur Adar.* Sextum tertij Regum: *Mense Zio, ipse est mensis secundus.* Item: *Anno quarto fundata est domus Domini in mense Zio, & in anno undecimo mense Bul, ipse est mensis octauus, perfecta est domus.* & vii 11: *Conuenit Israel in mense Bethanim, siue Ethanim in solemnitate die, ipse est mensis septimus.* reliqua ex interpretibus. At quia lunares quoque menses sunt, propterea nō semper mensibus Romanorum responderunt, sed saepe in binos singuli incurrerunt.

De Septimanis. Cap. III.

MENSES inde singulos in septimanas, seu hebdomadas diuiserunt. Septimum autem quēque diem vocauerunt sabbatum, id est requiem, quod eo die post opus sex dierū Deus quieuiisset. atque ea de causa ipsam etiā septimanā sabbatum appellarunt. Paralip. tricésimo tertio secūdi: *Qui sibi per singulas hebdomadas succedere consueuerant.* & Lucas xvi 11: *Ieiuno bis in Sabbato,* id est in septimana. Hinc dixerunt primam, & vnam, & alteram Sabbati, pro prima, & secunda die septimanæ. vt S. Marcus xvi: *Et valde mane vna Sabbatorum.* ac mox: *Sur-*



*gens mane prima Sabbati. & S. Matthæus: Vespere Sabbati, quæ luceſcit in prima Sabbati, id eſt vespere eius diei, qui ſuccedit primus ſeptimanæ, ſiue vespere præcedente primum diem ſeptimanæ. & Actuum xx: Vna Sabbati cum conueniſſemus ad frangendum panem. Eſt autem prima, ſiue vna Sabbati, dies, quam Chriſtiani Dominicam vocant, quam etiam commemorauit S. Ioannes in Apocalypſi: Fui in ſpiritu Dominica die. Vnde dixit poſt S. Hieronymus aduerſus Vigilantium: Per vnā Sabbati, hoc eſt in die Dominico, omnes conferre, quæ Hieroſolymam in ſolertia dirigantur, Apoſtolus Paulus præcepit. id autem præcepit ſecunda ad Corinthios xvi: Per vnā Sabbati vnusquisque veſtrum apud ſe reponat.*

### De diebus profectis. Cap. IIII.

**DIE** S porro vocarunt lunas, ita vt primam, & ſecundam lunam, ac primam, & ſecundam diem ponerent pro eodem. vt primo tertij Eſdræ: *Ioſias immolauit Phaſe quartadecima luna primi menſis*, pro eo quod alibi fuit ſcriptum, *quartadecima die*. Dies porro ſiue aſtiui, ſiue hyberni eſſent, duodecim horas habuerunt, & noctes totidem, ſed inæquales. vnde ſcripſit S. Ioannes Cap. i i: *Nonne duodecim ſunt horæ diei?* & Matthæus xx idem ſignificauit, vbi horæ tertiæ, ſextæ, nonæ, & demum vndecimæ meminit, tanquam extremæ diei. Ex his autem diebus alij profecti fuerunt, alij feſti. Profecti, quibus opus exercere fas fuit, matutino, & veſpertino holocauſto cōfecto. Feſti, quibus ab opere abſtinere neceſſe fuit. Profeſti vero aut primi menſium fuerunt, qui Neomeniæ dicti ſunt, aut inter ſeptimanas interiecti. de quibus ſeorſum agemus.

De Neomenijs. Cap. V.

SINGVLA ergo mensium initia sacra esse Deus constituit. quos dies Græci Neomenias, Latini Kalendas vocarunt, ita ut proprium holocaustum, quo insignirentur, haberent, cessationem tamen ab operibus non haberent. sic enim mandatum est Numerorum xxvi i i : *In Kalendis, idest mensium exordijs, offeretis holocaustum Domino vitulos de armento duos, arietem unum, agnos anniculos septem immaculatos, & tres decimas similæ ex oleo in sacrificio per agnos singulos holocaustum suavisissimi odoris, atque incensi Domino. Libamenta autem vini, quæ per singulas fundenda sunt victimas, ita erunt. media pars hinc per singulos vitulos, tertia per arietem, quarta per agnum. hoc erit holocaustum per omnes menses, qui sibi vertente anno succedunt. Quod sic explicuit Iosephus : In initio mensis & quotidiana sacrificia, & duos vitulos cum agnis anniculis septem, & arietem mactant, hoc dum vero pro declinatione peccatorum, si forte per casam oblivionis euehiant. Hinc secundo secundi Paralip. scriptum est: Ad holocaustumata Neomenijs, quæ mandata sunt Israeli. & octavo: Salomon obtulit holocausta super altare Domini, ut per singulos dies offerretur in eo iuxta præceptum Mosi in Sabbatis, et in Kalendis. & Esdræ secundo: Fecerunt holocaustum iuge in Kalendis. & Isaia primo: Kalendas vestras, & solemnitates vestras odiuit anima mea.*

De diebus singulis. Cap. VI.

DIES vero ceteri inter septimanas interiecti ex præscripto Dei haud prorsus religione caruerunt. Nam licet operibus pro necessitate vacarunt, tamē matutinum,

*eternis beneficijs, quæ assidue Deus largitur humano generi. Septimo die is numerus duplicatur, in eternitatis honorem, quod septimus dies mundi natalis sit. Quotidie et bis incensa sunt thura in ara, quæ intra velum est, oriente sole occidenteq. ante matutinum, & post vespertinum sacrificium. Panes item septimo quoque die proponuntur in sacra mensa, cū panibus autē sai, & thus mensæ imponitur.*

De Pascha, & Azymis. Cap. IX.

P R A E C I P V V S etiam honos Paschæ habitus est. Hoc vero quādo institutum, cur ita vocatum, & qua ratione celebratum sit, ita demonstrabitur, ut lex primū proferatur, deinde explicatione ornetur. Sic ergo de Paschate mandavit Deus Hebræis adhuc in Aegypto agentibus, Exodi xii: *Mensis iste vobis principium mensium primus erit in mensibus anni. decima die mensis huius tollat unusquisque agnum per familias, et domos suas sine macula masculum anniculum, & hoedum, & quartadecima die immolabit eum ad vesperam, & sumet de sanguine, & ponet super utrumque postem, & super liminaribus domorum, in quibus comedent illum, & edent carnes nocte illa assas igni, & azymos panes cum lactucis agrestibus. non comedetis ex eo crudum quid, nec coctum aqua, sed assum tantum igni. renes vestros accingetis, calciamenta habebitis in pedibus tenentes baculos in manibus, & comedetis festinantes. est enim Phase, idest transitus Domini, & transibo per terram Aegypti. Erit autem sanguis vobis in signum in ædibus, in quibus eritis, & videbo sanguinem, & transibo vos, nec erit in vobis plaga disperdens, quando percussero terrā Aegypti. Habebitis autem hunc diem in monumentum, & celebrabitis eam solemnem Domino in generationibus ve-*

*Stris*



*stris cultu sempiterno. Mox de Azymorum diebus ita subi-  
iccit: Septem dies Azyma comedetis . in die primo non erit  
fermentum in domibus vestris. quicumque comederit fermē-  
tum , peribit anima illa de Israel à primo die vsque ad diē  
septimum. Dies prima erit sancta, atque sollemnis , & dies  
septima eadem festiuitate venerabilis . nihil operis facietis  
in eis exceptis ijs, quæ ad vescendum pertinent. Et obserua-  
bitis Azyma vsque ad diem vicesimam primam eiusdem  
mensis ad vesperam. Septem diebus fermentatū non inue-  
nietur in domibus vestris, qui comederit fermentatū, peribit  
anima illius de cætu Israel tam de aduenis, quàm de indige-  
nis terræ. & mox: Cum introieritis in terram, quam Domi-  
nus daturus est vobis, vt pollicitus est, obseruabitis cæremo-  
nias istas. & cum dixerint vobis filij vestri. Quæ est ista re-  
ligio? dicetis eis. Victimæ trāsitus Domini est, quando trans-  
iit per domos filiorum Israel in Aegypto percutiens Aegy-  
ptios, & domos nostras liberans. Deinde Leuitici xxiii  
de Pascha, & Azymis eadem repetijt : Mense primo , &  
quartadecima die mensis ad vesperam Phase Domini est.  
Septem diebus Azyma comedetis. dies primus erit vobis ce-  
lebrerrimus , sanctusque. nullum opus seruile facietis in eo,  
sed offeretis sacrificium in igne septem diebus. dies autem  
septimus erit celebrior, & sanctior. nullumque opus seruile  
facietis in eo. Item xvi Deuteronomij: Sex diebus come-  
des Azyma, et in die septima, quia Collecta est Domini Dei  
tui. non facies opus.*

Dixi, quid sit in lege, nunc expositionem proferam le-  
gis. Repetendum est igitur, annum ante Moysem incœ-  
pisse ab æquinoctio autumnī mēse Septembri, Deum au-  
tem mandasse Moyfi, vt ordirentur ab eo mense, quo ex  
Aegypto egredierentur, qui tum primus mensis dictus.  
post autem Nyšan appellatus est , & idem apud Roma-  
nos,

nos, atque Martius fuit, & æquinoctium vernum contē-  
nuit. vnde Exodi xiiii mensis Nouarum frugum est  
dictus: *Hodie egrediemini mense Nouarum frugum.* &  
Deuteronomij xii: *Obserua mensem Nouarum frugum,*  
& verni primum temporis, *ut facias Phase.* Iccirco vero  
ita dictus est, quoniam in Aegypto, & Syria mense Mar-  
tio segetes maturefcere incipiunt. Sic enim scribit Philo-  
libro, iii de vita Moïsis: *Moses primum mensem fecit*  
*eum, qui in vernum æquinoctium incidit, nō sicut quidam,*  
*qui precedentibus id honoris tribuunt, non obseruato natu-*  
*ræ beneficio. tunc enim maturefcunt segetes ad victum ne-*  
*cessariæ, arborum vero fœtus pubescunt recens editi, secun-*  
*dis mensis inferendi. quippe sine tritico, hordeo, ceterisq.*  
*similibus frugibus nō viuunt, sine vino, et oleo, fructibusq.*  
*arbores quædā gētes atatem producunt in annos plurimos.*  
*eius mensis die quarta decima sub ipsum tempus, quo luna*  
*suum orbem solet complere lumine, celebratur migrationis*  
*publica festiuitas, quam Chaldaice Pascha nominant. quo*  
*tempore, non ut alias, plebey homines victimas adducunt*  
*ad altare mactandas à sacerdotibus, sed iubente lege tota gēs*  
*sacrificat, dū pro se quisque mactat hostiam suis manibus.*  
Itē in libro de decalogo: *Patria Hebraorum lingua* | *Pa-*  
*scha dicitur, quando populariter singuli sacrificant non ex-*  
*pectatis sacerdotibus, ipsi permissu legis fungentes sacerdo-*  
*tio quotānis per vnum diem destinatum huic negotio. quā-*  
*do etiam offertur manipulus gratiarum actionis pro vberta-*  
*te camporum, & frugum abundantia.*

Phase ergo, siue Pascha, idest transitus Domini, cele-  
brabatur quartadecima luna, siue quartadecima die mē-  
sis Martij ad vesperam, cum singulæ familiæ sibi agnum  
occiderēt, & astatū cū azymis ederēt. Sequens autē dies,  
idest quintadecima & Pascha, & prima Azymorum vo-  
ca-

cabatur, inde septima ab illa, nempe vicesima prima, erat septima Azymorum, quam Collectam dicebant, quia tum fruges terræ metebant, ac colligebant. Quoniam autē dies festus apud eos incipiebat a vespere, propterea quarta decima die Phase celebrari incipiebat, & in quinta decima desinebat, quam & Pascha, & primā Azymorum diximus. Sic enim locutus est S. Lucas: *Dies Azymorum, qui dicitur Pascha.* item: *Venit dies Azymorum, in quo necesse erat occidi Pascha.* & S. Marcus: *Primo die Azymorum, quando Pascha immolabant.* Hic enim Pascha pro agno Paschali accipitur, vt in illo: *Pascha nostrū immolatus est Christus.*

Cautum inde lege Synedrij fuit, vt traditur ab Hebraeis in libro Seder Olā, ne Pascha celebraretur die septimanæ secundo, quarto, & sexto, si in eos incidisset. Ita que si dies quintadecima mensis incurrebat in sextum diem septimanæ, Pascha differebatur in posterum diem, qui erat Sabbatum. quemadmodum factum aiunt eo anno, quo Christus est passus. Ille autem, vt multi opinantur interpretes, à lege Dei nolens recedere, celebrauit illud feria quinta vespere. Iudæi vero morem nouum, aut traditionem patrum sequuti feria sexta vespere, vnde solēnitās Sabbati initium erat ductura. Neque vero interpretes multi aliter congruere verba S. Ioannis cum verbis aliorum Euangelistarum posse arbitrantur. quorum hi Pascha celebratum esse à Christo feria quinta vespere tradunt, ille vero ipsum in Parasceue i. præparatione Paschæ, idest pridie Paschæ esse passum exponit. Accedit, quòd in ipsa Parasceue, quæ dies est sexta, Iudæi dixerunt, se nolle prætorium ingredi, ne cōtaminarentur, & comedere Pascha possent. id quod eo die non mane, sed vespere erant facturi, qui ad solemnitatem sequentis,



tis Sabbati pertinebat . Neque vero solum dies prima Azymorum Paschatis nomine decorata est, sed etiam reliquæ. vt à S. Luca Act. xi 1: *Erant dies Azymorum. Quæ cum apprehendisset, misit in carcerem volens post Pascha producere eum populo.*

Non est præterea illud silentio prætereundum, ex præcepto Dei Pascha celebrari non potuisse, nisi in vrbe regni metropoli. Deuteronomij xvi: *Non poteris immolare Phase in qualibet urbium tuarum, quas Dominus daturus est tibi, sed in loco, quæ elegerit Dominus Deus tuus, vt habitet nomen eius ibi.* Itaque in Silo primum, deinde Hierusalem celebrari est solitum.

Vt autem hæc ipsa illustriora reddantur, placet his quoque paschata apparate celebrata, de quibus litteræ sacræ loquantur, attexere. Celebratum est igitur primum Pascha in terra Chananæa à Iosue, vt scriptum est v Iosue: *Manserunt filij Israel in Galgalis, & fecerunt Phase quartadecima die mensis ad vesperam in campis Hiericho, & comederunt de frugibus terræ, altero azymos panes, & potentiam huius anni.* Alterum tempore Ezechix regis Iudæ. de quo sic 11 Paralip. xxx: *Inito consilio Regis, & principum, & vniuersi cætus Hierusalẽ, decreuerunt, vt facerent Phase mense secundo. non enim potuerant facere in tempore suo, quia sacerdotes, qui possent sufficere, sanctificati non fuerant, & populus nondum congregatus fuerat in Hierusalem. & post: Fecerunt filij Israel, qui inuēti sunt in Hierusalem, solemnitatem Azymorum septem diebus solemnitatis immolantes victimas pacificas, & laudantes Dominum Deum patrum suorum. & placuit vniuersæ multitudini, vt celebrarent etiam alios dies septem. quod & fecerunt cum ingenti gaudio. factaque est gravis celebratio in Hierusalem, qualis à diebus Salomon is filij*

*Ilij David regis Israel in ea urbe non fuerat. Tertium factū est à Iosia rege x x i i i quarti Regum : Non est factum Phasē tale à diebus Iudicum, qui iudicauerunt Israel, & omnium dierum regum Israel, & regum Iudæ, sicut in octauo decimo anno regis Iosie. Item i i Paralip. xxxv. & tertio Eldræ primo. Quartum, postquam è Babylonia redierunt. vi primi Eldræ: Filij Israel transmigrationis fecerunt pascha quarta decima die mensis primi, & fecerunt solemnitatem Azymorum septem diebus in letitia. Hactenus de Pascha, & Azymis.*

De Pentecoste.

Cap. X.

SEQVVTVR Primitiæ, & Pentecoste, quæ etiam Hebdomades appellatæ sunt. Quæ vero hæc fuerint, & quibus diebus peracta sint, eadem, vt ante, ratione tradetur, nempe primum loca legis prodendo, deinde breuem eorum explicationem adiijciendo. Sic igitur de die Primitiarum præcepit Deus Leuitici x x i i i : *Cū ingressi fueritis terram, quam ego dabo vobis, & messueritis segetem, feretis manipulos spicarum primitias messis vestræ ad sacerdotem, qui eleuabit fasciculum coram Domino, vt acceptabile sit pro vobis, altero die Sabbati, & sanctificabit illum, & eodem die cadetur agnus immaculatus anniculus in holocaustum Domino, & libamenta offerentur cum eo, duæ decimæ similæ consperse oleo in incensum Domino, odoremque suauissimum, liba quoque vini, quarta pars hin. Quibus dictis subiicit de Pentecoste post septem hebdomadas celebranda ita: Numerabitis inde ab altero die Sabbati, in quo obtulistis manipulum primitiarum septem hebdomadas plenas vsque ad alteram diem expletionis hebdomadæ septimæ, idest quinquaginta dies, & sic offe-*

offeretis sacrificium nouum Domino panes primitiarum duos, septem agnos immaculatos anniculos, & vitulum de armento vnum, & arietes duos, & erunt in holocaustum cum libamentis suis in odorem suauissimum Domino. Facietis & hircum pro peccato, duosque agnos anniculos hostias Pacificorum. Item Numerorum xvi 11, & Deuteronomij xvi: Septem hebdomadas numerabis tibi ab ea die, qua falcem in segetem miseris, & celebrabis diem festum hebdomadarum Domino Deo tuo. Rationem autem offerendarum primitiarum docuerat secundo Leuitici inquiens: Si obtuleris munus primitiarum frugum tuarum Domino de spicis adhuc virētibz, torrebis igni, & confringes in morem farris, & sic offeres primitias tuas Domino fundens super ea oleum, & thus imponens, quia oblatio Domini est. de qua adolebit sacerdos in memoriam muneris partem farris fracti, & olei, ac totum thus. Qualis vero hæc ratio esset, apertius quoque Iosephus explicuit Antiq. tertio: Secunda Azymorum die, quæ est sexta decima mensis Martij, frugum, quas messuerunt (non enim ante attingunt) partem sumunt. ac rati primum Deo honorem habendum, à quo earum copiam acceperunt, hoc modo illi earum primitias offerunt. Vbi manipulum spicarum siccarūt, & tuderunt, hordeaque ipsa ad molendum nudarunt, assarium altari Deo admouent, & pugillum vnum ex eo inicitres, reliquum ad vsum sacerdotis relinquunt. atque inde publice messis facienda potestas datur. Sacrificant autem in Primitijs frugum agnum in holocaustum Deo. Hebdomada vero septima post hoc sacrificium transacta (hæ hebdomades dies sunt quadraginta nouem) quinquagesima die afferunt ad Deum panes ex farina hordeacea, duo assaria, cū fermento factos, sacrificium vero agnos duos. & Deo quidē offeruntur solum, sacerdotibus vero ad canam præbentur.

nec



*nec licet ex eis quidquam in crastinum relinquere. & immolant in holocaustū vitulos tres, arietes duos, agnos quatuordecim, & hircos pro peccato duos.*

Ex his omnibus in vnum collatis satis intelligi potest, sexta decima die Martij, quam secundam Azymorum diximus, falcem in segetem primum esse missam, lectumque nouarum frugum manipulum Domino esse oblatum, vt sanctificaretur futura messis, cumque diem Primitiarum vocatum; Messē inde post quadraginta nouem dies perfecta, ipso die quinquagesimo festum Pentecostes, siue Quinquagesimæ celebratum fuisse sexto die mensis Siuan, qui respondit Maio, atque eo die panes è nouis frugibus Deo oblatos esse; Festū autem Pentecostes alio nomine festum Hebdomadū esse dictum, quòd in fine hebdomadam ageretur. vnde illud est secundo Maccabæorum duodecimo: *Venerunt Hierosolymam die solemnī Septimanarum instante, & post Pentecosten abierunt contra Gorgiam.* & Actuum I I: *Cum complerentur dies Pentecostes.*

De festo Tubarum. Cap. XI.

SEQUITVR dies Tubarū, qui die prima septimi mensis est celebratus, quem illi Tisri, nos Septembrem vocamus. De eius vero cultu sic præcepit Deus Leuitici XXIII: *Mense septimo prima die mēsis erit vobis Sabbatū memoriale clangentibus tubis, & vocabitur sanctum. nulum opus seruile facietis in eo, & offeretis holocaustum Domino.* Celebratus est autem in memoriam, vt aiunt interpretes, eius dici, quo tubis clangentibus Deus legē Moysi in monte Sinai dedit, aut eius, cum liberatus est Isaac inuento ariete harente cornibus. Huius vero dici men-

ti fit psalmo lxxx: *Buccinate in Neomenia tuba in insigni die solemnitatis vestra, quia preceptum est in Israel. & apud Philonem in Decalogo: Sacrum Nouilunium, in quo tuba canitur.*

## De festo Expiationum. Cap. XII.

FESTVM autem Expiationum decimam septimi mensis diem habuit dedicatam, qui etiam Ieiunij dies dictus est, quod eo animas affligere, idest ieiunare lege iussi sunt. de eo vero sic præcipere perrexit Deus Leuitici **xxiii**, inquiens: *Decimo die mensis septimi dies Expiationum erit celeberrimus, & vocabitur Sanctus, affligetis-que animas vestras in eo, & offeretis holocaustum Domino. nullum opus seruile facietis in eo, quia dies propitiationis est. & affligetis animas vestras die nono mensis. omnis anima, quæ afflicta non fuerit die hac, peribit de populis suis.* De eodem vero die sic præceperat etiam **xvi**: *Mense septimo decima die mensis affligetis animas vestras, nullumq. opus facietis siue indigena, siue advena, qui peregrinatur inter vos. In hac die expiatio erit vestri, atque mundatio ab omnibus peccatis vestris. coram Domino mundabimini. Sabbatum enim requiectionis est. & affligetis animas vestras religione perpetuo. Expiabit autem sacerdos, qui unctus fuerit, Sanctuarium, Tabernaculum Testimonij, atque Altare, sacerdotes quoque, et vniuersum populum. Eritque vobis hoc legitimum sempiternum, ut oretis pro filiis Israel, & pro cunctis peccatis eorum semel in anno. Quomodo vero hæc expiatio peccatorum, & Tabernaculi fieret capro emissario in deserto emissio, eodem capite traditur. quæ res quia ad pontificis officium pertinuit, in eum locum reiicietur, in quo de pontifice disputabitur.*  
Hic

Hic vero dies Ieiuniū appellatus est à Hieremia xxxvi:  
*Leges de volumine audiente populo in domo Domini in die*  
*Ieiunij. Quare Iosephus dixit vi Belli: Die expiationum*  
*ieiunare mos fuit cunctis.*

De festis Collectarum, & Tabernaculorum.

Cap. XIII.

VLTIMA fuit celebritas Tabernaculorū, quæ per  
 octo dies peracta est. ex quibus primus, qui Septembris  
 quintus decimus fuit, & octauus, qui fuit vicetimus secū  
 dus, Collecta fructuum dictus est, vt distingueretur ab  
 illa altera collecta frugum, de qua diximus. De eo ve-  
 ro sic **xxiii** Leuitici: *A quinto decimo mensis septimi*  
*erunt ferie Tabernaculorum septem diebus Domino. Dies*  
*primus vocabitur celeberrimus, atque sanctissimus, & of-*  
*feretis holocaustum Domino. est enim cætus, atque COLLE-*  
*CTAE. nullum opus seruile facietis in eo. A quinto decimo*  
*ergo die mensis septimi, quando congregaueritis omnes fru-*  
*ctus terræ vestræ, celebrabitis ferias Domini septem die-*  
*bus. die primo, & die octauo erit sabbatum, idest requies,*  
*sumetisque vobis die primo fructus arboris pulcherrimæ,*  
*celebrabitisque solemnitate eius septem diebus per annū.*  
*mensē septimo festa celebrabitis, & habitabitis in umbracu-*  
*lis septem diebus. Omnis, qui de genere est Israel, manebit*  
*in tabernaculis, vt discant posteri vestri, quod in taberna-*  
*culis habitare fecerim filios Israel, cum educaerem eos de*  
*terra Aegypti. Eadem repetuntur Numerorum xxix,*  
*adiectis sacrificijs, quæ singulis festis facienda sunt: Die*  
*prima offeretis holocaustum in odorem suauissimum Domi-*  
*no vitulum de armento vnum, arietem vnum, & agnos a-*  
*niculos immaculatos septem. Quintadecima vero die offe-*  
 F 2 retis



*retis holocaustū vitulos de armento tredecim. in die altero offeretis vitulos de armento duodecim, arietes duos, agnos immaculatos quattuordecim. die tertio vitulos undecim, arietes duos, agnos immaculatos quattuordecim. die quarto vitulos decem, arietes duos, & agnos quattuordecim. die quinto vitulos nouem, arietes duos, agnos quattuordecim, die sexto vitulos octo, arietes duos, agnos quattuordecim, die septimo vitulos septem, arietes duos, agnos quattuordecim. die octauo, qui est celeberrimus, vitulum vnum, arietē vnum, agnos anniculos immaculatos septem. Hæc offeretis Domino in solemnitatibus vestris præter vota, & oblationes spontaneas in holocausto, in sacrificio, in libamine, et in hostijs pacificis. & Deuteromij xvi: Solemnitatem Tabernaculorum celebrabis per septem dies, quando collegeris de area, & torculari fruges tuas, & epulaueris in festiuitate tua.*

Tabernacula ergo, monumētum illius temporis, quo populus in deserto sub tabernaculis fuit, in Collectas fructuum inciderunt in autumnno in exitu anni veteris, siue naturalis, vt significatur **xxi i i** Exodi: *Facies & solemnitatē in exitu anni, quando congregaueris omnes fruges tuas de agro, & xxxi i i i*: *Facies & solemnitatē, quando redeunte anni tempore cuncta conduntur.* Significat enim æquinoctium autumnale naturalis anni præteriti finem, & principium sequentis in mense Septembri. De his vero magna lætitia celebratis agitur Heremix octauo post reſtitutam urbem: *Inuenerunt scriptum in lege, præcepisse Dominum in manu Moysi, vt habitent filij Israel in tabernaculis in die soleſſi mense septimo, vt prædicent, & diuulgent vocem in vniuersis urbibus suis, & in Hierusalem dicentes: Egredimini in montem, & afferite frondes oliuæ, & frondes ligni pulcherrimi, frondes myrti, & ra-*  
mos

mos palmarum, & frondes ligni nemorosi, ut fiant tabernacula, sicut scriptum est. Et egressus est populus, & attulerunt, feceruntque sibi tabernacula unusquisque in domo sua, & in atrijs suis, & in atrijs Domus Dei, & in platea portæ aquarum, & in platea portæ Effraim. Fecit ergo uniuersa ecclesia eorum, qui redierant de captiuitate, tabernacula, & habitauerunt in tabernaculis. non enim fecerunt à diebus Iosue filij Nun taliter filij Israel usque ad diem illam. & fuit letitia magna nimis. Legit autem in libro legis Dei à die primo usque ad diem nouissimum, & fecerunt solemnitatem septem diebus, & in die octauo COLLECTAM iuxta ritum. De eorundem etiam ritu scribit disertè Iosephus libro tertio Antiquitatum, cuius verba prætereunda silentio non videntur: Quintadecima die eiusdem mensis tempore ad hiemem vergente Deus tabernacula figere iussit singulos per familias, metuentes frigus pro anni custodia. dumque in patriam peruenirent, in illa urbe, quam propter templum metropolim haberent, eos octo diebus festiuitatem agere, & holocausta facere, & sacrificare Deo, & pacificas hostias offerre præcepit. utque in manibus portarent ramos myrti, & salicis, summitatesque palmarum, & virgulas mali Persici. Prima itaque dierum sit holocaustum hostiarum ex tredecim bobus, & agno vno, aut pluribus, & arietibus duobus, adiecto hirco pro declinatione peccatorum. sex autem diebus ipse quidem numerus agnorum, & arietum cum hirco sacrificatur, subtrahitur autem singulis diebus unus bos, donec ad septimum veniatur, & ab omni opere die octauo requiescant, & Deo vitulum immolant, & arietem, & agnas septem, & hircum pro declinatione peccatorum. Hoc vero festum dicitur Græce Scenopegia, ad quod celebrandum in Hierusalem legitur in Euangelio etiam venisse Christus.

Ceterum festi omnes, de quibus dictum est, dies præcipue ad tres rediguntur PASCHA, PENTECOSTEN, ET TABERNACULA. Atque hi sunt, quibus quotannis virilis sexus omnes ter conuenire ex omnibus Iudeæ finibus debuerunt in urbem Hierusalem, vt sacris interessent. sic enim mandauit Deus Exodi XXI II: *Tribus vicibus per singulos annos mihi festa celebrabitis, solemnitatē Azymorum custodies, septem diebus comedes Azyma tempore mensis Nouorum, & solemnitatem messis primitiuorū operis tui, quacunque seminaueris in agro, & solemnitatē in exitu anni, quando congregaueris omnes fruges tuas de agro. Ter in anno apparebit omne masculinum tuū in conspectu Domini Dei tui in loco, quem elegerit. nempe, vt diximus in solemnitatem Azymorum, in solemnitatem Hebdomadarum, & in solemnitatem Tabernaculorum.* Siquidem secundo Paralip. octauo scriptum est: *Tunc obtulit Salomon holocausta Domino super altare Domini, quod extruxerat ante porticū, vt per singulos dies offerretur in eo iuxta præceptum Moysi in sabbatis, & Calendis, & in diebus festis ter per annum, id est in solemnitatem Azymorū, & in solemnitatem Hebdomadarum, & in solemnitatem Tabernaculorum.*

Cum autem tria Sabbata, siue festa fuerint, ad quæ quotannis adire viros singulos oportuerit, Pascha, Pentecoste, & Tabernacula, merito quæri potest, quodnam ex his fuerit illud, quod S. Lucas VI vocat sabbatum secundoprimum, inquit: *Factum est autem in Sabbato secundo primo, cum Iesus transiret per sata, vellebant discipuli eius spicas. neque enim Pascha fuit, quia XII II die Martij nondum erant maturæ spicæ, neque Pentecoste, quia sexta Maij messis iam absoluta erat. & si alterum eorum esset, tamen ratio non extaret, cur secundoprimum*



mu m diceretur. Omnino autem consentientibus omnibus inter Pascha, & Pentecosten illud inciderit, necesse est, cum eo tantum tempore messis vigeret. Hoc loco multa interpretes ex ingenio confinxerunt, quorum nihil probabilius, atque aptius ab eruditis hominibus iudicatur, quam quod à S. Ioanne Chrysostomo affertur, fuisse sabbatum, seu septimum diem, qui in Neomeniam Aprilis inciderit, ita ut duplex tum festum fuerit, septimus dies, & Neomenia. Verum & hæc expositio reprobari potest; primum, quia sola coniectura fulcitur, deinde, quia rationem non affert, cur tale sabbatum secundo primum dicatur, tertio, quia Neomenia sacer quidem erat dies, non tamen festus, cum opus exerceretur. quare talis dies duplex sabbatum esse non potuit. Quid igitur censes? dicet aliquis. bona cum venia omnium, qui secus scripserunt, exponam non refellendæ alienæ, sed meæ, ut in præsens est, sententiæ declarandæ gratia. Hebræi non semper celebrabant Pascha primo mense, sed interdum secundo, ut apparet ex 11 Paralip. xxx: *Initio consilio regis, & principum, & uniuersi cætus Hierusalem, decreuerunt, ut facerent Phase mense secundo. non. n. potuerunt facere in tempore suo, quia sacerdotes, qui possent sufficere, sanctificati non fuerant, & populus nondum congregatus fuerat in Hierusalem.* Cum autem secundo mense faciebant, fortasse secundo primum vocabant, significantes pascha secundo mense celebratum, quod primo oportuit. quo modo Græci hysteron proteron, id est posterius prius appellabant, cum posteriore loco dicebant, quod priore dicere debuerant. Venit ergo Christus primo mense ad Pascha sub messem, quo non celebrato, venit iterum secundo iam media mesie. Unde dixit S. Marcus 11 loquens de eadem re: *Et faciū*

*est iterum, cum Sabbatis ambularet per sata. Græce autē apertius: Et factum est, illum iterum iter facere per sata, ex quo conuincitur, omnino illud iterum referendum esse, ad Christum bis per sata euntem, non autem ad Phariseos bis eum calumnijs onerantes. vt Iansennius censuit. Si autem bis per sata iter fecit, ergo iterum Hierusalem ad sabbatum adiit, quod secundo mense celebratum est, cum fortasse primo non potuisset.*

### De Septimo anno. Cap. XIII.

PERTINUIT ad hanc etiam obseruationem Annus septimus, qui Sabbatarius dictus est. quia eo remissio terræ à cultura concedebatur. De eo vero sic præceptum est Exodi **xxiii**: *Sex annis seminabis terram tuam, & congregabis fruges eius. anno autem septimo dimittes eam, & requiescere facies, vt comedant pauperes populi tui, & quidquid reliquum fuerit, edant bestie agri, ita facies in vinea, & oliueto tuo. & Leuitici **xxxv**: Quando ingressi fueritis terram, quam ego dabo vobis, sabbatizet populus Sabbatum Domini. Sex annos seres agrum tuum, & sex annis putabis vineam tuam, colligesq; fructus eius. Septimo autem anno Sabbatum erit terra requietionis Domini. agrum non seres, & vineam non putabis. quæ sponte gignet humus, non metes. & vuas primitiarum tuarum non colliges, quasi vindemiam. annus enim requietionis terra est, sederunt vobis in cibum. Et paucis interiectis: Quod si dixeritis, quid comederimus anno septimo, si non seuerimus, neque collegerimus fruges nostras? dabo benedictionem meam vobis anno sexto, & faciet fructus trium annorum, seretisque anno octauo, & comedetis veteres fruges usque ad nouum annum. donec nascantur noua, edetis vetera.*

Quo-

Quomodo vero remissio septimo quoque anno esset facienda, deinceps docetur xv Deuteronomij his verbis: *Septimo anno facies remissionem, qua hoc ordine celebrabitur. Cui debetur aliquid ab amico, uel proximo, ac fratre suo, repetere non poterit. A peregrino, et aduena exiges, ciuem, & propinquum repetendi non habebis potestatem, et omnino indigens, & mendicus non erit inter vos. Fanerabis gentibus multis, & ipse à nullo accipies mutuum. Caeue, ne forte subrepat tibi impia cogitatio, et dicas in corde tuo, Appropinquat septimus annus remissionis, & auertas oculos tuos à paupere fratre tuo, nolens ei, quod postulat, mutuum commodare. Cum tibi venditus fuerit frater tuus Hebraeus, aut Hebraea, & sex annis seruiert tibi, in septimo anno dimittes eum liberum, et quem libertate donaueris, ne quaquam vacuum abire patieris, sed dabis viaticum de grogibus, & de area, & torculari tuo.*

De anno quinquagesimo. Cap. XV.

**QVINQVAGESIMVS** item annus Sabbatarius fuit, quia remissio dabatur seruis à ministerio serui. atque ager alienatus redibat ad veterem possessionem. De eo vero sic scriptum est Leuitici xxv: *Numerabis quoque tibi septem hebdomades annorum, idest septies septem, quae simul faciunt annos quadraginta nouem, & clanges buccina mense septimo, decima die mensis, propitiationis tempore in uniuersa terra uestra. sanctificabisque annum quinquagesimum, & vocabis remissionem cunctis habitatoribus terra tua. ipse enim est iubileus. Reuertetur homo ad possessionem suam, & unusquisque rediet ad familiam pristinam, quia iubileus est, & quinquagesimus annus. Quando vendes quippiam cini tuo, vel emes ab eo, ne*

600-



*contristes fratrem tuum, sed iuxta numerum annorum iubilei emes ab eo, & iuxta supputationem frugum vendet tibi. Quanto plures anni remanserint post iubileum, tanto crescet & pretium, & quanto minus temporis numeraveris, tanto minoris & emptio constabit. tempus enim frugū vendet tibi. Hinc Numerorum xxxvi quibusdam rogantibus de nubendis filiabus Salphaad ex tribu in tribum, ac dicentibus: Si alterius tribus homines has uxores acceperint, sequetur possessio sua, & translata ad aliam tribum de nostra hereditate minuetur. atq. ita fiet, ut cū iubileus, idest annus quinquagesimus remissionis aduenerit, confundatur sortium distributio, et aliorum possessio ad alios transeat, responsum est, in lege scriptum esse: Nubant, quibus volunt, tantum, ut sua tribus hominibus, ne cōmisceatur possessio filiorum Israel de tribu in tribum. Quinquagesimus autem annus dictus est Iobeleus, quod cum Leuitæ per tubas arietinas, quæ dicuntur Hebræis Iobelim, conuocato populo, ut supra scriptum est, indicerent. vn de illud est vi Iosue: Septimo die sacerdotes tollent septem buccinas, quarum usus est in iubileo. Atque hæ quidem celebritates à Deo institutæ sunt.*

### De Encænijs. Cap. XVI.

**Q**UAS vero homines instituerunt, hæ ferme fuerunt, Encænia, festum Iephthæ, Iudith, & Esther, & post aliæ quoque. Encænia vero fuerunt solemnitates anniuersariae in dedicatione Templi adhibita. est enim ἑγναίγειν consecrare, ac dedicare, ut supra diximus, unde in consecratione quoq. Regis est usurpatum. Quattuor autem Templi Hierosolymitani dedicationes diuersis annis temporibus obseruatæ sunt. Prima fuit Salomonis mente septimo

ptimo. de qua Regum tertio: *Dedecarunt templum Domini Rex, & filij Israel. Fecit illo tempore Salomon celebra-tem solemnem, & omnis Israel cum eo diebus quattuordecim.* & secundo Paralip. vi 1: *Fecit Salomon solemnitatē in tempore illo septem diebus, fecitq. die octavo collectam, eò quod dedicasset altare septem diebus, & solemnitatem celebrasset septem diebus. Igitur vicesimo tertio mensis septimi dimisit populos ad tabernacula sua.*

Secunda fuit templi secundi, nempe Zorobabelis, instituta à Iudæis in solum patrium restitutis mense Adar, qui respondit Februario. de qua Esdræ vi: *Compleverunt domū Dei istam usque ad diem tertium mensis Adar, fecerunt autem dedicationem domus Dei in gaudio. Iosephus autē addit, hoc factū vicesimo tertio mensis Adar paullo ante festum Paschæ.*

Tertia dedicatio non templi fuit, sed Altaris, cum Iudas Maccabæus altare holocausti restauravit, quod Antiochus rex profanauerat, idque dedicavit mense nono, idest Nouembri. de qua Maccab. primo: *Fecerunt dedicationem altaris diebus octo. & statuit Iudas, & fratres eius, & universa ecclesia Israel, ut agatur dies dedicationis altaris in temporibus suis ab anno in annū per octo dies à vicesima quinta die Casleu cum letitia, & gaudio.* Vnde Iudæi Hierosolymitani scripsere ad Aegyptios: *Facturi quinta, & vicesima die mensis Casleu purificationem templi necessarium duximus, significare vobis, ut & vos quoque agatis, sicut & diem Scenopægie, & diem Ignis, qui datus est, quando Necmias adificavit templo, & altari obtulit sacrificia.* Ac de his Encanijs per hiemem factis videtur intellexisse S. Ioannes, cum scripsit: *Et facta sunt Encania in Hierosolymis, & hiems erat, & ambulabat Iesus in templo in porticu Salomonis.*

Quar-

Quarta fuit dedicatio templi ab Herode constructi, quæ in diem natalis eius incidit, & magna pompa celebrata est. Iosephus libro xv.

De ceteris diebus festis. Cap. XVII.

Præter hæc multi alij dies fuere festi ab Hebræis, pro ut tulit occasio, instituti, quos vno capite complectemur, ordinem temporum persecuti. In primis ergo in exitu anni celebratus est planctus filiæ Iephte Iudicis Israel, quam pater virginem immolauerat. Cum enim voluisset Domino, *Si tradidisset sibi in manus Ammonitas, se quicumq. primus de domo sua sibi redeunti obuiam prodysset, eum holocaustum Domino oblaturum*, occurrit ei unigenita filia eius cum tympanis, & choris. Quare ille, ut voverat, fecit. Quare, ut scriptum est xi Iudicum: *Exinde mos increuit in Israel, & consuetudo seruata est, ut post anni circulum conueniant in vnum filij Israel, & plangent filiam Iephte Galaaditæ diebus quattuor.*

Habuerunt etiam in honore diem, quo ignis cœlestis, quem extinctum post Babylonicum exilium repererunt, fuscitatus est. De quo in epistola Iudæorum Hierosolymitanorum ad Aegyptios: *Facturi quinta, & vicesima die mensis Casleu purificationem templi necessarium duximus, significare vobis, ut & vos quoque agatis, ut diem scenopegiae, & diem Ignis, qui datus est, quando Neemias adificato templo, & altari obtulit sacrificia.* inde res narratur, ut alio loco rettulimus. Hunc diem Iudæi celebrant die vicesimo mensis Casleu, idest Nouembris, quem Festum Luminum Iosephus vocauit.

Dies etiam, quo victoria de Holoferne regis Assyriorum



rum præfecto per Iudith viduam Hebræam relata est, decreto Iudæorum inter festos relatus est. sic enim scriptum est Cap. xvi: *Dies victoria huius festiuitatis ab Hebræis in numero sanctorum dierum accipitur, & colitur à Iudæis ex illo tempore vsque in præsentē diem. is à Iudæis celebratur die xxv mensis Casleu.*

Quin etiam victoria Esther aduersus Aman, qui Iudæos in crucē agere constituerat, festum diem habuit ex instituto Mardochæi consultoris eius. De eo vero sic Cap. ix: *Dies tertiusdecimus mensis Adar vnus apud omnes interfectionis fuit, & quartadecima die cedere desierunt. Quem constituerunt esse solemnem, ut in eo omni tempore deinceps vacarent epulis, gaudio, atque conuiujs. At hi, qui in vrbe Susan cadem exercuerant, tertiodecimo, & quartodécimo die eiusdem mensis in cede versati sunt: quindecimo autem die percutere desierunt. Et idcirco eundem diem constituerunt solemnem epularum, atque lætitiæ. Hi vero Iudæi, qui in oppidis non muratis, ac villis morabantur, quartumdecimum diem mensis Adar conuiuiorum, & gaudij decreuerunt, itaut exultent in eo, & mittant sibi mutuo partes epularum, & ciborum. scripsit itaque Mardochæus omnia hac, & litteris comprehensa misit ad Iudæos, qui in omnibus regis prouincijs morabantur, tam in vicino positis, quàm procul, ut quartadecimam, & quintadecimam diem mensis Adar pro festis susciperent, & reuerente semper anno solemni celebrarent honore, quia in ipsis diebus se vlti sunt Iudæi de inimicis suis, & luctus, atque tristitia in hilaritatem, gaudiumq. conuersi sunt, essentque dies isti epularum, atque lætitiæ, & mitterent sibi inuicem ciborum partes, & pauperibus munuscula largirentur. Susceperuntq. Iudæi in solemnem ritum cuncta, quæ eo tempore facere cæperant, & quæ Mardochæus litteris faciendâ*

*mandauerat. Aman enim filius Amadathi stirpis Agag, ho-  
stis, & aduersarius Iudæorum, cogitauit contra eos malū,  
ut occideret illos, atque deleret: & misit phur, quod nostra  
lingua vertitur in sortem. Et postea ingressa Esther ad re-  
gem, obsecrans ut conatus eius litteris regis irriti fierent:  
& malum, quod contra Iudeos cogitauerat, reuerteretur  
in caput eius. Denique & ipsum, & filios eius affixerunt  
cruci, atque ex illo tempore dies isti appellati sunt phurim,  
idest sortium, eò quòd phur, idest fors in urnam missa fue-  
rit. Festum autem hoc dictum est Mardocheus. ut secun-  
do Maccabæorum ultimo scriptum est: Deceuerunt ha-  
bere celebritatem tertiadecima die mensis Adar, quæ dici-  
tur voce Syriaca Prædie Mardochei.*

Demum diem etiam honorarunt, quo victoriam de  
Nicanore duce Demetrij regis Syriæ pepereunt. de qua  
Iosephus libro xxi: *Hæc victoria contigit quartadecima  
die mensis Adar. quam celebrant quotannis festum colen-  
tes diem.*

Ieiunarunt etiam tertio die mensis Tisri, siue Septem-  
bris propter mortem Godoliæ, de qua xxv quarti Re-  
gum: *Factum est in mense septimo venit Ismahel, & decem  
viri cum eo, percusseruntq. Godoliam, qui & mortuus est.*  
Neque vero solum hoc die ieiunarunt, sed multis præte-  
rea alijs, quæ nunc etiam obseruant, ex proprio institu-  
to, non Dei. Quæ huic commentario attexere non est  
visum.

Vetus Kalendarium Hebræorum. Cap. xlii.

His expositis, nunc ad eorum, quæ dicta sunt, subleuandam, fulciendamue memoriam singulorum subinde mensium, ac dierum festorum, profestorumq. Hebraicorum dispositionem, quæ à Latinis Kalendarium dicitur, subtexemus. ea vero fuit huiusmodi.

M A R T I V S.

Primus mensis, siue Nisan. Dies xxx.

1	1	Dies. Neomenia. Quotidianū sacrificiū fiebat,
2	2	Dies. quot. sacr. (et Neomenia.
3	3	Dies. quot. sacr.
4	4	Dies. quot. sacr.
5	5	Dies. quot. sacr.
6	6	Dies. quot. sacr.
7	7	Dies. Sabbatum. quot. sacr. & Sabbati.
Cessabatur etiam ab accendendo igne.		
8	8	Dies. quot. sacr.
9	9	Dies. quot. sacr.
10	10	Dies. quot. sacr.
11	11	Dies. quot. sacr.
12	12	Dies. quot. sacr.
13	13	Dies. quot. sacr.
14	14	Dies. Sabbatum. quot. sacr. & Sabbati.

Agnus ad vesperam mactabatur, & edebatur, atq. ab omni opere cessabatur.

15	15	Dies. quot. sacr.
Pascha. Prima dies Azymorum. ab opere cessabatur. dies erat sancta.		
16	16	Dies. 11 Azymor. quot. sacr.

Ma-



Manipulus pro primitijs frugum offerebatur. Messis  
inchoabatur. Initium septem Hebdomadam,  
idest XLIX dierum, qui messi fa-  
ciendæ destinati erant.

17 17 Dies. III Azym. quot. sacr.

18 18 Dies. IIII Azym. quot. sacr.

19 19 Dies. V Azym. quot. sacr.

20 20 Dies. VI Azym. quot. sacr.

21 21 Dies. Sab. VII Azy. quot. sacr.

Collecta frugum. Azymis comedendis finis im-  
ponebatur. Dies erat sanctior, quam  
prima Azymorum.

22 22 Dies. quot. sacr. I. messis Hebdomada

23 23 Dies. quot. sacr.

24 24 Dies. quot. sacr.

25 25 Dies. quot. sacr.

26 26 Dies. quot. sacr.

27 27 Dies. quot. sacr.

28 28 Dies. Sabbatum. quot. sacr. & Sabbati.

29 29 Dies. quot. sacr. II. messis Hebdomada

30 30 Dies. quot. sacr.

## A P R I L I S.

Secundus Mensis, siue Iar. Dies XXIX.

31 1 Dies. Neomenia. Quot. sacr. & Neomenia.

32 2 Dies. quot. sacr.

33 3 Dies. quot. sacr.

34 4 Dies. quot. sacr.

35 5 Dies. Sabbatum. quot. sacr. & Sabbati.

36 6 Dies. quot. sacr. III messis Hebdomada

37 7 Dies. quot. sacr.

(mas

38	8 Dies.	quot.sacr.	
39	9 Dies.	quot.sacr.	
40	10 Dies.	quot.sacr.	
41	11 Dies.	quot.sacr. & Sabbati.	
42	12 Dies. Sabbatum.	quot.sacr. IIII messis Hebdo-	
43	13 Dies.	quot.sacr.	(mas.
44	14 Dies.	quot.sacr.	
45	15 Dies.	quot.sacr.	
46	16 Dies.	quot.sacr.	
47	17 Dies.	quot.sacr.	
48	18 Dies.	quot.sacr.	
49	19 Dies. Sabbatum.	quot.sacr. & Sabbati.	
50	20 Dies.	quot.sacr. V messis Hebdo-	
51	21 Dies.	quot.sacr.	(mas.
52	22 Dies.	quot.sacr.	
53	23 Dies.	quot.sacr.	
Festum arcis mundatæ à Simone Principe.			
54	24 Dies.	quot.sacr.	
55	25 Dies.	quot.sacr.	
56	26 Dies. Sabbatum.	quot.sacr.	
57	27 Dies.	quot.sacr. VI messis Hebdo-	
58	28 Dies.	quot.sacr.	(mas.
59	29 Dies.	quot.sacr.	

M A I V S.

Tertius mensis, seu Siuan. Dies xxx.			
60	1 Dies. Neomenia.	quot.sacr. & Neomenia.	
61	2 Dies.	quot.sacr.	
62	3 Dies.	quot.sacr.	
63	4 Dies. Sabbatum.	quot.sacr. & Sabbati.	
64	5 Dies.	quot.sacr. VII messis Hebd.	

Quintus mensis, seu Ab. Dies xxx.

119	1	dies. Neomenia. & Sabbatum quot. sacr. Neomenia, & Sabbati.
120	2	dies. quot. sacr.
121	3	dies. quot. sacr.
122	4	dies. quot. sacr.
123	5	dies. quot. sacr.
124	6	dies. quot. sacr.
125	7	dies. quot. sacr.
126	8	dies. Sabbatum. quot. sacr. & Sabbati.
127	9	dies. quot. sacr.
128	10	dies. quot. sacr.
129	11	dies. quot. sacr.
130	12	dies. quot. sacr.
131	13	dies. quot. sacr.
132	14	dies. quot. sacr.
133	15	dies. Sabbatum. quot. sacr. & Sabbati.
134	16	dies. quot. sacr.
135	17	dies. quot. sacr.
136	18	dies. quot. sacr.
137	19	dies. quot. sacr.
138	20	dies. quot. sacr.
139	21	dies. quot. sacr.
140	22	dies. Sabbatum. quot. sacr. & Sabbati.
141	23	dies. quot. sacr.
142	24	dies. quot. sacr.
143	25	dies. quot. sacr.
144	26	dies. quot. sacr.
145	27	dies. quot. sacr.
146	28	dies. quot. sacr.



147 29. dies. Sabbatum. quot. sacr.  
148 30 dies. quot. sacr.

A V G V S T V S.

Sextus Mensis, seu Elul. Dies xxix.

149	1	dies. Neomenia.	quot. sacr. & Neomenia.
150	2	dies.	quot. sacr.
151	3	dies.	quot. sacr.
152	4	dies.	quot. sacr.
153	5	dies.	quot. sacr.
154	6	dies Sabbatum.	quot. sacr. & Sabbati.
155	7	dies.	quot. sacr.
156	8	dies.	quot. sacr.
157	9	dies.	quot. sacr.
158	10	dies.	quot. sacr.
159	11	dies.	quot. sacr.
160	12	dies.	quot. sacr.
161	13	dies. Sabbatum.	quot. sacr. & Sabbati.
162	14	dies.	quot. sacr.
163	15	dies.	quot. sacr.
164	16	dies.	quot. sacr.
165	17	dies.	quot. sacr.
166	18	dies.	quot. sacr.
167	19	dies.	quot. sacr.
168	20	dies. Sabbatum.	quot. sacr. & Sabbati.
169	21	dies.	quot. sacr.
170	22	dies.	quot. sacr.
171	23	dies.	quot. sacr.
172	24	dies.	quot. sacr.
173	25	dies.	quot. sacr.
174	26	dies.	quot. sacr.

175	27 dies.	Sabbatum.	quot.sacr. & Sabbati.
176	28 dies.		quot.sacr.
177	29 dies.		quot.sacr.

## S E P T E M B E R.

Septimus Mensis, seu Tisri. Dies xxx.

178	1 dies.	Neomenia.	quot.sacr. & Neomenia.
-----	---------	-----------	------------------------

Festum Tubarum. Cessatur ab opere. offertur holocaustum proprium. Ab hoc die Iudæi annum incipiunt, mundum in hoc creatum esse putantes.

179	2 dies.		quot.sacr.
-----	---------	--	------------

180	3 dies.		quot.sacr.
-----	---------	--	------------

Ieiunium propter mortem Godoliæ.

181	4 dies.		quot.sacr.
-----	---------	--	------------

182	5 dies.	Sabbatum.	quot.sacr. & Sabbati.
-----	---------	-----------	-----------------------

183	6 dies.		quot.sacr.]
-----	---------	--	-------------

184	7 dies.		quot.sacr.
-----	---------	--	------------

185	8 dies.		quot.sacr.
-----	---------	--	------------

186	9 dies.		quot.sacr.
-----	---------	--	------------

187	10 dies.		quot.sacr.
-----	----------	--	------------

Festum expiationum, seu Propitiationis cum Ieiunio. Indictio Iobelei in annum septimum, & quinquagesimum. offertur holocaustum proprium.

188	11 dies.		quot.sacr.
-----	----------	--	------------

189	12 dies.	Sabbatum.	quot.sacr. & Sabbati.
-----	----------	-----------	-----------------------

190	13 dies.		quot.sacr.
-----	----------	--	------------

191	14 dies.		quot.sacr.
-----	----------	--	------------

192	15 dies.	Collecta frugum. 1. dies Tabernaculorum, sive Scenopegia.	quot.sacr.
-----	----------	--	------------

Ces.

Cessatur ab opere. Dies celeberrimus. proprium sacrificium fit.

- 193 16 dies. II dies Tabern. quot. sacr. & Proprium.  
 194 17 dies. III dies Tabern. quot. sacr. & Proprium.  
 195 18 dies. IIII dies Tabern. quot. sacr. & Proprium.  
 196 19 dies. V dies Tab. Sab. quot. sacr. et Sab. & Proprium.  
 197 20 dies. VI dies Tabern. quot. sacr. & Proprium.  
 198 21 dies. VII dies Tabern. quot. sacr. & Proprium.  
 199 22 dies. VIII dies Tab. quot. sacr. & Proprium.

Cessatur ab opere. Dies celeberrimus.

- 200 23 dies. quot. sacr.  
 Encænia templi Salomonis.  
 201 24 dies. quot. sacr.  
 202 25 dies. quot. sacr.  
 203 26 dies. Sabbatum. quot. sacr. & Sabbati.  
 204 27 dies. quot. sacr.  
 205 28 dies. quot. sacr.  
 206 29 dies. quot. sacr.  
 207 30 dies. quot. sacr.

O C T O B E R.

Mensis Octauus, seu Mareshuan. Dies xxix.

- 208 1 dies. Neomenia. quot. sacr. & Neomenia.  
 209 2 dies. quot. sacr.  
 210 3 dies. Sabbatum. quot. sacr. & Sabbati.  
 211 4 dies. quot. sacr.  
 212 5 dies. quot. sacr.  
 213 6 dies. quot. sacr.  
 214 7 dies. quot. sacr.  
 215 8 dies. quot. sacr.  
 216 9 dies. quot. sacr.



217	10 dies Sabbatum.	quot. sacr. & Sabbati.
218	11 dies.	quot. sacr.
219	12 dies.	quot. sacr.
220	13 dies.	quot. sacr.
221	14 dies.	quot. sacr.
222	15 dies.	quot. sacr.
223	16 dies.	quot. sacr.
224	17 dies. Sabbatum.	quot. sacr. & Sabbati.
225	18 dies.	quot. sacr.
226	19 dies.	quot. sacr.
227	20 dies.	quot. sacr.
228	21 dies.	quot. sacr.
229	22 dies.	quot. sacr.
230	23 dies.	quot. sacr.
231	24 dies. Sabbatum.	quot. sacr. & Sabbati.
232	25 dies.	quot. sacr.
233	26 dies.	quot. sacr.
234	27 dies.	quot. sacr.
235	28 dies.	quot. sacr.
236	29 dies.	quot. sacr.

## N O V E M B E R.

Nonus Mensis, siue Casleu. Dies xxx.

237	1 dies. Neomenia.	quot. sacr. & Neomenia.
238	2 dies. Sabbatum.	quot. sacr. & Sabbati.
239	3 dies.	quot. sacr.
240	4 dies.	quot. sacr.
241	5 dies.	quot. sacr.
242	6 dies.	quot. sacr.
243	7 dies.	quot. sacr.
244	8 dies.	quot. sacr.

245	9	dies.Sabbatum.	quot.sacr.& Sabbati.
246	10	dies.	quot.sacr.
247	11	dies.	quot.sacr.
248	12	dies.	quot.sacr.
249	13	dies.	quot.sacr.
250	14	dies.	quot.sacr.
251	15	dies.	quot.sacr.
252	16	dies.Sabbatum.	quot.sacr.
253	17	dies.	quot.sacr.
254	18	dies.	quot.sacr.
255	19	dies.	quot.sacr.
256	20	dies.	quot.sacr.
257	21	dies.	quot.sacr.
258	22	dies.	quot.sacr.
259	23	dies.Sabbatum.	quot.sacr.& Sabbati.
260	24	dies.	quot.sacr.
261	25	dies.	quot.sacr.

Purificatio templi per Iudam Maccabæum, quæ  
inter Encania refertur. Festum ignis cæ-  
lestis suscitati, quod Luminaria di-  
citur. Festum Iudith.

262	26	dies.	quot.sacr.
263	27	dies.	quot.sacr.
264	28	dies.	quot.sacr.
265	29	dies.	quot.sacr.
266	30	dies.Sabbatum.	quot.sacr.& Sabbati.

## DECEMBER.

Mensis Decimus, siue Thebet. Dies xxix.

267	1	dies. Neomenia.	quot.sacr. Neomenia.
268	2	dies.	quot.sacr.

269	3	dies.	quot.sacr.
270	4	dies.	quot.sacr.
271	5	dies.	quot.sacr.
272	6	dies.	quot.sacr.
273	7	dies.Sabbatum.	quot.sacr.& Sabbati.
274	8	dies.	quot.sacr.
275	9	dies.	quot.sacr.
276	10	dies.	quot.sacr.

Iudæi ieiuniant in memoriam obsidio-  
nis Nabucdonosor .

277	11	dies.	quot.sacr.
278	12	dies.	quot.sacr.
279	13	dies.	quot.sacr.
280	14	dies.Sabbatum.	quot.sacr.& Sabbati.
281	15	dies.	quot.sacr.
282	16	dies.	quot.sacr.
283	17	dies.	quot.sacr.
284	18	dies.	quot.sacr.
285	19	dies.	quot.sacr.
286	20	dies.	quot.sacr.
287	21	dies.Sabbatum.	quot.sacr.& Sabbati.
288	22	dies.	quot.sacr.
289	23	dies.	quot.sacr.
290	24	dies.	quot.sacr.
291	25	dies.	quot.sacr.
292	26	dies.	quot.sacr.
293	27	dies.	quot.sacr.
294	28	dies.Sabbatum	quot.sacr.& Sabbati.
295	29	dies.	quot.sacr.



I A N V A R I V S.

Vndecimus Mensis, seu Sebat. Dies xxx.

296	1	Dies. Neomenia.	Quot. sacr. & Neomenia.
297	2	Dies.	quot. sacr.
298	3	Dies.	quot. sacr.
299	4	Dies.	quot. sacr.
300	5	Dies.	quot. sacr.
301	6	Dies. Sabbatum.	quot. sacr. & Sabbati.
302	7	Dies.	quot. sacr.
303	8	Dies.	quot. sacr.
304	9	Dies.	quot. sacr.
305	10	Dies.	quot. sacr.
306	11	Dies.	quot. sacr.
307	12	Dies.	quot. sacr.
308	13	Dies. Sabbatum.	quot. sacr. & Sabbati.
309	14	Dies.	quot. sacr.
310	15	Dies.	quot. sacr.
311	16	Dies.	quot. sacr.
312	17	Dies.	quot. sacr.
313	18	Dies.	quot. sacr.
314	19	Dies.	quot. sacr.
315	20	Dies. Sabbatum.	quot. sacr. & Sabbati.
316	21	Dies.	quot. sacr.
317	22	Dies.	quot. sacr.
318	23	dies.	quot. sacr.
319	24	dies.	quot. sacr.
320	25	dies.	quot. sacr.
321	26	dies.	quot. sacr.
322	27	dies. Sabbatum.	quot. sacr. & Sabbati.
323	28	dies.	quot. sacr.
324	29	dies.	quot. sacr.
325	30	dies.	quot. sacr.

## FEBRUARIUS.

Duodecimus Mensis, seu Adar. Dies. xxix.

326	1	Dies. Neomenia.	Quot. sacr. et Neomenia.
327	2	dies.	quot. sacr.
328	3	dies.	quot. sacr.
329	4	dies.	quot. sacr.
330	5	dies.	quot. sacr.
331	6	dies.	quot. sacr.
332	7	dies.	quot. sacr.
333	8	dies.	quot. sacr.
334	9	dies.	quot. sacr.
335	10	dies.	quot. sacr.
336	11	Dies. Sabbatum.	quot. sacr. & Sabbati.
337	12	dies.	quot. sacr.
338	13	dies.	quot. sacr.
339	14	dies.	quot. sacr.

Festum victoriæ de Nicanore à Iuda Maccabæo  
partæ. Ieiunium Esther.

Festum Mardochei, siue Festum sortium minus.

340	15	dies.	quot. sacr.
-----	----	-------	-------------

Festum Sortium maius.

341	16	dies.	quot. sacr.
342	17	dies.	quot. sacr.
343	18	dies. Sabbatum.	quot. sacr. & Sabbati.
344	19	dies.	quot. sacr.
345	20	dies.	quot. sacr.
346	21	dies.	quot. sacr.
347	22	dies.	quot. sacr.
348	23	dies.	quot. sacr.

Encænia Templi Zorobabelis.

349	24	dies.	quot. sacr.
-----	----	-------	-------------

350	25	Dies. Sabbatum.	quot. sacr. & Sabbati.
251	26	Dies.	quot. sacr.
352	27	Dies.	quot. sacr.
353	28	Dies.	quot. sacr.
354	29	Dies.	quot. sacr.

MENSIS INTERCALARIS VEADAR.  
sive secundus Februarius.

Inde secundo quoque anno mensem intercalabant die-  
rum **XXII**, & quarto dierum **XXIII**. atque ita Lunaris  
annus dierum **CCCLIII** redigebatur ad annum Sola-  
rem dierum **CCCLXV**, & quattuor horarum. is mensis ter-  
tiusdecimus Veadar dicitur.





CAROLI SIGONII

# DE REPUBLICA HEBRÆORVM LIBER IIII.

Qui de sacris ritibus inscribitur.

De Generibus Sacrorum rituum. Cap. I.



**S**I M. Cicero, vir non modo disertissimus, sed etiam omni doctrinæ genere instructissimus de natura Deorum inter gentiles cælestis veritatis ignaros acturus initio sibi exclamandum esse putavit, ut omnes adessent, cognoscerent, animadverterent, quid de religione, pietate, sanctitate, cæremonijs, quid de templis, delubris, sacrificijsq. solemnibus existimandum esset, multo ego iustius inter Christianos, quibus vera Dei est cõperta religio, id ipsum facere debeo, historiã Hebraicorum, ut pollicitus sum, rituum, traditurus. quòd hæc narratio, ut eximia sanctitate referta, sic incredibili obscuritate, ne dicam atra quadam quasi nocte perfusa sit. Continet enim maiorem cæremoniarum veterum partem, quas Deus lege sua complexus est. quæ hæc salutifera nostra sub augustis quibusdam velamentis significâtes, ut in clara olim Ecclesiæ luce versatæ sunt, sic nunc cæcis prope obliuionis, atq. ignorantia tenebris inuolutæ non mod-

dicam interpretis operam, studiumq. requirunt. Verum scriptura duce, atq; industria comite hâc quoque dispellere caliginem enitemur.

Ritus ergo sacri apud Hebræos multi fuerunt, verum præcipuum sibi inter eos locum Oblationes vindicarunt. Hæ vero duorum fuere generum, vnum Sacrificij, Hostiæ, & Victimæ, alterum Doni, & Muneris nomine nuncupatum. Vtrumque autem tribus potissimum de causis fuisse videtur oblatum, Diuini numinis, cui omnis honos conuenit, honorandi, salutis, ac pacis ab eo impetrandæ, & peccati expiandi, atque delendi. Vnde illud est primo Leuitici: *De armento masculum immaculatum offeret ad placandum sibi Dominum.* & octauo primi Regum: *Iuravi domui Heli, quod non expietur iniquitas eius victimis, & muneribus vsque in aeternum.* & octauo ad Hebræos: *Omnis pontifex ad offerendum munera, et hostias constituitur.* & quinto: *Omnis pontifex constitutus, ut offerat dona, & sacrificia pro peccatis.* Sed de Donis posterius. nunc de Sacrificijs..

## De Generibus Sacrificiorum. Cap. II.

Sacrificium ergo appellarunt, cum sacerdotes rē non modo obtulerūt, sed etiam sacram Deo fecerunt, exempli gratia victimam, cum eam mactarunt, & sanguinem fuderunt; frumentum, cum triverunt; similam, cum oleo conspersam in sartagine fixerunt; thus, cū adoleuerunt. Ex quibus liquet, rem sacram Deo factam esse præcipue vel per sanguinem, vel per ignem; per sanguinem, ut victimæ, cum cadebantur; per ignem, ut libamina, cum aut in clibano, aut in sartagine, aut in craticula coquebatur. Quanquam ad victimas etiam ignis adhibebatur, cū  
aut

aut adeps, aut exta concremabantur, aut carnes incendebantur, aut vescendi causa in olla elizabantur, vel flamma adurebantur. idq. Græce θυσιὰ dictum est. Hæc porro tanto in speciem apparatu peracta sunt, ut ea interire utile fuerit. Quis enim (inquit Homilia xxiii Origenes,) intuens sanctuarium, altare, ac sacerdotes sacrificijs operantes, & omnem ordinem, quo cuncta gerebantur, non putaret, plenissimum eum esse ritum, quo Deus creator ab omni humano genere coli deberet? Sed gratias aduentui Christi, qui oculos nostros ab eiusmodi aspectu remouit, atque animos ad contemplationem rerum cælestium, spiritualiumq. traduxit.

Ceterum sacrificia sex in Leuitico deinceps tradidit Deus, Holocaustum, Libamina, Pacifica, Sacrificium pro peccatis, Sacrificium pro delictis, & Sacrificium Consecrationis. Quorum quinque priora ad tria Phikoresulit, vir inter Hebræos, & Græcos eruditissimus, Holocaustum, Pacifica, & pro Peccatis, prout tres, ut dixi, causæ fuere sacrificij offerendi. Verba eius sunt in libro de sacrificijs hæc: *Sacrificia omnia ad tria redegit legislator, Holocaustum, Pacifica, siue Salutare, et Sacrificium pro peccatis.* Inde addit: *Si quis inquirere velit causas, cur prisci illi sacrificia fecerint, tres inueniet, unam, cultum Dei per se honestum, ac necessarium; alteram, utilitatem sacrificantium, qua duplex est, dum bona impetramus, & malis liberamur. Primo generi, quod solum Dei honorem sibi proposuit, lex apte Holocaustum tribuit. quoniam victima integra absumitur, humana cupiditate nihil inde sibi usurpante. Alterum genus lex subdistinguit, ut alio bona queratur, quod nominatur Pro salute, alio fuga mali, quod Pro peccato dicitur. Atque ita Holocaustum solius est Dei, cui semper debetur honos, etiam si nihil expectamus ab eo gratia. reliqua*



*que dua species ad nos proprie pertinent, una salutem postulans, & profectum in melius, altera veniam peccatorum, & medicinam eorum, quæ deliquit anima.* Ex his porro sacrificijs quinque à priuatis, atque à populo per sacerdotem oblata sunt, sextum fuit proprium sacerdotum propter consecrationē ipsorum. Horum autē omnium modum, ritumq. Deus in lege præscripsit, addens quædā etiam de sacrificio mundationis, expiationis, siue propitiationis, & oblationis incensi. Quare in his omnibus explicandis eam rationem tuebimur, ut primum quæ in lege tradita sunt, seorsum de singulis afferamus, deinde quæ de omnibus extra legem compererimus, exponamus.

De Holocaustis. Cap. III.

Holocaustum ergo fuit sacrificium, in quo, ex sententia Philonis, honorandi, atque adeo etiam propitiandi Dei gratia tota hostia, quæ offerebatur, diuino igne consumebatur, ac veluti à terris in cælum cum fumo amandabatur in odorem suauitatis Deo. nam in reliquis, ut in Pacificis, pars incendebatur, ut adeps, & exta, pars tota sacerdotibus vnà cum libaminibus tradebatur. quod, teste in Homilia V Origene, etiā Holocarpoma dictū est, quasi totus fructus esset ille, qui Deo offerretur. Nam Holocaustum solius Dei fuit. Modus autem Holocausti his verbis traditus est primo Leuitici: *Homo, qui obtulerit ex vobis hostiam Domino de pecoribus, id est bobus, & ouibus offerens victimas, si holocaustum fuerit eius oblatio, de armento masculinum immaculatum offeret ad ostium Tabernaculi Testimonij ad placandum sibi Dominum, ponetq. manus super caput hostiæ, & acceptabilis erit, atque in expiationes eius proficiens. immolabitq. vitulum coram Domi*

no. & offerent filij Aaron sacerdotus sanguinem eius funden-  
 tes per altaris circuitum, quod est ante ostium Tabernacu-  
 li. detractaq. pelle hostie artus in frustra concident, & subij-  
 cient in altari ignem strue lignorum ante composita, et mem-  
 bra, quae sunt caesa, desuper ordinantes, capiti videlicet, &  
 cuncta, quae adherent iecori, intestinis, & pedibus lotis  
 aqua. adolebitq. ea sacerdos super altaria in holocaustum,  
 & suauem odorem Domino. Eandem vero inde rationem  
 seruandam esse docet, si agnos, aut capras, aut aues obtu-  
 lerit in holocaustum. Neque enim integras legis paginas  
 inde huc transferre, cōsiliū est. Inde lex Holocausti tra-  
 ditur his verbis sexto: *Hæc est lex Holocausti. Cremabitur  
 in altari tota nocte usque ad mane. Ignis in eodem altari  
 erit. vestietur tunica sacerdos, et feminalibus lineis, tolletq.  
 cineres, quos vorans ignis exussit, & ponens super altare  
 spoliabitur prioribus vestimentis, indutusq. alijs offeret eos  
 extra castra, & in loco mundissimo usque ad fauillam con-  
 sumi faciet. IGNIS autem semper in altari ardebit, quem  
 nutriet sacerdos subijciens ligna mane per singulos dies, &  
 imposito holocausto desuper adolebit adipēs pacificorum.  
 Ignis iste est perpetuus, qui nūquam deficit in altari. Hæc  
 ait Deus. Hæc vero his verbis Phlo explicuit: Ante om-  
 nia seligatur mascula victima ex animalibus puris ad sacri-  
 ficium, iuuenus, aut agnus, aut hoedus. Hanc qui offert, ab-  
 lutas manus imponat eius capiti. tum aliquis sacerdos ac-  
 cipiat eam, mox alijs sanguinem eius exceptum phiala fun-  
 dat per altaris circuitum. detractoque tergore victima ar-  
 tus in frustra concidentur, & ablutis intestinis, ac pedi-  
 bus tota victima igni altaris tradatur coniectis rursum  
 in unum partibus, quae modo dissectæ fuerant. IGNI  
 autem, de quo scriptum est in lege, ille est, qui post  
 calius demissus prima Aaronis procurantis sacrificia  
 corri-*

corripuit, quo perpetuo inde sacerdotes usque ad Babylonicum exilium hostias incenderunt. Itaque cum Nadab, & Abiu filij Aaron, eo tempore acceptis thuribulis imposuissent ignem, & incensum desuper, offerentes coram Domino ignem alienum, quod eis preceptum non erat, egressus ignis à Domino deuorauit eos. vt scriptum est Leuitici v 1 1: Vnde Sanctus Augustinus scripsit in Psalmum lxxv: *Holocaustum est totum incensum, sed igne diuino*. De hoc autem igne præclare Philo in vita Moisis: *Vulgaris ignis, tanquam contaminatus, ablegatus fuit ab altari sanctissimo, & pro eo alter demissus caelesti ex athere, vt esset discrimin inter Sancta, & Profana, Humana, & Diuina. Conueniebat enim sacrificijs attribui naturam ignis incorruptiorem, quam est hæc, quæ seruit quotidianis vsibus*. Huius autem sacrificij, vt etiam ceterorum mysticam inde rationem ille reddit ex intima theologia depromptam. verum afferre, non est nostri propositi. nos enim legem Dei ostendere, sat habemus, non consilium eius in scribenda lege inuestigare intendimus.

De Libaminibus.

Cap. IIII.

**LIBAMENTVM** autem, quod proprio nomine Sacrificium dictum est, fuit fertum ex simila, idest farina mundissima sine fermento, oleo, & thure confectum, in clibano, aut sartagine, aut craticula coctum; aut frumentum igni tostum. quorum pars incendebatur, pars sacerdotibus tradebatur. Eorum vero offerendorum modus fuit talis, vt scribitur deinceps secundo Leuitici: *Anima cum obtulerit oblationem sacrificij Domino, simila erit eius oblatio, fundetq. super eam oleum, & ponet thus, & deferet ad filios Aaron sacerdotis. quorum unus tollet pugillum ple*



num simila, & olei, ac totum thus, & ponet memoriale super altare in odorem suauissimum Domino. quod autem reliquum erit de sacrificio, erit Aaron, & filiorum eius. Sanctum Sanctorum de oblationibus Domini. Cum autem obtuleris sacrificium coctum in clibano, de simila panes scilicet absque fermento conspersos oleo, & lagana azyma oleo lita; si oblatio tua fuerit de sartagine simila conspersa oleo, & absque fermento, diuides eam minutatim, & fundes super eam oleum; si autem de craticula fuerit sacrificium, & que simila oleo conspergetur, quam offerens Domino trades manibus sacerdotis, qui cum obtulerit eam, tollet memoriale de sacrificio, & adolebit super altare in odorem suauitatis. quidquid autem reliquum est, erit Aaron, & filiorum eius. Sanctum Sanctorum de oblationibus Domini. Omnis oblatio, quae offertur Domino, absque fermento fiet, nec quidquam fermenti, ac mellis adolebitur in sacrificio Domini. Primitias tantum eorum offeretis, ac munera. Super altare vero non imponentur in odorem suauitatis. Quidquid obtuleris sacrificij, sale condies, nec offeres sal foederis Dei tui de sacrificio tuo. In omni oblatione offeres sal. Si autem obtuleris munus primitiarum frugum tuarum Domino de spicis adhuc virentibus, torrebis igni, & confringes in morem faris, & sic offeres primitias tuas Domino fundens super ea oleum, & thus imponens, quia oblatio Domini est, de qua adolebit sacerdos in memoriam muneris partem farris frangi, & olei, ac totum thus. Lex inde libamentorum traditur cap. vi; Hæc est lex Sacrificij, et Libamentorum, quae offerent filij Aaron coram Domino, & coram altari. Tollet sacerdos pugillum simile, quae cōspersa est oleo, et totum thus, quod super similitam positum est, adolebitq; illud in altari in monumentum odoris suauissimi Domino. reliquam autem partem simila comedet Aaron cum filijs suis absque fermen-

10, & comedet in loco sanctuarij Tabernaculi. ideo autem non fermentabitur, quia pars eius in Domini offertur incensum. Sanctum Sanctorum erit, sicut pro peccato, atque delicto. mares tantum stirpis Aaron comedent illud. De iisdem libaminibus offerendis extat item præceptio xv Numerorum.

De Pacificis. Cap. V.

TERTIUM sacrificij genus, quod deinceps in Levitico traditur, à Latino interprete Pacifica, Victimæ pacificæ, Hostia Pacificorum, Salutares hostiæ, à Græco νεοθυια, ευοια ευθυια, σωτηριον, ευοια ευθυια, dicitur. Origenes autem duplex fuisse Salutare sacrificium inquit Homilia v, unum Voti, alterum Laudis vocatum. Ex quo elicitur, hoc sacrificium factum esse, cum aut Deum pro pace, aut salute orarunt, aut ea impetrata laudarunt, & gratias ei egerunt. In hoc porro adeps solum cremabatur in odor am suavitatis Deo, pectusculum autem, & armus erant sacerdotis. reliquæ carnes edebantur à privatis. Modus autem huius patrandi traditus est his verbis tertio Levitici: *Quod si hostia Pacificorum fuerit eius oblatio, & de bobus voluerit offerre marem, siue feminam, immaculata offeret coram Domino, ponetq. manum super caput victimæ suæ, quæ immolabitur in introitu Tabernaculi Testimonij fundentq. filij Aaron sacerdotis sanguinem per altaris circuitum, & offerent de hostia Pacificorum in oblationem Domino adipem, qui operit vitalia, & quidquid pinguedinis est intrinsecus duos renes cum adipe, quo teguntur ilia, & reticulum iccoris cum renunculis, adolebuntq. ea super altare in holocaustum lignis igne supposito in oblationem suavisissimi odoris Domino. Eandem rationem inde*

tuendam esse docet, si agnum, aut capram obtulerit, subiiciens de adipe hæc verba: *Et fundent filij Aaron sanguinem eius (capræ) per circuitum altaris, tollentq. ex ea in partem ignis Domini adipem, qui operit ventrem, & qui tegit vniuersa vitalia, duos renunculos cum reticulo, quod est super eos iuxta ilia, & aruinam iccoris cum renunculis, adolebitq. ea super altare sacerdos in alimoniam ignis, & suauissimi odoris. omnis adeps Domini erit iure perpetuo in generationibus, & cunctis habitaculis vestris. nec sanguinem, nec adipem vniuno comedens. Inde lex editur cap. vii his verbis: Hæc est lex hostiæ Pacificorum, quæ offertur Domino; Si pro GRATIARVM actione oblatio fuerit, offerent panes absque fermento conspersos oleo, & lagana azyma uncta oleo, coctamq. similam, & collyridas admistione conspersas, panes quoque fermentatos cum hostia GRATIARVM, quæ immoletur pro Pacificis, ex quibus vnus pro primitijs offertur Domino, et erit sacerdotis, qui fundet hostiæ sanguinem, cuius carnes eadem comedentur die, nec remanebit ex eis quidquam vsque mane. Si voto, vel sponte quis obtulerit hostiam, eadem similiter edetur die. Sed & si quid in crastinum remanserit, vesci licitum est, quidquid autem tertius inuenerit dies, ignis absument. Si quis de carnibus victime Pacificorum die tertia comederit, irrita fiet oblatio, nec proderit offerenti; quin potius quæcunque anima tali edulio se contaminauerit, præuagationis rea erit. Caro, quæ aliquid tetigerit immundum, non comedetur, sed comburetur igni. qui fuerit mundus, vescietur ex ea. Anima polluta, quæ edet de carnibus hostiæ Pacificorum, quæ oblata est Domino, peribit de populis suis, & quæ tetigerit in mundum hominis vel iumenti, sine omnis rei, quæ pollueri potest, & comederit de huiusmodi carnibus, interibit de populis suis. adipem ouis, & bouis, & capræ non comedetis. adipem cadaueris*



morticini, & eius animalis, quod à bestia captum est, habebitis in varios usus. Si quis adipem, qui offerri debet in incensum Domini, comederit, peribit de populo suo. Sanguinem quoque omnis animalis non sumetis in cibo tam de avibus, quam de pecoribus. Omnis anima, que ederit sanguinem, peribit de populis suis. Qui offert victimam Pacificorum Domino, offerat simul & Sacrificium, idest Libamenta eius. tenebit manibus adipem hostiæ, & pectusculum. cumq; ambobus oblata Domino consecrauerit, tradet sacerdoti, qui adolebit adipem super altare. pectusculum autem erit Aaron, & filiorum eius. armus quoque dexter de Pacificorum hostijs cedit in primitias sacerdotis. Qui habuerit sanguinem, & adipem filiorum Aaron, ipse habebit & armum dextrum in portione sua. Item cap. x: Pectusculum, quod oblatum est, & armus, qui separatus est, edetis in loco mundissimo tu, & filij, & filie tue tecum. tibi enim & liberis tuis reposita sunt de hostijs Salutaribus filiorum Israel, eò quòd armum, & pectus, & adipem, qui cremantur in altari, eleuauerunt coram Domino, & pertinent ad te, & ad filios tuos lege perpetua. De hoc vero Sacrificio sic probe Philo in libro de sacrificijs: In sacrificio Salutaris non refert, utrius sexus sit hostia, verum ex eo tria hæc debentur sacerdotibus, adeps, fibra iecoris, & renes duo. cetera in epulum cedunt ei, qui obtulit. In hoc genere duobus tantum diebus epulari fas est, ita ut nihil reliquiarum supersit in tertium. offertur enim sacrificium pro salute duorum, corporis, & animæ. proinde suis cuique dies epularis tribuitur. quoniam autem tertium nihil est, cui proprie quaratur salus, vetitum est proferrè epulum in tertium diem, ita ut ne per oblivionem quidem liceat superesse reliquiis sine piaculo. Ad hoc genus pertinet illud etiam sacrificium, quod Laudis dicitur, & sit ad hunc modum. cum aliquis in nullam aduersitatem incidit vel re-

rum externarum, vel corporis, sed quieta, tranquillaq. vita fruitur, necesse est ut Deo habeat gratias, eūq. demereatur hymnis, laudationibus, sacrificijs, & alijs gratiarum actionibus, quæ omnia comprehenduntur Laudis nomine. Hanc victimam non biduo, sicut priorem illam pro salute, sed ipsa prima die lex iubet absumi, ut qui experti sunt propensum fauorem celestis numinis, sine cunctatione de hoc sacrificio impertiant alijs. Atque hoc præceptum est XI I Leuitici: Si immolaueritis hostiam pro gratiarum actione Domino, ut possit esse placabilis, eodem die comedetis eam, nō remanebit quidquam in mane alterius diei. Itaque Dauid ingenti periculo liberatus cum gratias Deo ageret psalmo cxv, dixit: Quid Domino retribuam pro omnibus, quæ retribuit mihi? Calicem Salutaris accipiam, & nomen Domini inuocabo. Tibi sacrificabo hostiam Laudis, & nomen Domini inuocabo:

## De Sacrificio Pro peccatis. Cap. VI.

QVARTVM fuit Sacrificium sacerdotis, populi, principis, & priuati pro expiandis peccatis, de quo Leuitici quarto: Si sacerdos, qui unctus est, peccauerit delinquere faciens populum, offeret pro peccato suo vitulum immaculatum Domino, & adducet illū ad ostium Tabernaculi Testimony coram Domino, ponetq. manum super caput, & immolabit eum Domino. Hauriet quoque de sanguine vituli inferens illum in Tabernaculum Testimony, cumq. intinxerit digitum in sanguinem, asperget eum septies coram Domino contra velum Sanctuary, ponetq. de eodem sanguine super cornua altaris thymiamatis gratissimi Domino, quod est in Tabernaculo Testimony. Omnem autem reliquū sanguinem fundet in basim altaris holocausti in introitu Tabernaculi.

bernaculi. Et adipem vituli offeret pro peccato tam eū, qui  
vitalia operit, quam omnia, quæ intrinsecus sunt, duos re-  
nunculos, & reticulum, quod est super eos iuxta ilia, & adi-  
pem iecoris cum renunculis, sicut offertur de vitulo hostia  
Pacificorum, & adolebit ea super altari holocausti. Pellem  
vero, & omnes carnes cum capite, & pedibus, & intestinis,  
& fimo, & reliquo corpore offeret extra castra in locum mū-  
dum, ubi cineres effundi solent, incendetq. ea super lignorū  
struem, quæ in loco effusorum cinerum cremabuntur. Expo-  
sita ratione sacrificij pro peccato sacerdotis, deinceps  
refertur ratio sacrificij pro peccato populi, principis, &  
& priuati, qui per ignorantiam peccauerint. Quæ quo-  
niam non admodum dissimiles sunt, non videtur facien-  
dum, ut ea huc transferamus, locum ipsum indicasse con-  
tenti. Lex autē huius sacrificij sic postea traditur cap. vi:  
*Ista est lex hostia pro peccato. In loco, ubi offertur holocau-  
stum, hircus immolabitur coram Domino. Sanctum Sancto-  
rum est. Sacerdos, qui offert, comedet cum in atrio Taberna-  
culi. Quidquid tetigerit carnes eius, sanctificabitur. Si de  
sanguine illius vestis fuerit aspersa, lauabitur in loco san-  
cto. Vas autem fictile, in quo cocta est, confringetur. Quod si  
vas æneum fuerit, defricabitur, & lauabitur aqua. Omnis  
masculus de genere sacerdotali vescetur de carnibus eius,  
quia Sanctum Sanctorum est. Hostia enim, quæ caditur pro  
peccato, cuius sanguis insertur in Tabernaculum Testimo-  
nij ad expiandum in Sanctuario, nō comeditur, sed combu-  
retur igni. Pariter inde traditur ritus, & lex sacrificij Pro  
peccatis ex silentio veritatis, immunditia, errore, iureiur-  
ando, & sacrorum abusu.*



## De Sacrificio pro delictis. Cap. VII.

QVINTVM Sacrificium fuit pro expiandis delictis. De eo vero ritu sic deinceps eodem in loco sancitū est: *Anima, quæ peccauerit, & contempto Domino negauerit proximo suo depositum, quod fidei eius creditum fuerat, vel vi aliquid extorserit, aut calumniam fuerit, siue rem perditam inuenerit, & inficiās insuper peierauerit, & quod libet aliud ex pluribus fecerit, in quibus solent peccare homines, conuicta delicti, reddet omnia, quæ per fraudem voluit obtinere, integra, & quintam insuper partem Domino, cui damnum intulerat. pro peccato autem suo offeret arietem immaculatum de grege, & dabis eum sacerdoti iuxta animationem, mensuramq. delicti, qui rogabit pro eo coram Domino, & dimittetur illis pro singulis, quæ faciendo peccauit.* Lex autem edita est cap. VII: *Hæc quoque lex hostia est pro delicto. Sancta Sanctorum est, ideo ubi immolabitur holocaustum, mactabitur & victima pro delicto. Sanguis eius per gyrum altaris fundetur. offerent ex ea caudam, & adipem, qui operit vitalia, duos renunculos, & pinguedinē, quæ iuxta ilia est, reticulumq. iecoris cum renunculis, & adolebit ea sacerdos super altare. incensum est Domino pro delicto. Omnis masculus de sacerdotali genere in loco sancto vescetur his carnibus, quia sanctum sanctorum est. Sicut pro peccato offertur hostia, ita & pro delicto. utriusque hostia lex una erit. ad sacerdotem, qui eam obtulerit, pertinebit. Sacerdos, qui offert holocausti victimam, habebit pellem eius. Et omne sacrificium simile, quod coquitur in clibano, & quidquid in craticula, vel sartagine preparatur, eius erit sacerdotis, à quo offertur, siue oleo conspersa, siue arisa fuerint, cunctis filiis Aaron mensura æqua per singulos dividetur.*

De sacrificio autem huiusmodi sic scriptum est apud Philonem, quod ei lucem asserre aliquam possit. *Sacrificium pro peccato nuncupatum, variatur & personis, & hostijs; personis pontificis, populi, principis, privati; hostijs, vitulo, hircu, capra, vel agna. vacca quoque offertur ab ijs, qui per ignorantiam peccarunt, vel scientes quidem, sed mutata voluntate factum suum damnant, & vitam melius insistant.* Pontificis peccata, & populi simili expiantur victimis, vitulo, principis minore, sed tamen mascula, hircus. n. caditur. at privati deteriore. & post: *Postquam legislator scripsit de peccatis ignorantie, transit ad ea, quae admittuntur à volentibus, ac scientibus. si quis, inquit, mētius fuerit de societate, aut deposito, aut rapina, aut inuentione rei perditae, deinde ad vitandā suspicionem iurare non recusarit, eandē arguēte se intus cōsciētia periuriū suū, abnegationēq. ipse dānans confessus fuerit, ac veniam petierit, merebitur delicti obliuionem. quoniam veram pœnitentiam re magis, quam verbis approbat, dum reddit depositum, aut inuentū, aut vniuersum alienum, quod usurpauit, superaddita quinta pretij parte in solatium eius, cui fecit iniuriam.* Ex quibus perspicui potest, ipsum appellare peccatum, quod per ignorantiam est commissum, delictum, quod à volente, & sciente. S. tamen Augustinus censuit; peccatū fuisse per petrationē mali, delictū vero desertionem boni. aut peccatum, quo sciens, delictū, quo ignorās aliquis se obstrinxit. plerunque autem utrūque pro eodem poni asseruit.

His à Deo mandatis acceptis, Aaron inde ad ea curāda se contulit, & iussu eiusdem sacrificia fecit, pro peccato suo, & populi, & Holocausta, & Pacifica. eaq. demissus cœlitus ignis incendit. vt deinceps scriptum est cap. viii. Neque vero hæc quoque verba inferere grauabor, cum maxime hanc tractationem valeant illustrare. *Aaron accedens*

cedens ad altare immolauit vitulum pro PECCATO SV-  
 cuius sanguinem obtulerunt ei filij sui. in quo tingens digi-  
 tum tetigit cornua altaris, & fudit residuum, et basim eius,  
 adipemq. & renunculos, ac reticulum iecoris, quæ sunt pro  
 peccato, & adoleuit super altare, carnem vero, & pellē eius  
 extra castra combussit igni. Immolauit & HOLOCAUSTI vi-  
 ctimam. obtuleruntq. filij eius sanguinem eius, quem fudit  
 per altaris circuitum. ipsam etiam hostiam in frusta conci-  
 sam cum capite, & membris singulis obtulerunt. quæ omnia  
 super altare cremauit igni, lotis aqua prius intestinis, & pe-  
 dibus. Et pro peccato POPVLI offerens mactauit hircum, ex-  
 piatoq. altari fecit holocaustum, addens in sacrificio LIBA-  
 MENTA, quæ offerrentur. & adolens ea super altare absque  
 carimonijs holocausti matutini. Immolauit & bovem, atq.  
 arietem, hostias PACIFICAS populi. obtuleruntq. ei filij sui  
 sanguinem, quem fudit super altare in circuitum. adipem  
 autem bouis, & caudam arietis, renunculosq. cum adipi-  
 bus suis, & reticulum iecoris posuerunt super pectora. cūq.  
 cremati essent adipēs super altare, pectora eorum, & armos  
 dextros separauit Aaron eleuans coram Domino. & exten-  
 dens manum ad populum benedixit ei. Sicq. completis ho-  
 stijs pro Peccato, Holocaustis, & Pacificis descendit. & ecce  
 IGNIS egressus à Domino deuorauit holocaustum, & adi-  
 pes, qui erant super altare. arreptisq. Nadab, & Abiu filijs  
 Aaron thuribulis imposuerunt ignem, et incensum desuper,  
 offerentes coram Domino ignem alienum, quod eis præceptū  
 non erat. egressusq. ignis à Domino deuorauit eos. Locutus  
 est inde Moyses ad Aaron, & ad Eleazar, et Ithamar filios  
 eius, qui erant residui: Tollite sacrificium, quod remansit de  
 oblatione Domini, & comedite illud absque fermento iuxta  
 altare, quia sanctum sanctorum est. Comedetis autem in lo-  
 co sancto, quod datum est tibi, & filijs de oblationibus Domi-  
 ni,



*ni, sicut præceptum est mihi. Pectusculum quoque, quod oblatum est, & armum, qui separatus est, cedetis in loco mundissimo tu, & filij tui, & filie tua tecum. tibi enim ac liberis tuis reposita sunt de hostijs Salutaribus filiorum Israel, eò quòd armum, & pectus, et adipēs, qui cremantur in altari, deuorauerunt coram Domino, & pertineant ad te, & ad filios tuos lege perpetua, sicut præcepit Dominus. Inter hæc tircum, qui oblatus fuerat pro peccato, cum quæreretur Moyses, exustum reperit, iratusq. contra Eleazar, & Ithamar filios Aaron, qui remanserant, ait: cur non comeditis hostiam pro peccato in loco sancto, quæ sancta sanctorum est, & data vobis, vt portetis iniquitatem multitudinis, & rogetis pro ea in conspectu Domini, præsertim cum de sanguine illius non sit illatum intra Sancta, & comedere debueratis eam in Sanctuario, sicut præceptum est mihi. Respondit Aaron. Oblata est hodie victima pro peccato, & holocaustum coram Domino. mihi autem accidit, quod vides. quomodo potui comedere eam, aut placere Domino in caeremonijs mente lugubri? Quod cum audisset Moyses accepit satisfactionem. Atque hæc quidem de singulis sacrificijs in lege scripta sunt,*

*Iterum de omnibus Sacrificijs. Cap. VIII.*

*NUNC vero, vt res omnium obscurissima magis aperiat, de ijsdem iterum simul agemus. ac primum diuisionem eorum ex Iosepho afferemus. ex qua clare ite differentia, quæ inter illa intercedebat, extabit, deinde multis ex sacra historia sacrificijs proferendis rationem omnium dilucidius explicabimus. Sic igitur inquit Iosephus: Duo sunt sacrificia, vnum, quod à priuatis, alterum, quod à populo celebratur, & quidem vtrumque duobus modis.*

dis. aut enim totum, quod immolatur, incenditur, & propterea nomen holocausti habet, aut pro gratiarum actione persolvitur, & ad epulas immolantiū exhibetur. Vir priuatus HOLOCAVSTVM faciens immolat bouem, agnum, & hœdum annicula, boues etiam maiores. & hæc omnia masculini generis holocausta sunt. his autem caesis limbum altaris sanguine imbuunt sacerdotes. deinde purgantes ea mēbratim incidunt, & sparsa sale omnia super altare imponūt lignis instructum, & subiecto igne accensum. Pedes autem cum iecore purgantes inter adipem vna cum alijs offerunt, pelles autem sacerdotes accipiunt. atque hoc quidem Holocaustum est. Pro GRATIARVM vero actione sacrificiū faciētes eadem animalia mactant, sed matura, & anniculis grandiora, ac mascula feminis copulata. et hæc immolantes fundunt sanguinem super aram. renes autem, & adipēs, & omnem pinguedinem cum reticulis iecorum, et cum his caudam agni superponunt aræ. Pectora vero, & crura dextra sacerdotibus præbent, & duobus diebus reliquis carnibus epulantur, quacunque vero remanserint, cremant. Eadem vero etiam ratione pro PECCATIS hostia celebratur. qui vero victimas maiores non habent, offerunt columbas, aut turres duas, quarum vna est in holocaustum Deo, altera sacerdotibus datur ad cibum. Qui per ignorantiam peccat, agnum, & hœdum feminam eorundem annorum offert, & sanguinem fundit sacerdos in aram, sed non sicut prius, verum angulorum tangit extremitates, & renes, aliamq. adipem cum reticulo iecoris super altare imponunt. sacerdotes autem tollunt & pelles, & carnes ea die consumendas in templo. lex enim in crastinum non relinqui sinit. Qui vero peccat, sibiq. conscius est, sed neminem habet, qui ipsum possit arguere, arietem immolat lege præcipiente. cuius carnes in templo sacerdotes similiter comedent ea die. Principes autē

pec-

*peccantes sacrificando eadem offerunt, quæ priuati. placant autem Deum offerendo ad sacrificia taurum, & hædum masculos. Lex autem præcipit, in publicis, & priuatis sacrificijs etiam FARINAM mundissimam adyci, in agno quidem assarij mensuram, in ariete vero duorum, in tauro trium. et hanc sanctificant super altare oleo mixtâ. nam & oleû offeritur ab immolantibus, in boue hinc medietatē, in ariete autē huius mensuræ tertiam partem, & quartam in agno. Hinc autem mensura Hebræorum antiqua duos Choas Atticos recipit, secundum quam mensuram & vinum offerunt. Hæc Iosephus. Ex quibus clare omnium sacrificiorum Holocausti, Pacificorum, & pro Peccato ratio perspicitur potest, & præcipue, ut omnibus sacrificijs Libamina, idest farina mundissima, siue simila, sint adiecta.*

Nunc, ut idem confirmemus, varia etiam ex varijs locis in vnum sacrificia conteremus. Iosue vii i: *Et obtulit super altare holocausta Domino, immolauitq. pacificas victimas. & xxi i: Ut holocausta, & sacrificium, & pacificas victimas super eo altari imponeremus.* Inde Iudicum vi: *Gedeon coxit hædum, & de farinæ modio azymos panes, carnesq. ponens in canistro, & ius carniû mittens in ollâ, tulit omnia sub quercu, & obtulit Deo. cui angelus Domini: Tolle carnes, & azymos panes, et pone supra petram illam, & ius desuper funde. cumq. fecisset ita, extendit angelus Domini summitatem virgæ, quam tenebat in manu, & tetigit carnes, & panes azymos, ascenditq. ignis de petra, & carnes, azymosq. panes consumpsit.* Tum Regum primo: *Tulit Samuel agnum lactentem vnum, & obtulit illum holocaustum integrum Domino, & clamauit ad Dominum pro Israel, & exaudivit eum Dominus. Et decimo: Ego descendam ad te, ut offeras oblationem, & immoles victimas pacificas. & xli i: Afferite mihi holocaustum, & Pacifica.* Item:  
Dixi



*Dixi: nunc descendent Philistij ad me in Galgala, & faciem Domini non placavi. necessitate compulsus obtuli holocaustum. & vi secundi: Obtulit David holocausta, & Pacifica coram Domino. & tertio tertij: Salomon obtulit holocausta, & fecit victimas pacificas, & nono: Offerebat Salomon ter quotannis holocausta, & pacificas victimas super altare, quod edificauerat Domino. & quarti sextodecimo: Immolavit Achaz rex Holocausta, & Sacrificium suum, et libavit Libamina, & fudit sanguinem Pacificorum, quae obolerant super altare. Et paullo post: Super altare manus offer Holocaustum matutinum, & sacrificium vespertinum, & Holocaustum regis, et Sacrificium eius, & Holocaustum universi populi terra, & Sacrificium eorum, et Libamina eorum, & omnem sanguinem holocausti, & uniuersum sanguinem victimarum super illud effunde. & xxix secundi: Accedite, & offerite victimas, & Laudes in domo Domini. *grace ἀναρίστη θυσίας αἰνέτας*, idest offerite sacrificia Laudis. & sequenti: Comederunt septem diebus solemnitatis immolantes victimas Pacificorum, & laudantes Dominum Deum.*

Verum multo illustrius eadem cxxxix secundi percipiuntur, ubi Holocaustum, & Pro peccato per partes exponuntur: Obtulerunt simul tauros septem, & arietes septem, agnos septem, & hircos pro peccato septem, pro regno, pro sanctuario, pro Iuda, dixitq. rex sacerdotibus filiis Aaron, ut offerrent super altare Domini. Mactauerunt igitur tauros, & susceperunt SANGVINEM sacerdotes, & fuderunt illum super altare. mactauerunt etiam arietes, et illorum sanguinem super altare fuderunt, immolaueruntq. agnos, & fuderunt super altare sanguinem. applicuerunt hircos pro peccato coram rege, & uniuersa multitudine, imposueruntq. manus super eos. & immolauerunt eos sacerdotes, & asperserunt sanguinem eorum, coram altari pro piaculo uniuersi

Isra-

*Israelis. Pro omni quippe Israel praeceperat rex ut holocaustum fieret, & pro peccato. & mox: Obtulit uniuersa multitudo hostias, & Laudes, et holocausta mente deuota. & post: Fuerunt ergo Holocausta plurima, adipēs Pacificorū, & Libamina holocaustorum. Demum sexto Esdræ: Obtulerunt in dedicatione domus Dei vitulos centum, arietes ducentos, agnos quadringentos, hircos caprarum Pro peccato totius Israel duodecim. & Maccabæorum quarto: Obtulerunt Holocausta cū laetitia, & sacrificium Salutaris, & Landis. Atque hæc quidem in sacris historiarum libris reperiuntur. Quin etiam prophetæ eorundem sacrificiorum meminere, ut Dauid psalmo xxxix: Sacrificium, & oblationem noluiſti, Holocaustum, et Pro peccato non postulasti. & Ezechiel xlvi: Ipse faciet Pro peccato sacrificium, & Holocaustum, & Pacifica ad expiandū pro domo Israel. & Pro uerborum vii: Victimæ pro Salute deuoti, vota hodie reddidi.*

Iam vero quoniam sæpe sacrificiū Iustitiæ, & Laudis non proprie, sed translate usurpatum reperitur, id est nō pro cruenta immolatione, sed pro opere caritatis, & pietatis, quod internum sacrificium dicitur, id unde manuerit, exponendum. Hebræi cruentis sacrificijs adeo studebant, ut ea sola curantes opera caritatis erga proximum, & pietatis erga Deum omitterent, quorū illud dicitur Iustitiæ, hoc Laudis. Deus autē, ut eos corrigeret, atque officij sui ad n meret, post sæpe testatus est, se nolle holocausta, & cetera sacrificia victimarum, sed sacrificium iustitiæ, & laudis. id est ut caritas adhiberetur erga proximum, & pietas erga se, sibiq. potius animo gratiæ ageretur, quā sanguine immolaretur. De iustitia scriptum est tertio Prouerb: *Facere iustitiam, & iudicium magis placet Domino, quā victimæ.* Significat enim place-

re magis Deo, ut custodiatur lex, cuius partes duæ sunt, Iudicium, & Iustitia, quàm ut cruentum fiat sacrificium. & psalmo xxxix: *Sacrificium, & oblationem noluisti, holocaustum, & Pro peccato non postulasti.* & quarto: *Facite sacrificium Iustitiæ, & sperate in Domino.* Item Osee: *Misericordiam volui, & non sacrificium.* Rem autem ita habere etiam docuerunt, qui Euangelium tradiderunt. S. Iacobus primo: *Religio munda, & immaculata est, visitare pupillos, & viduas in tribulatione eorū.* S. Marcus xi i: *Diligere proximum, tanquam se ipsum, maius est omnibus holocaustis.* S. Paulus Hebr. xi i i: *Beneficiæ, & communionis nolite obliuisci.* talibus enim hostijs promeretur Deus. De Laude vero psalmo xi ix. cum enim negasset Deus, se sacrificia victimarum ab homine poscere, quia bobus non egeret, demum intertur: *Immola Deo sacrificium laudis.* i. lauda Deum. & cxv: *Tibi sacrificabo hostiam laudis, & nomen tuum inuocabo.* & cxvi: *Sacrificet sacrificium laudis.* Atque hoc ita esse, docuit S. Paulus eodem in loco, inquit: *Offeramus hostiam laudis Deo, id est fructum labiorum consentientium nomini eius.* Sic enim dixerat Osee xi i i: *Omnem aufer iniquitatem, & reddemus vitulos labiorum nostrorum.*

### De Confessionibus. Cap. IX.

SACRIFICIIS porro iunctæ fuere Confessiones. Confessionem vero appellauere Laudem, in qua in sacrificijs Dei bonitatem, & misericordiam extulerunt, his ferme verbis: *Confitemini Domino, quoniam bonus, quoniam in seculum misericordia eius.* Quibus vocibus etiā modos musicorum instrumentorum adiecerunt, ut psalteriorum, cithararum, cymbalorum, tubarum, & organorum.



rum. Hæc vero maxime instituto Dauidis regis. Quarū  
laudum hæc testimonia habemus. Primo Paralip. xxi i i  
in holocausto faciendo tempore Dauidis: *Leuitæ stent  
mane ad confitendum, & canendum Domino. similiterq. ad  
vesperam tam in oblatione holocaustorum Domini, quam  
in Sabbatis, & Calendis, et solemnitatibus reliquis. & quin-  
to secundi: Leuitæ cantores cymbalis, & psalterijs, & ci-  
tharis concrepabant, & cum eis sacerdotes centum viginti  
canentibus tubis. Igitur cunctis pariter & tubis, & voce,  
& cymbalis, & organis, & diuersi generis musicorum con-  
cinentibus, & vocem in sublimē tollentibus, longe sonitus  
audiebatur, cum Dominum laudare cœpissent, & dicere:  
Confitemini Domino, quoniam bonus, quoniam in sæculum  
misericordia eius. & xxxix: Cumq. offerrentur holocausta,  
cœperunt laudes canere Domino, ac clangere tubis, atque  
in diuersis organis, quæ Dauid rex Israel preparauerat, cō-  
crepare. omni autem turba adorante cantores, et ij. qui tene-  
bant tubas, erant in officio suo, donec compleretur holocau-  
stum. & xxx: Constituit Ezechias rex turmas sacerdotales,  
et Leuiticas ad Holocausta, & Pacifica, vt ministrarent, &  
conisterentur, & canerent in portis castrorum Domini. &  
Esdrae tertio: Fundato à cementarijs templo Domini stete-  
runt sacerdotes in ornatu suo cum tubis, & Leuitæ filij  
Asaph in cymbalis, vt laudarent Deum per manus Dauid  
regis Israel, & concinebant in hymnis, & confessione Do-  
mino, Quoniam bonus, quoniam in sæculum misericordia  
eius. Hinc illa sunt in psalmo ci: Confessio, & magnificen-  
tia opus eius. & xvi primi Paralip: Confessio, & magnifi-  
centia coram Deo. & Ecclesiastici xxxix: Benedicite Do-  
mino in operibus suis, date nomini eius magnificentiam, &  
confitemini illi in voce labiorum vestrorum. & Esd. x i x:  
Et nunc date confessionem, et magnificentiam Domino Deo*

*patrum nostrorum.* Videtur enim fuisse magnificētia idē, quod magnificatio, idest excellens, & magnifica quā dā laudatio, & amplius aliquid, quā confessio, & laus, quæ à Græco interprete ὁμολόγησις, & αἰνεσις dicuntur. vnde illud: *Magnificas anima mea Dominum.* De Confessionibus vero post iterum agetur, vbi disputabitur de Cantoribus.

### De Sacrificio Consecrationis. Cap. X.

HIS sacrificijs traditis cōtinenti ordine Lex alia quædam sacrificia adiicit, quæ non omnibus communia, sed singulorum propria extiterunt, quorum vnum Consecrationis, alterum Mundationis, tertium Expiationis est dictum. De quibus sequitur vt sigillatim agamus.

Sacrificium ergo CONSECRATIONIS siue τελεωσις dictum est, quod ad solos perinuit sacerdotes ratione suæ consecrationis, quodq. iidem offerre mane, & vespere tenebantur in die vnctionis suæ, longe ab eo diuersum, quo ipsi vncti consecrabantur, de quo dicemus tum, cum de pontifice disseremus. De hoc vero ita in Legge præceptum est Levitici cap. vi, in quo etiam de superioribus agitur: *Dixit Dominus ad Moysen. Hæc est oblatio Aaron, & filiorum eius, quam offerre debent Domino in die vnctionis suæ. Decimam partem ephi offerent simile in sacrificio sempiterno, medium eius mane, & medium eius vespere, quæ in sartagine oleo conspersa frigetur. offeret autem eam calidam in odorem suauissimum Domino sacerdos, qui iure patri successerit, & tota cremabitur in altari. Omne enim sacrificium sacerdotum igne consumetur, nec quisquam comedet ex eo. Esse autem sacrificium vnum ex ienis à nobis ante propositis, apparet, cum Lex ita eodē loco*

loco concluditur: *Ista est lex Holocausti, & sacrificij Pro peccato, atque Delicto, & pro Consecratione, & Pacificorū victimis, quam constituit Dominus Moysi in monte Sinai, quando mandavit filijs Israel, ut offerrent oblationes suas Domino in deserto Sinai.*

De Sacrificio Mundationis. Cap. XI.

I A M vero sacrificium, quod diximus Mundationis, relatum est ad labem puerperæ, leprosi, viri seminisui, & mulieris menstruosæ, ut Expiationis ad Sanctuarium, & populum labe pollutum.

De mundatione autem puerperæ sic scriptum est Leuitici cap. XII: *Mulier si suscepto semine pepererit masculum, immunda erit septem diebus iuxta dies separationis menstrue. & die octavo circumcidetur infantulus. ipsa vero triginta tribus diebus manebit in sanguine purificationis sue. Omne sanctum non tanget, nec ingreditur in sanctuarium, donec impleantur dies purificationis sue. sin autem feminam pepererit, immunda erit duabus hebdomadibus iuxta ritum fluxus menstrui, & sexaginta sex diebus manebit in sanguine purificationis sue. Cumque expleti fuerint dies purificationis sue, pro filio, siue pro filia deferet agnum anniculum in Holocaustum, & pullum columbæ, siue turturam pro peccato ad ostiam Tabernaculi Testimonij, & tradet sacerdoti, qui offeret illa coram Domino, & orabit pro ea, & sic mundabitur à profluvio sanguinis sui. Ista est lex parientis masculum, aut feminam. Quod si non inuenerit manus eius, nec potuerit offerre agnum, sumet duos turtures, vel duos pullos columbarum, unum in Holocaustum, & alterum pro peccato. orabitq. pro ea sacerdos, & sic mundabitur. Hinc illa sunt apud S. Lucam de beata Virgine:*



*Et postquam impleti sunt dies purgationis eius, secundum legem Moysi, tulerunt illum in Hierusalem, ut sisterent eum Domino, sicut scriptum est in lege Domini; Quia omne masculinum adaperiens vuluam sanctum Domino vocabitur. Et ut darent hostiam secundum quod dictum est in lege Domini, par turturum, aut duos pullos columbarum.*

De mundatione vero leprosi deinceps agitur xiii, & xiii 1: Primum autem docetur, ut leprosus adducatur ad pontificem, siue ad sacerdotes, corūq. cognitioni, & iudicio permittatur, vtrum color ille, qui in facie hominis natus est, vere lepra sit nec ne. cuius rei dignoscendæ multa documenta præbentur. deinde vero ratio mundationis affertur his verbis: *Hic est ritus leprosi, quando mundandus est. Adducetur ad sacerdotem, qui egressus è castris cum inuenerit lepram esse mundatam, præcipiet ei, qui purificatur, ut offerat duos passerim viuos pro se, quos vesci licitum est, & lignum Cedrinum, vermiculumq. & hyssopum. Et unum ex passeribus immolari iubebit in vase fictili super aquas viuentes, alium autem viuum cum ligno Cedri- no, & cocco, & hyssopo tinget in sanguine passeris immolati, quo asperget illum, qui mundandus est, septies, ut iure purgetur, & dimittet passerem viuum, ut in agrum auolet. & reliqua, quæ propter longitudinem omittuntur. nam in hac re præcipua locum indicasse, satis videtur.*

De viro porro semini fluo traditur xv. atque ubi signa immunditiæ illius indicata sunt, inferitur: *Si sanatus fuerit, qui huiuscemodi sustinet passionem, numerabit septem dies post emundationem sui, & lotus vestibus, & toto corpore in aquis viuiculis erit mundus. die autem octauo sumet duos turtures, aut duos pullos columbæ, & veniet in conspectum Domini ad ostium Tabernaculi Testimonij, dabitq. eos sacerdoti, qui faciet unum Pro peccato, et alterum in Holocaustum*

*causum, rogabitq; pro eo coram Domino, ut emundetur à fluxu seminis sui.*

Deinceps de muliere menstruosa sic præcipitur: *Mulier, quæ patitur multis diebus fluxum sanguinis non in tempore menstruali, vel quæ post menstruum sanguinem fluere non cessat, quamdiu subiacer huic passioni, immunda erit, quasi sit in tempore menstruo, Omne stratum, in quo dormierit, & vas, in quo sederit, pollutum erit. quicumque tetigerit eam lauabit vestimenta sua, & ipse lotus aqua immundus erit usque ad vesperum. Si steterit sanguis, & fluere cessauerit, numerabit septem dies purificationis sue, & die octauo offeret pro se sacerdoti duos turtures, aut duos pullos columbarum ad ostium Tabernaculi Testimonij, qui unum faciet Pro peccato, & alterum in Holocaustum, rogabitque pro ea coram Domino, & pro fluxu immunditiæ eius. Ista est lex eius, qui patitur fluxum seminis, & qui polluitur cotu, & quæ mensuris temporibus separatur, vel quæ ingi fluit sanguine, & hominis, qui dormierit cum ea.*

## De Sacrificio Expiationis. Cap. XII.

**HIS** traditis additur inde de sacrificio Expiationis, siue Propitiationis. Fuere vero Expiationes vnus, ut dictum est, ex diebus festis celeberrimis anni, die decima Septembris magna cæremonia celebratus. Eo vero die pontifex pontificalibus vestimentis indutus, ac Sancta sanctorum ingressus vniuerso populo ieiunante præcipuū quoddam sacrificium fecit, quo Sanctuarium ab labibus populi, prauaricationibus, ceterisque peccatis purgauit. Id autem his verbis traditur cap. sextodecimo: *Loquere ad Aaron, ne omni tempore ingrediatur Sanctuarium, quod est intra velum coram Propitiatorio, quo te-*

gitur Arca, ne moriatur, nisi hac ante fecerit. Vitulū pro peccato offeret, & arietē in Holocaustū, tunica linea vestiatur, femoralibus lineis verēda ce'abit, accingetur Zona linea, ci darim lineam imponet capiti, suscipietq. ab uniuersa multitudine filiorū Israel duos hircos Pro peccato, & unū arietē in Holocaustum. cumq. obtulerit vitulum, & orauerit pro se, ac pro domo sua, duos hircos stare faciet coram Domino in osio Tabernaculi Testimony. mittensq. super utrumque sortem, vnā Domano, & alterā capro emissario. cuius exierit sors Domino, offeret illum pro peccato, cuius autem in caprum emissarium, statuet eum viuū coram Domino, ut fundat preces super eum, & emittet in eum in solitudinem. His rite celebratis offeret vitulum, & rogans pro se im molabit eum. assumptoq. thuribulo, quod de prunis altaris impleuerit, et hauriens manu compositum thymiamā in incensum, ultra velū intrabit in Sancta, ut positis super ignē aromatibus nebula eorum, & vapor operiat Oraculū, quod est super Testimonium, & non moriatur. Tolle quoque de sanguine vituli, & asperget digito septies contra Propitiatorium ad Orientem. cumq. mactauerit hircum pro peccato populi, inferet sanguinem eius intra velum, sicut præceptū est de sanguine vituli, ut aspergat è regione Oraculi, et expiet Sanctuarium ab immunditijs filiorum Israel, & à prauaricationibus eorum, cunētisq. peccatis. Nullus hominum sit in Tabernaculo, quando pontifex Sanctuarium ingreditur, ut roget pro se, & pro domo sua, & pro uniuerso catu Israel, donec egrediatur. Cum autem exierit ad altare, quod coram Domino est, oret pro se, & sumptum sanguinem vituli, atque hirci fundet super cornua eius per gyrum, aspergensq. digito septies expiet, & sanctificet illud ab immunditijs filiorum Israel. Postquam autem emundauerit Sanctuarium, & Tabernaculum, & altare, tunc offerat hircum vi



uentem, & posita utraque manu super caput eius confiteatur omnes iniquitates filiorum Israel, & vniuersa delicta, atque peccata eorum, quæ imprecans capiti eius emittet illum per hominem paratum in desertum. Cumq. portauerit hircus omnes iniquitates eorum in terram solitariam, & dimissus fuerit in Deserto, reuertetur Aaron in Tabernaculum Testimonij, & depositis vestibus, quibus indutus prius erat, cum intraret Sanctuariũ, relictisq. ibi lauabit carnẽ suam in loco sancto, indueturq. vestibus suis. Et postquam egressus obtulerit holocaustum suum, ac Plebis, rogabit tam pro se, quam pro populo, & adipem, qui oblati sunt pro peccatis, adolebit super altare. Ille vero, qui dimiserit caprum emissarium, lauabit vestimenta sua, & corpus aqua, & sic ingreditur in castra. Vitulũ autẽ, & hircũ, qui pro peccato fuerant immolati, & quorũ sanguis illatus est in Sacuariũ, ut expiatio cõpleretur, asportabũt foras castra, & ciburent igni tam pelles, quã carnes, ac simũ. & quicũque combusserit ea, lauabit vestimenta sua, & carnẽ aqua. et sic ingreditur in castra. Eritq. vobis hoc legitimum sempiternũ.

De Oblatione incensi. Cap. XIII.

PRÆTER Sacrificia vero, quæ diximus, erat etiã quotidiana oblatio incensi in altari thymiamatis. & hæc vero cuiusmodi fuerit, explicabitur, primum quæ in Legge, deinde quæ extra legem reperiuntur, allatis. Exodi XI: Candelabrum stabit cũ lucernis suis, & altare aureũ, in quo adoletur incensum corã Arca Testimonij. Posuit et altare aureũ sub tecto Testimonij cõtra velũ, et adoleuit super eo incensum aromaticum. & xxx, ubi agitur de altari thymiamatis constituendo: Et adolebit incensum super eo Aaron suaue fragrans mane, quando compones lucerna, incendet illud, & quando collocabis eas ad vesperam, et thym-

*miama sempiternum coram Domino in generationes ve-*  
*stras. Quo modo vero, & ex quibus aromata fierent, su-*  
*pra ostendimus, cum de Tabernaculo disseruimus. Hæc*  
*in Lege. Nūc quæ extra Legem. Secundo secundi Regū:*  
*Elegi Aaron ex omnibus tribubus Israel mihi in sacerdo-*  
*tem, ut ascenderet ad altare meum, & adoleret mihi incen-*  
*sum. & nono terq; Offerebat Salomon ter quotannis Holo-*  
*causta, et Pacificas victimas sup altare, quod edificauerat*  
*Domino, & adolebat thymiama coram Domino. & xxii: Ad*  
*huc populus adolebat incensum in Excelsis. & vi primi Pa-*  
*ralip: Aaron, & filij eius adolebant incensum super altare*  
*holocausti, et super altare thymiamatis in omne opus Sancti*  
*sanctorum. & xxvi secundi: Cum roboratus esset Ozias rex*  
*Iude, eleuata est cor eius in interitum suum, & neglexit*  
*Dominum Deum suum, ingressusq; templum Domini adole-*  
*re voluit incensum super altare thymiamatis. statimq; in-*  
*gressus est post eum Azarias sacerdos, & cum eo sacerdotes*  
*Domini octoginta resisterunt regi, atque dixerunt. Non est*  
*tui officij Ozias, ut adoleas incensum Domino, sed sacerdo-*  
*tum, hoc est filiorum Aaron, qui consecrati sunt ad huiusce*  
*modi ministerium. egredere de Sanctuario. ne contempseris,*  
*quia non reputabitur tibi in gloriam hoc à Domino Deo. ira-*  
*tusq; Ozias, & tenens in manu thuribulum, ut adoleret in-*  
*censum, minabatur sacerdotibus. statimq; est orta lepra in*  
*fronte eius coram sacerdotibus. & xxix: Patres vestri reli-*  
*querunt Deum, incensum non adoleuerunt, & holocausta*  
*non obtulerunt in Sanctuario Deo Israel. & Isaia primo:*  
*Holocausta arietum nolui, incensum abominatio est mihi.*  
*Quibus adijci quoque potest locus S. Lucae insignis: Cū*  
*sacerdotio fungeretur Zacharias in ordine vicis sue ante*  
*Deum secundum consuetudinē sacerdotij, sorte exijt, ut in-*  
*censum poneret ingressus in templum Domini, & omnis*  
mul-

*multitudo populi erat foris orans hora incensi. De oblatione vero thuris sic diferte tradidit. Philo in libro de sacrificantibus: Lex iubet duo poni altaria, materia, loco, vsuq. differentia. Alterum enim è saxis collectitijs impolitjs extruitur in atrio iuxta templi vestibulum ad immolandas victimas. alterum vero aureum situm est post primum velum in penetralibus, nemini conspicuum, nisi sacerdotibus functionis sue tempore castitatem seruantibus, quod factum est adolendis odoribus. Vnde liquet, micam thuris oblatam ab homine pio Deo gratiorem esse multis hostijs, si offerenti non adsit probitas. quanto enim aurum præstat lapidibus, et adytum vestibulo, tanto acceptior est suffitus gratiarum actionis, quam mactata victima. ideo non solum materie pretio, artificum opere, sanctitateq. loci ara hæc augusta facta est, sed & hoc, quod apud eam quotidie sacra exordium sumunt à gratiarum actionibus. non est enim fas immolare foris, priusquam intus summo mane suffitus factus sit. quo significatur nihil aliud, nisi Deum non delectari victimarum multitudine, sed offerentis bona mente, ac spiritus puritate.*

*De Donis sacris. Cap. XIII.*

*HACTENVS de sacrificijs. Nunc de Donis sacris agamus. quæ in hoc diuersa à sacrificijs fuerunt, quod in sacrificijs oblationes aut ex toto, aut ex parte consumptæ sunt, in donis integræ, atq. illæsæ seruatæ sunt. Hæc vero aut ex Lege, aut ex voto, aut ex pura voluntate data sunt. Vnde illud est Numerorum xxix: Hæc offeretis Domino in sollemnitatibus vestris, præter vota, et oblationes spontaneas. Ex lege, ut primitiæ, decimæ, & pecunia facia. de quibus in vniuersum Deuteronomij xii: Non facietis ita Domino Deo vestro. sed ad locum, quem elegerit*  
Da-



*Dominus Deus vester de cunctis tribubus vestris, ut ponat nomen suum ibi, & habitet in eo, venietis, & offeretis ei loco illo holocausta, & victimas vestras, & decimas, & primitias manuum vestrarum, & vota, atque donaria primogenita boum, & ouium.*

## De Primitijs, et Decimis. Cap. XV.

PRIMITIAE porro dictæ, quæ cuique primo siue ex animalibus, siue ex hominibus, siue ex semine terræ orta sunt. Decimæ, omnium fructuum, quos singulis annis à terra, & pecudibus eliciebant, pars decima. Primitiæ vero siue ex lege, siue ex voto oblatae vsui sacerdotum cedebant.

De primitijs Legis sic præcepit Deus Exodi xxii: *Primitias tuas non tardabis reddere. Primogenitum filiorum tuorum dabis mihi. de bobus quoque, & ouibus similiter facies. septem diebus sit cum matre sua, die octaua reddes illum mihi. & sequenti: Primitias frugum terræ tuæ offeres in domum Dei tui. & Numerorum v: Omnes primitiæ, quas offerunt filij Israel, ad sacerdotem pertinent, & quidquid in Sanctuarium offertur à singulis, & traditur manibus sacerdotis, ipsius erit.*

De votiuis autem primitijs Deus loquens ad Aaron, & Leuitas sic xvi dixit: *Primitias, quas vouerint, & obtulerint filij Israel, tibi dedi, & filiis tuis, & filiabus tuis iure perpetuo. qui mundus est in domo sua, vescetur ex eis. omne medullam olei, & vini, & frumenti quidquid offerunt primitiarum Domino, tibi dedi, & vniuersa frugum initia, quæ gignit humus, & Domino deportantur, cedent in usus tuos. qui mundus est in domo tua, vescetur ex eis. Omne, quod ex voto reddiderint filij Israel, tuum erit. Docuit inde, ut primogen-*

mogenita hominum, & animalium immundorum redimerentur, bouum vero, ouium, & caprarum, non item:

*Quidquid, inquit, primum erumpit è vulua cunctæ carnis, quam offerunt Domino, siue ex hominibus, siue de pecoribus fuerit, tui iuris erit, ita duntaxat, ut pro hominis primo genito pretium accipias, & omne animal, quod immundum est, redimi facias. cuius redemptio erit post unum mensem, siclis argenti quinque, pondere sanctuarij. siclas viginti obolos habet. primogenitum autem bouis, & ovis, & capra non facies redimi, quia sanctificata sunt Domino. sanguinem tamen eorum fundes super altare, & adipēs adolebis in suauissimum odorem Domino. carnes vero in usum tuum cedent, sicut pectusculum consecratum, & armus dexter, tua erunt. Fuit etiam dies festus, in quo Messis primitiæ ex Lege offerebantur. de quo supra diximus.*

De decimis porro hæc in Lege cōperimus, primum, ut Deo offerantur, deinde, ut ad vsum sacerdotum traducantur. Exodi xxii: *Decimas tuas non tardabis reddere. Leuitici xxvii: Omnes decimæ terræ siue de pomis arborū, siue de frugibus, Domini sunt, & illi sanctificantur. Omnium decimarum bouis, & ovis, & capra, quæ sub pastoris virga transeunt, quidquid decimum venerit, sanctificabitur Domino.*

Ceterum S. Hieronymus super Ezechielem quattuor genera decimarum elicit ex verbis Legis, vnā, quā populus Leuitis dabat, alterā, quā ex suis decimis Leuitæ dabant sacerdotibus, de quibus ambabus scribi inquit Numer. xviii: *Præcipe Leuitis, atque denuncia. Cum acceperitis à filijs Israel decimas, quas dedi vobis, primitias earum offerre Domino, idest decimam partem decimæ, ut reputetur vobis in oblationem primitiuorum tam de arcis, quā de torculari, et vniuersis. quorum accipitis primitias*  
offer-

*offerre Domino, & date Aaron sacerdoti omnia, quæ offeretis ex decimis, & in donaria Domini separabitis, optima, et electa erunt cuncta.*

Tertium inde genus decimæ fuit, inquit ille, quam unusquisque de populo Israel in suis horreis separabat, ut comederet eam proficiscens ad Templum in vestibulo eius, & Sacerdotes, ac Leuitas inuitaret ad conuiuium. de qua Deuteronomij **xii** **11**: *Decimam partem separabis de cunctis fructibus tuis, quæ nascuntur in terra per annos singulos, & comedes in conspectu Domini Dei tui in loco, quem elegerit, ut in eo nomen eius inuocetur, decimam frumenti tui, & vini, & olei, & primogenita de armentis, & ouibus tuis, ut discas timere Dominum Deum tuum omni tempore. cum autem longior fuerit via, & locus, quem elegerit Dominus Deus tuus, tibiq. benedixerit, nec potueris ad eum cuncta portare, vendes omnia, & in pretium rediges, porta bisq. manu tua, & proficisceris ad locum, quem elegerit Dominus Deus tuus, & emes ex eadem pecunia quidquid tibi placuerit siue ex armentis, siue ex ouibus, vinum quoque, & siceram, & omne, quod desiderat anima tua, & comedes coram Domino Deo tuo, & epulaberis tu, & domus tua, & Leuita, qui intra portas tuas est. caue ne derelinquas eum, quia non habet aliam partem in possessione tua. Eandem vero præceptionem supra **xii** **1** quoque capite posuerat, inquiring: *Ad locum, quem elegerit Dominus, omnia, quæ precipio, conferetis, holocausta, & hostias, & decimas, & primitias manuum uestrarum, & quidquid præcipuum est in muneribus, quæ vouistis Domino, ibi epulabimini coram Domino Deo vestro vos, ac filij, ac filiae vestrae, famuli, & famule, leuitæ, qui in urbibus vestris commorantur. neque enim habet aliam partem, & possessionem inter vos.* & **xvii** Deut. *Non poteris comedere in oppidis tuis decimam frumē*  
*ti, &**



si, & vini, & olei tui, sed coram Domino Deo tuo in eo loco, quē ipse elegerit. & Tobiaē primo: Pergebat in Hierusalem ad templum Domini, & ibi adorabat eum, omnia primitiua sua, & decimas suas fideliter offerens itaut in tertio anno proselytis & aduenis ministraret omnem decimationē. Sunt tamen, qui à S. Hieronymo dissentiant, & tertiam hāc decimam eandem esse cum prima contendunt. licitum autem fuisse, ex prima decima aliquid sumere, & cum Leuitis in templo epulari.

Quarta vero decima fuit, quæ non singulis annis, sed tertio quoque recondebatur ad pauperes sustinendos. de qua Deuteronomij xii 11: Anno tertio separabis aliā decimam ex omnibus, quæ nascuntur tibi eo tempore, & repones intra ianuas tuas. Venietq. Leuites, qui aliam non habet partem, nec possessionem tecum, & peregrinus, ac pupillus, & vidua, qui intra portas tuas sunt, & comedent, ac saturabuntur, ut benedicat tibi Dominus Deus tuus in cunctis operibus manuum tuarum, quæ feceris. item cap. xxvi: Quando compleueris decimare cunctarum frugum tuarū, anno decimarum tertio dabis Leuita, & aduene, & pupillo, & vidue, ut comedant intra portas tuas, & saturentur.

Hæc in Lege. Post Legem inde eadē obseruata sunt. ut xxxi secundi Paralip: Præcepit Ezechias rex populo habitantiū Hierusalem, ut darent partes Sacerdotibus, & Leuitis, ut possent vacare legi Domini. Quod cum percrebisset in auribus multitudinis, plurimas obtulere primitias filij Israel, frumenti, vini, & olei, mellis quoque, & omnium, quæ gignat humus, decimas obtulerunt. Sed et filij Israel, et Iuda, qui habitabant in urbibus Iuda, obtulerunt decimas bouum, & ouium, decimasq. sanctorum, quæ vouerant Domino Deo suo, atque vniuersa portantes fecerunt acernos plurimos.

Post

Post reditū inde è Babylonia primitiæ, & decimæ ad Gazophylaciū deferri cœpta. Necnig x: *Sortes misimus, ut afferremus primogenita terra nostræ, et primitiua uniuersi fructus omnis ligni ab anno in annum in Domo Domini. et primitiua filiorum nostrorum, & pecorum nostrorum, sicut scriptum est in Lege, & primitiua boū nostrorū, & ouiu nostrarum, ut offerretur in domo Dei nostri sacerdotibus, qui ministrant in domo Dei nostri, & primitias ciborum nostrorum, & Libamenum nostrorum, & poma omnis ligni, vindemia quoque, & olei afferremus sacerdotibus ad Gazophylacium Dei nostri, & decimam partem terra nostræ Leuitis. Ipsi Leuitæ decimas accipiant ex omnibus ciuitatibus operum nostrorum. Erit autem sacerdos filius Aaron cum Leuitis in decimis Leuitarum. Et Leuitæ offerent decimam partem decimæ suæ in domo Dei nostri ad Gazophylacium in domo thesauri. ad Gazophylacium enim deportabunt filij Israel, & filij Leui primitias frumenti, vini, & olei, & ibi erunt vasa sanctificata.*

Pharisæi inde adeo exacte legem sibi obseruandam putarunt, ut etiam decimas minorum olerum darent. quod Christus arguit apud S. Lucam xi: *Va vobis Pharisæis, quia decimatis mentam, & rutam, & omne olus, & præteritis iudicium, & caritatem Dei. Hæc autem oportuit facere, & illa non omittere.*

## De Sacra pecunia, & Gazophylacio.

### Cap. XVI.

Sacra vero, (hoc enim ex propositis sequitur,) pecunia fuit, quæ Siclus est dicta, quam pretium pro annuibus suis dabant Domino, in vsum Tabernaculi, sic præcipiente Deo Exodi xxx: *Quando tuleris summam filiorum*  
*Israel*

Israel iuxta numerum, dabunt singuli pretium pro animabus suis Domino, & non erit plaga in eis, cum fuerint recensui. Hoc autem dabit omnis, qui transit ad nomen, dimidium sicli iuxta mensuram templi. Siclus viginti obolos habet; media pars sicli offeretur Domino. Qui habetur in numero à viginti annis, & supra, dabit pretium. Diues non addet ad medium sicli, & pauper nihil minuet, susceptamq. pecuniam, quæ collata est à filiis Israel, trades in usus Tabernaculi Testimonij, ut sit monumentum eorum coram Domino, & propitiatur animabus earum. Hanc ergo pecuniã per multos annos sacerdotes constituto templo exegerunt, deinde exigere desierunt.

Post autem cum ad sarciendum templum pecunia esset opus, neque vllam sacerdotes haberent, quod exigere destitissent, Ioas rex iterum solui voluit, ac propterea arcam instituit, in quam omnes in templum ingredientibus pecuniam illam conferrent. eam arcam Persico, & Græco vocabulo GAZOPHYLACIUM, quia gazam custodiret, & Syriaco Corbonam appellarunt. Hac de re sic in Regum III. cap. XII: Dixit Ioas ad sacerdotes: Omnem pecuniam sanctorum, quæ infertur in templum Domini à prætereuntibus, pecuniam pretij, & quam sponte pro arbitrio cordis sui inferunt in templum Domini, accipiant sacerdotes quisque ab exactione sua, & instaurent sarta tecta domus, si quid opus viderint instauracione. Igitur vsq. ad vicesimum tertium annum regis Ioas non instaurarunt sacerdotes sarta templi. vocauitq. rex Ioiadam pontificem, & sacerdotes dicens eis. Quare sarta tecta non instauratis templi? nolite ergo amplius accipere pecuniam ab exactione vestra. quando ad instauracionem templi daturi non estis illam. Et consenserunt sacerdotes, ne ultra acciperent pecuniam à populo causa sartorum domus. Et sumptus



Ioiada Gazophylaciū vnum, aperuitq. foramen in tabula eius. & posuit iuxta altare ad dextram ingredientium Dominus Domini. & dederunt in id sacerdotes, qui custodiebant ostium, omnem pecuniam, quæ deferebatur in templum. cumq. videret nimiam pecuniam esse in Gazophylacio, ascendit Scriba regis, et Pontifex, & argentarij, effuderuntq. & numerarunt pecuniam, quæ inuenta est in domo Domini, et dederunt eā prout in manus operariorum domus Domini. Item secūdo Paralip. xxiii. Proferam vero verba Græcæ translationis, quia aliqua ex parte clariora sunt, eadem tamen manente sententia: Conuocauit Ioas sacerdotes, & Leuitas, & dixit eis: Exite in vrbes Iuda, & cogite ex omni Israel pecuniam, ut sarciatur domus Dei in singulos annos, & festinate indicere. & Leuitæ non festinarunt. Et vocauit Ioas Ioiadam pontificem, & dixit ei: Cur non vidisti de Leuitis, ut exigeret de Iuda, & Hierusalem, quod iudicatum est à Moysè, quando conuocauit Israel in Tabernaculū Testimonij, quia Gotholia fuit exlex, & filij eius dissiparunt domum Dei. Fiat arca, & ponatur in porta domus Domini extrinsecus, & edicant in Iuda, & Hierusalē: Conferes Domino, ut dixit Moyses ad Israel in deserto. Et dederunt omnes principes, & cunctus populus, & contulerunt, & coniecerunt in arcam ita, ut compleretur, & attulerunt arcam ad prepositos regis per manum Leuitarum, & viderunt, quod abundabat pecunia, & venit Scriba regis, & Prepositus magni sacerdotis, & exhauserunt arcam, & posuerunt in loco suo, & ita fecerunt in dies, & coacernauerunt argentum multum, & dedit rex, & Ioiada sacerdos facientibus opera in opificium domus Dei. Hæc autem eadem Iosephus aliqua quoque ex parte clarius prodidit. Ioam, inquit, regem cupido resarciendi templi incessit, atque accito ad se Ioiada pontifice iussit, ut in omnem mitteret regionem

Leuit

Leuitas, & sacerdotes, qui exigerent pro vniuersiusque ca-  
 pite dimidium siclum argenti ad instauracionem templi,  
 quod à Ioram, Gotholia, & filijs eorum videbatur esse de-  
 structum. Pontifex vero hoc non fecit, sciens, à nemine con-  
 ferri argentum. tercio vero, & vicesimo anno regni sui Ioas  
 Pontificem, & Leuitas negligentia arguens iussit, ut in pro-  
 ximum annum de templi instauracione prospicerent. Itaq.  
 Ioiadas consilium, quod gratum fuit populo, adhibuit. fecit  
 nanque ligneam arcam, & undique muniens eam, unum  
 ei foramen aperuit. quam ponens in templo iuxta sacrariū,  
 mandauit singulis, ut quantum vellent, in eam mitterent  
 per foramen pro templi reparatione. ad quod opus libenter  
 populus omnis accessit, & multum argenti, multumq. au-  
 ri intulit. Quo factō euacuantes arcam presente rege scri-  
 ba simul, & sacerdotes argentum enumerauerunt, quod  
 fuerat illatum, deinde eam in eodem loco reposuerunt, idq.  
 quotidie obierunt. Gazophylacio inde cōstituto pecunia  
 à Iosia rege templum sarcituro iterū hausta est. sic enim  
 IIII Regum scriptum est: *Misi Iosias rex Scribam tem-  
 pli ad Helciam sacerdotem magnum, ut confletur pecunia,  
 qua illata est in templum Domini, quam collegerunt ianito-  
 res templi à populo, deturq. fabris per Praepositos domus Do-  
 mini, qui & distribuant eam ijs, qui operantur in templo  
 Domini ad instauranda sarta tecta templi.* Euerso inde tē-  
 plo simul etiā Gazophylacium est euersum, & restituto  
 restitutum, verum id non arca tantum fuit, inquem pecu-  
 nia iaceretur, sed locus amplius, in quo etiā primitiæ, &  
 decimæ Leuitarū repositæ sunt. ut Neemiæ x: *Primitias  
 vindemiae, & olei afferemus sacerdotibus ad Gazophylaciū  
 Dei nostri.* & post: *Ad Gazophylacium deportabunt filij Is-  
 rael, & filij Leui primitias frumenti, vini, et olei.* & sequen-  
 ti: *Erat super hoc Eliasib, qui fuerat Praepositus in Gazophy-*

*lacio domus Dei nostri. fecit ergo sibi Gazophylacium grande. & ibi ante eum reponebant munera. & 11 Maccabæorum: Apollonius nunciauit Seleuco regi Syria, innumerabilibus pecunijs referium esse Gazophylacium Hierosolymis, et communes copias immensas esse, quæ non pertinerent ad rationem sacrificiorum. Hinc etiam legitur apud S. Marcum: Sedens Iesus contra Gazophylacium aspiciebat, quomodo turba iactaret eas in Gazophylacium. & apud S. Lucam: Respiciens Iesus vidit eos, qui mittebant munera in Gazophylacium.*

Huic porro Gazophylacio custos fuit præpositus, quæ Isaias cap. xx 11 vocat תַּמְיָדֵי תוֹבֵלִים. i. questorem templi, licet Latinus interpretes vocet præpositum tēpli. Iosephus autem libro xvi 11 gazophylacem nominat. *Stola, inquit, pontificis sub sigillo gazophylacis tenebatur, à quo etiam et cetera ornamenta templi asseruabantur. Item vi 1 Belli: Arcas etiam, quæ gazophylacia vocantur, incendunt, in quibus magna vis erat pecunia, ac vestium, atque omnes Iudeorum prope congestæ diuitiæ. Item: Quin etiā gazophylax, idest custos sacræ pecuniæ, comprehensus, nomine phinees, vestes, & cingula sacerdotum indicauit. Ac de legitimis quidem oblationibus hætenus,*

De Oblationibus votiuis, & voluntarijs.

Cap. XVII.

SEQUITVR, vt dicam de Oblationibus siue sacrificiorum, siue donorum, quæ ex voto, vel ex voluntate confectæ sunt. de quibus Leuitici vi 1: *Si voto vel sponte quis obtulerit hostiam, & xxi 11: Hæ sunt feriæ Domini, quæ vocabitis sanctissimas. offeretisq. in eis oblationes Domino, holocausta, & libamenta iuxta ritum uniuscuiusq. diei.*



*diei, exceptis sabbatis Domini, donisq. vestris, & quæ offeretis ex voto, vel quæ sponte tribuetis Domino.*

Vota dicta, quæ quis impetrandæ gratiæ causâ se Deo soluturum spopondit, quæ non reddere, nefas Deus constituit. Deuteronomij xxiii: *Quod si voveris votum Domino, ne moreris reddere illud, quia querens querit Dominus illud abs te, & erit tibi in peccatum.* Quæ verba sic exponit Philo de sacrificio Abel: *Votum est petitio boni alicuius à Deo, mandatur autem, ut voti compos sine mora coronant offerat Deo. In quo qui peccant, alij per beneficiorum obligationem gratiarum actione se priuant, alij per nimiam arrogantiam se ipsos auctores bonorū suorum existimant, non Deū. alij bona quidem sua ad Deum referunt, sed suo se merito ea consequi putant.*

Voti vero concipiendi formula fuit talis. Iudicum xix: *Votum vouit Domino dicens. Si tradideris filios Ammon in manus meas, quicumque primus fuerit egressus de foribus domus meæ, eum holocaustum offeram Domino.* & primo Samuelis: *Votum vouit dicens. Domine si dederis serua tuæ sexum viri, dabo eum Domino omnibus diebus vite eius, & nouacula non ascendet caput eius.* & ii Regum viii: *Vouens vouit seruus eius dicens. Si reduxerit me Dominus in Hierusalem, sacrificabo Domino.*

Qui vero faciebat quod Deo promiserat, is votum soluere, & votum reddere dicebatur: vt Leuitici xxi i, *Qui obtulerit oblationem suam vel vota soluens, vel sponte offerens.* & ii Regum viii: *Vadam, et reddam vota mea, quæ voui Domino in Hebron.* & vii Prouerbiorum: *Visti mas pro salute deuoui, vota hodie reddidi.*

Extat etiam Lex de votis faciendis, & persoluendis, quæ virum hoc modo astringit. Numer. xxx: *Si quis virum votum Domino voverit, aut se constrinxerit iuramentum*

to, non faciet irritum verbum suum, sed omne, quod promissit, implebit. Puellam autem, quæ erat in potestate patris, aut mulierem, quæ erat in potestate viri, si promittente illa pater, aut vir tacuissent, ipsam obligauit, si contra dixissent, non item. Viduam autem, & repudiatam iureiurando teneri voluit.

Vnusquisque autem aut animam suam Deo vouit, aut res suas. Si animam, pretio redimere potuit, si animal, mutari votum non potuit, & consecratum Deo mansit. domum autem si vouit, pretio aucto redimere potuit. omnis vero æstimatio siclo sanctuarij ponderata est. Siclus viginti obolos habuit. Hæc & alia huiusmodi ad votum pertinentia multis verbis tradita continentur Leuitici capite extremo. Fuit autem vltimum voti genus, cum quis semetipsum Domino consecrauit. de quo dictum est, vbi de Nazaraeis est disputatum.

Vota vero in templum, perinde ac cetera dona, delata esse, indicauit Hieremias xxxi i i, cum dixit: *Vox portantium vota in domum Domini.*

Quæ vero sponte oblata sunt, ea opposita sunt eis, quæ quis non solum ex voto soluit, sed etiam ex lege. vt quæ omnino à libertate voluntatis manarint. vnde Iudicum xi i: *Pecunia, quæ offertur pro pretio animæ, et quæ sponte, & arbitrio cordis sui inferunt in templum Domini, & Esdra primo: Adiuuent eum viri de loco suo auro, & argento, & substantia, & pecoribus excepto, quod voluntarie offerunt templo Dei, quod est in Hierusalem.*

De Ieiunio, & ceteris afflictionibus corporis.

Cap. XVIII.

V T autē placādi Dei gratia sacrificia, aut oblationes fecerunt, sic etiam orandi causā ieiunarunt, fleuerunt, saccum induerunt, sese cinere consperferunt, humi prostrauerunt, atque omnino omnes humiliandi corporis rationes exquisiuerunt. idque aut publice, aut priuatim. Publice, ieiunium vniuerso populo indicentes, Priuatim pro sua quisque religione id obeunt. Si publice fecerunt, aut ordine fecerunt, semel in anno ex lege, aut extra ordinem, cum arbitrium, aut necessitas tulit. idq. vel in dies septem, vel tres, vel vsque ad vesperam. Si priuatim, pro suo quisque arbitratu in eodem manens instituto peregit.

Legitimum, atque ordinarium ieiunium peractum est die decima Septembris in die Expiationum, idq. ieiunium à Deo mandatum est. quare dies ille Ieiunium, aut dies ieiunij vocatus est. de quo ante dictum est.

De ieiunio publico extra ordinem indicto agitur Paralip. secundo, cap. xx. *Iosaphat rex timore perterritus totum se contulit ad rogandum Dominum, & predicauit ieiunium vniuerso Iuda. & Hieremiæ xxxvi: Factum est in anno quinto Ioacim regis Iuda in mense nono predicauere ieiunium in conspectu Domini omni populo in Hierusalem vniuersæ multitudini, quæ confluxerat de ciuitatibus Iuda. & Esdræ primi octauo: Predicaui ibi ieiunium iuxta flumen Ahava, ut affligeremur coram Domino Deo nostro, & peteremus ab eo viam rectam nobis. Ieiunij porro publice celebrati insignis mentio est Iudith quarto: Clamauit omnis populus ad Dominum instantia magna, & humiliauerunt animas suas in ieiunijs, & orationibus, ipsi, et*




*mulieres eorum, & induerunt se sacerdotes cilicijs, & infantes prostrauerunt contra faciem templi Domini. Tunc Eliachim sacerdos Domini magnus circuiuit omnem Israel, allocutusq. est eos dicens, scitote, quoniam exaudiet Dominus preces nostras, si manentes permanseritis in ieiunijs, & orationibus in conspectu Domini. Ad hanc exhortationem eius deprecantes Dominum permancebant in conspectu Domini, ita ut etiam qui offerebant Domino holocausta praecincti cilicijs offerrent sacrificia Domino, & erat cinis supra capita eorum, & ex toto corde suo omnes orabant Deum, ut visitaret populum suum Israel. Item Iudicum xx: Omnes filij Israel venerunt in domum Dei, & sedentes flebant coram Domino, & ieiunauerunt die illo usque ad vesperam, & obtulerunt ei Holocausta, & Pacificas victimas, & primo Regum vii: Congregate vniuersum Israel in Masphat, ut orem pro vobis Dominum. & conuenerunt in Masphat, & hausērunt aquam, & effuderunt in conspectu Domini, & ieiunauerunt in die illa, atque dixerunt ibi: Peccauimus Domino. & primo Maccabæorum tertio: Et congregati sunt, & venerunt in Maspha contra Hierusalē, qui locus erat orationis in Maspha ante in Israel, & ieiunauerunt illa die, & induerunt se cilicijs, & cinerem imposuerunt capiti suo, et disciderunt vestimenta sua. & xiii secundi: Omnibus petentibus à Deo misericordiam cum fletu, & ieiunijs per triduum continuum prostratis hortatus est eos Iudas, ut se prepararent.*

Priuati vero ieiunij ratio ex his elici locis potest. Numerorum xxx: Si uxor uouerit, & iuramento se constrinxerit, ut per ieiunium, vel ceterarum rerum abstinenciam affligat animam suam, in arbitrio viri erit, siue faciat, siue nō faciat. & xii secundi Regum: Deprecatus est Dominum Dauid pro paruulo, & ieiunauit ieiunio, & ingressus scor-  
sum

*sum iacuit super terram. Vnde xii secundi ipse dixit: Propter infantem, dum adhuc viueret, ieiunavi, & fleui. Dicebant enim. Quis scit, si forte eum mihi donet Dominus, & uiuat infans? & xxvi tertij: Cum audisset Achab sermones istos, scidit vestimenta sua, & operuit cilicio carnem suam, ieiunauitq. & dormiuit in sacco, & ambulauit demisso capite. Et primo secundi Esdræ: Cumq; hæc audissem, sedi, & fleui, & luxi diebus multis, & ieiunabam, & orabam ante faciem Dei celi. & quinto quarti: Si oraueris iterum, et ploraueris, & ieiunaueris septem diebus, audies iterum horum maiora. & Iudith vii: Iudith in superioribus domus sue fecit sibi secretum cubiculum, in quo cū puellis suis clausa morabatur, & habens super lumbos cilicium ieiunabat omnibus diebus uitæ sue præter sabbata, & neomenias, & festa domus Israel.*

Hæc igitur cum esset Iudæorum in ieiunando consuetudo, sane apparet, cur Pharisei, qui se ceteris religione præstare videri volebant, ita ieiunium amplecterentur, ut bis in sabbato ieiunarēt, teste S. Luca, & admiratione affecti sint, cur, cū ipsi ieiunarent, discipuli Christi non ieiunarent. Probatum autem esse ab ipso etiam Christo ieiunium, liquet ex eo, quod & ipse more Moisis, & Heliae ieiunauit, & ieiunij rationem docuit, inquires: Cū ieiunatis, nolite fieri, sicut hypocritæ, tristes. exterminant enim facies suas, ut pareant hominibus ieiunantes.

Vt autē sacrificia iustitiæ, & laudis dilexit magis Deus, quàm victimarum, & sanguinis, sic iustitiam, siue caritatē potiore ieiunio habuit, atque omnino cordis afflictionem, quàm corporis. Indicat Isaias lxi inquires: *Nunquid tale est ieiunium, quod elegi, per diem affligere animam suam? nunquid contorquere, quasi circum, caput suum, et saccum, ac cinerem sternere? nunquid istud uocabis ieiunium,*  


*Et diem acceptabilem Domino? nō ne hoc est magis ieiunium, quod elegi? dissolue colligationes impietatis, solue fasciculos deprimentes, dimitte eos, qui confracti sunt, liberos, & omne onus dirumpe, frange esurienti panem tuum, & egenos, vagosq. induc in domum tuam. Cum videris nudum, operi eum. & carnem suam ne despexeris. Indicat item Ioel: Hæc dicit Dominus. Conuertimini ad me in toto corde vestro, in ieiunio, & in fletu, & in planctu, & scindite corda vestra, non vestimenta vestra. Hæc vero mandabantur Iudæis, qui studiosius ieiunia, quàm caritatem amplectebantur, & cibum facilius fastidiebant, quàm peccatum auersabantur. Ac de ritibus quidem sacris hæc dicta sint.*





CAROLI SIGONII

## DE REPUBLICA

HEBRÆORVM

LIBER V.

Qui de personis sacris inscribitur.

De Generibus Sacrarum personarum. Cap. I.



*IRIGE me in veritate tua Domine, & doce me. Narrabo nomen tuum fratribus meis.*

Quod enim aliud est nomen tuum, quàm quod inuocant ij, quos tu in sortem vocasti tuam? de quibus hoc mihi libro est disse-

rendum. Neque enim, postquam de locis sacris, diebus, & ritibus dixi, relinquitur aliud, quàm vt agā de personis, quæ horum locorum, dierum, rituum, & omnium denique cæremoniarum curam, & custodiam habuerunt. Voco autem personas sacras, quæ aut in ministerio diuino versatæ sunt, aut quo quo modo Dei voluntatem, ac legem exposuerunt. Hi vero fuere Pontifices, Sacerdotes, Leuitæ, Cantores, Ianitores, & Nathinæi. Item Nazaræi, Prophetæ, & Scribæ cum sectis eorum. Horum autem officia cum explicabimus, simul etiam munera Leuiticæ tribus, quæ secreta à ceteris fuit, expediemus; quia huic religionis, reliquis ipsius administratio reipublicæ obtigit. Leuitas enim, vt Numerorum tertio scriptum est, si-

bi

bi afciuit Deus pro primogenitis Hebræorum, quos fibi bi destinarat iam tum, cum primigenas Aegyptiorum perculerat. Quos vt sorte prædiorum orbauit, sic summis alijs præmijs, atque honoribus decorauit. nã & participes eorum, quæ Deo à gratis hominibus offerebantur, effecit, & solum cultum Dei tractare, tanquam curâ, fortemq. propriam voluit, sic .n. xvi i i i ad Aaron loquens adiecit: *In terra eorum nihil possidebis, nec habebis partem inter eos. ego pars, & hereditas tua in medio filiorum Israel. filijs autem Leui dedi omnes decimas Israelis in possessionem pro ministerio, quo seruiunt mihi in Tabernaculo fæderis.* Ordiamur ergo à Pontificibus.

## De Pontificibus.

## Cap. II.

V T autem omnium sacrorum principatum tenuere ij, qui Sacerdotes dicti sunt, sic inter omnes sacerdotes excelluit is, quem Pontificem appellarunt. Itaque in sacris libris non solum sacerdos, sed etiam sacerdos primus, sacerdos magnus, sacerdotum princeps, siue more Latino, Pontifex nuncupatur. quo constituto reliqui simpliciter sacerdotes, & sacerdotes secundi, siue secûdi ordinis appellati. vt xxi i i i quarti Regum: *Præcepit Iosias rex Helciæ sacerdoti magno, & sacerdotibus secundi ordinis, & ianitoribus.* & i i i i Iudith: *Eliachim sacerdos Domini magnus.* & i i i Neemiæ: *Eliasib sacerdos magnus.* & xxv Regum: *Abstulit princeps militiæ Saraïam sacerdotem primum, et Sophoniam sacerdotem secundum.* recte. Saraïas enim pōtificatu maximo, Sophonias simplici sacerdotio fungebatur. Si ergo tanta in sacris ipsius pontificis auctoritas fuit, vt ceteris omnibus dignitate præstiterit, profecto qui diserte pōtificatum expresse-  
damenta

clamenta ad reliqua intelligenda posuerit. Dicamus igitur de Pontifice, lectore ante admonito, quoniam Deus Aaronem Moïsis fratrem ex tribu Leui pontificē, filios vero eius sacerdotes constituit, propterea quæ de Aaron dicuntur, ad pontificem; quæ de filiis, ad sacerdotes referenda videri; præterea vero, quoniam Deus Exodi *xxv 111*, Tabernaculo explicito, de Pontifice ita præcepit, ut primū de vestibus eius, deinde de consecratione, tum de conditionibus, ad extremum de muneribus egerit, ob id & nos quoque eundem ordinem in docendo conseruatuos.

V E S T E S ergo pontificiæ fuere octo, Superhumera-  
rale, Rationale, Tunica hyacinthina, Tunica linea stricta,  
Feminalia linea, Baltheus, Tiara, & Lamina aurea. his .n.  
Deus mandauit Moïsi ut Aaronem pontificem designa-  
tum indueret. Non grauabor in hoc quoq. primum ver-  
ba referre legis, deinde ea alienis auctoritatibus illustra-  
re. sic igitur Deus de *SUPERHUMERALI* præcepit:  
*Facient Superhumerales de auro, & hyacintho, et purpura,*  
*coccoq. bis tincto, & bysso retorta, opere polymito. duas oras*  
*iunctas habebit in utroque latere summitatum, ut in unū*  
*redeant. sumesq. duos lapides onychinos, & sculpes in eis*  
*nomina filiorum Israel, sex nomina in lapide uno, & sex re-*  
*liqua in altero iuxta ordinem natiuitatis eorum.* Adijcit  
inde de *RATIONALI* hoc modo: *Rationale quoque iudicij*  
*facies opere polymito iuxta texturā Superhumeralis ex au-*  
*ro, hyacintho, & purpura,occoq. bis tincto, & bysso retor-*  
*ta, quadrangulum erit, & duplex. mensuram palmi habe-*  
*bit tam in longitudine, quàm in latitudine, ponesq. in eo*  
*quattuor ordines lapidū. in primo versu erit lapis sardius,*  
*& topazius, & smaragdus, in secundo carbunculus, saphi-*  
*rus, & iaspis, in tertio ligurius, & achates, & amethystus.*



in quarto chrysolitus, onychinus, & berillus. inclusi auro erunt per ordines suos, habebunt nomina filiorum Israel. duodecim nominibus celabuntur singuli nominibus singulorum per xii tribus, portabitq. Aaron nomina filiorum Israel coram Domino super utrumque humerum ob recordationem. portabitque Aaron nomina filiorum Israel in Rationali iudicij super pectus suum; quādo ingreditur Sanctuarium coram Domino, & gestabit iudicium filiorum Israel in pectore suo in conspectu Domini semper. Pergit inde de TUNICA HYACINTHINA his verbis: Facies & Tunicam superhumeralis totam hyacinthinam, in cuius medio supra erit capitium, & ora per gyrum eius textilis, sicut fieri solet in extremis vestium partibus, ne facile rumpantur, deorsū vero ad pedes eiusdem tunicae per circuitum, quasi mala punica facies ex hyacintho, & purpura, & cocco bis tincto, mistis in medio tintinnabulis, ita ut tintinnabulum sit aureum, & malum Punicum. & vestietur ea Aaron in officio ministerij, ut audiatur sonitus, quando ingreditur, & egreditur Sanctuarium in conspectu Domini, & non moriatur. Inde subiicit breui de Tunica LINEA STRICTA, & reliquis, inquiens: Stringesq; TUNICAM bysso, & TIARAM byssinam facies, & BALTHEVM opere plumarij. Facies & LAMINAM de auro purissimo, in qua sculpes opere celatoris Sanctum Domino, ligabisq. eam vitta hyacinthina, & erit super tiaram imminens fronti pontificis. portabitq. Aaron iniquitatem eorum, quae obtulerunt, & sanctificauerunt filij Israel in cunctis muneribus, & donarijs suis. erit autem lamina semper in fronte eius, ut placatus sit ei Dominus. Ad extremum adduntur etiam FEMINALIA, his verbis: Facies et feminalia linea, ut operiant carnem turpitudinis suae à renibus usque ad fœmora, & utentur eis Aaron, & filij eius, quando ingredientur Tabernaculum Testimonij, vel quan-

do propinquant altari, ut ministrent in Sanctuario, ne iniquitatis rei moriantur. Hæc præcipiuntur in Exodo. facta vero narrantur Leuitici vi i i ita: *Moisès vestiuit Aaron Subucula linea accingens eū Baltheo, & induens Tunica hyacinthina, & desuper Humerale imposuit, quod astringens cingulo aptauit Rationali, in quo erat Doctrina, & Veritas. Cidari quoque textit caput, & super eam contra frontem posuit Laminam auream consecratam in sanctificatione, sicut præceperat ei Dominus. Atque hæc quidem in Lege.*

Qualia vero hæc vestimenta fuerint, clarius Iosephus exposuit, qui stante templo floruit. à quo S. Hieronymus hæc epistola cxxvi i i sumpsit, quæ in hunc locū i ei declarandæ causâ intexere libuit.

*Lincis feminalibus, quæ usque ad genua, & poplites veniunt, verenda celantur, & superior pars sub umbilico vehementer astringitur, ut si quando expediti mactant victimas, tauros, & arietes trahunt, portantq. onera, & in officio ministrandi sunt, etiamsi lapsi fuerint, & femora reuelauerint, non pateat quod opertum est. Refert Iosephus hæc feminalia de bysso retorta solere contexti, & postquam incisa fuerint, acu consui, non enim in tela posse eiusmodi fieri.*

*Secunda ex lino tunica talaris, duplici sindone, quam et ipsam Iosephus byssinam vocat, quod in Hebræo sermone in lineam vertitur hæc adheret corpori, & tam arcta est, & strictis manicis, ut nulla omnino in veste sit ruga; & usque ad crura descendat. Hanc vulgarem camisiā possis dicere.*

*Tertium genus est vestimenti cingulum, vel baltheus, vel zona. Hoc in similitudinem pellis colubri, qua exuit senectutem, sic in rotundum textum est, ut marsupium longius putes. textum est autem subiegmine cocci, purpure,*  
hya-

hyacinthi, & stamine byssino ob decorem, & forsitudinem, atque ita polymita arte distinctum, ut diuersos flores, ac gemmas artificis manu non textas, sed additas arbitreris. Lineam tunicam, de qua diximus, inter umbilicum, ac pectus hoc stringunt baltheo, qui quattuor digitorum habens latitudinem, atque ex una parte ad crura dependens, cum ad sacrificia cursu, & expeditione opus est, in leuum humerum reorquetur.

Quartum genus est vestimenti rotundum pileolum, quasi sphaera media sit diuisa, & pars una ponatur in capite. riarum Graeci, et nostri appellant. non habet acumen in summo, nec totum usque ad comam caput tegit. sed tertiam partem à fronte inopertam relinquit. atque ita in occipitis vitata constrictum est, ut non facile labatur ex capite. est autem byssinum, & sic fabre opertum linteolo, ut nulla acus vestigia extrinsecus appareant. His quattuor vestimentis, id est feminalibus, tunica linea, cingulo, & pileo tam sacerdotes, quam pontifices utuntur. reliqua quattuor proprie pontificum sunt.

Quorum unum est tunica talaris tota hyacinthina ex lateribus eiusdem coloris assutas habens manicas, & in superiori parte, qua collo induitur, aperta, quod vulgo capitium vocant, oris firmissimis ex se textis, ne facile rumpatur. in extrema parte, id est ad pedes septuaginta duo sunt tintinnabula, totidem mala Punica, eiusdem contexta coloribus, ut supra cingulum. inter duo tintinnabula unum malum est, inter duo mala unum tintinnabulum, ut alterutrum sibi media sint.

Sextum est vestimentum, quod Hebraica lingua dicitur Ephod, id est Superhumeralis, & solis conuenit pontificibus ex hyacintho, bysso, cocco, purpura, & auro contextum. Auri lamina mira tenuitate tenduntur, ex quibus secta fila



derquentur cum subtegmine trium colorum hyacinthi, cocci, purpure, & cum flamine byssino, & efficitur palliolum miræ pulchritudinis perstringens fulgore oculos in modum caracallarum, sed absque cucullis. contra pectus nihil cōtex tum est, & locus futuro Rationali derelictus. in utroque humero habet singulos lapides clausos, & astrictos auro. onychini, aut smaragdi ab interpretibus versi. Iosephus sardonias vocat. & in singulis lapidibus sena patriarcharum nomina sunt, quibus Israeliticus populus diuiditur, in dextro humero maiores filij Iacob, in leuo minores scripti sunt, ut pontifex ingrediens Sancta Sanctorum nomina populi, pro quo rogaturus est Dominum, portet in humeris.

Septimum vocatur Rationale. Pannus est brevis ex auro, & quattuor textus coloribus ijsdem, quibus Superhumeralis, habens magnitudinem palmi per quadrum, & duplex, ne facile rumpatur. intexti sunt enim ei duodecim lapides miræ magnitudinis, atque pretij per quattuor ordines, ita ut in singulis versiculis terni lapides collocentur. in primo ordine sardius, topazius, smaragdus ponitur, in secundo carbunculus, saphirus, iaspis, in tertio lyncurius, achates, amethystus, in quarto chrysolitus, onychinus, berillus. satisque minor, cur hyacinthus pretiosissimus lapis horum numero non ponatur, nisi forte ipse est alio nomine lyncurius. in singulis lapidibus secundum ætates duodecim tribuum sculpta nomina sunt. Per quattuor Rationalis angulos quattuor annuli sunt aurei habentes contra se in Superhumerali alios quattuor, ut cum appositum fuerit Rationale in loco, quem in Ephod diximus derelictum, annulus veniat cōtra annulū, & mutuo sibi vitæ copulentur hyacinthinis. Porro ne magnitudo, & pondus lapidum contexta stamina rumperent, auro ligati sunt, atque cōclusi. nec sufficit hoc ad firmitatē, nisi & catena ex auro fierent, quæ ob pulchritudinem sistu

*lis aureis tegerentur, haberentq. & in Rationali supra duos maiores annulos, qui vncinis superhumeralis aureis necerentur, & deorsum alios duos. nam post tergum in superhumerali contrapectus, & Stomachum ex utroque latere erant annuli aurei, qui catenis cum Rationalis inferioribus annulis iungebantur. atque ita fiebat, ut astringerentur & Rationale Superhumerali, & Superhumerales Rationali, ut una textura contra videntibus putaretur.*

*Octava est lamina aurea, in qua est scriptum nomen Dei Hebraicis quattuor litteris, quod apud illos ineffabile nuncupatur. Hic super pileolum lineum, & commune omnium sacerdotum in pontifice plus additur, ut in fronte vitta hyacinthina constringatur, totamq. pontificis pulchritudinem Dei vocabulum coronet, & protegat. Hæc S. Hieronymus ex Iosepho.*

*Apud eundem porro Iosephum quædam alia memorabilia ab illo prætermissa leguntur, ut de lapidibus Superhumeralis, & Rationalis, & Pileo hyacinthino. Nā de lapidibus sic scribit: Lapidem, quos ferebat super humerum pontifex, erant sardonices. cum autem Deus sacrificijs adesset, is, qui in dextro humero portabatur, micabat, & splendorem tantum emittebat, ut etiam procul positus illucesceret, cum prius ea luce careret. Per duodecim autem lapides Rationalis Deus victoriam pugnaturis prænunciabat. tanto enim splendore fulgebant, cum nondum exercitus moveretur, ut omnibus constaret, eorum auxilio adesse Deum. Cessavit autem Rationale, & sardonix annis iam ducentis, ante quam ego hæc conscriberem, cum Deus moleste ferret transgressiones legum. Quod tempus, si veterum sæculorum memoria replicetur, in regis Ioannis Hyrcani ætatem incurrit. De pileo vero idem sic prodit: Præter communem cum sacerdotibus pileum pontifex alierum*  
*pileum*

*pileum habuit consutum ex hyacintho variatum. quem corona aurea circumdedit, quæ tribus ordinibus distincta fuit. Super quam in medio floruit calix aureus herbe, quæ à Grecis dicitur hyoscyamos, similis. Hoc idem Talmudistæ tradunt de lapidibus Rationalis, qui splendescere desierunt, verum id iam inde à constructione secundi Templi cõtigisse, narrant. Hæc de vestibus.*

CONSECRATIO vero pontificis per septem dies hoc modo facta est. Qui futurus erat sacerdos primum ad altare offerebatur, deinde aqua lauabatur, tum vestibus, quas diximus, induebatur, inde capiti oleum sanctum infundebatur, demum sacrificio præcipuo factò consecrabatur, atque eius sanguine altare, & vestes aspergebantur. Hæc vero Exod. xxix sic præcepit Deus: *Sed & hoc facies, ut mihi in sacerdotio consecrentur. Cum laueris Aaron cum filiis suis aqua, indues eum vestimentis Linea, & Tunica, & Superhumerali, & Rationali, quod cõstringes Baltheo, & pones Tiarã in capite eius, & Laminã sanctam super tiarã, & oleum unctionis fundes super caput eius. atque hoc ritu consecrabitur. Postquam initiaueris manus eius, applicabis & vitulum coram Tabernaculo Testimonij, & quæ sequuntur. Quæ vero mandata sunt in Exodo, ea perfectà referuntur in Leuitico cap. vii: nempe Aaronem oblatum, lotum, vestitum, unctum: Moyses congregata omni turba ante fores Tabernaculi obtulit: Aaron cumq. lauisset eum, vestiuit pontificem subucula linea accingens eum baltheo, & induens tunicã hyacinthinã, & desuper humerale imposuit, quod astringens cingulo aprauit Rationali, in quo erat Doctrina, & Veritas. Cidari quoque texit caput, & super eam contra frontem posuit laminã aureã consecratam in sanctificatione. Tulit et unctionis oleum, quo liniuit tabernaculum cum omni suppel-*



*lectile sua, cumq. sanctificans aspersisset altare septem vicibus, unxit illud, & omnia vasa eius, labrumq. cum basi sua sanctificauit oleo, quod fundens super caput Aaron unxit eum, & consecrauit. Demum affert solemne sacrificium consecrationis, quod hoc modo factum est ex mandato Dei: Obtulit vitulum pro peccato, cumque super caput eius posuisset Aaron manus suas, immolauit eum hauriens sanguinem, & tincto digito tetigit cornua altaris per gyrum, quo expiato, & sanctificato fudit reliquum sanguinem ad fundamenta eius. adipem vero, qui erat super vitalia, & reticulum iecoris, duosq. renunculos cum aruinulis suis adoleuit super altare, vitulum cum pelle, & carnibus, & fimo cremans extra castra. Obtulit & arietem in holocaustum, super cuius caput cum imposuisset Aaron manus suas, immolauit eum, & fudit sanguinem eius per circuitum altaris, ipsumq. arietem in frusta concidens, caput eius, & artus, & adipem adoleuit igni, lotis prius intestinis, & pedibus. totumq. simul arietem incendit super altare, eo quod esset holocaustum suauissimi odoris Domino. Obtulit & arietem secundum in consecrationem sacerdotis, posuitq. super caput eius Aaron manus suas. quem cum immolasset Moyses sumens de sanguine eius tetigit extremum auriculæ dextræ Aaron, & pollicem manus eius dextra, similiter & pedis reliquum fudit super altare per circuitum, adipem vero, et caudam, omnemq. pinguedinem, quæ operit intestina, reticulumq. iecoris, & duos renes cum adipibus suis, & armo dextro separauit. Tollens autem de canistro azymorum, quod erat coram Domino, panem absque fermento, & collyridam conspersam oleo, laganumq. posuit super adipes, & armum dextrum, tradens simul omnia Aaron. qui postquam leuauit ea coram Domino, rursum suscepta de manibus eius adoleuit super altare Holocausti, eo quod consecrationis esset*

set oblatio in odorem suauitatis sacrificij Domino. tulitq. pe-  
tuscum eleuans illud coram Domino de arietate consecra-  
tionis in partem suam, assumensq. unguentum, & sangui-  
nem, qui erat in altari, aspersit super Aaron, & vestimenta  
eius, cumq. sanctificasset eum in vestitu suo, praecepit ei di-  
cens. Coquite carnes ante fores Tabernaculi, & ibi comedi-  
te eas, panes quoque consecrationis edite, qui positi sunt in  
canistro, sicut praecepit mihi Dominus dicens: Aaron & fi-  
lij eius comedent illos. quidquid autem reliquum fuerit de  
carne, & panibus, ignis absument. De ostio quoque Taberna-  
culi non exibitis septem diebus usque ad diem, quo comple-  
bitur tempus consecrationis vestrae. Septem enim diebus fi-  
nitur consecratio, sicut in praesentiarum factum est. Haec ve-  
ro his verbis declarauit Philo libro tertio de vita Mo-  
sis: Postquam Moses induit sacerdotes sacratis vestibus,  
sumpsit unguentum suauis olentissimum, confectum arte un-  
guentaria, quo primum subdialia vasa, altare, labrumque  
perunxit aspersa septies, deinde Tabernaculum, et sacra va-  
sa singula, arcam, candelabrum, thymiaterium, mensam, ca-  
lices, phialas, ceteraq. sacrificijs seruientia. postremo addu-  
ctum pontificem inunxit profuso largiter in caput eius sa-  
cro unguine. His rite peractis iubet adduci vitulum, et duos  
arietes; vitulum, ut offerret in remissionem peccatorum,  
subindicans, cuius nato etiam bono, vel ob hoc ipsum, quod  
natus sit, cognatum esse peccatum; propterea placandum es-  
se Deum precibus, & victimis, ne iratus sauiat. arietem au-  
tem unum, qui adoleretur solidus auctori rerum omnium,  
cuius benignitate pro se quisque fruitur elementis omnibus;  
alterum autem ad absolutam eorum, qui sacrabantur, puri-  
ficationem, quem apte Consecrationis cognominauit, quod  
per hoc sacrificium initiarentur sacerdotes Dei, eius sangui-  
nis partem circum altare profudit, partem excepit phiala,

eoque iunxit tria membra initiatorum, auriculam extremam, manum extremam, pedem extremum. significans virum perfectum debere purum esse sermone, opere, tota vita. sermonem enim auditus indicat, manus significat operam, pes totius vite transitum. sumpsit inde ex eo, quod circum altare profusum erat vel ex unguento, vel victimis omnibus, eoq. permixto sacerdotes aspersit, volens eos non solum externæ, subdiualisque sanctitatis fieri participes, verum etiam internæ, quando sacra facturi erant in adiutorio, in quibus omnia peruncta sacro unguento fuerant. deinde alijs quoque casis victimis, tum pro sacerdotibus ipsis, tum pro senatu, ac gente uniuersa fraïrem introduxit in Tabernaculum. erat enim is dies octauus a consecratione, huius festi ultimus. superiores enim septem fratri, filijsq. eius initiandis dati fuerant.

CONDITIONES vero illi impositæ aliæ impedimentum attulerunt, ne pontifex fieri posset, aliæ factum quibusdam quasi vinculis obligarunt. Primæ sic expressæ sunt Leuitici xxi: Pontifex, super cuius caput fustum est unctionis oleum, & cuius manus in sacerdotio consecratæ sunt, vestitusq. est sanctis vestibus, non erit mancus, debilis, cæcus, claudus, habens maculam, albuginem, aut eiusmodi alia vitia corporis. Vnde scripsit Philo de sacrificijs: Sacrificare nulli sacerdoti, nisi integro, permittitur, cui ne minima quidem insit labecula. & Aristobulus rex, ut prodit Iosephus, cum Hyrcano fratri suo pontificatum abrogauisset, nasum præsecuit, ut mutilato corpore illi spem recuperandi honoris, atque adeo etiam facultatem adimeret. Secundæ ita: Caput suum non discoperiet, vestimenta non scindet, & ad omnem mortuum non ingreditur omnino, super patre quoque suo, & matre sua non contaminabitur, nec egredietur de sanctis, ne polluat

San-



*Sanctuarium Domini, quia oleum sanctæ unctionis Dei si i super eum est. virginem ducet uxorem, viduam autem, & repudiatam, & sordidam, & meretricem non accipiet, sed puellam de populo suo, ne communicet stirpem generis sui vulgo gentis sue. In quæ sic Philo de monarchia: Quomâ nemo, nisi vir, cooptatur in sacerdotium, non cariturus amplexuum cupidine, quaruntur ei castæ virginis nuptiæ, sanctis prognata parentibus, meretricem enim pariter animo impuram, atque corpore, ne aspicere quidem ei licet, etiam si questu relicto ad bonâ frugem se recepit, eò quòd olim pol lutum vitæ institutum sequuta sit.*

Postremo OFFICIA eius, quæ in lege præcepta sunt, hæc fuerunt. vt Tabernaculum ingressus quotidie lucernas concinnaret, ingressus vero Sanctuarium incensû ad altare Thymiamatis adoleret, singulis septimanis panes Propositionis conficeret, ac sibi haberet, diebus festis sacrificia populi vnâ cum sacerdotibus faceret. semel autem in anno in die Expiationum, sacris vestibus indutus ingressus Sanctuarium ipsum cum altari Thymiamatis ab labibus, & peccatis populi expiaret, & simul pro se, ac domo sua, & toto populo preces funderet.

De Lucernis sic Leuitici **xxiiii**: *Præcipe filiys Israel, vt afferant tibi oleum de oliuis purissimum, ac lucidum ad concinnandas lucernas iugiter extra velum Testimonij in Tabernaculo federis. Ponetq. eas Aaron à vespere vsque in mane coram Domino cultu, rituq. perpetuo in generationibus vestris, super candelabrum mundissimû ponentur semper in conspectu Domini. Vnde **xii** secundi Paralip. scriptum est: Est apud nos candelabrum aureum, & lucerna eius, vt accendantur semper ad vesperam. & primo secundi Maccabæorum: Oblulimus sacrificium, & simulaginem,*

& accendimus lucernas; & proposuimus panes.

De adolendo incenso ad ea, quæ supra dicta sunt, hæc adiicimus. Secundo primi Regum. Elegi Aaron mihi in sacerdotem, ut ascenderet ad altare meum, & adoleret mihi incensum, & portaret Ephod coram me. In sexto primi Paralip: Aaron, & filij eius adolebant incensum super altare holocausti, & super altare thymiamatis in omne opus Sancti Sanctorum, & ut precarentur pro Israel iuxta omnia, quæ praeceperat Moyses. & xxvi: Separatus est Aaron, ut ministraret in Sancto Sanctorum ipse, et filij eius in sempiternum, & adoleret incensum Domino secundum ritum suum, & benediceret nomini eius in perpetuum.

De Panibus sic xxi i i i Leuitici: Accipies quoque simlam, & coques ex ea duodecim panes, qui singuli habebunt duas decimas, quorum senos alirinsæcus super mensam purissimam coram Domino statues, & pones super eos thus lucidissimum, ut sit panis in monumentum oblationis Domini. Per singula sabbata mutabuntur coram Domino suscepti à filijs Israel federe sempiterno. eruntq. Aaron, & filiorum eius, ut comedant eos in loco sancto. quia sancta Sanctorum est de sacrificijs Domini iure perpetuo. De iisdem sic legitur primo Regum xxi: Dixit Achimelech sacerdos Davidi panes petenti. Non habeo laicos panes ad manum, sed tantum panem sanctum. Dedit ergo ei sacerdos sanctificatum panem. neque enim erat ibi panis, nisi tantum Panes Propositionis, qui sublatus fuerant à facie Domini, ut ponerentur panes calidi. Vnde scripsit S. Matthæus xxi: Dixit Iesus Phariseis. Non legistis, quid fecerit David, quando esurit, & qui cum eo erant. quomodo intravit in domum Dei, & panes Propositionis comedit, quos non licebat ei edere, neque ijs, qui cum eo erant, nisi solis sacerdotibus? & primo secundi Maccab: Accendimus lucernas, & proposuimus panes. & pri-

& primo Paralip. ix: De filijs Cahat super panes erant Pro-  
positionis, ut semper novos per singula sabbata prapararent.

De sacrificijs in diebus festis agendis præter ea, quæ  
de singulis sacrificijs, & diebus festis supra ex Lege pro-  
tulimus, testis est Iosephus vi Belli inquitens: Pontifex cū  
sacerdotibus ascendebat ad templum septimo quoque die, et  
Kalendis, & in annuis festiuitatibus populi, & sacrificabat  
velamine præcinctus usque ad genitalia, lineum intrinsecus  
habens usque ad pedes, & super hyacinthinum indumentū  
rotundum, ex quo simbria pendeabant alternis nodis aurea  
tintinnabula, & mala granata sustinentes.

De Expiationibus supra dictum est, cum de festo die  
Expiationum est dictum, quo ex loco illud etiam repe-  
rendum est, quod est xvi Levitici: Loquere ad Aaron, ne  
omni tempore ingrediatur Sanctuarium, quod est intra ve-  
lū coram Propitiatorio, quo tegitur Arca, ne moriatur, nisi  
hec ante fecerit. Vitulum pro peccato offeret, & arietem in  
Holocaustum, tunica linea vestietur, feminalibus lineis ve-  
renda celabit, accingetur zona linea, cidarim lineam impo-  
net capiti, suscipietq. ab vniuersa multitudine filiorum Is-  
rael duos hircos pro peccato, & unum arietem in holocau-  
stum. Cumq. obtulerit vitulum, & orauerit pro se, ac domo  
sua, duos hircos stare faciet coram Domino in ostio Taber-  
naculi Testimony, mittensq. super utrūque sortem, unam  
Domino, & alteram capro emissario, cuius exierit sors Do-  
mino, offeret illum pro peccato. & reliqua, quæ longa ora-  
tione rexuntur de vitulo, & hircis in expiationem pecca-  
torum mactandis. Quæ qui cognoscere voluerit, ad su-  
periores, ut dixi, locum redibit. Hoc vero fecit Ponti-  
fex semel in anno, & solus Sancta Sanctorum ingressus.  
Sic enim præceptum est Exodi xxx: Deprecabitur Aaron  
super cornua altaris thymiamatis semel per annum in san-  
guine,



guine, quod oblatum est pro peccato, & placabit super eo in generationibus vestris. Atque hoc idem etiam significauit S. Paulus ad Hebræos ix : In priore Tabernaculo semper introibant sacerdotes sacrificiorum officia consumantes, in secundo autem semel in anno solus pontifex non sine sanguine, declarauit autem Philo de legatione ad Caium: Sanctuarium semel quotannis pontifex ingreditur Ieiunij tempore, tantum odores incensurus & ex more vota factururus, ut felix annus, & pax contingat omnibus hominibus. De cetero si quis non dico plebeius Iudæus, sed sacerdos vel à summo proximus, imo is ipse pontifex si duobus anni diebus, aut eadem die ter quaterue introierit, capite luet absque venia: tantam religionem adytorum voluit esse legislator, ut hæc sola inaccessa, intactaque seruarentur. & secundo de monarchia: Intima templi nemini videre fas est, præter quam soli pontifici, & id ei quoque vno die duntaxat anni uersario permittitur, quo introspicit omnia. infert autem odoramenta, & fœculum cum ignitis carbonibus. ibi multo suffitu fumus circumquaque offunditur, et visum offuscatur, nec sinit longius prospicere. Item Iosephus vi Belli: Superhumerali, & Rationali pontifex utebatur solum, cum Sancta Sanctorum ingrediebatur. quod semel in anno solus faciebat, quo die cunctis ieiunare mos erat: & secundo aduersus Appionem: Templum quattuor porticus habuit in circuitu, quarum singula propriam secundum legem custodiam habuerunt. In exteriorem ingredi omnibus licuit, etiam alienigenis, mulieribus tantum menstruatibus prohibitis. in secundam mares cum uxoribus, si mundæ essent, in tertiam mares, qui mundi erant, aut purificati. in quartam sacerdotes stolis induti sacerdotalibus, in adytum soli pontifices propria stola amicti. Quod autem scriptum est, pontificem semel in anno solum Sancta se

se ingressum, S. Augustinus interpretatur, eum quotidie quidem ingressum esse propter incensum, at semel in anno propter expiationem cum sanguine purificationis. Verum possumus etiam dicere, eum quotidie quidem Sanctuarium esse ingressum, sed sacerdotum comitatu stipatum, semel autem in anno solum, id est sine sacerdotibus, in die Expiationum. Siquidem Levitici xvi scriptum est: *Nullus hominum sit in Tabernaculo, quando pontifex Sanctuarium ingreditur, ut roget pro se, & pro domo sua, & pro universo catu Israel, donec egrediatur.* Hactenus de ijs, quæ proposita fuerant, vestibus, consecratione, conditionibus, officijsq. Pōtificum. Nunc de lectione illorum dicamus.

HAE C igitur dignitas data est Aaroni primum ex mandato Dei, ut perpetuo in posteritate eius maneret. Id autem mandarat Deus Exodi xxvi i i inquit: *Legitimum sempiternum erit Aaron, & semini eius post eum, & sequenti: Vestem sanctam, qua utetur Aaron, habebunt filij eius post eum, ut vngantur in ea, & consecrentur manus eorum. Septem diebus utetur illa, qui pōtifex pro eo fuerit constitutus de filijs eius, qui ingreditur Tabernaculum Testimony, ut ministret in Sanctuario.* & xxvi primi Paralip: *Separatus est Aaron, ut ministraret in Sancto Sancto rum ipse, & filij eius in sempiternum.* Itaque mortuo Aaron delatus est pontificatus ad Eleazarum filium eius. Inde posteri Eleazari deinceps illum honorem ceperūt, ita ut filius patrem exciperet. Quare ad Phinees Eleazari filium dixit Deus: *Erit tam ipsi, quam semini eius patrum sacerdotij sempiternum.* tertio loco transit ad posteros Ithamari, qui fuerat frater Eleazari. inde post aliquot annos rursus redijt ad stirpem Eleazari, atque in ea mansit vsque ad tempora regum Syriae post reuersionē

ex Babylonia. Quo tempore pontificatus, lapsis rebus, ad alias familias Leuiticas quidem, uerum non ab Aarone fluentes, regum beneficio est traductus. quorum primi fuere reges Syriæ, secundi reges Iudæorum profelyti, tertij duces Romani, qui Syriæ, ac Iudææ prouinciæ præfuerunt. Quin etiam idem pontificatus perpetuus ita fuit, ut tandiu quisque teneret, quoad vita suppeditaret. deinde Græcorum regum arbitrio in annum, atque annos tribui coeptus est. Addo etiam, pontifices usque ad transmigrationem rerum tantum sacrarum procuratorem gessisse, cum reges remp. gubernarent, postquã autem Iudæi in patriam restituti sunt, pontificibus & sacra, & remp. esse, teste Iosepho, commissam. Itaque Aslamoneorum familia è tribu Leui cum paullo post summam potestatem in rep. esset adepta, sibi non solum principatum, sed etiam Pontificatum asciuit, ac mox Principatũ in Regnum conuertit, ita ut iidem pontifices, ac reges essent. Quibus amotis tum demum diuino consilio natus est Iesus Christus, qui rex, & pontifex Iudæorum in perpetuum esset. Nam Christus Vnctum significat, quo modo regem, ac pontificem appellabant. Vnde dixit S. Paulus ad Hebræos vi: *Iesus factus est secundũ ordinem Melchisedec pontifex in æternum*. Nomina vero, & series pontificum hæc fuerunt.

AARON filius Amram, nepos Cahat, pronepos Leui, primus pontifex à Moise fratre vestitus, & consecratus in Deserto Sinai. Exod. 28. Leuit. 8.

ELEAZAR Aaronis F. mortuo patri successit iussu Dei. Num. 20. Iosue. 14. moritur post Iosue. Iosue 24.

PHINEES Eleazari F. De hoc sic scriptum est Num. 25: *Dixit Deus. Ecce ego do Phinei pacem fœderis mei, & erit tam ipsi, quàm semini eius pactum sacerdotij sempiternum.*



*zernum, quia zelatus est pro Deo suo. Iosue. 22. Iud. 20. ubi ita scribitur: Eo tempore in Silo erat arca fœderis Domini, & Phinees filius Elcazari filij Aaron prepositus domus. Ex quo apparet, vixisse usque ad tempora Samsonis Iudicis. Item secundo Maccabæorum libro primo: Phinees zelando zelum Dei accepit testamentum sacerdotij æterni.*

ABISVE Phineis F.

BVQVIS Abisue F.

OZIS Buquis F.

Horum pontificum meminit tantum Iosephus libro Ant. quinto, cap. ult. Scriptura vero his præteritis Phineis ætatem usque ad tempora Heli producit.

HELI ab Ithamaro Aaronis F. genus ducens. primo Regum. Ioseph. lib. 8.

ACHITOB Phineis F. Heli N. cap. 14. 1. Reg. Ioseph. lib. 8.

ACHIMELECH Achitobi F. interfectus à Saule rege, quia Dauidem excepisset. 21, & 22 primi Regum. Ioseph. lib. 8.

ABIATHAR post Achimelech patrem occisum. 23 primi Reg. & 30. Ioseph. lib. 8. S. Marcus cap. 2.

SADOC filius Achitob, nepos Amariæ, pronepos Meraioth, abnepos Zariai, atnepos Ozis pontificis, post necem Achimelech, vnà cum Abiathare pontifex fuit, atq. ambo reportandæ arcæ affuerunt sub Dauide rege, & Tabernaculo in Silo præfuit. Secundo Regum, 15, 17, & 19. & tertio Regū 1. inde solus postquā Salomon rex interfecit Abiatharem Adoniæ fratri suo regnum affertanti studentem. Vnde scriptum est 3 Regum, cap. 2. *Eiecit Salomon Abiathar, ut non esset sacerdos Domini.* Salomonem autem regem Sadoc vnxit. & primus functus est sacerdotio in Templo eius. primo Paralip. cap. 6. Ioseph. lib. 10.

ACHI-

ACHIMAAS Sadoci F. Ioseph lib. 10.

AZARIAS Achimæ F. Ioseph. l. 10. at vero 3. Regum cap. 4. dicitur Sadoci F. & cap. 6. primi Paralip. Azarias sacerdos primus de stirpe Sadoc. item cap. 31.

IORAM Azariæ F. Ioseph. lib. 10.

ISVS Iorami F. Ioseph. lib. 10.

AXIORAM Isi F. Ioseph lib. 10.

PHIDEAS Axiorami F. Ioseph. lib. 10.

SVDEAS Phideæ F. Ioseph. lib. 10.

Vide num hic idem sit cum Ioiada sacerdote, qui Ioam Iudæ regem vnxit, & dicitur pontifex. 4. Regum, cap. 12. & à Iosepho lib. 10. vixitq. eodem teste annos centum triginta. Ioiada pontificis filius Zacharias propheta lapidatus est à rege Ioram. Ioseph. lib. 9.

IOEL Sudææ F. Ioseph. lib. 10.

IOATHAN Ioelis F. Ioseph lib. 10.

Hic Azarias vocatur, & est is, qui restitit Oziæ regi incensum adolenti. 2. Paralip: 26. Ioseph. lib. 9.

VRIAS Ioathæ F. Ioseph. lib. 10.

Hic vixit sub Achaz rege Iudæ. Regum 4. cap. 16.

NERIAS Ioathæ F. Ioseph. lib. 10.

ODEAS Neriæ F. Ioseph. lib. 10.

SELLVM Odeæ F. Ioseph. lib. 10.

HELCIAS Sellum F. 4. Regum. 22. 23. & 2. Paralip. 34. & Iosephus lib. 10.

Hic sub Iosia rege inuenit Deuteronomium amisum.

SARAIAS Helciæ F. interfectus in Reblatha à Nabucdonosore rege. 4. Regum. cap. vlt. Ioseph. lib. 10.

IOSEDEC Saraïæ F. in captiuitate Babylonica successit patri, Esdræ frater, qui post legem restituit. Ioseph. l. 10. Euseb. li. 3. de demonstratione Euangelica.

IESVS Iosedec F. qui reuersus è Babylone in patriam urbem,

urbem, & templum reficere capit. Esdræ. 2. Ioseph. l. 10.  
Aggæus propheta. Eusebus ibidem.

IOACIM Iesu F. cap. 12. Neemiæ. Ioseph. lib. 11. fortasse est is, qui quarto Iudith dicitur Eliachim sacerdos magnus Domini. Euseb. ibidem.

ELIASIB Ioacim F. Neemiæ 3. & 13. Ioseph. lib. 11. Euseb. ibidem.

IODAE Eliasib F. Neemiæ 12. Ioseph. lib. 11. Euseb. ibidem.

IONATHAS Iodac F. Neemiæ 12. Ioseph. li. 11. vocat Ioānem. Euseb. ibidem.

ADV, siue IADDVS Ionathæ F. Neemias 12. Ioseph. lib. 11. Euseb. ibidem. Hic excepit Alexandrum Magnum victorem.

ONIAS Iaddi F. Ioseph. lib. 11. Euseb. ibidem.

SIMON Oniæ F. Iustus. Ioseph. lib. 12. Eusebius hunc præterit.

ELEAZAR Oniæ F. Ioseph. lib. 12. Euseb. ibidem.

Ad hunc scripsit Ptolemæus Philadelphus rex Aegypti, vt ad se Biblia mitteret, vnâ cum LXXII interpretibus.

MANASSES Iaddi pont. filius. Ioseph. lib. 12. Hunc præterit Eusebius.

ONIAS II Simonis Iusti F. Ioseph. libro. 12. Eusebius ibidem. Hic tributa Ptolemæo Euergeti soluere abnuit.

SIMON II Oniæ F. Simonis N. Ioseph. lib. 12. Eusebius ibidem. Hoc tempore fuit Iesus Sirac, qui Sapientiam scripsit.

ONIAS III Simonis II F. Ioseph. lib. 12. Euseb. ibidem. Ad hunc Arius rex Lacedæmoniorum legationem misit. Accusatus est à Simone quodam Beniamite apud Seleucum



leucum regem Syriæ.vnde seditio nata. Eodem mortuo Antiochus Epiphanes rex Syrię Iesum fratrem eius pontificem declarauit.

IESVS, qui & Iason Simonis 11 F. Ioseph. l. 12. creatus ab Antiocho Epiphane. Hunc Eusebius præterit. seditio ne concitata primus abdicatus est ab eodem Antiocho, & pontificatus ad tempus dari cœptus.

ONIAS IIII, qui & Menelaus, Simonis 11 filius. Creatus ab Ant. Epiphane, & post necatus. Hierosolyma direpta. Liber Maccabæorum Menelaum fratrem facit Simonis cuiusdam Beniamitæ, hominis seditiosi. Hunc Eusebius præterit.

LYSIMACHVS frater Menelai. lib. 1. Maccabæorum. à Iosepho, & Eusebio omissus.

ALCIMVS, qui & Ioacim ex posteris Leui, sed non Eleazari, aut Ithamari ab eodem rege suffectus. Maccab. lib. 1.

Onias Oniæ tertij pontificis filius ad Ptolemæum regem confugit, & templum in Heliopoli Aegypti condidit. Hunc Eusebius præterit.

IYDAS Maccabæus Matthatiæ Assamonei F. ex posteris Leui, sed non Eleazari à populo lectus. Iosephus lib. XII. Eusebius. à libro Maccabæorum præteritus.

IONATHAS Matthatiæ Assamonei F. Princeps Iudeorum à Demetrio rege Syrię subiectus. Maccab. lib. primo. Iosephus 13. Eusebius.

SIMON Ionathæ frater Princeps. succedit fratri Ionathæ. vnde pōtificatus in Assamoneorū familia vnā cū principatu sit hereditarius. Macc. 1. Ioseph. l. 13. Euseb. itidē.

IOANNES Hyrcanus Simonis F. Ioseph. l. 13. Euseb.

ARISTOBVLVS Ioannis F. Regis nomen assumpsit. Iosephus lib. 13. Eusebius.

**IANNEVS** Alexander Ioannis. F. Rex. Ioseph. lib. 13.  
Euseb.

**HYRCANVS** Iannei Alexandri F. Rex. pellitur à fratre minore Aristobulo. Ioseph. l. 14. Euseb.

**ARISTOVLVS** Iannei Alexandri F. pulso Hyrcano fratre rege, & pontifice rex fit, & pontifex. inde à Cn. Pompeio duce Romano pellitur. Ioseph. l. 14. Euseb.

**HYRCANVS** Iannei Alexandri F. restitutus à Pōpeio iterum pontificatum gerit, inde capitur à Parthis, & Antigono Aristobuli regis, & pontificis filio, ac, ne pontificatum resumere possit, mutilatur. Ioseph. l. 14.

**ANTIGONVS** Aristobuli regis, & pontificis F. capto Hyrcano patruo, & mutilato rex, & pontifex. idem ab Hero de Antipatri filio Ascalonita rege illi à Romanis obiecto interficitur. Ioseph. lib. 15.

**ANAEVS** Leuites Babylonius ab Herode rege substitutus, & remotus. Ioseph. l. 15.

**ARISTOVLVS** Alexandræ Hyrcani regis, & pontificis filia, filius ab Herode rege substitutus, & remotus. Ioseph. lib. 15. Frater fuit Mariannes vxoris Herodis.

**ANAEVS** iterum ab Herode rege datus, & remotus. Ioseph. l. 15.

**IESVS** Phabetis F. alienigena ab Herode rege datus, & remotus. Ioseph. l. 15.

**SIMON** Boethus Alexandrinus alienigena, socer regis Herodis, ab eodem datus, & remotus. Ioseph. l. 15.

**MATTHIAS** Theophili F. Hierosolymites ab Herode rege datus, qui cum somniasset nocte, se cum muliere commissum, sequenti die, qui dies erat Ieiunij.

**IOSEPHVS** Elimi F. cognatus eius pro eo sacerdotali munere functus est. Ioseph. l. 17. Matthia inde remoto

**IOAZARVS** Simonis Boethi F. Herodis regis vxorius

M

ab

ab eodem datus. Ioseph. lib. 17. Sub hoc na scitur Iesus CHRISTVS. Nicephorus in Chrolonogia. Inde ab Archelao rege Herodis filio, & successore remotus. Ioseph. lib. 17.

ELEAZARVS Simonis Boethi F. ab Archelao rege factus, & remotus. Ioseph. l. 17.

IESVS Sia F. ab Archelao rege datus, & remotus. Ioseph. lib. 17.

IOAZARVS iterum ab Archelao rege factus, & post relegationem Archelai à Quirino proconsule Syriæ remotus imperante in Iudæa Augusto. Ioseph. l. 18.

ANNA, siue Annanus Sethi F. a Quirino procōsule Syriæ datus imperante Augusto, & à Valerio Grato procuratore Iudææ remotus imperante Tiberio. Ioseph. libro. 18.

ISMAELVS Iabi F. à Valerio Grato procuratore Iudææ datus, & remotus. Ios. l. 18.

ELEAZARVS Annæ pontificis F. à Valerio Grato procuratore datus, & remotus. Ioseph. l. 18.

SIMON Camithi F. à Valerio Grato procuratore datus, & remotus adhuc imperante Tiberio. Ioseph. l. 18.

IOSEPHVS CAIFAS Annæ pontificis gener à Valerio Grato procuratore datus adhuc imperante Tiberio. Ioseph. lib. 18. Euangelistæ omnes. Actū 4. Sub hoc CHRISTVS est passus.

IONATHAS Annæ pontificis F. à Vitellio proconsule Syriæ datus imperante Caio, & ab Agrippa Herode rege Iudææ remotus. Ioseph. lib. 18. Ant. & l. 2. de bello.

THEOPHILVS Annæ pontificis F. ab Agrippa Herode rege datus, & remotus imperante Claudio. Ioseph. libro. 18.

SIMON Boethi pontificis F. Canthara ab Agrippa He  
rode



rode rege datus, & remotus. Ioseph. libro. 19.

MATTHIAS Annæ Pontificis F. ab Agrippa Herode rege datus, & remotus. Item.

ÆLIONEVS Simonis Cantharæ pontificis F. ab Agrippa Herode rege datus, & ab Agrippa Herode secundo rege Chalcidicæ remotus. is enim mortuo Agrippa fratre rege Iudææ ius pontifices instituendi à Claudio impetrauerat. Ioseph. l. 20.

IOSEPHVS Camyti F. ab Agrippa rege Chalcidicæ datus, & remotus imperante Nerone. Ioseph. l. 20.

ANANIAS Nebedei F. ab Agrippa rege Chalcidicæ datus, & remotus. Ios. l. 20. quem S. Paulus parietem dealbatum vocauit. Act. cap. 23.

ISMAELVS Siæ F. ab Agrippa rege Chalcidicæ datus. Romæ obses retentus. Ioseph. l. 20.

IOSEPHVS Cabus Simonis Cantharæ pontificis F. ab Agrippa rege Chalcidicæ datus, & remotus. Ioseph. libro 20.

ANNA, siue Annanus Annæ pontificis F. ab Agrippa rege Chalcidicæ datus, & remotus. Hic S. Iacobum minorem fratrem Domini interfecit. Ioseph. libro. 20. Actuum 12.

IESVS Damnei, siue Mnascæ F. ab Agrippa rege Chalcidicæ datus, & remotus. Ioseph. lib. 20.

IESVS Gamalielis F. ab Agrippa rege Chalcidicæ datus, & remotus. Ioseph. lib. 20.

MATTHIAS Theophli F. ab Agrippa rege Chalcidicæ datus, & remotus. Ios. l. 20.

PHANNIAS, siue Phanassus Samuelis F. à populo tumultuante sorte lectus. Sub hoc Hierosolyma à Tito capta, atq; incensa. Ioseph. lib. 20.

Ex hac pontificum successionem apparet, ita vnum alte

ri successisse, vt nunquam bini ex ordine simul pontificatum administrarint. Quare quæsitum est à multis, atque adhuc quæritur, quid sibi voluerit S. Lucas, cum in principio Euangelij dixit; *Sub principibus sacerdotum Anna, & Caïsa verbum Domini factum est super Ioannem*, cum Iosephus in illum annum, atque annos vnum tatum Cai fam pontificem ediderit, quem scriptura principem sacerdotum, & magnum sacerdotem, vt dixi, appellat. atq; idem acta tertij post anni referens, quo Cai fas à S. Ioanne pontifex illius anni dicitur, scripsit: *Et Annas princeps sacerdotum, & Cai fas.*

Respondet S. Augustinus in Expositione S. Ioannis, fortasse per ea tempora constitutum fuisse, vt plures simul pontifices essent, & per annos singulos vicibus ministrarent; Annam vero, & Cai fam alternis annis pontificatum gessisse; aut vno anno plures administrasse. Verum quoniam sine auctoritate loquitur, nec sententia certus est, & Iosephus his temporibus proximus certa pontificum successione allata consuetudinem illam aperte redarguit, sit, vt causam aliam querendam esse existimem. Puto igitur, partim veterem consuetudinem esse seruata, vt nunquam nisi vnus summus pontifex esset, partim nouam inductam, vt pontificij omnes, idest qui pontificatum gessissent, pontifices vocarentur, vt qui ex consuetudine vetere dignitatem semel susceptam vsque ad mortem retinere deberent. quo modo nunc episcopi etiam appellantur, & sunt, qui ecclesiam dimiserunt. Anna vero præcipue nominatus est, non quod vere tunc pontifex esset, sed quia ex pontificijs socer erat Cai fæ, qui tum erat pontifex, idest pontificatum vere administrabat. Eadem enim ratione Iosephus libro Belli secundo imperâte Claudio nominat Ionatham, & Annam pontifices,

fices, cum tamen tum vere tantum Ionathas pontificatus præellet, Anna vero ex pontificijs Ionathæ pater esset. Item post nominat Ananum eiusdem Annæ filium, & Iesum simul pontifices, cum tamen Ananus abrogatus, Iesus suffectus fuisset. & libro quarto vocat Ananum pontificum vetustissimum, & mox Iesum post Ananum ætate maximum, id est eorum, qui pontificatum gessissent. Item post Phanniam pontificem creatum nominat probatissimos inter pontifices Iesum Gamalielis filium, & Ananum Annæ filium, qui pontificij erant. & eodem Phannia subrogato, tamen Ananum vestem pontificiam gessisse adscribit. & lib. xx Antiquitatum, pontifices cum sacerdotibus contendisse inquit. atque hoc modo inde semper loquitur, ut pontifices pro pontificijs ponat. de Anna vero scribit: *Felicissimus Anna fuit, filios namque omnes Dei pontifices vidit, atque ipse primum hunc honorem plurimis annis gessit. quod nemini pontificum apud nos contigit.*

De Sacerdotibus.

Cap. II.

V T autem vnus, & summus exitit pontifex, sic sacerdotes & multi fuere, & minore dignitate, atque auctoritate, quam pontifex. id autem planum fiet, si in his eadem considerabimus, quæ in Pontifice exquisiuimus, nempe vestitum, consecrationem, conditiones, atque officia.

A C Vestes quidem sacerdotum eæ fuere, quas cum pontificibus communes diximus, tunica linea, baltheus, mitra, feminalia. de quibus sic præcipitur Exodi xxv 11: *Filios quoque Aaron applicabis, et indues tunicis lineis, cingasq. baltheo, & impones eis mitras, eruntq. sacerdotes mi-*



*hi lege perpetua. & mox: Facies & feminalia linea, ut operiant carnem turpitudinis sue à renibus usque ad femora; & uentur eis Aaron, & filij eius, quando ingrediuntur Tabernaculum Testimonij, vel quando propinquant altari, ut ministrent in Sanctuario, ne iniquitatis rei moriantur. Factum autem narratur VI I I Leuitici: Filios Aaronis oblatos vestiuit tunicis lineis, & cinxit baltheis, imposuitq; mitras, ut iusserat Deus.*

Extra ordinem etiam sacerdotes induere Ephod, i. Superhumerales, sed lineum. XXI I I primi Regum: Irruit in sacerdotes, & trucidauit octoginta quinque viros vestitos Ephod lineo. Vbi notauit S. Hieronymus, EPHOD illud fuisse lineum, non autem ex hyacintho, bysso, cocco, purpura, & auro, ut pontificiū. Ephod, enim ut inquit S. Eucherius, duo genera, vnum lineum, & simplex, quod sacerdotes habebant, alterum diuersis coloribus ex auro, purpura, bysso, hyacintho, gemmisq; contextum, quo soli pontifices utebantur. Sacerdotale vocatur Ephod bad, idest Superhumerales lineum.

Ritus autē CONSECRATIONIS idem fuit, atque pontificis, nempe ut offerrentur, lauarentur, vestirentur, vngerentur, & consecrarentur. Exodi XXI I I: Filios quoque Aaronis applicabis ad ostiū Tabernaculi. cumq; laueris eos aqua, indues vestimētis suis tunicis lineis, cinges baltheo, impones mitras; postquā initiaueris manus eorum, applicabis & vitulum coram Tabernaculo Testimonij. & VI I I Leuitici: Filios quoque oblatos vestiuit tunicis lineis, & cinxit baltheis, imposuitq; mitras, ut iusserat Dominus. Inde refertur sacrificium vituli, & arietis, quod in consecratione fiebat. de quo in consecratione pontificis diximus. eodē enim modo & sacerdotes, & pontifex cōsecrati sunt per septem dies.

CONDITIONES porro hæ sacerdotibus sunt impostæ. *Leuitici x: Dixit Dominus ad Aaron. Vinum, & omne, quod inebriare potest, non bibetis tu, & filij tui, quando intrabitis in Tabernaculū Testimonij, ne moriamini. & XXI: Ne contaminetur sacerdos in moribus ciuium suorum, nisi tantum in consanguineis, ac propinquis, idest super patrē, & matrem, & filium, ac filiam, fratrem quoque, & sororē virginem, sed nec in principe populi. nec radent caput, nec barbam, neque in carnibus suis facient incisuras. Sancti erunt Deo suo, & non polluent nomen. incensum enim Domini, & panes Dei sui offerunt, et ideo sancti erunt. Scortū, nec vile prostibulum ducet uxorem, nec etiam que repudiata est à marito; sacerdotis filia si deprehensa fuerit in stupro, & violauerit nomen patris sui, flammis exuretur. Hinc Iosephus vi. Belli: Ad altare, templumq. accedebant cæretes omni vitio sacerdotes, veste amicti byssina, maxime vero mero abstinentes, ac sobriij religionis metu, ne quid rem diuinam faciendo peccarent.*

OFFICIA vero eorum hæc fuere, vt olea conseruarent, vasa Tabernaculi inspicerent, quotidie incensum offerrent, & sacrificium quotidianum facerent, & si quādo extra ordinem pro populo, aut pro priuatis offerendum esset, ipsi offerrent, & diebus festis sacrificium populi agerent, & pelles Holocaustorum detraherent.

De incenso, & sacrificio quotidiano, & oleis, & vasis sic traditur quarto Numerorum: *Ad curam Eleazar filij Aaron sacerdotis pertinet oleum ad concinnādas lucernas, & compositionis incensum, & sacrificium, quod quotidie offertur, & oleum vnctionis, & inspectio totius tabernaculi, & omnium vasorum, quæ in Tabernaculo sunt. Et sexto Primi Paralip. vt diximus: Aaron, & filij eius adolebant incensum super altare holocausti, & super altare thymiamati.*

is in omne opus Sancti Sanctorum. & ut precarentur pro Israel iuxta omnia, quæ præceperat Moyses. Et xxvi: Ozias rex ingressus templum Domini adolere voluit incensum super altare thymiatis. Statimq. post eum ingressus est Azarias pontifex, & cum eo sacerdotes Domini octoginta viri fortissimi. resistenter ergo, atque dixerunt: Non est tui officij Ozia, ut adoleas incensum Domino, sed sacerdotum, hoc est filiorum Aaron, qui consecrati sunt ad huiusmodi ministerium. egredere de Sanctuario, ne contempseris. quia nõ reputabitur tibi in gloriam hoc à Deo, iratusq. Ozias, & tenens in manu thuribulum, ut adoleret incensum, minabatur sacerdotibus in domo Domini super altare thymiatis. cumq. respexisset eum Azarias pontifex, & omnes reliqui sacerdotes, viderunt lepram in fronte eius, & expulerunt eum. Horum autem utrumque post confirmavit, regnante Ioa, Ioiada pontifex, de quo scriptum est: Mandavit custodiam templi sacerdotibus, & Levitis secundum præscriptum Davidis iubens eos in die inferre constituta holocaustorũ sacrificia, & adolere incensum secundum legem. Vnde S. Lucas primo: Cum sacerdotio fungeretur Zacharias in ordine vicis suæ ante Deum secundum consuetudinem sacerdotij, sorte exijt, ut incensum poneret ingressus in templum Domini. & S. Paulus vii ad Hebræos: Christus pontifex non habet necessitatem quotidie, quemadmodum reliqui sacerdotes. prius pro suis delictis hostias offerre, deinde pro populi.

De sacrificio vero pro populo, & pro priuatis extra ordinem offerendo ad ea, quæ supra rettulimus, cum de Holocaustis, & ceteris sacrificijs scribebamus, hoc etiam adiungemus. Pro populo, xxi secundi Paralip: Cum Ezechias rex dixisset filijs Aaron, ut offerrent super altare Domini, inde sic pergitur: Mactauerunt tauros, & suscep-



sceperunt sanguinem sacerdotes, & fuderunt illum super altare. mactauerunt etiam arietes, & illorum sanguinem super altare fuderunt, immolantes agnos, & fuderunt super altare sanguinem. applicuerunt hircos pro peccato coram rege, & vniuersa multitudine, imposueruntq. manus suas super eos, & immolauerunt illos sacerdotes, & asperserunt sanguinem eorum coram altari pro piaculo vniuersi Israel. pro omni quippe Israel praeceperat rex, ut Holocaustum fieret, & Pro peccato. Pro priuato autem, Leuitici xvi lex traditur: Homo quilibet de domo Israel si occiderit bovem, aut ovem, siue capram in castris, vel extra castra, & non obtulerit ad ostium Tabernaculi oblationem Domini, sanguinis reus erit. Ideo sacerdoti offerre debent filij Israel hostias suas, quas occidunt in agro, ut sanctificentur Domino ante ostium Tabernaculi Testimonij, & immolent eas hostias pacificas Domino, & nequaquam ultra immolabunt hostias suas demonibus, cum quibus fornicati sunt. De sacrificijs festis diebus faciendis supra in Pontificibus dictum est.

De pellibus autem Holocaustorum detrahendis primo Leuitici, ubi agitur de Holocausto per pontificem offerendo: Immolabis pontifex vitulum coram Domino. & offerent filij Aaron sacerdotis sanguinem eius fundentes per altaris circuitum. detracta q. pelle hostia artus in frustra coincident, et subijcient in altari ignem strue lignorum ante composita, & membra, quae sunt caesa, desuper ordinantes. & secundo Paralipomenon xxix: Sacerdotes vero pauci erant, nec poterant sufficere, ut pelles Holocaustorum detraheret.

Haec vero omnia renouauit Deus, postquam ab exilio Babylonico reuerterunt, ut scriptum xlii Ezechielis: Sacerdotes filij Sadoc, qui custodierunt caeremonias Sanctuarij mei, cum errarent filij Israel à me, ipsi accedent ad me,

me, ut ministrent mihi, & stabunt in conspectu meo, ut offerant mihi adipem, & sanguinem. ipsi ingredientur Sanctuarium meum, & accedent ad mensam meam, ut ministrent mihi, & custodiant ceremonias meas. Cumq. ingredientur portas Atrij interioris, stolis lineis induentur, nec ascendet super eos quidquam lineum, quando ministrent in portis Atrij interioris. vitta linea erunt in capitibus eorum, & feminalia linea erunt in lumbis eorum, & non accingentur in sudore, cumq. egredientur in Atrium exterius ad populum, exuent se stolis suis, in quibus ministrauerunt, & reponent ea in excelsis Sanctuarij, & vestient se stolis alijs, & non sanctificabunt populum in vestibis suis. Caput autem suum non radent, neque comam nudabunt, sed cooperientes cooperient capita sua. Et vinum non bibet omnis sacerdos, quando ingressurus est atrium interius, & viduam, & repudiata non accipient uxores, sed virgines de semine domus Israel, sed & viduam, quæ fuerit vidua à sacerdote, accipient. Et ad mortuum hominem non ingredientur, ne polluantur, nisi ad patrem, & matrem, & filium, & fratrem, & sororem, quæ alterum virum non habuerit, in quibus contaminabuntur. & postquam fuerit emundatus, septem dies numerabuntur ei. Et in die introitus sui in Sanctuarium, ad Atrium interius, ut ministret mihi in Sanctuario, offeret pro peccato suo. non erit autem eis hereditas. ego hereditas eorum. & possessionem non dabitis eis in Israel. ego enim possessio eorum. Victimæ & pro peccato, & pro delicto ipsi comedent. & omne votum in Israel ipsorum erit. & primitiua omnium primogenitorum, & omnia Libamenta ex omnibus, quæ offeruntur, sacerdotum erunt. & primitiua ciborum vestrorum dabitis sacerdoti, ut reponat benedictionem domui suæ: omne morticinum, et captum à bestia de anibus, & de pecoribus non comedent sacerdotes.

His explicitis, nunc ex quo genere sacerdotes lecti sint, & ut in classes *xxiiii* distributi sint, ostendamus. Primi ergo sacerdotes fuere Nadab, Abiu, Eleazar, & Ithamar filij Aaronis, ex mandato Dei vestiti, & consecrati. Extinctis vero Nadab, & Abiu, quod ignem alienum, non sacrum, sacrificijs intulissent, remansere Eleazar, & Ithamar, qui pontificum, & sacerdotum progenie prodiderunt.

David autem, cum ætate sua sexdecim essent familiæ ab Eleazaro profectæ, octo vero ab Ithamaro, omnes sacerdotes in *xxiiii* classes destinavit, atque eis nomen imposuit ab eo, qui tum illius familiæ principatum gerebat. Ordo vero earum sorte ductus est, ut una diceretur prima, altera secunda, & sic deinceps. unde viginti quatuor sortes à S. Eucherio dictæ.

Nomina vero eorum, qui familiarum principes nomina classibus dederunt, hæc, atque hoc ordine fuerunt, ut scriptum est *xxiiii* primi Paralip: *Exiit sors prima Ioarib, secunda Iedei, tertia Charib. & quæ sequuntur* hoc modo.

- |              |              |
|--------------|--------------|
| 1 Ioarib.    | 13 Épha.     |
| 2 Iedias.    | 14 Iesbaal.  |
| 3 Charib.    | 15 Blega.    |
| 4 Seorim.    | 16 Emer.     |
| 5 Melechias. | 17 Ietthi.   |
| 6 Benjamin.  | 18 Aphisses. |
| 7 Aecos.     | 19 Phettias. |
| 8 Abias.     | 20 Ieziel.   |
| 9 Iesus.     | 21 Achin.    |
| 10 Sichimas. | 22 Samuel.   |
| 11 Elefub.   | 23 Dalias.   |
| 12 Iacim.    | 24 Iebeli.   |



Meminit verò etiam primæ classis Ioarib Iosephus in Antiquitatibus scribens; Matthatiam Assamonei nepotem sacerdotem fuisse de classe Ioarib Hierosolymitanum. & in Vita sua, cum dixit: *Mihi non solum est genus à sacerdotibus, sed etiam ex prima classe Ioarib viginti quas tuor. & octauæ, quæ fuit Abia, meminit S. Lucas: Sacerdos quidam nomine Zacharias de vice Abia. Quas enim nos more Romano vocauimus classes, Latinus interpres vertit modo vices, modo turmas, Græcus, ἐφημερίδας, & ἰσχυρίδας, vt postea apparebit. Fuere autem, teste Theophylacto, ephemerix idem, quod hebdomadæ. Quod ex xxiiii secundi Paralip. declaratur: Ioiada sacerdos non dimiserat abire turmas, quæ sibi per singulas hebdomadas succedere consueuerant. Græcus enim pro turmis habet ephemerias. vt xxv secundi Paralip: Secundum ephemerias nostras constitutas à Dauide. Quas vero vices, siue classes Dauid instituit, eas post Salomon ipse ex illius auctoritate descripsit, vt proditum est v secundi Paralip: Tempore Salomonis, dum Arca in templum inferebatur, non adhuc vices, & ministeriorum ordo inter sacerdotes diuisus erat. & octauo: Salomon constituit iuxta dispositionem patris sui officia sacerdotum in ministerijs suis. Huius vero instituti hæc ratio fuisse videtur. Dauid omnes sacerdotes quotidie ministerijs sacris noluit occupari, sed singulas classes singulis hebdomadibus operari. ac primum ordinem classium sorte duxit, deinde sacerdotes singularum sortiri classium voluit, quo quisq. officio in sua hebdomade fungeretur. exēpli gratia quis incensum poneret, quis sacrificaret. Sic enim scriptum est apud S. Lucam: Cum Zacharias sacerdotio fungeretur in ordine vicis suæ ante Deum secundum consuetudinem sacerdotij sui, sorte exijt, vt incensum poneret ingressus in templum.*

*plum. & apud Iosephum secundo contra Appionem: Licet sint viginti quattuor classes sacerdotum, quarum singule plus quam quinque millia hominum habeant, per certos tamen dies particularis fit observatio. quibus transactis alij succedentes ad sacrificia veniunt, et conuocati in templum meridie à precedentibus clauēs templi, & ad numerum uasa omnia accipiunt, nulla re, quæ ad esum, aut potum attineat, in templum illata. Quod uero S. Ambrosius, & S. Augustinus censuerunt, Zachariam summum pontificem fuisse, nixi ea coniectura, quod incensum adoleuit, quod nemini facere licuerit, nisi pontifici, de eo iure dubitari fortasse possit. Neque enim Zacharias potuit esse pontifex, cum illo anno, teste Iosepho, Ioazarus pontificatum administrarit. neque de summo pontifice dixisset S. Lucas: Sacerdos quidam. nec pontifices habebant vices, & sortem, ut sacerdotes, & incensum non minus adolebāt sacerdotes, quam pontifex, ut supra demonstrauius. Quare simpliciter sacerdotem fuisse, necesse est. Mentio porro harum etiam vicium fit Esdræ vi: Fecerunt sacerdotes in ordinibus suis, & Leuitas in vicibus suis. & primo tertij: Fecit Iosias Pascha statuens sacerdotes per vices dierum stolis amictos in templo Domini.*

*Iam uero singulis classibus sacerdotum quidam præerant sacerdotes, qui etiam communi nomine cum summo pontifice dixerent, à Latino uero interprete principes sacerdotum, & pontifices uersi sunt. Quæ res miras huic doctrinæ offudit tenebras. Sic autem loquutus est Esdra octauo: Custodite, donec appendatis coram principibus sacerdotum, & Leuitarum, & ducibus familiarum in Hierusalem. & S. Marcus xiiii: Adduxerunt Iesum ad summum sacerdotem Caifam, summi uero sacerdotes quærebant aduersus Iesum testimonium. Atque omnino in*  
vni.

vniuerso illo Christi iudicio alius est summus pontifex, alij sunt principes sacerdotum, qui ad summum sacerdotem conuenisse dicuntur. Talis vero fuit Eidra, qui princeps sacerdotum dicitur, nec tamen pontificatum maximum gessit. Tales Ioannes, & Alexander. de quibus **1111** *Actuum: Et Annas princeps sacerdotum, & Caifas, & Ioannes, & Alexander, & quotquot erant e genere sacerdotali.* Nam Caifas erat vere pontifex, Annas pontificius, ut supra dictum est, reliqui principes classium sacerdotalium, quod expressum est in Græco, *ἐκ τῶν ἀρχιερατικῶν* .i. ex genere principum sacerdotum. nam Concilium, de quo ibi agitur, inibant non solum pontifex, sed etiam principes classium sacerdotalium, ut postea demonstrabimus. Talis deinū Scaua **Actuum XIX**: *Erant cuiusdam Iudei nomine Scaua, principis sacerdotum, septem filij.* neq. enim Scaua ullus pontificatum maximum gessit, aut gerere Ephesi, de qua ibi agitur, potuit.

Cum ergo sacerdotes omnes ex posteris essent Eleazari, & Ithamari, satis constat, eosdem ex tribu Leui fuisse, quæ à Deo seuocata in sacerdotium fuerat. Vnde S. Paulus **VI 1** ad Hebræos scripsit: *Is, in quo hæc dicuntur, de alia tribu est, de qua nullus altari præsto fuit. manifestum est enim, quod ex Iuda ortus sit Dominus noster, in qua tribu nihil de sacerdotibus Moyses noster loquutus est.* De toto vero sacerdotum genere sic scripsit Iosephus primo contra Appionem: *Non solum ab initio probatissimos viros, & in Dei placatione præparatos ad hæc exercenda constituerunt, sed ut genus sacerdotum sine admittance cõsisteret, prouiderunt. oportet. n. eum, q. sacerdotum habiturus est, ex eius gentis nasci muliere, & genus per antiquam lineam, et multis testibus approbare. Quod scilicet agimus non solum in ipsa Iudæa, sed ubicunque nostra gens reperitur, etiam ibi in*  
regis-



*segritas circa nuptias sacerdotum seruatur, hoc est in Aegypto, & Babylonia, & ubicunque quilibet de sacerdotum genere dispersi sunt. mittunt enim Hierosolymam conscribentes à patre nomen nuptiæ, & antiquorum progenitorum, qui huius rei testimonia præbuere. Si autem bella eueniant, tunc qui de sacerdotibus supersunt, probant mulieres, quæ relinquuntur. non enim ad captiuas accedunt, & alienigenarum consortia formidantes. Ac pontifices apud nos à bis mille annis denominati filij à patre conscripti sunt. Si quis vero præuaricetur, interdicitur, ne aut ad altare accedat, aut alia sanctificatione fungatur.*

De Leuitis.

Cap. III.

SACERDOTES porro sequuntur Leuitæ. Hi vero duobus modis accipiuntur. nam & omnes ex tribu Leui Leuitæ dicti sunt, sub quam vocem etiam pontifices, & sacerdotes subiiciuntur, & præter pontifices, ac sacerdotes reliqui, qui præcipuum sibi sacrorum ministerium vindicarunt. de quibus nunc agendum est. Leuitæ igitur omnes eiusmodi ex posteris quidem Leui, verum non ex familijs Eleazari, aut Ithamari genus traxerunt. Leui enim filios reliquit tres Gerson, Cahat, & Merari. Cahat vero Amram, Isaar, Hebron, & Oziel. Ex Amram natus est Moyse, & Aaron, ex Aarone Eleazar, & Ithamar. Vt autem ab Aarone pontificum, & sacerdotum genus per posteros Eleazari, & Ithamari est propagatum, sic per reliquos Leui filios, ac nepotes reliquum genus sacrorum ministrorum, quos Leuitas vocamus.

Horum autem ordo duplex fuit, vnus à Moise institutus, alter à Dauide. Dicam prius de priore. His Leuitis commisit Deus curam Tabernaculi, & vasorum, & instru-

men

mētorū eius, & Arcæ fœderis, vt ea deferret, & custodirēt, & vt sacerdotibus ministrarent. Numerorū primo: Tribū Leui noli numerare, neq. pones summā eorū cū filijs Israel, sed constitue eos super Tabernaculum Testimoniū, et cuncta vasa eius, & erunt in ministerio, ac per gyrum Tabernaculi metabuntur. Cum proficiscendum fuerit, deponēt Leuita tabernaculum, cum castra metanda, erigent. quisquis externorum accesserit, occidetur. & tertio: Applica tribum Leui, & fac stare in conspectu Aaron sacerdotis, vt ministrent ei, & excubent, & obseruent, quidquid ad cultum pertinet multitudinis coram Tabernaculo Testimoniū seruientes in ministerio eius. dabisq. dono Leuitas Aaron, & filijs eius, quibus traditi sunt à filijs Israel. Aaron autem, & filios eius constitues super cultum sacerdotij. Externus, qui ad ministrandum accesserit, morietur. Ego tuli Leuitas à filijs Israel pro omni primogenito, qui aperit vuluam in filijs Israel. eruntq. Leuita mei. meum est enim omne primogenitum, ex quo percussi primogenitos in terra Aegypti. sanctificauit mihi quidquid primum nascitur in Israel. ab homine vsq. ad pecus, mei sunt. Inde officia singulis familijs Leuitarum distribuit, inquiēs: Numera filios Leui per domos patrum suorum, & familias, omnem masculum ab vno mense, & supra. Numerauit Moyses, & inuenti sunt filij Leui per nomina sua Gerson, & Cahat, & Merari. Filij Gerson, Lebni, et Semei. filij Cahat Amram, Isaar, Hebron, et Oziel. Filij Merari Moholi, & Musi. Lebni, & Semei tabernaculum metabuntur ab occidentē sub principe Heliasaph filio Lael, & habebunt exubias in Tabernaculo fœderis ipsum tabernaculum, & operimentum eius. tentorium, quod trahitur ante fores tecti fœderis, & cortinas atrij, tentorium quoque, quod appenditur in introitu atrij Tabernaculi, & quidquid ad ritum altaris pertinet, funes tabernacu-

li, & omnia utensilia eius. Amramitæ, Isaaritæ, Hebronitæ,  
& Ozielitæ habebunt excubias Sanctuarij, & castra metaba-  
buntur ad meridianam; princepsq. erit eorum Elisaphan fi-  
lius Ozziel, & custodiet arcam, mensamq. & candelabrum,  
altaria, & vasa Sanctuarij, in quibus ministratur, & ve-  
lum, cunctamq. eiuscemodi suppellectilem. Moholitæ, & Mu-  
sita sub principe Suriel filio Abihaiel in plaga septentrionali  
castrametabuntur. erunt sub custodia eorum tabulæ Taber-  
naculi, & vectes, & columnæ, ac bases earum, & omnia, quæ  
ad cultum huiuscemodi pertinent, columnaq. atrij per cir-  
cuitum cum basibus suis, & paxilli cum funibus. Princeps  
principum Leuitarum Eleazar filius Aaron sacerdotis erit  
super excubitores custodiæ Sanctuarij. castrametabuntur  
ante Tabernaculum fœderis, idest ad orientalem plagam Moi-  
ses, & Aaron cum filiis suis habentes custodiam Sanctuarij  
in medio filiorum Israel. quisquis alienus accesserit, morie-  
tur. Deinde cap. i i i i exponit, quid eorum quisque age-  
re, & portare debeat, arcam, velum, mensam, cortinas, te-  
ctum Tabernaculi, tentorium, funiculos, vasa, tabulas, ve-  
ctes, columnas, bases, totam suppellectilem. Demum cap.  
v i i i legem affert: *Hæc est lex Leuitarum. A viginti quin-*  
*que annis, & supra ingredientur, ut ministrent in Taber-*  
*naculo fœderis, & custodiant, quæ ibi fuerint mandata, ope-*  
*ra autem ipsa non facient.* Atque in his quidem officijs  
manserunt usque ad tempora Davidis, ita ut tempore  
Iosue ipsi arcam trans amnem Iordanem tulerint, ubi sa-  
cerdotes Leuiticæ stirpis, nomine sacerdotis late accep-  
to, dicuntur.

D A V I D inde Leuitarum ordinem alterum instituit,  
priore illo quodammodo abrogato. Nam arcæ ferendæ  
onere sublato Leuitas alios sacerdotum, & templi mini-  
stros, qui proprie Leuitæ dicti sunt, alios Cantores, alios



Ianitores, alios Scribas, & iudices esse cōstituit, ministro-  
rum vigintiquattuor millia, Scribarum, & iudicum sex  
millia, Cātorum quattuor millia, & totidem Ianitorum.  
Hoc scriptum reperitur xx i x i primi Paralip: Congrega-  
uit David omnes principes Israel, & Sacerdotes, & Leni-  
tas. numeratique sunt Leuita à viginti annis, & supra, &  
inuēta sunt triginta octo millia virorum. Ex his electi sunt,  
& distributi in Ministerium domus Domini viginti quat-  
tuoze millia, Scribarum autem, & iudicum sex millia, porro  
quattuor millia Ianitores, et totidem Psaltes canentes Do-  
mino in organis, quæ fecerant ad canendum, & distribuit  
eos David per nices filiorum Levi Gerson, Cahat, et Merari.  
& post: Dixit David. Requiem dedit Dominus Deus Israel  
populo suo, & habitationem Hierusalem in æternum. Nec  
erit officij Leuitarum, vt ultra portent Tabernaculum, &  
omnia vasa eius ad ministrandum. Iuxta præcepta quoque  
David nouissima supputabitur numerus filiorum Levi à vi-  
ginti annis, & supra, & erunt sub manu filiorum Aaron in  
cultum domus Domini in vestibulis, & exedris, & in loco  
purificationis, & in sanctuario, & in vniuersis operibus tē-  
pli Domini. sacerdotes autem super panes Propositionis, &  
ad similia sacrificium, & ad lagana, & azyma, & sartagi-  
nem, & ad torrendum, & super omne pondus, & mensurā.  
Leuita vero vt stent mane ad confitendum, & canendum  
Domino, similiterq. ad vesperam tam in oblatione Holocau-  
storum Domini, quàm in Sabbatis, & Kalendis, & solemni-  
tatibus reliquis iuxta numerum, & caremonias vniuscui-  
usque rei iugiter coram Domino, & custodient obserua-  
tiones Tabernaculi fœderis, & ritum Sanctuarij, & obserua-  
tionem filiorum Aaron fratrum suorum, vt ministrent in  
domo Domini. Item nono eiusdem: De genere quoque Le-  
uitarum erunt super vasa ministerij. ad numerum enim  
efferen-

*effrentur vasa, & inferentur. De ipsis & qui credita habebunt utensilia Sanctuarij, praeerunt simila, & vino, & oleo, & thuri, & aromatibus. filij autem sacerdotum ex aromatibus conficient. Et Matthathas Leuites primogenitus Sellū Coritæ praefectus erit eorum, quæ in sartagine frige buntur. Porro de filijs Cahat, & fratribus eorum, super panes erunt Propositionis, ut semper novos per singula sabbata praepararent. Atque hos item ministros Dauid in **xxiiii** classes destinavit, easque à Gersonitis, Cahatitis, & Meraritis nominavit. unde principes non minus Leuitarum, quam Sacerdotum primi Esdræ octavo commemorantur.*

*Hæc vero ita instituta à Dauide post perfecta sunt à Salomone **vi** secundi Paralipom; Constituit iuxta dispositionem patris sui officia Sacerdotum in ministris suis, Leuitas in ordine suo, ut laudarent, et ministrarent coram sacerdotibus iuxta ritum uniuscuiusque diei, & Ianitores in diuisionibus suis per portam, & portam. Itaque Ezechias rex exoletum Dei cultum restitutus acciuit sacerdotes, & Leuitas, dixitq. ad eos secundo Paralip. **xxix**; Audite me Leuita, & sanctificamini. mundate domum Domini, auferite omnem immunditiam de Sanctuario. filij mei nolite negligere, vos elegit Dominus, ut stetis coram eo, & ministretis illi, colatisque eum, & cremetis ei incensum. Inde ita pergitur; Surrexerunt Leuita, & congregauerunt fratres suos, & sanctificati sunt, & ingressi sunt, ut expiarent domum Dei. Sacerdotes quoque ingressi templum, ut sanctificarent illud, extulerunt omnem immunditiam, sanctificauerunt Domino boues sexcentos, & oves tria millia. sacerdotes vero pauci erant, nec poterant sufficere, ut pelles Holocaustorum detraherent, unde & Leuita fratres eorum adiuerunt eos, donec impleretur opus, & sanctificarentur an-*

*titites. Leuita quoque faciliore ritu sanctificantur, quam sacerdotes. Inde xxxi scriptum est: Ezechias constituit turmas (idest ephemerias, seu vices) sacerdotales, & Leuiticas per diuisiones suas unumquemque in officio proprio tam sacerdotum, quam Leuitarum ad Holocausta, & Pacifica, ut ministrarent, & confiterentur, canerentq. in portis castrorum Domini. Post Iosias instaurato templo Leuitarum quoque munera renouauit. sic enim scriptum est xxxv; Leuitis quoque, ad quorum eruditionem omnis Israel sanctificabatur Domino, locutus est. Ponite arcam in Sanctuario Templi, quod edificauit Salomon. nequaquam enim eam vltra portabitis, nunc autem ministrare Deo vestro, & populo eius Israel, & preparate vos per domos, & cognationes vestras in diuisionibus singulorum, sicut praecepit Dauid, & descripsit Salomon, & ministrare in Sanctuario per familias, turmasq. Leuiticas, & sanctificati immolate Phase. In primis vero mandasse videtur Leuitis, ut vice sacerdotum detraherent pelles Holocaustorum. nam paullo post additur: Leuita steterunt in turmis iuxta regis imperium, et detraxerunt pelles Holocaustorum. Nam nisi Iosiae instituto hoc factum dicemus, ad Ezechiae tempus reijciemus, quo propter paucitatem sacerdotum Leuitae hoc oneris subierunt. Neque enim adhuc reperi, vnde S. Hieronymus illud hauserit, quod in eum locum scripsit, moris fuisse, ut Leuitae detraherent pelles Holocaustorum, sacerdotes autem, quando Pro peccatis fiebat sacrificium. Nam perpetuum fuisse vltimis temporibus hoc Leuitarum onus, ostendere videtur Ezechiel xliiii inquam; Leuitae erunt in sanctuario meo aditui, & ianitores portarum domus, & ministri domus. ipsi macTABUNT Holocaustum, & victimas populi, & ipsi stabunt in conspectu eorum, ut ministrent eis, non appropinquabunt ad me, ut sacerdo-*



*tio fungantur mihi, neque accedent ad omne Sanctuarium meum iuxta Sancta Sanctorum.*

De Cantoribus.

Cap. V.

CANTORĒS autem à Dauide diximus institutos, vt confiteretur, & canerent in organis Domino. Hęc autem organa diuerſi generis erant, tubæ, cymbala, psalteria, citharæ, & quæ præcipue organa dicebantur. Cantabant autem voce hymnos, quos Dauid, Asaph, Idithun, Heman, & Heran composuerant, & in confessione verba illa crebro vsurpabant: *Confitemini Domino, quoniam bonus, quoniam in sæculū misericordia eius.* Tunicis porro byſſinis induebantur, atque ita à sacerdotibus lineas habentibus distinguebantur. Hoc autem munus assignauit Dauid tribus filijs Iohel, qui genus trahebāt à Gersone, nempe Asaph, Heman, & Idithun. quorum x x i i i i erant filij, quattuor Asaph, sex Idithun, quattuordecim Heman, qui pariter sorte ducti singulis vicenis quaternis classibus nomen dederunt. De his autem sic scriptum est eodem in loco: *Isti sunt filij Leui secundum domos familiarum suarum. miseruntq. & ipsi sortes contra fratres suos filios Aaron coram Dauide rege, & Sadoc, & Achimelec, & principibus familiarum sacerdotalium, & Leuiticarum tam maiores, quàm minores. Omnes sortes equaliter diuidebat. Igitur Dauid, & præfectus exercitus segregauerunt in ministerium filios Asaph, & Heman, & Idithun, qui prophetarent in citharis, & psalterijs, & cymbalis secundum numerū suo sibi dedicato officio seruientes. filij Asaph quattuor sub manu Asaph prophetantes iuxta regem. filij Idithun sex, qui in cithara prophetabant super confitentes, & laudantes Dominum, filij Heman quat-*

tuordecim Videntes regis in sermonibus Dei, ut exaltaret cornu. Vniuersi sub manu patris sui ad cantandum in templo Domini distributi erant in cymbalis, & psalterijs, et citharis in ministeria domus Domini iuxta regem. Fuit autem numerus eorum cum fratribus suis, qui eruditi erant in Cantico Domini ducenti octoginta octo, miseruntque eis sorte ephemeriarum secundum magnum, & paruum, perfectorum, & discipulorum. atque inde ordinem earum, sunt autem vices **xxi i i i**, persequitur hoc modo.

- |              |                  |
|--------------|------------------|
| 1 Ioseph.    | 13 Subael.       |
| 2 Godolias.  | 14 Matthatias.   |
| 3 Zaccur.    | 15 Ierimoth.     |
| 4 Harí.      | 16 Hananias.     |
| 5 Nathanias. | 17 Iesbacassas.  |
| 6 Bocciau.   | 18 Hanani.       |
| 7 Ifreela.   | 19 Mellothi.     |
| 8 Iesaias.   | 20 Eliatha.      |
| 9 Mathanias. | 21 Othir.        |
| 10 Semeias.  | 22 Gedelthi.     |
| 11 Azareel.  | 23 Mahazioth.    |
| 12 Nasabias. | 24 Romentiezzer. |

Officia vero eorum descripta multis in locis reperiuntur, præcipue autem in septimo secundi Paralip. regnante Salomone: Sacerdotes stabant in officijs suis, & Leuita in organis carminum Domini, quæ fecit Dauid rex canentes per manus suas. porro sacerdotes canebant tubis ante eos. & v: Egressis autem sacerdotibus de Sanctuario (omnes enim sacerdotes, qui ibi potuerat inueniri, sanctificati sunt. nec adhuc in illo tempore vices, & ministeriorum ordo inter eos diuisus erat) tam Leuitæ, quam Cantores, idest & qui sub Asaph erant, & qui sub Heman, & qui sub Idithun, & fratres eorum vestiti byssinis, cymbalis, & psalterijs, & ci-

& citharis concrepabant stantes ad orientalem plagam altaris, & cum eis sacerdotes centum viginti canentibus tubis. Igitur cunctis pariter & tubis, & voce, & cymbalis, & organis, & diuersi generis musicorum concinentibus, & vocem in sublime tollentibus, longe sonitus audiebatur, ita ut cum Dominum laudare cepissent, & dicere: Confitemini domino, quoniam bonus, quoniam in seculum misericordia eius, impleretur domus Dei nube, nec possent sacerdotes stare, & ministrare propter caliginē. item xx: Iosaphat rex statuit cantores Domini, ut laudarent eum in turmis suis, & antecederent exercitum, ac voce consona dicerent: Confitemini Domino, quoniam in æternum misericordia eius. Item tertio primi Esdræ: Concinebant in hymnis, & confessione Domino, quoniam bonus, quoniam in seculum misericordia eius & xii: In diebus David, & Asaph ab exordio erant principes constituti cantorum carmine laudantium, & cōfitentium Deo.

Addit etiam Iosephus lib. vii, eundem Salomonē stolas Leuitarum hymnos canentium ex bysso ducēties mille fecisse, libro autem xx, eosdem pro stola byssina lineam sacerdotalem impetrauisse tempore Agrippæ regis Iudææ. Ex tribu, inquit, quicumque hymnorum cantores erant, regi suaserunt, ut conuocato Concilio sibi concederet stola linea vtri, perinde ac sacerdotibus licebat. Rex autē ex sententia eorum, qui Concilium inibant, permisit, ut priore veste posita, lineam induerent. parte autem tribus in templo operante, & his concessit, ut hymnos ediscerent, quemadmodum monebant. quorum utrumque legibus erat aduersum.



**I**ANITORES porro ministri fuerunt, qui ad ianuas templi excubabant, & sacras arculas obseruabant, de quibus in primo Paralipomenon, hoc modo: *Ianitores autem Sellum, & Accub, & Telmon, & Abiman, & frater eorum Sellum princeps. Vsq̃ue ad illud tempus in porta regis ad orientem obseruabant per vices suas de filijs Levi, Sellum filius Core cum fratrib. super opera ministerij, custodes vestibulorum tabernaculi, & familie eorum per vices castrorum Domini custodientes introitum. Phinees filius Eleazari erat dux eorum coram Domino. Zacharias filius Mosolamia, ianitor portæ Tabernaculi Testimonij. Omnes hi electi in ostiarios per portas ducenti duodecim, & descripti in villis proprijs, quos constituerunt Dauid, & Samuel. Videns in fide sua tam ipsos, quàm filios eorum in ostijs domus Domini, & in Tabernaculo vicibus suis. Per quattuor ventos erant ostiarij, idest ad orientem, & ad occidentem, et ad aquilonem, & ad austrum. His quattuor Lenitis creditus erat omnis numerus ianitorũ, & erant super exedras, & thesauros domus Domini. per gyrum quoque templi Domini morabantur in custodijs suis, vt, cum tempus fuisset, ipsi mane aperirent fores.*

Hi vero in viginti quattuor quoque classes, siue vices, uisi sunt, vt scriptum est xxvi. Quarum septem primæ nominatæ sunt à filijs Selemiæ, Zachariæ, Iadihel, Zabadia, Iathanael, Aelam, Iphanan, Elioenai, octo sequentes à filijs Obededom Semeia, Iozabad, Sachar, Nathanael, Ammiel, Issachar, Phollathi, & à filijs Semeiæ primogeniti sex, Othni, Raphael, Obed, Elzabad, Eliu, & Samachia. reliquas à filijs Hosæ Semri, Helcia, Tabela, Zacharia. Quibus expositis additur. *Hi diuisi sunt in ianitores,*

res, ut essent principes custodiarum, sicut & fratres eorum, ut ministrarent in domo Domini. Misse sunt ergo sortes ex aequo & paruis & magnis per familias suas in unamquamque portarum. Cecidit ergo sors orientalis Selemia, Zacharia filio eius septentrionalis, Obededom vero, & filijs eius ad austrum. in qua parte domus erat Seniorum Concilium. Sephtim, & Hofa ad occidentem iuxta portam, qua ducit ad viam ascensionis, custodia contra custodiam. ad orientem vero Leuita sex, & ad aquilonem quattuor per diem. atque ad meridiem similiter in die quattuor. & ubi erat Conciliū, bini, & bini. In cellulis quoque ianitorum ad occidentem quattuor in via, biniq. per cellulas. Hæ sunt diuisiones ianitorum filiorum Core, et Merari. His expletis inde de custodia sacrae pecuniæ additur. Et Leuita fratres eorum super thesauros domus Domini, & thesauros sanctificatorum. Sui bael prepositus thesauris. Eliezer, & fratres eius super thesauros Sanctorum, qua sanctificauit Dauid rex, & principes familiarum, & tribuni, & centuriones, & duces exercitus de bellis praliorum, qua consecrauerant ad instauracionem, & suppellectilem templi Domini.

Ioiada inde pontifex, regnante Ioa, constituit quosdam Leuitas ianitores ad custodiam templi, ut neminem cōtaminatum ingredi sinerent, ut *xxi i i* secundi Paralipomenon inuenitur. Eisdem vero ianitores sacram pecuniam collegisse, indicat caput *xxi i i i* quarti Regum. ubi ita est: *Vade ad Helciam sacerdotem magnum, ut confletur pecunia, qua illata est in templum Domini, quā collegerunt ianitores templi à populo.* De his vero sic Philo. de præmijs sacerdotum: *Aeditui alij ianitorū officio functi sunt, alij vestibulum obseruarunt, alij nocturnas, diurnasque custodias, templi vices sortiti, egerunt, quibusdam cura fuit, porticus, atriumque verrere & scobes, ac quisquillas*

*quilias exportare, munditiemque curare.*

Iam vero officia Sacerdotum, Leuitarum, Cantorum, & Ianitorum adhuc apertius referuntur xxxv secundi Paralipomenon, ubi de nobili Pascha à Iosia rege celebrato differitur. *Preparatum, inquit, est ministerium, & steterunt sacerdotes in officio suo, Leuitæ quoque in turmis, (grece in diuisionibus suis) iuxta regis imperium. & immolatum est Phasæ. Et effuderunt sacerdotes manu sua sanguinem. Et Leuitæ detraxerunt pelles holocaustorum, ei separauerunt ea, ut darent per domos, & familias singulorum, ut offerrentur Domino, sicut scriptum est in lege Moisi. & assauerunt Phasæ super ignem iuxta quod in lege scriptum est. Pacificas vero hostias coxerunt in lebetibus, & cacabis, & ollis, & festinato distribuerunt uniuersæ plebi, sibi autem, & sacerdotibus postea parauerunt. nã in oblatione holocaustorum, & adipum usque ad noctem sacerdotes fuerunt occupati. unde Leuitæ sibi, & sacerdotibus filiis Aaron parauerunt nouissimis. Porro cantores filij Asaph stabant in ordine suo iuxta præceptum Dauid, & Heman, & Idithun prophetarum Dauid, Ianitores vero per portas singulas obseruabant, ita ut ne puncto quidem discederent a ministerio. quamobrem & fratres eorum Leuitæ parauerunt eis cibum. omnis igitur cultura Domini rite completa est in die illa, ut facerent Phasæ, & offerrent holocausta super altare Domini iuxta præceptum regis Iosie.*

### De Nathinæis.

### Cap. VII.

NATHINÆOS inde Ianitoribus adhæsisse, docet Esdra cap. primo, ubi ordine recēset Sacerdotes, Leuitas, Catores, Ianitores, & Nathinæos, qui è Babylonia redierunt. Ut autem Leuitæ Sacerdotibus, sic Nathinæi Le-



Leuitis operam ministerij præstiterunt. itaque vt illi diaconi, sic hi subdiaconi vocari possunt. de quibus cap. 1 x primi Paralip: *Qui habitauerunt primi in possessionibus, & urbibus suis Israel, & sacerdotes, & Leuitæ, & Nathinai.* & primo Esdræ, cap. 11: *Omnes Nathinai, & filij seruatorum Salomonis trecenti nonaginta duo.* Hi olim dicti Gabaonitæ, de quibus Iosue v. 1 x, & xx. *Liberauit Iosue Gabaonitas de manu filiorum Israel, vt non occiderentur.* decreuitq. in illo die, eos esse in ministerio cuncti populi, & altaris Domini, cedentes ligna, & aquas comportantes vsque in præsens tempus in loco, quem elegisset Dominus. Dauid inde auctor fuit noui nominis, non officij, ac pro Gabaonitis Nathinæos vocauit, vt apparet ex primo Esdræ, cap. viii: *De Nathinæis, quos dederat Dauid, & principes ad ministeria Leuitarum.* Vnde cap. 11 scripsit: *Habitauerunt sacerdotes, & Leuitæ & Cantores, & Ianitores, & Nathinæi, in urbibus suis.*

De Nazaræis.

Cap. VIII.

**H A C T E N V S** dictum sit de ijs, qui sacris ministerij præbuerunt. Fuit præterea quoddam aliud genus hominum, qui Deo etiam operam suam dicarunt, licet sacra non attigerunt. Hi vero aut corpus suum Deo consecrarunt, aut oracula Dei fuderunt, aut legem Dei exposuerunt. quorum primi Nazaræi, secundi Prophetæ, tertij Scribæ vocati sunt. qui deinde diuersas sectas intulerunt, Sadducæos, Scribas, Pharisæos, Herodianos, & alios.

Fuerunt igitur Nazaræi homines, qui se Deo voto consecrauerunt, ea ratione, qua docetur Numerorum cap.

vi: *Vir, siue mulier, cum fecerint votum, vt sanctificentur,*  
 & se

& se voluerint Deo consecrare, à vino, & omni, quod in-  
 briare potest, abstinerebunt. Acetum ex vino, & ex qualibet  
 alia potione, & quidquid de vna exprimitur, non bibent.  
 vnas recentes, siccassq. non comedent cunctis diebus, quibus  
 ex voto Domino consecrantur. quidquid ex vinea esse potest  
 ab vna passa vsque ad acinum non comedent. Omni tempo-  
 re separationis sue nouacula non transibit per caput eius  
 vsq. ad completum diem, quo Domino consecratur; Sanctus  
 erit crescente casarie capitis eius. Omni tempore consecra-  
 tionis sue super mortuum non ingreditur, nec super patris  
 quidem, & matris, & fratris, sororisq. funere cōtaminabi-  
 tur. quia consecratio Dei sui super caput eius est. Omnibus  
 diebus separationis sue sanctus erit Domino. Sin autē mor-  
 tuus fuerit subito quispiam coram eo, polluetur caput conse-  
 crationis eius, quod radet ilico in eadem die purgationis  
 sue, & rursus septima. in octaua autem die offeret duas  
 turtures, vel duos pullos columbæ sacerdoti in introitu fe-  
 deris testimonij. facietq. sacerdos vnum pro peccato, & alte-  
 rum in Holocaustum, & deprecabitur pro eo, quia peccauit  
 super mortuo, sanctificabitq; caput eius in die illo, & conse-  
 crabit Domino. dies priores irriti fiant, quoniam polluta est  
 sanctificatio eius. Tres autem potissimū Nazaræos apud  
 Hebræos inuenio, Sampsonem, Samuelem, & Iacobum  
 Iustum fratrem Domini. De Sampson cap. xxi i Iudi-  
 cum: *Cave ne bibas vinum, & siceram, nec immundum  
 quidquam comedas, quia concipies, & paries filium, cuius  
 non tange caput nouacula. erit enim Nazaræus Dei ab in-  
 fantia sua.* De Samuele primo Regum Anna vouit filiū  
 Deo his verbis: *Dabo eum Domino omnibus diebus vita-  
 eius, & nouacula non ascendet super caput eius.* De Iaco-  
 bo sic Egisippus, teste Clemente Alexandrino: *Ex utero  
 matris sue sanctus fuit, vinum, et siceram non bibit. sed ne*  
quis

que animal manducauit, ferrum in caput eius non ascendit. Ceterum de voto eiusmodi sanctificationis præclare scripsit Philo in libro de sacrificijs. Cū aliquis, inquit, sacrauit omnium rerum suarum primitias, ac decimas nō habens amplius materiam, in qua pietatem exerceat, seipsum dedicat, ideo magnum hoc votū appellatur. nihil enim quisquam possidet seipso pretiosius, qua possessione tunc ceditur, huius voti reo præcipiuntur hæc. primū ne mero utatur, aliove potu ex viuis factitio, deinde ad præstitutā diē rite offeret tres votiuas victimas agnū, agnam, & arietem, illū in holocaustum, illam pro peccato, arietem vero in salutis hostiam. nam vœuenti conueniunt hæc omnia, holocaustoma, quia non sua solum, sed se quoque Deo dicat, pro peccato victimam, quia homo cum sit, quantumlibet perfectus, peccato non caret, pro salute autem, quia salutem suam acceptam refert Deo vero saluatori.

De Prophetis.

Cap. IX.

SE Q V V N T V R homines, qui spiritu diuino repleti Hebræis iussu Dei futura bona, malaue prænunciant. quos primo Videntes, deinde Prophetas dixerunt. vt scriptum est libro primo Regum, cap. ixi. *Olim in Israel sic loquebatur unusquisque vadens consulere Deū. Venite, & eamus ad Videntem. Qui enim propheta dicitur hominē, vocabatur olim Videns.* Vt autem reliquos tutores se daturum Hebræis Deus ostendit, sic præcipue quoque prophetas ex medio illorum excitaturū promisit. Quin etiā antequā prophetas lege promissos mitteret, multos quoq. patres spiritu prophetico exornauit, vt Abraā, Isaac, Iacob, & Ioseph. quorum vaticinia extant sacris litterarum monumentis consignata. neque multo post  
etiam



etiam inter exteros Balaam, & Iob, aliosq. nonnullos communere insigniuit,

Primum autem prophetam, eumq. omnium præstantissimum dedit Moïsem. de quo sic loquutus est Num. **xii**: *Si quis fuerit inter vos propheta Domini, in visione apparebo ei, vel per somnium loquar ad illum: At non talis seruus meus Moïses. ore enim ad os loquor ei, & palam, & nõ per anigmata, & figuras Dominum videt.* Post Moïsem inde alios se excitaturum ostendit, atq. etiam excitauit, vt ipse Moïses testatur **xvi** **Deuteronomij**: *Prophetã suscitem eis de medio fratrum suorum similem tui, & ponam verba mea in ore eius, loqueturq. ad vos omnia, quæ præcepero illi, qui autem verba eius, quæ loquetur in nomine meo, audire noluerit, ego ultor existam. Propheta autem, qui arrogantia deprauatus voluerit loqui in nomine meo, quæ ego non præcepi illi, vt diceret, aut ex nomine alienorum Deorum, interficietur. Quod si tacita cogitatione responderes, quomodo possim intelligere verbum, quod Dominus nõ est loquutus? hoc habebis signum; quod in nomine Domini propheta ille prædixerit, & non euenerit, hoc Dominus non est loquutus, sed per tumorem animi sui propheta cõfinxit, & idcirco non timebis eum.* & **xvii** **i**: *Dixit Moïses. Si prophetam de gente tua, & de fratribus tuis, sicut me, suscitabit tibi Dominus Deus tuus, ipsum audies.* & **xxxiv**: *Et non surrexit ultra propheta in Israel, sicut Moïses.*

Hic vero spiritus propheticus, quo Deus præcipue Moïsem ipsum afflauit, à Moïse ad Seniores **lxx** translatus est, ita vt & ipsi vaticinium edere cõeperint. Quod declaratur Numerorum **x** **i**: *Venit Moïses, & narrauit populo verba Domini congregans septuaginta viros de senibus Israel, quos stare fecit circa tabernaculum, descenditq. Dominus per nubem, & loquutus est ad eum, auferens de spiri-*

*spiritu, qui erat in Moise, & dans septuaginta viris. cumq. requieuisset in eis spiritus, prophetarunt, nec ultra cessarunt. remanserant autem in castris duo viri, quorum vnus vocabatur Eldad, & alter Medad, super quos requieuit spiritus, nam & ipsi descripti fuerant, & non exierant. cumque prophetarent in castris, cucurrit puer, & nunciauit Moisi, Eldad, & Medad prophetant in castris. Statim Iosue filius Nun minister Moisi, & electus è pluribus ait. Domine mi Moyses prohibe eos. At ille, Quid, inquit, amularis pro me? quis tribuat, vt omnis populus prophetet, quando det eis Dominus spiritum suum?*

Tempore inde iudicum mentio fit Deborę cap. iv, quę prophetis fuisse, atque vna populum iudicasse dicitur, & vi alterius cuiusdam his verbis: *Populus clamauit ad Dominum postulans auxilium contra Madianitas, qui misit ad eos virum prophetam, & locutus est. Hac dicit Dominus.*

Demum Samuel prodijt, qui omnes ea gloria superauit, cuius tẽpore *Sermo domini erat pretiosus. non erat visio manifesta.* Regum primo cap. secundo: *Abijt Samuel, et dormiuit, & vocauit eum Dominus ter. & dixit: Ecce ego facio verbum in Israel, quod quicunque audierit, tinnient ambę aures eius. Creuit inde Samuel, & Dominus erat cũ eo. & cognouit vniuersus Israel, quod fidelis esset propheta Domini.* Ab illo inde ordinarium quoddã quasi prophetarum collegium extitit, ita vt in singulis etatibus, & ciuitatibus greges prophetarum inuenirẽtur. Vnde xxv i i i primi Regum: *Saul consuluit Dominum, & non respondit ei neque per somnia, neque per sacerdotes, neque per prophetas.* Conuenerunt autem ad Samuelem multi scripturę exponendę studio se dicantes, quibus ille pręfuit, atque ex eis aliquot Deus suscitauit, qui prophetę officiũ exercerent.

cerent. Itaque post Samuelem perpetua successione prophetæ fuerunt vsque ad Malachiam tempore Darij, cū templum est restitutum. De conuentu autem virorum ad Samuelem, & vt eos Deus inspirauerit, sic x primi Regum, vbi Samuel ita loquitur ad Saulē: *Venies in collē Dei, vbi est statio Philistæorum, & cum ingressus fueris ibi urbem, obuium habebis gregem prophetarum descendentiū de Excelsō, et ante eos psalterium, et tympanū, & tibiam, & citharam, ipsosq; prophetantes, & insiliet in te spiritus Domini, & prophetabis cum eis, & mutaberis in virum alium.* & paullo post: *Venerunt ad prædictum collem, et ecce cuneus prophetarum obuius est ei, & insiluit super eum spiritus Domini, & prophetauit in medio eorum. Videntes autem eum omnes, qui nouerant eum heri, & nudius tertius, quod esset cum prophetis, & prophetaret, dixerunt ad inuicem. Quenam res accidit filio Cis? num & Saul inter prophetas?* & XIX: *Misit Saul ad Ramatha, vt raperent Dauid, qui cum vidissent cuneum prophetarū vaticinantiū, et Samuelem stantē super eos, factus est etiam spiritus Domini in illis, & prophetare cœperunt etiam ipsi. Quod cum nūciatum esset Sauli, misit & alios nūcios, prophetarunt autem & illi. Et rursus misit Saul tertios nuncios, qui & ipsi prophetarunt. Et iratus iracundia Saul abiit etiam ipse in Ramatha, & factus est etiam super eum spiritus Domini, et ambulabat ingrediens, & prophetabat vsque dum veniret in Naioth, & expoliavit etiam ipse se vestimentis suis, & prophetauit cum ceteris coram Samuele, & cecinit nudus tota die illa, & nocte. Vnde & exiuit prouerbium. Num & Saul inter prophetas? Ergo post Samuelem magnus fuit prophetarum prouentus, quorum omnium nomina non sunt litteris prodita. Indicat caput ii quarti Regum, in quo scriptum est: *Helias sic alloquutus est Helisæum: Sede hic,**



hic, quia Dominus misit me usque in Bethel, cumque descenderent Bethel, egressi sunt filij prophetarum, qui erant in Bethel. Item: Sede hic, quia Dominus misit me in Hierico, cumque venissent Hierico, accesserunt filij prophetarum, qui erant in Hierico. & post: Sede hic, quia Dominus misit me usque ad Iordanem. Ierunt igitur & quinquaginta filij prophetarum, & sequuti sunt eos. Et post raptum Heliae: Videntes filij prophetarum, qui erant in Hierico, dixerunt. requieuit spiritus Heliae super Heliseum. Nomina vero prophetarum, qui sub Regum imperio, aut in seruitute Babylonica floruerunt, hæc ferme fuere, Gad, Nathan, Asaph, Idithun, Ahias, Samaïas, Iad, Azarias, Hanani, Iehu, Iaziel, Eliezer, Zacharias, Helias, & Helisæus; quorum nullius extant vaticiniorum editi commentarij. At qui prophetias suas memoriæ prodiderunt, fuere, Osee, Ioel, Amos, Abdias, Ionas, Michæas, Nahum, Abacuc, Sophonias, Aggæus, Zacharias, & Malachias, qui minores prophetæ dicuntur, quod breuiores vaticiniorum libros reliquerint, & Maïas, Hieremias, Ezechiel, & Daniel, qui maiores appellatur, quod volumina prophetiarum grandiora conscripserint. Hi vero de calamitatibus, quæ regnis Israel, & Iudæ ventura erant, prædixerunt, multa quoque de Christo venturo adiecerunt, quorum finis fuit in Malachia, qui præcursores Christi ita prænunciavit: Ecce ego mitto angelum meum, & præparabit viam ante faciem meam. Neque inde usque ad Ioannem Baptistam ab illo prædictum insignis ullus propheta in populo Iudæorum est numeratus.

Quoniam autem de prophetis dicere cœpi, quos præcipue adibant, cum Deum ipsum consulere cupiebant, ut hæc dilucidior disputatio fiat, placet de vniuersa quoque consulendi Dei ratione adiungere. Consulere ergo Deum Hebræi maxime per oraculum. Oraculum autem

tum consulere dicebantur, cum ad Propitiatorium Arce  
foederis accedebant, atq. ibi Deum rogabant, & ille re-  
spondebat. quod ipse Exodi vicesimo septimo admonue-  
rat, vbi sic loquitur ad Moysen: *Loquar ad te supra Pro-  
pitiatatorium, ac de medio duorum Cherubin, qui erunt super  
arcam Testimonij, cūctaq. quæ mandabo filijs Israel. Quod  
vero tum præcepit Deus vt fieret, id post fecit Moyses  
Numerorum octauo: Cumq. ingrederetur Moyses taberna-  
culum fœderis, vt consuleret oraculum, audiebat vocem lo-  
quentis ad sede Propitiatorio, quod erat super arcam Testi-  
monij inter duos Cherubin, vnde & loquebatur ei. Item Iu-  
dicum primo: Consuluerunt filij Israel Dominum dicentes:  
*Quis ascendet ante nos contra Chananeum, & erit dux  
belli?* dixitq. Dominus, *Iudas.* Et vicesimo: *Venerunt in do-  
mum Dei, hoc est in Silo, vbi erat arca, consulueruntq. Do-  
minum, atque dixerunt: Quis erit in exercitu nostro prin-  
ceps certaminis contra filios Benjamin?* Quibus Dominus  
respondit, *Iudas.* & post: *Prius ascenderunt, & fлерunt corā  
Domino, & consuluerunt eum dicentes: Debeo ultra proce-  
dere ad dimicandum contra filios Benjamin fratres meos,  
an non?* Quibus ait Deus: *Ascende.* Et decimo primi Re-  
gum: *Consuluerunt Dominum, vtrum nam Saul ventu-  
rus esset illuc.* responditq. Dominus: *Ecce absconditus est do-  
mi.* Et vicesimo primo secundi: *Dauid consuluit oraculū  
Domini, dixitq. Dominus.* Hæc vero oraculi consulendi  
ratio stante solum primo templo seruata est. nam in se-  
cundo Talmudici negant arcam vllam fuisse, sed lapidē,  
vt dixi, solum è terra tres digitos eminentem.*

Excepto vero oraculo consultus Deus respondit mo-  
do per prophetas, modo per sacerdotes, modo per som-  
nia. vnde scriptum est, vt dixi: *Saul consuluit Dominum, et  
non respondit ei neque per somnia, neque per sacerdotes, ne-  
que*

*que per prophetas.* Per sacerdotes autem idest, per pontificem illud, credo, significat, quod tricesimo primi Regū refertur de Abiathar pontifice: *Ait David ad Abiathar sacerdotem: applica ad me Ephod. & applicavit Abiathar Ephod ad David. & consuluit David Dominum dicens: Persequar latrunculos hos, & comprehendam eos, an non? Dixitq. ei Dominus: Persequere. absque dubio enim comprehendes eos, & excuties prædam.* Eodem pertinet illud octauidecimi Iudicum: *Rogarunt sacerdotem, ut consuleret Dominum, ut scire possent, an prospero itinere pergerent. Qui respondit eis: Ite in pace.* Hic vero sacerdos post dicitur habuisse Ephod. Et quoniam scriptum est Exodi vicesimo quinto, institutos esse lapides onychinos, & gemmas ad ornandum Ephod, & Rationale, addidere Talmudici, lapides Vrim, & Thumim, siue Doctrinam, & Veritatem in Pectorali pontificis extitisse, quorum conspectu sacerdotes occulta intelligerent, & populo traderent, dum plus solito prælucere. nam retento naturali colore nihil immutandum significasse. atque hos etiam lapides secundo templo constructo lucere delixisse. ut supra diximus.

De prophetis iam dictum est. *Olim, inquit primo Regum, sic loquebatur unusquisque vadens consulere Deum: Venite, eamus ad Videntem, idest ad prophetam, & quarti octauo: Vade in occursum viri Dei, & consule Dominum per eū dicens: Si euadere potero de infirmitate mea hac? Inferā hic quoque locum insignem de prophetis consultis à Iosaphat, & Achab regibus, octauodecimo secundi Paralip: Congregavit Achab rex Israel prophetarum quadringentos viros, & dixit ad eos: In Ramoth Galaad ad bellandum ire debemus, an quiescere? at illi, ascende, inquit, & tradet Deus in manu regis. Aduocatus inde Micheas primus*



*dixit eadem, deinde adiuratus, ut vera diceret, adiecit: Dominus dedit spiritum mendacij in ore omnium prophetarum tuorum, & Dominus locutus est de te mala. accessit autem Sedecias unus de prophetis, qui prospera nunciant, et percussit Michæa maxillam. & ait: Per quam viam transiit spiritus Domini à me, ut loqueretur tibi? dixit Michæas: Tu videbis. inde ad regem: Si reuersus fueris in pace, non est locutus Dominus in me. Verum prophetae quoque post secundi templi constructionem detecerunt, ut ante diximus.*

Somniorum porro ratio fuit huiusmodi. Obseruationem somniorum Deus prohibuit, diuinam in somnis nūciationem negligi noluit. prohibuit autem Deuteronomij octauo decimo: *Nec inueniatur, qui ariolos sciscitetur, & obseruet somnia, atque auguria, nec sit maleficus, nec incantator, nec qui pythones consulat, nec diuinos, nec querat à mortuis veritatem. Omnia enim hac abominatur Dominus.* Itaque secundo Paralipomenon tricesimo tertio, rex Manasses reprehenditur, quòd somnia obseruaret, & maleficis artibus inferuaret. & **xxi i i** Hieremiæ scriptum est: *Propheta, qui habet somnium, narret somnium, & qui habet sermonem meum, loquatur sermonem meum vere. Quid paleis ad triticum? dicit Dominus.* De spontanea vero Dei monitione per somnium multa supersunt testimonia. Numerorum duodecimo: *Si quis fuerit inter vos propheta Domini, in visione apparebo ei, vel per somnium loquar ad illum. at non talis seruus meus Moyses. ore enim ad os loquar ei. & palam, non per enigmata, & figuras Dominum videt.* Itaque Gedeon septimo Iudicum, somnium se vidisse narrans expositionem quoque veram accepit. & tertio tertij Regum: *Apparuit Dominus Salomoni per somnium dicens: Pòstula quod vis ut dem tibi.* & ille.

ille. Da mihi cor docile. Igitur ut euigilauit Salomon, & intellexit, quod esset somnium, profectus Hierusalem stetit coram arca fœderis. Hæc autem ratio monendorum hominum seruata est à Deo usque ad extremum. Siquidem scribit S. Matthæus: *Hæc cogitante Ioseph ecce angelus Domini apparuit ei in somnis, dicens: Ioseph filij David noli timere accipere Mariam coniugem tuam.* & 11 Ioel: *Et erit in nouissimis diebus, dicit Dominus, effundam de spiritu meo super omnem carnem. prophetabunt filij vestri, & filie vestre, & iuuenes vestri visiones videbunt, & seniores vestri somniabunt.* Naturalium ergo somniorum, ut quæ plerunque incerta sint, & ab incerta causâ proficiscantur, nullam habendam esse rationem, censuit Deus, non autem eorum, quæ ipse immisit. Quod cum fecit, simul etiam id egit, ut homo intelligeret, somnium illud non oportere contemni, sed veri aliquid ab illo portendi, ut ea, quæ Ioseph, & Daniel tanta cum laude ingenij coniecerunt.

Quattuor autem modis Deus siue consultus hominibus respondit, siue non consultus verba ad eos fecit. aut enim ipse simpliciter est loquutus, aut per visionem, & somnium alloquutus. aut angelus simpliciter est affatus, aut per visionem, somniumue affatus. Primi sit exemplū. *Dixit Dominus ad Abraham, Iacob, Iosue. Secundi: Factus est sermo Domini ad Abraham per visionem dicens. Tertij: Et angelus Domini de celo clamauit dicens, Abraham. Quarta: Apparuit angelus Domini Ioseph in somnis dicens.*

Deum vero verba fecisse interpretantur sacrarum literarum expositores, eum non verba, quæ auribus percipi possent, fecisse, sed eorum, ad quos loquutus est, mentem ita informasse, ut non solum res, tanquam præsentem, oculis cernerent, sed etiam se à Deo diuinitus moneari sentirent, & perinde afficerentur, ac si Deum loquen-

tem audirent, & intelligerent quæ dicerent. Quæ verò hoc modo dicta sunt, prophetia fuerunt, & quibus hæc dicta sunt, prophetæ vocati sunt. Vnde tertio decimo tertij Regū dixit propheta quidā: *Loquutus est Dominus ad me in sermone Domini dicens: Nō comedes panē, et nō bibes aquā ibi.* tum rex Hieroboā ait illi: *Et ego propheta sum similis tui, & angelus loquutus est mihi in sermone Domini, dicens: Reduc eum tecum in domum, ut comedat panem, & bibat aquam.* Quod autem de verbo Dei dixi, id S. Ba filius scripsit in commentario psalmi xxvi i i: *Vox Dei diuersa est ab ijs vocibus, quæ in sensum aurium cadunt, id enim accidit, cum mens hominum quibus ille vocem suam tradere vult, visione quadam informatur perinde, atque in somnijs. nam ut in his animus noster quorundam veluti verborum notis imbuatur, nulla voce ad sensum aurium accideat, sed ipsa mente quibusdam rerum insignibus informata, sic putanda est Dei vox, quam propheta audisse dicuntur.* Neque vero omnes, de quibus scriptum est, *Dixit Dominus ad eos*, illud à Deo ipso loquente acceperunt, sed à Propheta aliquo, cuius mentem Deus imbuerat, illud hauserunt. Cum autem dicitur Dominus venisse ad aliquem, ea non prophetia putatur, sed simplex monitio, vt de Laban, & Abimelech.

Prophetæ igitur aut per visionem vigilantes, aut per somnium dormientes edocti de rebus futuris sunt, idque aut per angelum, aut sine angelo, visione, vt vocant, imaginaria, excepto vno Moise, qui sine somnio, & angelo, visione, vt appellant, intellectuāli creditur instructus fuisse, atque ea, quæ edidit, prædixisse. Verum sacer sermo, vt inquit Philo de somnijs, aut tanquam rex facienda imperauit; aut tanquam præceptor vtiliter instituit, aut tanquam consiliarius opportune eos admonuit, qui sibi ip-

si non



si non poterant consilium capere; aut tanquam amicus arcana communicavit, quæ profanos audire netas erat, aut demum ex quibusdam aliquid requisivit, ut de Adamo. Scriptura vero, quæ semper de Deo loqui reuerenter est solita, tamen ut rudes homines erudiret, homini eum comparavit, atque ei membra, motus & voces, non veritatem, sed utilitatem discipulorum respiciens tribuit: quia plerique nequeunt Deum sine corpore cogitare, neque alio modo ad officium se referre, nisi audiant, Deum ire, redire, irasci, ulcisci, ac tela ad vindicandos scelerosos in promptu habere, atque interdum etiam hominem appellare.

De Scribis.

Cap. X.

UT porro prophetæ voluntatem Dei prænuntiarent, sic Scribæ legem eius interpretari sunt. Huius autem rei primordia ab ipso quoque Moysè sunt introducta. Is enim alia voce populo tradidit, alia in scriptum cõtulit. Primæ traditiones, secunda lex dicta. Quæ vero voce Moyses docuit, ea primum cum Iosue communicavit, Iosue inde cum Senioribus, Seniores cum Prophetis, Prophetæ cum Scribis. Has traditiones posterior Hebræorum schola Cabalam historicam appellavit. De traditionibus Moysis extat testimonium S. Lucae sexto Actuum: *Audiimus hæc dicentem, quoniam Iesus Nazarenus hic mutabit traditiones, quas tradidit vobis Moyses.* Seniorum horum quoque mentio usurpatur secundo Iudicum: *Servierunt Israelitæ Domino cunctis diebus Iosue, & Seniorum, qui post eum vixerunt, & nouerunt omnia opera Domini, quæ fecerat in Israel.* De traditionibus autem eorum loquitur S. Matthæus, & S. Marcus: *Quare discipuli tui transgrediuntur traditionem Seniorum? non enim lauant manus suas, cum*

*panem manducant. Iesus autem respondens ait illis: Quare vos transgredimini mandatum Dei propter traditionem vestram? Item: Pharisei, & omnes Iudæi, nisi crebro lauerint manus, non manducant, tenentes traditionem Seniorum.*

Vt etiam Moyses primus legem dedit, sic etiam primus exposuit. Indicat id quod scriptum est in Euangelio de cathedra Moysis, atque inde sequuti reliqui principes in eadem obseruatione steterunt. Vnde Leuitici & scriptum est: *Dixit Dominus ad Aaron: Vinum, & omne, quod inebriare potest, non bibetis tu, & filij tui, quando intrabitis in Tabernaculum Testimonij, ne moriamini. Et ut habeatis scientiam discernendi inter Sanctum, & Profanum, inter Pollutum, & Mundum, doceatisq. filios Israel omnia legitima mea, quæ locutus est Dominus ad eos per manum Moysi.* Quare Iosephus quoque scriptum reliquit secundo aduersus Appionem: *Legislator non semel legem suos audire voluit, sed in vnaquaque septimana alia opera relinquentes ad legem audiendam congregari, eamq. perfecte discere.* Quod idem scripsit quoque Philo libro tertio de vita Moysi: *Moris, inquit, fuit, Sabbatis operam dare philosophiæ principe antecedente, ac docente quæ opus factum, ac dictum essent, reliquis audientibus, ex quo nunc etiam philosophantur Sabbatis patrio more, nam oratoria in ciuitatibus scholæ sunt omnium virtutum, quibus diuina humanaq. intelliguntur, & corriguntur.* Ex mandato etiam legis septimo quoque anno Leuitæ verba legis populo tradere tenebantur.

His ita constitutis successit Dauid, qui vt ceteras reip. partes, sic hanc quoque formauit. Etenim cum Leuitarum numerum inisset, ex his sexies mille scribas, ac iudices fecit. cumq. mox sacra Leuitarum officia familijs distribueret, quasdam etiam super Israel constituit, ad do-

*cendum, & iudicandum, vt xxiii, & xxvi primi Paralip. continetur. Qui vero hi scribæ, ac iudices fuerint, qui & docuerint, & iudicarint, nemo adhuc, quod sciam, ostēdit. Græcus autē interpres priore loco eos γραμματίς, & κριτὰς, posteriore, τοῦ γραμματίειν & διακρίειν scripsit. quibus verbis duo officia exprimuntur eorum, qui legem interpretabantur, vnum, vt verba legis legerent, alterum, vt, si opus expositione esset, exponerent. Itaque γραμματεῖς aptius verterentur Lectores, quam vocem ecclesia quoque Christiana seruauit, quàm scribæ. Quod probatur ex iii Esdræ, vbi Esdra dicitur ἀναγνώστης τῶ νόμου. i. lector legis, cum alibi dicatur γραμματεὺς, idest, scriba. & ex decimo S. Lucæ. vbi loquens Christus ad legis peritum, siue scribam quendam, qui dixerat, *Doce, quid faciens vitam æternam possidebo, respondit, quid est scriptum in lege? quomodo legis?* idest quomodo profiteris munus interpretis, si hoc nescis, quod sciscitaris? Quin etiam idem cap. v. vi. x. & xi. eiusmodi homines vocauit, γραμματεῖς, νομικὲς, & νομοδιδασκάλους, idest scribas legis peritos, & legis doctores. Quod vero iidem dicantur κριταί, idest iudices, & διακρίειν, idest, dijudicare, siue distinguere, id omnino ad interpretationis rationem refertur, quæ dijudicationem, & distinctionem desiderauit, præsertim vero in lingua Hebræa, in qua constat, voces paucissimas esse, atque ex notarum, & disputationum varietate varias significationes recipere: Probat hoc Philo in eo libro, qui inscribitur, omnes probos esse liberos. sic enim de Essæis Iudæis loquitur: *Constitutam maxime septimam habent diem, in qua ab alijs quiescunt operibus, in qua ad sacra loca adeuntes, quæ synagoga vocantur, ordine ætatis iuuenes senioribus subsident, decoro cū ornatu audientes. deinde vnus Biblia sumens legit, alter vero ex peritissi-**



mis minime nota exponit, nam pleraque per symbola anti-  
 qua imitatione apud eos traduntur. Probat item eiusdem  
 cum Essæis ætatis S. Paulus, qui ei consuetudini congruē  
 ter ad Corinthios scripsit: *Prophetae duo, aut tres in eccle-*  
*sia dicāt, ceteri dijudicent.* Græce *ἄλλοι δύο*, idest duo  
 legāt, reliqui explicēt. Inde post Dauidem Iosaphat rex,  
 cum morem hunc exoleuisse, ac legē plerisque incogni-  
 tam esse videret, *Sacerdotes, ac Leuitas per omnes ciuita-*  
*tes Iuda dimisit, qui eam docerent.* Secundo Paralip. xvii:  
*Tertio anno regni sui misit de principibus suis, ut docerent*  
*in ciuitatibus Iuda, & cū eis Leuitas, & cū eis sacerdotes.*  
*docbantq. populum in Iuda, habētes librum legis Domini,*  
*& circuibant cunctas vrbes Iuda, atque erudiebant popu-*  
*lum.* Idem post etiam fecit Iosias rex, inuento in templo,  
 quod euauisse putabant, Deuteronomio. quarto Regū  
 xxiii: *Ascendit rex templum Domini, & omnes viri Iu-*  
*da, & vniuersi, qui habitabant in Hierusalem, cum eo sacer-*  
*dotes, & propheta, & omnis populus. legitq. omnibus audien-*  
*tibus omnia verba libri fœderis, qui inuentus est in domo*  
*Domini.* Successit inde post aliquot annos calamitas Ba-  
 bylonica. Qua post annos lxx perfuncti in patriam sunt  
 restituti. Ab illo tempore aperte lex permixta videtur  
 principibus sacerdotum, & scribis. quod ex ijs, quæ dicē-  
 tur, intelligitur. in illa certe rerū cōfusione lex aut amif-  
 sa, aut neglecta, aut corrupta potissimum aut cognitio-  
 nis, aut correctionis indiguit. Itaque Esdra, qui & sacer-  
 dos, & scriba, & princeps sacerdotum, ac scribarum dici-  
 tur, in patriam iam restituto templo reuersus legis codi-  
 ces superiore exilio, ac clade amissos inuestigauit, ac de-  
 prauatos emendauit, atque, vt nunc sunt, ex Hebræorum  
 traditione distinxit. idemq. populo incio legem tradi-  
 dit. Sic enim scriptum est apud eum: *Esdras parauit cor*  
*suum,*

*suum, ut inuestigaret legem Domini, & faceret, & doceret  
præceptum, & iudicium. Item: Congregati sunt principes  
familiarum, universi populi, sacerdotes, & Levita apud Es-  
dram Scribam, ut interpretaretur eis verba legis. & nono  
tertij: Stetit Esdras sacerdos, & lector legis super ligneum  
tribunal, quod fabricatum erat & assumpsit librum coram  
omni multitudine. Ab Esdra vero alij instituti putantur,  
qui legem explanarent, difficultates tollerent, librosque  
custodirent, ne rursus corrumperebuntur. siquidem eodem  
in loco sic pergitur: Dixit Esdra principi sacerdotum, &  
lector, et Levitis, qui docent multitudinem. Ecce, ut Esdra,  
qui sacerdos, & scriba dictus est, iam princeps sacerdo-  
tum, & lector legis dicatur. nam pro Levitis, qui docent  
multitudinem nimirum ipsos principes sacerdotum, &  
scribas intellexit. Hi vero ab Esdra aduocati communi  
cum eo consilio quædam loca sacrorum librorum male  
affecta sanarunt, & canonem scripserunt eorum librorum,  
qui maxime probarentur, ut Talmudistæ asserunt. Ergo  
ab illo tempore Principes sacerdotum, & Scribæ legis ex-  
ponendæ munus præcipue obierunt, legisq. doctores,  
ut dicti, sic etiam habiti sunt. unde illud est Matthæi XIII:  
*Omnis scriba doctus in regno calorum similis est homini pa-  
trifamilias, qui profert de thesauro suo noua, & vetera. &  
xvi: Quid ergo scriba dicunt, quod Heliam oporteat pri-  
mum venire? & Marcus xvi: Quomodo dicunt scribæ, Chri-  
stum filium esse David. Quare merito Herodes rex, ho-  
mo profelytus, idest Iudæus ascititius, cum de Christo  
nato audisset, nec locum, ubi oriturus erat, teneret, ea de  
re Principes sacerdotum, & Scribas consuluit. siquidem,  
ut scribit S. Matthæus, conuocatis principibus sacerdo-  
tum, & scribis sciscitatus est, ubi nasceretur Christus?  
Post autem cum Christus docere in templo cepisset, qui  
nec**

nec princeps sacerdotum, nec scriba, nec Leuites esset, præcipuo principum sacerdotum, & scribarum oculos in se conuertit. Quare hi potissimum, cuiusnam auctoritate id faceret, quæsiuerunt. nam S. Lucas xx sic prodidit: *Docente Iesu populum in templo, & euangelizante conueniunt principes sacerdotum, & scribæ dicentes: Dic nobis, in qua potestate hæc facis? quis est, qui dedit tibi hanc potestatem?* Itaque S. Matthæus, & S. Marcus huic quæstioni quasi occurrentes scripserunt, Christum docuisse, non tanquam scribas, sed tanquam potestatem habentem, i. non tanquam interpretem legis, sed tanquam legislato-rem. Interpretes enim illa verba in ore habere solebant: *Dicit Dominus.* Christus autem: *Dictum est antiquis, ego autem dico.* Eiusmodi vero scriba fuit ille, de quo S. Paulus prima ad Corinthios: *Vbi sapiens, vbi scribæ* idest legis peritus. eiusmodi doctor fuit Nicodemus, quæ Christus legis magistrum vocauit, & redarguit. tales doctores illi, quibus cum Christus duodennis in templo de lege differuit. talis Phariseus ille, de quo S. Matthæus xxi i: *Interrogauit vnus ex Phariseis, nomine Gamaliel, legis doctor honorabilis vniuersæ plebi.* Denique eiusmodi quoque fuit Iosias scriba Phariseus, de quo in vita S. Iacobi maioris: *Iosias vnus è scribis Phariseorum, misit funem in collum apostoli, & post conuersus martyrio cum eo affectus est.*

Legem porro docuere Scribæ duobus in locis, in templo, & synagogis. De templo indicat S. Lucas, cū inquit, Christum inuentum in templo inter doctores percontantem, & respondentem. item omnes euangelistæ, qui tradiderunt, illum sæpe in templo docuisse, ac cōcionatum esse. Vnde apud S. Ioannem xvi i i ipse de se dixit: *Ego docui semper in synagoga, & in templo, quo omnes Iudæi cōueniunt.*



*ueniunt. Et S. Paulus Actuum XXI III : Neque in templo inuenerunt me disputantem, neque in synagoga. Ea causa fecit, ut scribæ quidam scribæ templi vocati sint. quod in dicat decretum Antiochi Magni apud Iosephum libro XII : Senatus, sacerdotes, scribæ templi, & sacri Cantores sint immunes à tributo, quod pro suo capite debent. Quin etiam Helcias pontifex legem à se inuentam dedit Saphã scribæ templi, ut regi Iosia legeret. Et Iosias rex misit scribam templi ad Helciam pontificem, ut pecuniam in templi instaurationem erogaret. IIII Regum.*

*Synagogæ autem, ut dixi, fuerunt ædes, quo Iudæi diebus Sabbatorum conuenire instituerunt, ut legem audirent. Vnde illud Actuum XI : Moyses à temporibus antiquos habet in singulis ciuitatibus, qui eum prædicent in synagoga, ubi per omne sabbatum legitur. De more vero docendi in synagoga ad ea, quæ supra diximus, elici potest ex eo, quod narrat Philo de Essæis, & ex eo, quod de Christo scripserunt Euangelistæ synagogas Galilææ percurstante, atque ibi veritatem nunciante. S. Matthæus III : Circuivit Iesus totam Galilæam docens in synagoga eorū, & prædicans euangelium regni. Lucas V : Iesus venit Nazareth, & intrauit secundum consuetudinem suam die Sabbati in synagogam, & traditus est illi liber Isaïæ propheta. Et descendit in Capharnaum ciuitatem Galilæa, ibiq. docebat illos sabbatis. & stupebant in doctrina eius, quia cum potestate erat sermo ipsius. Item XII I : Erat Iesus docens in synagoga Iudæorum sabbatis, & mulierem sanauit, respondens autem archisynagogus indignatus est, quia sabbato curasset. Hæc viuente Christo. Post mortem vero eius hæc doctrinæ in synagoga tradendæ extra Iudæam, & Galilæam memoria celebratur. Actuum IX : Saulus petijt à pō-  
pulo epistolas in Damascum ad synagogas, ut si quos inue-  
nisset*

nisset huius via viros, ac mulieres, vinctos perduceret in Hierusalem. inde conuersus, & ingressus in synagogas prædicabat Iesum, quoniam hic est filius Dei. & xiii: Paulus, & Barnabas cum venissent Salaminam, prædicabant verbum Dei in synagogis Iudeorum. Item: Venerunt Antiochiam Pisidia, & ingressi synagogam die sabbatorum sederunt. post lectionem autem legis, & prophetarum miserunt principes synagoga ad eos. cumq. dimissa esset synagoga, sequuti sunt multi Iudeorum. sequenti vero sabbato pene vniuersa ciuitas conuenit audire verbum Dei. & xiiii: Factum est in Iconio, vt simul introirent in synagogam Iudeorum, & loquerentur ita, vt crederet Iudeorum, & Græcorum copiosa multitudo. & xvi: Venerunt Thessalonicam, ubi erat synagoga Iudeorum. secundum autem consuetudinem Paulus introiit ad eos, & per sabbata tria discebant eis de scripturis. Cum autem venissent Berræam, in synagogam Iudeorum introierunt. cum autem cognouissent in Thessalonica Iudei, quia & Berrææ prædicatum est verbum à Paulo, venerunt & illuc. Paulus inde disputauit Corinthi in synagoga per omne sabbatum interponens nomen Domini Iesu, et migrans inde intrauit in domum cuiusdam nomine Titi Iusti colentis Deum, cuius domus coniuncta erat synagoga. Crispus autem archisynagogus credidit Domino cum omni domo sua. Deuenit inde Ephesum, & ingressus in synagogam disputauit cum Iudæis. inde xix: Ephesi ingressus synagogam cum fiducia locutus est per tres mentes disputans, & suadens de regno Dei. Neque vero solum in Asia, sed etiam Romæ synagoga Iudeorum fuerunt, & præsertim Libertinorum, qui, vt patet ex Actibus, synagogam quoque Hierosolymis habuerunt. Testis est Philo in legatione ad Caium: Tiberius non dissimulauit, probari sibi Iudeos, qui abominarentur adulationem. alioquin passus non

non fuisset, trans Tiberim bonam urbis partem teneri à Iudeis. Romani vero hi erant, plerique libertini, nam captiui in Italiam abducti à dominis libertate donati fuerāt, haudquaquam aliquid ex patrijs institutis mutare coacti. Sciebat enim, eos habere oratoria, & conuenire in ea, & maxime septimo quoque die, quando publice patriam docentur philosophiam. Sciebat & sacras eos ex primitijs coaceruare pecunias, ac Hierosolyma mittere. Sed tamen neque Roma eos expulit, nec Romanam ciuitatem eis ademit, neque in oratoria noui aliquid molitus est, neq. conuenire eos vetuit ad legum interpretationes. Atque hæc quidem de scribis, idest legis doctõribus hætenus.

De Septem Iudæorum hæresibus. Cap. XI.

LOCVS inde admonet, quoniam de legis interpretibus diximus, vt de doctrina quoque Iudæorum agamus, quæ vltimis celebrata temporibus, in septem partes diuisa fuit, quas septem hæreses appellarunt, fuerunt autem, teste S. Epiphanio, hæ; Sadducæi, Scribæ, Pharisei, Hemerobaptistæ, Nazaræi, Ossæni, & Herodiani. de quibus primum sigillatim, deinde coniunctim edisseremus.

Sadducæi nomen à Sadoc accepere, Antigni discipulo, qui cum defecisset ad templum montis Garizin à Manasse inter Samaritas constructum, Alexandro Magno regnante hæresim intulit Sadducæorum, teste Rabbi Abraham in Cabala historica. Hi vero, vt inquit Iosephus, fatum negarunt, atq. omnia nostro arbitrio subiecerunt, animas mortales esse, & propterea resurrecturas non esse, dixerunt. Deum mala omnia videre negarunt, & inhumani, ac longe ab omni communione auersi fuerunt.



runt.& vt addit S.Epiphanius,Angelos, & spiritum sanctum ignorarunt,atque omnia æqualiter cum Samaritis obseruarunt, cum tamen Iudæi essent, & Hierosolymis sacrificium facerent.

Scribæ vero,inquit S.Epiphanius,*Legis expositores fuerunt,velut grammaticam quandam scientiam exponentes,religiosa quidem,velut Iudæi,facientes,verum superfluum quandam,& sophisticam interpretationem inducentes,non solum secundum legem viuentes,sed etiam abundantius. vt qui vrceorum demersiones,ac purificationes seruarent, poculorum item,ac patinarum,& aliorum ministerij vasorum,et tanquã videlicet ad sinceritatem,ac sanctitatem dispositi,crebro manus lauarent,crebroque purificationes quasdam per lauacra adhiberent.Habebant autem fimbrias quasdam significantes politiam ipsorum ad ostentationem elationis,& laudem spectantium,& phylacteria apud seipsos pallijs addebant,hoc est latas notas purpure. Expositiones autem apud ipsos quattuor erant,una in nomen Moysis prophetae,secunda in præceptorem ipsorum Acibam appellatum, siue Baracibam,tertia in Andan siue Annan,qui & Iudas, quarta in filios Assamonei. Neque vero dubium est,quin hi ex eorum numero fuerint,quos legis doctores diximus.*

Pharisei porro, auctore Iosepho, certiore legalium rituum cognitionem professi sunt,vitam abiectam egerunt,nihil molle,nihil delicatum adhibentes. fato omnia tribuerunt, nec tamen liberum hominis arbitrium sustulerunt,iudicium Dei futurum censuerunt, quo homines pro meritis præmia,pœnasque consequerentur, animas immortales duxerunt,earumque post mortem alias eterno carceri destinandas,alias in vitam reuersuras,ita ut bonorum animæ in corpora hominum remigrarent, malorum autem in pecudum. De his sic S.Epiphanius: Pharisei eadem cum scribis sentiebant,

bant, conuersabantur enim cum eis. Virginitati, & continentia studebant, frequenter orabant, cauentes, ne qua se la-  
be corporis macularent. durissimis stratis cubabant. bis in  
sabbato ieiunabant, secunda, & quinta die. decimabant de-  
cimationes, dabant primitias, trigestas, & quinquagesi-  
mas. sacrificia, ac vota exactissime persoluebant, in predicto  
vero scribarum habitu incedebant per amacula, & alios or-  
natus, ac muliebria pallia, in latis crepidis, & calciamento-  
rum ligulis procedentes. Dicebantur autem Pharisei, eo quod  
separati essent ab alijs propter spontaneam superfluam reli-  
gionem apud ipsos receptam. Phares enim Hebraica lingua  
separationem significat.

Hemerobaptiste autem eadem cum Scribis, et Phariseis senserunt, & cum Sadduceis resurrectionem mortuorum abnue-  
runt. Precipui vero illud habuerunt, quod se quotidie bapti-  
zarunt, unde nomen etiam acceperunt.

Iam vero Nazaræi à Galaaditide, & Basanitide regio-  
ne, & locis ultra Iordanem originem trahentes in omnibus  
instituta Iudeorum seruabant, circumcisionem, sabbatum,  
festiuitates omnes. victimas autem non mactabant, neq. ani-  
matis vescabantur. Patres accipiebant, de quibus scribitur  
in quinque libris Moïsis, ipsos autem libros Moïsis non pro-  
babant. dicebantque Moïsen fuisse, sed aliam legem, quam que  
tradita esset, accepisse,

Osseni originem duxerunt à Nabatica regione, Ituræa,  
Moabitide, & Areilitide, quæ est ultra mare mortuum, Iu-  
dæi quidem genere, sed moribus hypocrita, mentis industria  
versuti. Hi a Iosepho Essæi dicuntur. atque secundo Bel-  
li his verbis describuntur: Essæi nuptias respuerunt, alie-  
nos vero filios adoptarunt, diuitias spernentes haud certas  
vrbes, quas incolerent, habuerunt, & bona sua cum socijs  
suis communicarunt, nec vestitum, nec calceum nouum, nisi

*veteribus attritis, sumpserunt. Commerciis nullus inter eos usus. egentibus praeſto fuere, eandem ab illis beneficentia relaturi. religionem mirifice coluere frigida aqua ſe quotidie abluentes. inter veſcendum ſummum ſilentium adhibere. non niſi probata continentia homines in ſocietatem recipere. receptos autem magnis execrationibus obſtrinxere, ſe Deum, fidem, iuſtitiamque culturos. deprehenſos in peccatis ſocietate deturbare, ac ne cibum delatum caperent, vetue- re, iudicia ſeueriſſime exercuere, mortem, & cruciatus cõ- tempſere. animas bonorum ad fortunatas inſulas abire, malorum ad loca inferna, putauere. In libro autem Antiquitatum xv i i ita: Eſſei cuncta ad Deum referunt, immortalem animam cenſent, in templo anathemata prohibent, ſacrificia cum populo non celebrant, quod ſe putant mūditi, & ſanctitate illis præſtare, moribus optimis ſunt, agriculturæ ſtudent, omnia habent communia, neque vxoribus, neque ſeruis vtuntur. ſacerdotes viros optimos eligunt, cibum ſimplicem, atque habitum parcum, & mundum adhibent. & Plinius libro v: Ab occidente littora Eſſeni fugitant uſq. qua nocent, gens ſola, & in toto orbe præter ceteras mira, ſine vlla femina omni venere abdicata, ſine pecunia, ſociis palmarum. In diem ex æquo cõuenarum turba renaſcitur, large frequentantibus quos vita feſſos ad mores eorum fortune fluctus agit. Ita per ſæculorum millia (incredibile dictu) gens æterna eſt, in qua nemo naſcitur. tam fecunda illis aliorum vitæ pænitentia eſt. infra hos Engadda oppidum fuit, ſecundum ab Hieroſolymis fertilitate, palmetorumque nemoribus, nunc alterum buſtum. Inde Maſada caſtellum in rupe, & ipſum haud procul Asphaltite. Sed multo præclarius Philo in eo libro, quem inſcripſit, Omnes probos eſſe liberos. In Syria, inquit, & Paleſtina, quæ partes Iudeorum ſunt haud modica, dicuntur quidam nomine Eſſei,*

*nume-*



numero ultra quattuor millia, à voce Græca *Essai*, quasi *οἰοι*, idest sancti vocati, quoniam Dei cultores præcipue sunt. nulla animalia sacrificantes, sed mentes suas sacras efficiendas existimantes. Hi vicatim habitant, vrbes vitantes propter eorum, qui tractant ciuitates, improbitates. eorum alij agriculturæ student, alij artes exercent, quæ pacis sociæ sunt. neque aurum, neque argentum sibi condunt. neq. agros latos parant cupiditate reddituum, sed necessitate victus. Nemo bellicorum armorum apud eos est opifex. sed neque in pace ullum mercaturæ genus attingunt. seruos non habent, sed liberi omnes sunt mutua ministeria suppetentes. Rationalem, & naturalem philosophiam respuunt, diuinam amplectuntur. Morali maxime student patriarum legum auxilio vsi. quas præcipue septima die docentur. Imbuuntur autem sanctitate, iustitia, ceterisq. virtutibus tres regulas adhibentes, Dei, virtutis, hominumq. amorem. Quod Deum diligant, illud est indicio, quod perpetuam castitatem adhibent, iusiurandum, & mendacium non dicunt. & quod honorum omnium, nullius vero mali auctorem esse Deum arbitrantur. Quod virtutis studiosi sint, ex eo perspicitur, quod pecuniam, & gloriam negligunt, quod voluptates respiciunt, & constantiam præstant. Quod hominum caritate flagrent, indicat, amor, & societas inter eos. una enim est omnibus domus, una vestis, vnum ararium, vnus sumptus. communis victus, & vita. quin etiam questus in commune conferunt, agrotantes communiter curant, & seniores loco parentum habent.

Herodianum vero, vt inquit Epiphanius, omnino Iudæi erant, sed vani, atque hypocritæ, verum Herodem putabant Christum Dominum, qui in omnibus scripturis, legeque, ac prophetis expectatur, & ob ipsum decepti Herodem iactabant inducti ex dicto hoc. Non deficiet princeps ex Iuda, at

*que dux ex femoribus ipsius, donec venerit, cui reseruatur, huic reseruatum esse dicentes, qui erat alienigena. Item Tertullianus de Præscriptionibus: Pharisei additamenta quadam legis astruendo à Iudeis diuisi sunt. Herodianii Christum Herodem esse dixerunt.*

Ex his autem omnibus præcipue floruerunt ante Christi aduentum Pharisei, & Sadducæi. itaq. Hierosolymis, vt inquit Iosephus, populares Phariseis, optimates Sadducæis se adiunxerunt. Phariseorum autem extraordinarias in rep. opes egre inde ferens Ioannes Princeps leges ab eis allatas (hæ nouæ traditiones erant præter antiquas Mosaicæ) iustulit, & ad Sadducæos se contulit. Pharisei tamen adeo potentia valuerunt, vt post auxilio Demetrii Eucæri, Syriæ regis, bellum Alexandro regi Iudeorum intulerint, & Moabitide, ac Galaatide terra ipsum cedere compulerint. inde mortuo illo Alexandram reginam sibi obsequentem adepti leges suas recuperarunt, ac multo vehementius sequi in vrbe, & regno toto instituerunt. quousque res ad duos fratres regios recidit, Hyrcanum, & Aristobulum, quorum alter Phariseus, alter Sadducæus fuit. Cum autem Christus euangelium suum pandere populocœpit, Scribæ, Pharisei, Sadducæi, & Herodianii præcipue viguerunt. ac propterea soli in Euangelio memorantur, vt qui Christo nouam doctrinam prædicanti se præcipue obijcerent. atque vt ipsi sæpe illum tentandi causâ varijs interrogationibus fatigarunt, ac verbis irretire conati sunt, sic & ipse illos insectatus, & hypocrisis, ac doctrinam eorum, vt parum vitæ congruentem detegere nixus est: Recitabo ordine ipsa Euangelij loca, vt res clarissime cognoscatur. S. Marcus cap. i i i: *Excuntes Pharisei cum Herodianis consilium faciebant aduersus eum, quomodo perderent eum.* & vi i i: *Pharisei, & quidam*

de Scribis cū vidissent quosdam de discipulis Domini com-  
munibus manibus, id est non lotis, manducare panes, vitupe-  
rauerunt. Pharisei. n. & omnes Iudæi, nisi crebro lauerint  
manus, non manducant tenentes traditionem Seniorum, &  
à foro venientes, nisi baptizentur, non comedunt, & alia  
multa, quæ tradita sunt illis seruare, baptismata calicum,  
& urceorum, & eramentorum, & lectorum. S. Lucas xi:  
Vos Pharisei quod deforis est calicis, & catini, mundatis.  
S. Matthæus xv: Tunc accesserunt ad Iesum Hierosolymis  
Scribæ, & Pharisei dicentes: Quare discipuli tui transgre-  
diuntur traditiones Seniorum? nō enim lauant manus suas,  
cum panem manducant. ipse autem respondens ait illis: Qua-  
re & vos transgredimini mandatum Dei propter traditio-  
nem vestram? Nam Deus dixit: Honora patrem tuum, &  
matrem. & qui maledixerit patri, vel matri, moriatur. Vos  
autem dicitis: Quicumque dixerit patri, vel matri, Munus  
quodcunque est ex me, tibi proderit, & non honorificabit pa-  
trem suum. & irritum fecistis mandatum Dei propter tra-  
ditionem vestram. Quas traditiones declarans S. Hiero-  
nymus epistola cxi, sic inquit: Quante traditiones Phari-  
seorum sint, quas hodie vocant deuterogones, & quàm aniles  
fabule, euolucres nequeo. neque enim libri patitur magnitu-  
do, & pleraque tam turpia sunt, ut erubescam dicere. dicam  
tamen vnum in ignominiam gentis inimicæ. Prepositos ha-  
bent synagogis sapientissimos quosque, sædo operi delegatos,  
ut sanguinem virginis, siue menstruata mundum, vel im-  
mundum, si oculis discernere non potuerint, gustu prælibent.  
Præterea, quia iussu est, ut diebus sabbatorū sedeant unus  
quisque in domo sua, & non egrediatur, neque ambulet de  
loco, in quo habitat. si quando eos iuxta litteram caperimus  
artare, ut non iaceant, nec ambulent, non stent, sed tantum  
sedeant si velint præcepta seruare, solent respondere, & di-



cere. Rabakiba, & Symeon, & Hille magistri nostri tradiderunt nobis, ut bis mille pedes ambulemus in Sabbato, & cetera huiusmodi, doctrinas hominum praeficientes doctrina Dei. Hinc scripsit S. Eucharius super primam Actuum: Sabbati habens iter, Sabbati iter significare mille passus. quia sabbato usque ad montem Oliueti ire Iudæis licitum erat, vel certe, sicubi fuissent, tanto spatio deambulandi licentiam praesumebant. Iam vero S. Marcus vii 11: *Cauete à fermento Phariseorum, Sadduceorum, & Herodianorum.* S. Mattheus xvi: *Accesserunt ad eum Pharisei, & Sadducei tentantes, & rogauerunt eum, ut signum de caelo ostenderet eis.* Itaque dixit: *Intuemini, & cauete à fermentis Phariseorum, et Sadduceorum.* tunc intellexerunt, quia non dixit, cauendum à fermento panum, sed à doctrina Phariseorum, & Sadduceorum. & xii 1: *Pharisei videntes discipulos legere spicas sabbato, dixerunt ei.* Ecce discipuli tui faciunt, quod non licet facere in sabbatis. Item: Tunc responderunt ei quidam de Scribis, & Phariseis. Magister volumus à te signum videre. & xxi 1: *Accesserunt ad eum Sadducei, qui dicunt, non esse resurrectionem, & interrogauerunt eum, in resurrectione, cuius erit de septem uxor? omnes enim habebant eam.* & post: *Pharisei autem audientes, quod imposuisset silentium Sadduceis, conuenerunt in unum, & interrogauit unus ex eis legis doctor tentans eum.* & S. Marcus xii 1: *Mittunt ad eos quosdam ex Phariseis, & Herodianis, dicentes, licet tributa dare Caesari, an non?* His ergo tentationibus irritatus Christus mores eorum, ac vitam demonstrauit, inquiens xxi 1 S. Matthei, & S. Lucæ xx: *Super Cathedram Moysi sederunt Scribae, & Pharisei.* omnia ergo, quae dixerunt vobis, seruare, & facite, secundum opera vero eorum nolite facere. dicunt enim, & non faciunt alligant autem onera grauiora, & importabi-

lia,

lia in humeros hominum, digito autem suo nolunt ea mouere. Omnia vero opera sua faciunt, ut videantur ab hominibus. dilatant enim phylacteria sua, et magnificant fimbrias, amant autem primos recubitus in cenis, & primas cathedras in synagogis, & salutationes in foro, & vocari ab hominibus Rabbi. V & vobis Scribae, & Pharisei hypocrita, quia comeditis domos viduarum oratione longa orantes, quia circuitis mare, & aridam, ut faciatis unum proselytum, & cum fuerit factus, facitis eam filium gehennae duplo, quam vos, quia decimatis metam, & anethum, & cyminum, & reliquistis, quae sunt grauiora legis, iudicium, misericordiam, & fidem. haec oportuit facere, & illa non omittere: quia munda datis quod de foris est calicis, & paropsidis, intus autem ple ni estis rapina, & immunditia; quia similes estis sepulchris dealbatis, quae à foris parent hominibus speciosa, intus vero plena sunt ossibus mortuorum, & omni spurcitia; quia edificatis sepulchra prophetarum, & ornatis monumenta iustorum. Quas autem fimbrias, & phylacteria Phariseorum nominauit, de ijs sic mandarat Deus Numerorū xv: Loquere filiys Israel, et dices ad eos, ut faciant sibi fimbrias per angulos palliorum ponentes in eis vittas hyacinthinas, quas cum viderint, recordentur omnium mandatorum Domini, nec sequantur cogitationes suas. Consuetudinem vero totam Phariseorum sic explicuit S. Epiphanius: Habebant fimbrias quasdam significantes politias ipsorum ad ostentationem elationis, & laudem spectantium, & phylacteria pallijs suis addebant, hoc est latas notas purpureae. fimbria enim orae, & margines sunt, phylacteria vero signa, ac notae ipsius purpureae, quae inquit Dominus dilatata fuisse. nam fimbrias, et praetextus quosdam in quattuor alis amiculi unusquisque habebat ex ipso stamine illigatas, quo tempore continenter agebant, ac virginitatem exercebant. In Actis in-

de horum etiam mentio celebratur, vt cap. i i i i: *Loquē-  
tibus apostolus Hierosōlymis ad populū supernenerūt sacer-  
dotes, & magistratus templi, et Sadducaei, dolentes, quod do-  
cerent populum, & annuntiarent in Iesu resurrectionē ex  
mortuis. & v: Exurgens pontifex, & omnes, qui cū eo erāt,  
qua est hæresis Sadducaeorum, repleti sunt zelo. & xxi i i i:  
Sciens Paulus, quia vna pars erat Sadducaeorum, et altera  
Phariseorum, exclamauit in Concilio. Viri fratres ego Pha-  
riseus sum, filius Pharisei, de spe, & resurrectione mortuo-  
rum ego indicor. & cum hac dixisset, facta est dissensio in-  
ter Phariseos, & Sadduceos. Sadducei enim dicunt, non es-  
se resurrectionem mortuorum, neque angelum, neque spiri-  
tum. Pharisei autem utrumque confitentur. Hactenus de  
septem hæresibus dictum lit.*

Phariseis autem adiuncti sunt Gaulonitæ. Hi Herode  
Magno regnante suborti sunt. Ea vero res ab hoc fonte  
profecta est. Cæsar Augustus sublatis vectigalibus tri-  
buta ordinaria in caput, & agros indixit, atque ob id to-  
tum censeri orbem Romanum instituit, ita vt Iudæam  
etiam, quam Herodi regi à se appellato subiecerat, cen-  
seri, ac tributum in caput pendere iusserit. Quo facto Iu-  
das quidam extitit, qui adiuncto Sadoco Phariseo, nega-  
uit, populū Dei aliū dominū, quàm Deū, agnoscere debe-  
re, nec cēsū Augusto soluēdū esse, q̃ seruitutē ostēderet.  
Hūc vero qui sectati sunt, populū, ne tributū Cæsari da-  
ret, sollicitarūt, mortē vero, & supplicia contēpserunt, in-  
vestitu, & ceteris cū Phariseis consenserunt. Vnde Phari-  
sæi quoque aliquando Christum tentandi gratia sciscita-  
ti sunt, num dandum esset tributum Cæsari, quòd ea res  
per ea tempora varie iactaretur. Christus autem respon-  
dit, dandū esse, quod esset Cæsaris, Cæsari, & quod Dei,  
Deo; atq. ipse quoque in censum didrachma pro se, &  
pro



pro S. Petro pependit. Præcipue autē Iudas sicarios, & Zelotas concitavit, qui gladio, & sica eam opinionē tuebantur, & vitam repugnantibus a dimebant, nec ullis supplicijs deduci de sententia poterāt, adeo ut pueri illa opinionē imbuti pertinaci tormentorum patientia spectatores obstupescerēt. Hæc S. Lucas 11. S. Matthæus xvi 11. Iosephus libro Antiq. xvi 11, & Belli vi 11, Isidorus libro Etymologiarum quinto, cap. xxxvi.

Atq. hoc quidē modo cultus, qui Deo ab hominib. sancta in ciuitate debetur, est cōstitutus. cuius summa eo demū refertur, ut vita recte instituatur, atq. ex illius præscripto, & volūate formet̃. Quod quidē facile obtinebitur, si assidue lex eius in ore, pectore, manibusq. versabitur. i. si dicta, consilia, factaq. nostra cum ea consentient. atq. ea demum diligentia adhibebitur, ut & Deū diligamus, & Deo dilecti esse conemur, prout ille se velle ostendit, cum foedere cum Hebræis icto se illis futurum in Deum, Hebræos vero sibi in populum, demonstraui.



CAROLI SIGONII

# DE REPUBLICA HEBRÆORVM LIBER VI.

Qui de Consilijs, & Iudicijs inscribitur.

De Ciuitate.

Cap. I.



**M**AXIMA, ac difficilima huius disputationis parte perfecta, idest Religione satis, vt iudicare possumus, perpolitā, tempus est ad reliquam aggredi. sequitur enim, vt de Ciuitate, idest de ratione administrandæ à ciuibus reip. differatur. Neque enim cum M. Varrone, eruditissimo quondam viro, sentimus, qui de rebus diuinis, humanisq. disputaturus, ab humanis propterea se ordiri testatus est, quòd prius ciuitates extitissent, deinde religionem instituissent. cum potius contra sit, atque ille putauit. Vera enim, vt S. inquit Augustinus, religio non à terrena aliqua ciuitate instituta est, sed plane cælestem ipsam instituit ciuitatem. eam vero inspirat, ac docet verus largitor vitæ æternæ Deus, quem Varro cū suis æqualibus ignorauit. Ciuitatem ergo post religionem expositori vniuersam tractationem in tres partes diuidimus, Consilia, Iudicia, & Magistratus. Sic enim in ijs quoque libris fecimus, quos de rep. Atheniensem composuimus.

Qua

Qua in re hanc potissimum rationem, consiliumq. sequuti sumus, Omnis civilis societas, ut inquit in Politicis Aristoteles, Vtilis, ac Iusti communione conciliatur. Harum enim duarum rerum soli homines notionem adepti sunt, quod soli etiam sermonis compotes facti sint, quo illa inter se, re postulante, communicarent. Vtilitatem autem Consilia, æquitatem Iudicia perscrutantur. Quoniam autem hæc cœtus quidam siue Consultorum, siue Iudicum sunt, propterea duce, ac principe aliquo eguerunt, qui eos conuocaret, atque ad eos, quæ essent de vtilitate, & iure discutienda, referret. Neque enim multitudo regi sine capite aliquo potest. Qui vero aut Consilijs, aut Iudicijs præfuerunt, Magistratus appellati sunt. Quamobrem duobus sequentibus libris ita civilem hanc Hebræorum reip. administrationem persequemur, ut hæc tria præcipue, Consilia inquam, Iudicia, & Magistratus, edisseramus.

## De Consilijs.

## Cap. II.

CONSILIA ergo appello cœtus illos, qui ea præcipue statuerunt, quæ statum reip. vniuersæ continerunt, ut bellum, pacem, annonam, fines, legum institutionem, magistratuum creationem, & quæ generis eiusmodi sunt. quod est nihil aliud, quam de singulari utili disceptare, quod comprehendere lege non potuit. Hæc vero Consilia, ut in ceteris Rebus publicis, sic in ipsa et Iudaica, duo extiterunt. aut enim promiscue ab omnibus, aut seorsum à paucis, ijsq. natu grandioribus inita sunt. & quidem, si ab vniuersis, Concionem, si à parte, Senatum appellauerunt. Atque hoc etiam sensisse David in Psalmis videtur. Etenim de laudibus Dei in omnibus, & ab omnibus cœtibus cele-



celebrandis agens & Concionis, & Senatus mentionem poetice fecit. vt cum inquit: *Confitebor tibi Domine in toto corde meo, in Consilio iustorum, & Congregatione.* Et alibi: *Exaltēt eum in Ecclesia plebis, et in Cathedra seniorum laudent eum.* Item: *Odiui Ecclesiam malignantium, cum impijs non Sedebo.* Pro concione enim dixit congregationem, græce συναγωγῆν, & ecclesiam, pro fenatu Consiliū, seu βουλὴν, & Cathedram seniorum, tertium etiam adiuncturus, si vsus suæ, quam intuebatur, reip. permisisset.

## De Concione.

## Cap. III.

POPVLII porro Concio in sacris libris duabus vocibus Græcis plerumque est explicata, synagoga, & ecclesia, vt ex locis quoque modo prolatis cognoscitur. Neque enim adhuc erat illa inter synagogam, & ecclesiā differentia, quæ post traditum à Christo euangelium intercessit. Vt autem tres, quemadmodum ab initio dixi, Hebræorum quasi respublicę fuerunt, totius populi, singularum tribuum, & singularum in quaque tribu ciuitatum, sic tres quoque populi Conciones extiterunt, vna, in quam omnes tribus Israel conuenerunt, altera, in quā omnes vnius tribus familiæ, tertia, in quam vniuersi cuiusque ciuitatis viri. de quibus figillatim, quod nobis cōpertum sit, exponemus.

Vniuersi igitur populi Concio à Deo est instituta. Huius rei illa testimoniū sunt, quòd is sæpe Moisen in Exodo alloquēs dixit: *Loquere filijs Israel. Loquere ad vniuersum cætum Israel.* & quòd populus respondit: *Quæ locutus est Dominus, faciemus, & obedientes erimus.* Quin etiā cū Deus omnia Mandata, Præcepta, Iustificaciones, Iudicia, & Testimonia sua exponi iussit omnibus filijs Israel, sane

fane popularē hāc, de qua agimus, Cōcionē instituit. Vnde illa sunt Exodi xxxv : *Congregata omni turba filiorum Israel. & Numerorum xxvi i : Iosue stabit coram Eleazaro sacerdote, & omni multitudine, & dabit ei praecepta cunctis videntibus, & partem gloriae suae, ut audiat eum omnis Synagoga filiorum Israel. & Deuteronom. ix : Dedit mihi Dominus duas tabulas lapideas, quando concio populi congregata est.*

Hanc autem vniuersi populi Concionem nemo cōuocare potuit, nisi qui summo cum imperio fuit, ut Duces, Iudices, Reges, & Principes. De Duce elicitur ex xxi i i Iosue: *Vocauit Iosue omnem Israel, Seniores, Principes, Iudices, & Magistros eorum.* Et sequenti: *Congregauit Iosue omnes tribus Israel in Sichem, & vocauit Seniores, ac Principes, & Iudices, ac Magistros.* De Iudice ex vi i primi Regum: *Dixit Samuel Iudex, congregate omnem Israel in Masphat.* De Rege ex xii i i secundi: *Congregauit Dauid rex omnem populum.* Et xv secundi Paralipom: *Congregauit omnem Israel in Hierusalem.* Inde post decē tribuum diuortium xi tertij: *Venit Roboam rex in Hierusalem, & conuocauit vniuersum domū Iuda, & Benjamin.* Demum de Principe diserte expressum est in decreto, quo Simon Princeps factus est, primo Maccabæorū. vbi dicitur: *Vt nemini aduocare populum liceat sine ipso.*

Itaque de ratione etiam conuocandi populi scriptum fuit in lege, vt cum populus acciretur, vario tubæ occentu aduocaretur: *Fac tibi, (inquit Deus Numerorum x) duas tubas argenteas ductiles, quibus conuocare possis multitudinem, quando mouenda sunt castra. cumque increpaueris tubis, congregabitur ad te omnis turba ad ostium Tabernaculi foderis. si semel clangueris, venient ad te principes, & capita multitudinis Israel; si autem proluxior, ac concisior*

*si or clangor increpueris, mouebunt castra primi, qui sunt ad orientalem plagam. in secundo autem sonitu, & pari ululatu tubæ leuabunt tentoria, qui habitant ad meridiem. Quando autem congregandus est populus, simplex tubarum clangor erit, & nō concise ululabunt, filij Aaron clangent tubis.*

Conuenire autem consuevit populus tribus de causis, ad audiendum, ad orandum, & ad agendum. Ad audiendum, ut cum à principio conuenit ad audienda mandata Dei. ut Deuteronomij 1111: *Congrega ad me populum, ut audiant sermones meos.* Quare scriptum est primo Paralip. 2211: *Locutusq. est Dauid rex ad omnem ecclesiam.*

Vbi vero ad orandum conuenit, maxime in oppido Iudæ nomine Maspha conuenire solitus fuit. ut 11. Iudicum: *Iephie locutus est omnes sermones suos coram Domino in Maspha.* Et primo Maccabæorum tertio: *Et congregati sunt, & venerunt in Maspha contra Hierusalem, qui locus orationis erat in Maspha ante in Israel. & ieiunarunt illa die, & induerunt se cilicijs, & cinerem imposuerunt capiti suo, & disciderunt vestimenta sua.* Recte. sic enim dixerat Samuel primo Regum septimo: *Congregate uniuersum Israel in Maspha, ut orem pro vobis Dominum.* Quoniam autem in Maspha neque Tabernaculum, neque Architectum fuit, sed in Silo, quia, ut scriptum est Iudicum 20, *discedentes è Maspha venerunt ad domum Domini in Silo, & in conspectu eius sedentes flere ceperunt,* sequitur, ut altare aliquod ibi statutum sit, quemadmodum in Excelsis erat, cuius causâ ad Dominum venisse dicantur, cum eò orationis causâ venerunt. Sic enim sequenti quoque capite dixit: *Et perrexit omnis populus in Galgala, & immolauerunt ibi victimas pacificas coram Domino.* Cum ta-

men



men in Galgalis tabernaculum tum non esset. Et xv : *Et in frustra concidit eum Samuel coram Domino in Galgalis.* nam etiam in Ramatha Samuel altare construxit . septimo primi Regum.

Ad agendum autem conuenerunt duabus de causis, una creandi Iudicis, Regis, & Principis, altera, iubendi, aut gerendi belli. De Iudice creando scriptum est Iudicum viii: *Populus ad Gedeonem dixit : Impera nobis.* De rege primo Regum x: *Conuocauit Samuel populum ad Domum in Masphat, & ait ad filios Israel. Hac dicit Dominus Deus Israel. Ego eduxi Israel de Aegypto. vos autem proiecistis Deum vestrum, & dixistis: Regem constitue super nos. Nunc ergo stete coram Domino per tribus vestras, & famulias. & post: Et statim misit populus, qui Saulem domi absconditum conuenirent, atque eo Masphat adducto clamauit: Viuat rex .* De Principe vero sic secundo primi Macchabæorum: *Nunc te hodie elegimus esse pro Iuda nobis in Principem.*

Conuenere autem etiam in Masphat belli causa primum contra Ammonitas, deinde contra Beniamitas, tum aduersus Philistæos. De Ammonitis x Iudicum: *Filij Israel congregati contra Ammonitas in Maspha castrametati sunt.* De Beniamitis è Gabaa xx: *Viri Israel, quasi vir unus de Dan usque Bersabee, & terra Galaad congregati sunt ad Dominum in Maspha. omnesq. anguli populorum & cuncta tribus Israel in ecclesiam populi Dei conuenerunt quadraginta millia peditum pugnatorum. ad quos Leuita dixit. Adestis omnes filij Israel, decernite quod facere debeatis. Stansq. omnis populus, quasi unius sermone respondit: Non recedemus in tabernacula nostra, nec suam quisque intrabit domum, sed contra Gabaa in commune faciemus. Et sequenti de eadem re. Iurarunt filij Israel in Maspha. Nul-*

lus

*lus nostrum dabit filijs Benjamin de filiabus suis uxorem.*  
 & post: *Quis est de vniuersis tribubus Israel, qui non ascē-*  
*dit ad Dominum in Maspha?* De Philistæis vero dixit Sa-  
 muel primo Regum septimo: *Congregate vniuersum Is-*  
*rael in Maspha, ut orem pro vobis Dominum, & conuenie-*  
*runt in Maspha, hauscruntq. aquam, & effuderunt in cō-*  
*spectu Domini, & ieiunauerūt in die illa, & dixerūt illi. Pec-*  
*cauimus Domino. Iudicauitq. Samuel filios Israel in Ma-*  
*sphat. & egressi filij Israel de Masphat persecuti sunt Phil-*  
*istæos.* Hactenus de populo tribuum vniuerso.

De populo vero singularum tribuum, verisimile ad-  
 modum videtur, cum singulæ tribus principes suos ha-  
 buerint, ipsas ex eorum auctoritate conuenisse, consul-  
 tasse, iudicia fecisse, & bella gessisse. Atque aliarum qui-  
 dem rerum post vestigia indagabimus, vbi de principi-  
 bus tribuum differemus. Belli autem gesti duo hæc mo-  
 numenta habemus. Iosue XIX: *Dan ita proprium bellum*  
*gesserunt contra Lesem urbem, eamq. ceperunt.* Inde Efrai-  
 mitæ aduersus Iephthe Iudicem ita egerunt Iudicum XII:  
*Ecce in Efraim orta est seditio. nam transeuntes contra*  
*Aquilonem dixerunt ad Iephthe. Quare vadens ad pugnam*  
*contra filios Ammon vocari nos noluisti, ut pergeremus te-*  
*cum? Quibus ille. Quid commerui, ut aduersus me consur-*  
*gatis in prælium? Vocatis itaque ad se cunctis viris Galaad*  
*pugnauit contra Efraim.*

Fuisse præterea in singulis ciuitatibus populum ali-  
 quem, qui corpus eius ciuitatis confecerit, ex eo colligi  
 potest, quòd in ijsdem fuere quoque magistratus, quos  
 Ciuitatum principes appellarunt, qui ei populo prætue-  
 runt. Populi certe Hierosolymitani illustris est mentio,  
 vt xxx primi Paralipomenon: *Inito consilio regis, & prin-*  
*cipū, & vniuersa synagoga Hierusalem decreuere. & mox:*  
*Decre-*

*Decreuit rex, & Principes, & tota Ecclesia in Hierusalē, ut facerent Pascha. at VII I tertij Regum: Stetit Salomon ante altare Domini in conspectu Ecclesie Israel. Quibus ex locis apparet, alium esse populum Hierosolymitanum, alium Israeliticum, siue Iudaicum. Quoniam vero resp. Hebræorū omnino popularis nō fuit, verū aut optimatiū, aut regia, ut supra dictum est, propterea populus haud magnas admodum in illa opes habuit, cum in aristocratia Senatus, in regno Rex præualuerit. Quod si quid uerorum, aut maiestatis in populo fuit, maxime post deletum Babylonico exilio regnum id fuit, tum cum populus Assamoneos Principes sibi asciuit, & remp. Græco more constituit. Nam primo secundi Maccabæorum scriptum est, litteras publice missas esse, cum hoc indice: Populus, qui est Hierosolymis, & Senatus, & Iudas Aristobulo magistro Ptolemæi regis salutem. & XII I I: Simoni pontifici, & Senioribus, & cuncto Populo. & libro xx Iosephi: Claudius Cæsar, Principibus, Senatui, Populo, gentiq. Iudæorū. quali vero populus partem aliquam reip haberet. Item: Pharisæi steterunt cum populo contra regem, & apud Ciceronē pro Flacco: Multitudinem Iudæorum flagrantem nonnullam in concionibus pro rep. contemnere, grauitatis summæ fuit. Quin etiam quantas turbas populus Hierosolymitanus in iudicio Christi concitatus cōciuerit, notum est.*

*Ex quo apparet, non solum, dum Iudæa regibus suis obtemperauit, sed etiam cum populo, atque Imperatori Romano paruit, iuris aliquid populari concioni fuisse, perinde atque in ceteris etiam Asiæ ciuitatibus, in quibus & iurisdictionem, & rei capitalis cognitionem proconsul Romanus forum agens exercuit. alia vero populus ad uocata legitima concione cognouit. Legitima vero concio dicta est, quæ ex lege certis diebus coacta, ut confu-*



fa, quæ temere, & extra ordinem est vocata. Hæc vero  
 probantur non solum testimonijs Romanorum, & Græ-  
 corû, quæ in libros de iure prouinciarum, & de rep. Athe-  
 nienfium coniecimus, vbi de foris, & conuentibus agen-  
 dis, vbi de habēda concione docuimus, sed etiā S. Lucæ,  
 qui peritus Græci, & Romani moris de cōuētibus Ro. &  
 legitima Ephesiorû concione, quam illi ecclesiam nomi-  
 nabant, sic scripsit Actuum xix: *His auditis repleti sunt*  
*ira, & exclamarunt dicentes. Magna Diana Ephesiorum.*  
*& impleta est ciuitas tota confusione, & impetum fecerunt*  
*uno animo in theatrum. Paulo autem volente intrare in po-*  
*pulum, non permiserunt discipuli. Erat enim ecclesia confu-*  
*sa. & mox: Et cum sedasset scriba turbas, dixit. Si Deme-*  
*trius, & qui cum eo sunt, artifices, habent aduersus aliquē*  
*causam, conuentus forenses aguntur, & proconsules sunt.*  
*accusent inuicem, siquid autem alterius rei queritis, legiti-*  
*ma ecclesia poterit absolui. Et cum hæc dixisset, dimisit ec-*  
*clesiam.* Quo in loco si interpres pro ecclesia concionem  
 reddidisset, sine dubio sententiam multo clarius exprel-  
 sisset. Has vero duas conciones confusam, & legitimam  
 significauit etiam Aeschines in oratione de eumentia le-  
 gatione, inquiens: *Plures conciones, (siue ecclesias) euoca-*  
*tas coacti estis inire cum metu, & tumultu, quàm consiliu-*  
*zas à legibus.* Vlpianus autem in Demosthenem prodit,  
 singulis mensibus ternas ex lege conciones habitas ef-  
 se, quod etiam S. Ioannes Chrysostomus scribēs in Acta  
 confirmauit. Quare merito sedato tumultu dixit scriba  
 ad Ephesios, qui confusam concionem inierant, si crimē  
 aduersus aliquem habetis, quod deferre velitis, precon-  
 sulem Asiæ adite, cum forum ager, & conuentum habe-  
 bit, idest cum ius dicet Ephesi. Sin autem alia causa est,  
 expectate legitimam Ephesini populi concionem, atque  
 apud

apud eam agite. Atque his dictis dimisit concionem, quæ confusa erat, id est temere & non ex lege conuenerat. De foris porro, & cōuētib. Asiæ sic Strabo lib. xiii: *Phrygiæ, Lydiæ, & Carie, & Mysiæ loca egre distingui possunt, quod inter se coeant, ad eorum vero confusionem non parum attulere Romani, qui non ex gentibus eos diuiserunt, sed alio modo diœceses descripserunt, in quibus fora agunt, & ius dicunt.* Diœceses porro, siue conuentus, siue fora Asiæ, teste Plinio, fuerunt Laodicēsis, Synnadenſis, Apamentis, Alabandenſis, Sardiana, Smyrnæa, Ephesiua, Adramytēna, & Pergamena. De concionibus autem Asiæ, & Græciæ fluctuantibus sic Cicero pro Flacco: *Græcorū totæ respublicæ sedentis concionis temeritate administrantur. uetus illa Græcia hoc uno malo concidit, libertate immoderata, ac licentia concionum, cum in theatro imperiti homines, rerum omnium rudes, ignariq. confederant. Quod si hæc Athenis accidere sunt solita, quam moderationem putatis in Phrygia, aut in Mysia concionum fuisse? nostras cōciones illarum nationum homines plerumque perturbant. quid cū soli sunt ipsi, tandem fieri putatis?*

De Senatu.

Cap. IIII.

EXPOSITA Concione dicendum est de Senatu. Hunc vero habuere etiam Hebræi, eumque, ut Populum, triplicem, vnum, in quem conuenere Seniores populi vniuersi, alterum, in quem qui erant tribuum singularum, tertium, in quem qui erant singularum ciuitatum.

Senatus vniuersi populi constitutus est à Deo ex septuaginta hominibus, qui ceteris ætate in toto Israele præstarent: Sic enim ille dixit Numer. xv: *Congrega mihi Lxx de Senioribus Israel, quos tu nosti, quod seniores populi*

*sint, & scribas, & duces ad ostium Tabernaculi fœderis, factesque ibi stare tecum onus populi, et non tu solus graueris.* Itaque homines, qui ex hoc ordine fuerunt, Græci Senatū, senes, seniores, & senatores vocarunt, Consilium Buleū, Consilij locum Buleuterium, homines Buleutas appellarunt, quasi dicas Consilium, Consiliatorium, & Consiliarios.

Assedere autem hi in vrbe metropoli summo reip. principi, atque ab eo adhibiti vnà cum principibus populi de summa rerum consilia inierunt. vnde Iosephus illud rettulit ex lege: *Nihil agat rex sine pontificis, ac senatorū sententia.* Horum Consiliorum hac testimonio sunt. v Deuteronomij inquit Moyses: *Accessistis ad me omnes principes tribuum, & seniores.* & xxvi i: *Præcepit Moyses, & seniores Israel populo dicentes. Custodite omne mandatum, quod præcipio vobis.* Item Iosue xxi i: *Vocauit Iosue omnem Israel, seniores eorum, principes eorum, iudices eorum, & scribas eorum.* Inde sub Iudicibus xxi: *Seniores statuerunt, vt Beniamita raperent virgines Siloitarum in uxores.* Tum sub Salomone rege, septimo tertij Regum: *Congregati sunt omnes seniores Israel ad regem Salomonem in Hierusalem.* & primo secundi Paralip: *Ezechias rex inijt consilium cum senioribus obturandi capitulum fontium.* Quamquam autem diuiso regno senatus Iudeorum ex sola tribu Iuda, & Benjamin est delectus, numerus tamen i xx seniorum est conseruatus. siquidem Ezechiel vi i dixit: *Et septuaginta viri de senioribus Israel,* cum tamen ætate Ezechielis decem tribus Israel in Assyria essent. & Hieremias xix, seniores populi nominauit: *Accipe lagunculam figuli à senioribus populi, & senioribus sacerdotum.* Neque vero solum stante regno hic viguit senatus, sed etiam illo euerso post reditum Iudæo-



rum ex Babylonia idem est restitutus. siquidem apud  
 Isaiam primo scriptum est: *Restituam indices tuos, & con-*  
*siliarios tuos, sicut antiquitus.* & apud Esdrā decimo: *Om-*  
*nis, qui non venerit in tribus diebus iuxta consilium princi-*  
*pum, & seniorum, auferetur omnis substantia eius.* & **XII**  
 primi Maccabæorum: *Ionathas pontifex gentis, & Senio-*  
*res, & reliquus populus Iudeorum.* & primo secundi: *Popu-*  
*lus, qui est Hierosolymis, & Senatus, et Iudas Aristobulo ma-*  
*gistro Ptolemai regis salutem.* & **XI**: *Rex Antiochus Senatu*  
*Iudeorum, & ceteris Iudeis.* & **XIII**: *Simoni Pontifici, &*  
*Senioribus, & cuncto populo.* & **S. Lucas XI**: *Seniores plebis*  
*summo mane vocati.* Græce Presbyterium populi. Narrat  
 etiam Iosephus, vltimis vrbs tēporibus Florum Iudææ  
 procuratorem aduocatis principibus senatorum, & sena-  
 tu dixisse, se velle vrbe decedere, additque, cum templo  
 curiam etiam conflagrasse, quam ille Buleuterium nomi-  
 nat. Quamquam autem senatus hic consultandi gratia  
 semper mansit, est tamen intelligendum, reges, qui in po-  
 testate remp. habuerunt, neque obnoxij legibus fuerunt,  
 etiam sine senatus auctoritate decreta fecisse, vt qui cum  
 summo imperio essent, non quales Deus præscripssisset,  
 sed quales ipsi optassent.

Tribus porro singulas suos habuisse senatores ab ijs,  
 qui vniuersi populi erant, diuersos, coniectura probabi-  
 lius, quàm auctoritate certius est. Quamquam enim scrip-  
 tum est **xx** quarti regum: *Congregati sunt ad regem Iosiam*  
*omnes seniores Iudæ, & Hierusalem.* & **xxx** primi: *David*  
*misit dona de præda senioribus Iudæ proximis suis.* & **XIX**  
 Hieremiæ dixit Deus: *Occidam Consilium Iudæ, fieri ta-*  
 men potest, vt qui Iudæ Seniores dicuntur, iidem sint cū  
 Senioribus populi.

Ciuitates autem sine dubio suos quæque senatores.

adeptæ sunt, ab illis, quos diximus, separatos. vnde illa: *Congregati sunt ad regem Iosiam omnes seniores Iudæ, & Hierusalem. & Iosephus lib. XI: Seniores Hierusalem grauius ferebant, fratrem Iaddi pontificis mulierem alienigenam in matrimonio habere. & Iudicum XI: Perrexerunt seniores de Galaad, ut tollerent in auxilium suum Iephte. dixeruntq. ad eum. Veni, & esio Princeps noster. & VII: Apprehendit puerum de viris Socoth, interrogauitque nomina principum, & seniorum Socoth. & Ruth III: Tollens Booz decem viros de senioribus ciuitatis Bethleem dixit ad eos.*

## De Iudicijs.

## Cap. V.

DIXIMVS de Consilijs, in quibus præcipue de vilitate ciuitatis est disceptatum. deinceps dicendum est de iudicijs, in quibus singularis æquitas definita est, quæ lege aut prouideri, aut præscribi non potuit. Hæc autem Iudicia Græci Bibliorum interpretes modo  $\kappa\rho\iota\sigma\tau\iota\varsigma$ , modo  $\kappa\rho\iota\sigma\tau\iota\varsigma$  verterunt, nimirum vim ipsam duplicem iudiciorum spectantes, in quibus condemnatio, & absolutio contineatur. quas his duabus vocibus, Iudicio, & Iustitia, siue Iustificatione, ut supra ostendimus, expreslerunt.

Iudiciorum porro tribunalia apud Hebræos fuere duo, vnum in singulis ciuitatibus  $\kappa\rho\iota\sigma\tau\iota\varsigma$  vocatum, alterum præcipue Hierosolymis,  $\kappa\upsilon\rho\iota\sigma\tau\iota\varsigma$  nominatum. quæ Latinus interpres vertit Iudicium, & Concilium. vnde dixit Christus apud S. Matthæum: *Omnis, qui trahitur fratri suo, reus erit Iudicio, qui autem dixerit rhaca, reus erit Concilio.* Aliud vero fuisse Iudicium à Concilio, ostendit Dauid in primo psalmo, cum dixit: *Idco non resurgent impij in Iudicio, neque peccatores in Concilio iustorum.*

De

De Iudicijs Ciuitatum. Cap. VI.

Agamus autem primum de Iudicijs Ciuitatum, deinde de Concilio Hierosolymitano, quando instituta, confirmataque sint, quinam ea inierint, qui præfuerint, ubi conuenerint, & quo demum ordine causas cognouerint.

Dico ergo, Iudices ciuitatū cum principibus suis, qui Græce γραματοειταγογῆς dicti sunt, institutos esse in solitudine à Moise, primum ex auctoritate soceri sui Iethro, deinde ex Dei præcepto. Cum. n. Moises anno primo in Deserto ad causas audiendas assēdisset, monitus est à Iethro socero, ut labori illi parceret, ac viros sapientes, gnaros, & prudentes pro se ad iudicandum statueret, ac sibi tantum rerum grauiorum cognitionem reseruaret. Itaque ille tum principes, de quibus post dicetur, tribunos, centuriones, quinquagenarios, & decanos, siue, ut Græcus edit, Chiliarchos, Ecatontarchos, Pétecontarchos, & Decadarchos iudicibus causarum introductores, siue grammatoisagogeos præposuit. Exodi xviij: *Et electis viris strenuis de cuncto Israel constituit eos principes populi tribunos, & centuriones, & quinquagenarios, & decanos, qui iudicarent plebem omni tempore. Quamobrem post annum quadragesimum commemorans populo quæ à se acta fuissent, intulit primo Deuteronomij: Dixi vobis. Non valeo solus negocia vestra sustinere, & pondus, ac iurgia. Date ex vobis viros sapientes, & gnaros, & quorum conuersatio sit probata in tribubus vestris, ut ponā vos vobis principes. Tunc respondistis mihi. Bona res est, quā vis facere. Tuliq. de tribubus vestris viros sapientes, & nobiles, & constitui eos principes tribunos, & centuriones, et quinquagenarios, & decanos, qui docerent vos singula. præ*



iudices

cepiq. eis dicens. Audite illos, & quod iustum est indicatē  
 siue cuius ille sit, siue pererigrinus. nulla enim distantia per-  
 sonarum. ita paruum audietis, ut magnum, nec accipietis  
 cuiusquam personam, quia Dei iudicium est. Quod si diffici-  
 le vobis visum aliquid fuerit, referte ad me, & ego audiam.  
 Græce autem illud apertius, & ad horum iudicium ratio-  
 nem explicandam accommodatius: Et constituit eos præ-  
 esse super vos chiliarchos, & ecatontarchos, & pentecotar-  
 chos, & decarchos, et grammatoisagogeos iudicibus vestris.  
 Pro eo enim, quod Latinus vertit, Qui docerent vos sin-  
 gula, Græcus refert, Grāmatoisagogeos iudicibus vestris.  
 Accessit inde lex Dei, qua de iudicibus hisce cautum est  
 cap. xvi his verbis: Iudices, & magistros constitues tibi in  
 omnibus ciuitatibus tuis, quas Dominus Deus dat tibi secū-  
 dum tribus, & iudicabunt populum in illo iudicio. neque fle-  
 bent iudicium, neque agnoscent personam, neque accipient  
 munera. Et hoc loco pro Magistris Græcus edit Gram-  
 matoisagogeos. Hanc autem legem sic rettulit Iosephus,  
 ut iudices etiam sorte fuisse lectos ostendat: Sint etiam,  
 qui ad iudicandum sorte exierunt, ciuitatibus in summo ho-  
 nore. & presentibus conuicia non dicantur. Iudices autem  
 ius habeant pronuntiandi, quod senserint, præterquā si quis  
 eos accepisse munera ad iudicandum ostenderit. aut aliam  
 non recti iudicij causam attulerit.

Vt autem eos Moyses instituit, sic postea Iosaphat rex  
 in regno Iudæ confirmauit. ut traditum est xxix secundi  
 Paralip: Constituit iudices terræ in cunctis ciuitatibus ter-  
 ræ munitis per singula loca, & præcipiens Iudicibus, Vide-  
 te, inquit, quid faciatis. non enim hominis exercetis iudi-  
 cium, sed Domini. & quodcunque iudicaueritis, in vos re-  
 dundabit. Sit timor Domini vobiscum. & cum diligentia cū-  
 cta facite. non est apud Dominum Deum nostrum iniqui-

*tas, nec personarum acceptio, nec cupiditas munerum.*

Perturbatis inde in Babylonica terra Iudicijs Iudæi, postquam in patriam redierūt, vt cetera, sic hæc quoque restituerunt. Quod fore præmonuerat Isaïas capite primo, cum has Dei voces ediderat: *Et restituā iudices tuos, vt fuerant prius.* & deinde vt ita fieret, rex Artaxerxes mandauit. sic enim scripsit *VI* apud Esdram: *Constitu iudices, & Scribas, vt iudicent omni populo.* Scribas enim vocauit ipsos, quos diximus, grammatois agogeos. Restitutos inde lætatus est psalmista auctore S. Athanasio, qui vrbe Hierosolyma reædificata, & iudicijs restitutis, prout à Domino prædictum fuerat, lætitia exultans cecinit psalmo cxxi: *Lætatus sum in ihs, quæ dicta sunt mihi. In domum Domini ibimus. Stantes erant pedes nostri in atrijs tuis Hierusalem, Hierusalem, quæ edificatur, vt ciuitas, cuius participatio eius in id ipsum.* Illuc enim ascenderunt tribus, tribus Domini testimonium Israel ad confitendum nomini Domini. *Quia illic sederunt sedes in iudicio (vel in iudicium, vt Græcus habet) sedes super domum David.* Atque ita deinde vsque ad extrema tempora Iudæorum.

Iudices autem hi è corpore senatorum cuiusque ciuitatis videntur fuisse lecti. quemadmodum à primis etiã temporibus apud Romanos iudicia à senatoribus agitata sunt. Docet lex ipsa multis in locis. Deuteron. xvi i i: *Si fugerit percussor ad vnā de prædictis urbibus, mittet senatus ciuitatis illius, & accipiet.* & xix: *Si fugerit ad vnā de prædictis urbibus, mittēt seniores ciuitatis illius, & arripient eum de loco effugij.* & xxi: *Quando inuentum fuerit cadauer, & occisor ignorabitur, exiet senatus ciuitatis eius, & metientur à loco cadaueris.* Vnde i i i i Ruth: *Tollens Booz decem viros de senioribus ciuitatis Bethleem dixit ad eos sedete hic, & testes estote.* Respondit populus, qui

erat in porta, & seniores. Nos testes sumus, & coram eis ac cepit possessionem Elimelech.

Conditiones porro proborum iudicum quattuor ex lege elicit Philo in libro de Iudice; Vnam, ne vanos auditus excipiat. Quod in lege interpret vertit *xxi i i* Exodi: *Non suscipies vocem mendacij*: Cuius præcepti Philo hanc rationem reddidit. quia *oculi*, inquit, *rebus ipsis inter sunt, & contrectant quodammodo negocia adiuuante luce, per quam illustrantur, deprehendunturq. omnia. aures autem, sicut recte dixit quidam è veteribus, minus fidei habent, quàm oculi, ut quibus non cum rebus ipsis sit commercium, sed cum verbis rerum interpretibus non semper veritatem sectantibus*: Alteram, ne munera accipiant, quod excæcent etiam prudentes, & subuertant verba iustorū. Nam muneribus induci ad iniustitiam, est scelerati hominis, senimali non reddere ius absque operæ præmio. Sunt enim quidam inter iustos, iniustosq. medijs instituti ad tuendos oppressos ab oppressoribus, qui tamen nolūt gratis ferre sententiam pro causa meliore. oportet autē ut sententia iudicis sit non solum legitima, sed etiam incorrupta. Tertiam, ut causas partium examinent ante iudiciū semoto omni personarum respectu, siue sint ciues, amici, familiares, siue contra. nequid beneuolētia, vel odiū cognitioni officiat. Quartam, ne in iudicio pauperis misericordia moueantur. sic enim inquit lex: *Non misereberis pauperis in iudicio*. cuius dicti rationem hanc idem affert. Pauperes in solo iudicio miserari nefas. nam misericordia debetur infelicibus. quisquis autem sponte male fecit, non infelix, sed iniquus est. iniquis autem poena, iustis præmiū proponitur. Itaque nemini misero propter suam inopiam pœna remittatur, quia non misericordiam, sed iram meretur. & qui ad iudicandum accedit, de



bet more boni nummularij naturas negociorum discernere, ne turbatis signis confundantur proba cum improbis. Hæc de Iudicibus.

Iudicia porro in porta ciuitatum, quæ Iudicij dicebatur, exercita sunt. Indicat lex Deuteronomij *xxi*: *Si noluerit accipere uxorem fratris sui, quæ ei lege debetur, perget mulier ad portam ciuitatis, & vocabit senatum.* Item: *Si quis genuerit filium contumacem, qui parentes non audiat, apprehendent eum, & ducent ad Seniores ciuitatis eius, & ad portam Iudicij, & dicent ad eos. Filius vester inobediens est.* & sequenti: *Si quis odio uxoris obijciat ei, quod virgo non sit, parentes ferent secum signa virginittatis eius ad seniores urbis, qui in porta sunt.* & *xxv*: *Perget mulier ad portam ciuitatis, & loquetur senioribus urbis illius.* Quin etiam Iosue *vi* *11* ita scriptum: *Stabit ante portam ciuitatis, et loquetur senioribus urbis illius.* & *11* *11* Ruth: *Tollens Booz decem viros de senioribus ciuitatis Bethlehem dixit ad eos. Sedete hic, & testes estote.* Respondit populus, qui erat in porta, & seniores. *Nos testes sumus. et coram eis accepit possessionem Elimelech.* Hinc Prouerb. *xxi* *1*: *Non conteres egenum in porta, quia iudicabit Deus causam eius.* & *xxx* *1*: *Nobilis in porta vir eius, quando sederit cū senatoribus terra.* & Psalmo *cxxv* *1*. *Non confundetur, cū loquetur inimicis suis in porta.*

Hæc vero hoc modo peracta sunt. Qui litem alteri intendere cupiebat, is aliquem ex principibus Iudicum, qui Grammatofagoge dicebantur, aciebat, & causam suam exponebat, ab eoq; vt eam ad iudices introduceret, postulabat. Ille vero, si controuersiam recepiſſet, nā & respuere poterat, eam statuto die ad iudices introducebat, vnde nomen Introduكتورis accepit. Hæc autē eo loco probabo, in quo de Principibus Iudicum disputabo.

bo. neque enim eadem bis repetenda videntur, sed suo quæque loco, eoq. maxime idoneo dispensanda. Talmu distæ vero rem ita actam esse prodiderunt. Qui ius poscebāt, primū ad iudices suæ ciuitatis adibāt. quibus non audiētibus ad propinquioris accedebant. Quod si ne illi quidem aures præbuisent, tum ad Iudices Hierosolymitanos se conferebant, qui duabus in portis sedebant. inde ab eis, si ne ita quidem voti sui compotes facti fuissent, ad Concilium confugiebant, quod Sanhedrin appellabant. Verba eorū, qualia à Petro Galatino homine aliquādo Hebræo, referuntur, hæc sunt: *In principio nō erat controuersia in Israel, sed domus Iudicij LXXI Iudicum in diuersis locis sedebant. una enim earum sedebat in porta montis domus, idest templi, altera vero in porta Atrij, reliquæ autem domus Iudiciorum XXXII Iudicum sedebant in singulis ciuitatibus Israel. Cum vero aliquid poscendum erat, à domo Iudicij, quæ in ciuitate propria erat, poscebatur si audiebant, dicebant. Sin minus, ad illum ordinem veniebant, qui in propinquiore ciuitate erat. qui si audiebant, dicebant apud eos. Sin minus, ad illum ordinem ibant, qui in porta montis Domini erat, dicebantq. Sic exposui, & sic socij mei exposuerunt. sic docui, & sic socij mei docuerunt. qui si audiebant, dicebant apud eos, sin minus, ad eum ordinem veniebant, qui in porta Atrij domus Domini erat, dicebantq. Sic exposui, & sic socij mei exposuerunt, sic docui, & sic socij mei docuerunt. Qui si audiebant, dicebant apud eos, sin minus, & isti, & illi ibant ad consistorium Gazith, in quo Sanhedrin à mane vsque ad vesperam sedebant. in Sabbatis autem, & diebus solemnibus in muro sedebant. Hactenus Talmu distæ.*

Porro autem de testibus audiendis hæc in lege sunt: Deut. xvi 1: *In ore duorum aut trium testium peribit, qui inter-*

*interficietur. nemo occidatur uno contra se dicente testimonium. & XIX: Non stabit testis unus contra aliquem, quidquid illud peccati, et facinoris fuerit, sed in ore duorum, aut trium stabit omne verbum. atque inde addit de falsis testibus iudicio feuerissimo vindicandis. Vnde eadem explicans dixit Iosephus: Vni testi fides non habeatur, sed tribus, aut duobus, quorum vita spectata sit. Mulieribus propter leuitatem, aut temeritatem non credatur, neque seruis propter generis humilitatem. quos aut lucro, aut timore ad testimonium dicendum adduci videtur verisimile. si quis testatus falsum deprehendatur, eadem poena afficiatur, qua ille afficiendus fuit, pro quo testimonium dixit. Eadem etiam lege sanctum, nequis damnaretur indicta causa. sic enim Nicodemus apud S. Ioannem septimo: Nunquid lex nostra iudicat hominem, nisi prius audierit ab ipso, & cognouerit, quid fecerit? Extat demum lex de sententia ferenda his verbis Deuteronomij cap. xxv: Si fuerit causa inter aliquos, & interpellauerint iudices; quem iustum esse perspexerint, illi iustitiae palmam dabunt; quem impium, condemnabunt, impietatis. sin autem eum, qui peccauit, dignum viderint plagis, prosternent, & coram se facient verberari. Pro mensura peccati erit et plagarum modus, ita duntaxat, ut quadragenarium numerum non excedant, ne forte de laceratus ante oculos tuos abeat frater tuus.*

## De Concilio Hierosolymitano, Cap. VII.

CONSISTORIUM autem Gazith, quod Graeci συνέδριον & Cathedram, Latini Concilium, Talmudistae Sanhedrin nominarunt, fuit tribunal omnium & numero, & dignitate iudicum amplissimum in ea vrbe, quam Deus elegit, ac caput esse sanctitatis, atque Imperij statuit,



tuit, idest primum in Silo, deinde Hierosolymis, siue primum in tribu Effraim, deinde Iuda, eo consilio constitutum, ut quæ à Iudicibus Ciuitatum singularum variantibus de iure, facto ve sententijs definiri non possent, huc denique referrentur. De hoc vero tribunali acturus primum omnia, quæ à Talmudistis dicuntur, exponam, deinde, quid ipse apud sacros scriptores legendo compererim, addam. Sic igitur varijs in locis illi: *Tempore Moïsis Dei iussu LXX seniores atate prouecti, ac scientia probati delecti fuerunt, qui ipsius Moïsis in populi regimine coadiutores essent. ad quos & omnes legis difficultates declarare, ac definire, & in rebus grauibus, & causis arduis indicare pertinebat.* De quibus illud Deuteronomio scriptum est: *Si difficile, atque ambiguum apud te iudicium esse perspexeris, surge, & ascende ad locum, quem elegeris Dominus Deus tuus, ut ibi nomen eius euoces.* Hi autem Sanhedrin vocabantur, & sedebant in consistorio Ga'zith ad iudicandum iudicia animarum. dicebantur quoque Meokekim, idest scribae, siue legum latores, eo quòd quidquid tradebant, & scribebant, tanquam lex ab alijs haberetur. Quorum collegium sceptrum datum à spiritu Sancto Iacob domui representabat, & in ipsis sceptrum ipsum pendebat. Quare non solum sub regibus, et ducibus residentes iudicandi potestatem exercuerunt, verum nullo etiam rege, aut duce apud Iudeos existente eorum tamen durauit auctoritas. Quattuor autem modi occidendi traditi sunt eis, lapidare, comburere, occidere, & strangulare. Vnde habebant, quòd quando interfecissent animam, idest cum aliquem occidendum iudicassent, tota die illa nihil gustarent. Iudicia porro de pecunijs, & bonis mobilibus fiebant per tres iudices, animarum per viginti tres. Nemo autem iudicabat tribum, sceptrum, pseudopphetam, aut iacerdotem magnum, nisi domus iudicij LXXI iudicum,

nec egrediebatur ad bellum, nisi secundum os domus iudicij  
 LXX iudicū, nec addebāt ciuitati, nec salarijs templi nisi per  
 eosdem. nec faciebant Sanhedrioth idest conuentus iudicū  
 tribubus nisi per eosdem. Collegium magnum erat LXXI iu-  
 dicum, minus XXI I I. erant autem LXX seniores, de quibus  
 Numerorum XI: Congrega mihi LXX seniores, & unus Mo-  
 ses. Minor ipsorum Sanhedrin conuentus non poterat, nisi à  
 LXX maiorum conuentu ordinari. ipsi nanq. iudices LXX or-  
 dinabant aliorum iudicum conuentus, qui in alijs ciuitati-  
 bus, & locis circumquaque populum regebant, hac tamen  
 conditione, vt vnusquisque cuiusque regionis conuentus ma-  
 gno maiorum conuentui Hierusalem, & in loco Gazith vo-  
 cato existenti subesset. Iudices autem manuum impositione  
 legebantur, ita vt quinque necessarij essent, qui id munus  
 prestarent. Hos vero Sanhedrin Herodes rex sustulit. Inde  
 alij substituti sunt, sed sine potestate sanguinis. vnde Pilato  
 responderunt: Nobis non licet interficere quenquam. Inde ob-  
 falsum Christi iudicium annos quadraginta ante, quā tem-  
 plum à Romanis incenderetur, ex consistorio Gazith expulsi  
 sunt, & in Hamith confederunt. non licebat autem de capi-  
 te agere nisi in Gazith. vt Deuteronomij XVII: Et facies  
 secundum verbum oris, quod nunciabunt tibi de loco illo.  
 Item. Et surges, & ascendes ad locum. Ad extremum hi iu-  
 dices quoque omnes à Romanis iterum interfecti sunt. At-  
 que hæc quidem Talmudistæ, qui certam harum rerum  
 sibi notitiam vindicant, Petro Galatino auctore.

Nos autem hæc ad ea, quæ illi quasi oculis comperta  
 scripserunt, ex sacris & veteris, & noui Testamenti the-  
 sauris, ac præterea ex Iosephi monumentis adiungimus,  
 quibus institutionem, confirmationem, ius, ac potestatem  
 huius Concilij explicemus. In primis ergo hoc tribunal  
 à Deo institutum esse apparet, vt à Iudicio Iudicum ad

Con-

Concilium Seniorum, & Sacerdotum veniretur. vt scriptum est xvi i Deuteronomij. Sic enim ibi Moyses ad populum ex Dei præscripto loquitur: *Si vero difficile, atque ambiguum apud te iudicium esse perspexeris inter sanguinem, & sanguinem, caussam, & caussam, lepram, et non lepram, & iudicium intra portas tuas videris verba variari, surge, et ascende ad locum, quem elegerit Dominus Deus tuus, vt ibi nomen eius euoces, veniesq. ad sacerdotes Leuitici generis, & ad Iudicem, qui fuerit illo tempore, quæresque ab eis, qui indicabunt tibi iudicij veritatem, & facies quodcumque dixerint, qui præsunt loco, quem elegerit Dominus, & docuerint te iuxta legem eius, sequerisq. sententiam eorum, nec declinabis ad dexteram, neque ad sinistram, qui autem superbierit nolens obedire sacerdotis imperio, qui eo tempore ministrat Domino Deo suo, ex decreto Iudicis morietur homo ille.* Ex his apparet, hoc iudicium mandatum esse regi, sacerdotibus, & senioribus populi, hi enim præcipui erant, qui præerant loco, quem elegerat Dominus. Itaque Iosephus sic hanc legem reddidit, vt præcipuam senatus mentionem fecerit. sic enim scripsit: *Si vero iudices nesciunt de rebus ad se delatis pronunciare, integram causam in urbem sanctam mittent, & conuenientes pontifex, & propheta, & senatus, quod visum sit, pronuncient.* Post autem Moyses aperte iudices nominat ipsos, quos diximus, sacerdotes, xix inquit: *Si steterit testis mendax contra hominem accusans eum prauaricationis, stabunt ambo ante Dominum coram Sacerdotibus, & coram iudicibus, qui erunt in illis diebus.* Iosephus autem ipsos etiam sacerdotes commemorauit libro secundo ad Appionem, cū scripsit: *Sacerdotes inspectores omnium, iudices controuersiarum, punitores damnatorum constituti sunt a Moise.*



Quin etiam Moyses ipse in Concilio causam cognouit eius, qui Sabbatho ligna collegerat. Leuitici xv. Sic. n. inquit Philo 111 de vita Moysis: *Comprehensum hominem adduxerunt ad principem, cui assidebant in Concilio sacerdotes, aderat vero vniuersa multitudo ad audiendum in die sabbati. Moyses autem, quo supplicio dignus esset, ignarus Deum consuluit, qui lapidibus cædendum esse respondit.*

Vt autem hoc tribunal Moyses instituit, sic postea Iosaphat rex Iudæ fanciuit, quomodo etiam Iudicia in ciuitatibus confirmarat. sic enim scriptum est in secundo Paralipom: *In Hierusalem quoque constituit Leuitas, & Sacerdotes, & Patriarchas ex Israel, ut iudicium, et causam Domini indicarent habitatoribus eius, præcepitq. eis dicens. Sic ageris in timore Domini fideliter, & corde perfecto. Omnem causam, quæ venerit ad vos fratrum vestrorum, qui habitant in urbibus suis, inter cognationem, & cognationibus (in Græca translatione est de præcepto, mandato, iustificationibus, & iudicijs) ostendite eis, ut non peccent in Dominum, & ne veniat ira super vos, & super fratres vestros. Sic ergo agentes non peccabitis. Amarias autem pontifex vester in ijs, quæ ad Deum pertinent, præsidebit. Zabadias filius Israel, qui est dux in tribu Iuda, super ea opera erit, quæ ad regis officia pertinent, magistri (Græce scribæ) Leuitæ erunt coram illis.*

Iniungere ergo hoc Concilium, ut ex his apparet, Rex cum Principibus populi, ac Lxx Senioribus populi, & Pontifex cum Principibus sacerdotum, & Scribis, idest legis doctoribus, ut perspicere liquet ex Euangelijs, ubi agitur de iudicio Christi. Voco autem Principes populi duodecim principes tribuum, qui regi assidebāt. Seniores vero ipsos, quos dixi, Lxx populi senatores. Quare Ioseph

ab Arimathia, senator, siue decurio nobilis, idem Concilij particeps fuit, siquidem scriptum est, ipsum cum ceteris assensum damnationi Christi non præbuisse. Principes autem sacerdotum dico illos, qui vicienis quaternis sacerdotum classibus, seu vicibus singuli singulis præerant. Scribas vero ipsos legis doctores, quos prophetas Iosephus vocauit.

Deleto inde Babylonica transmigratione Concilio, cum reuersis in patriam Iudæis reliqua instituta restituerentur, etiam sacerdotibus potestas in Concilio iudicandi est data. quod præmonuit Ezechiel cap. xl i i i i mandato Dei inquit : *Sacerdotes populum meum docebunt, quid intersit inter Sanctum & Profanum, & inter Impurum, ac Purum iudicabunt eis. & circa iudicium sanguinis ipsi insistent, ut diiudicent, & iustificationes meas iustificabunt, & iudicia mea iudicabunt, & leges meas, & præcepta mea in omnibus diebus festis meis custodient.* idest de causis religiosis, & capitalibus cognoscent, atque homines iustificabunt, idest absoluent, & iudicabunt, idest condemnabunt, prout ego in lege faciendum esse præscripsi, ubi qui digni venia, & qui pæna essent, demonstravi. Sunt autem qui hoc Concilium post è familia Davidis lectum fuisse dicant, atque eos postea ab Herode rege fuisse sublatos. Quod si ita est, videndum est, num eò verba psalmi in restitutione vrbis Hierosolymitanæ, teste S. Athanasio, cātata, referri possint. *Quia illic, idest in Hierusalē, sederunt sedes ad iudicium, sedes super domum David.* idest sedes è domo David.

Aduocarunt vero hoc Concilium aut Rex, aut Pontifex, prout crimen delatum aut ciuitatem attingit, aut religionem.

Ceterum ordo rei apud hos iudices peragēda ferme fuit

fuit huiusmodi. Qui nomen deferre alterius cupiebat, is ferme aut regem, aut pontificem, aut principes adibat, reumq. denunciabat. Quo facto illi ministros ad hominē capiendum mittebant, & si res tulisset, cohortem etiam à præfecto templi acceptam adijciebant. eumq. ad se ad ductum ferme in carcere, atque in custodia militari habebant, donec de illo iudicaretur. Inde vniuerso conuocato Concilio opera cognitioni dabatur. Intendebatur autem ab accusatore crimen, & poena his verbis: *Iudiciū mortis est viro huic, quia hoc, aut illud fecit.* Repellebatur autem à defensore, his: *Iudicium mortis non est viro huic, quia illud non fecit, aut quia iuste fecit.* Vbi vero perorata vtrinque causa erat, tum iudicibus suffragia dabantur, atque ille pro numero sententiarum aut cōdemnabatur, aut absoluebatur. Vbi vero res ad Romanos redacta est, Concilio relicta tantum est condemnatio, animaduersio vero erepta, sed procuratori Romano permissa. Quod in iudicio Christi euenit. Nam Concilium damnauit Christū, & morti addixit, populus vero à Cōcilio incitatus à Pilato procuratore poposcit, vt crucifigeretur. atq. ille, vt ita fieret, iudicauit.

Formula porro intendendi aut repellendi criminis est xxvi Hieremiæ; *Loquuti sunt sacerdotes, & propheta ad principes Iuda dicentes. Iudicium mortis est viro huic, quia prophetauit aduersus ciuitatem istam. Et dixerunt principes ad sacerdotes. Nō est viro huic iudiciū mortis, quia in nomine Domini Dei nostri locutus est ad nos.* Formula vero damnationis est apud S. Matthæum xxvi: *Ecce nunc audistis blasphemiam, quid vobis videtur? at illi respondentes dixerunt. Reus est mortis.* Quod Marcus dixit: *Qui omnes condemnauerunt, eum esse reum mortis.* Verum hæc, quæ dixi, omnia clarius cognoscantur, si singula, quæ



ab hoc ordine iudicia facta sunt, de quibus litteris proditum sit, exponentur.

Mentio ergo Iudicij, & Concilij fit in psalmo primo: *Ideo non resurgent impij in Iudicio, neque Peccatores in Concilio iustorum.*

Primum autem iudicium, quod nominatim peractum a Concilio sit, in ipso Assamoneorum imperio, nempe Hyrcano regnante, apud Iosephum libro *xiiii* traditur, cum Herodes reus factus est, is, qui postea rex fuit. Quo tempore vigeat lex, cuius idem meminit. Ne cui nocenti vita eriperetur, nisi Concilij, siue, ut Græco vocabulo utar, Synedrij sententia condemnato. Herodes, inquit, Antipatri filius quosdam latrones sine Concilij sententia interfecerat, ac potentia sua terrorem omnibus inferebat. Quare multi Hyrcanum regem, & populum hortati sunt, ut ipsum causam dicere in Concilio cogerent, Hyrcanus autem Herodem ad causam in Concilio dicendam adesse iussit. Ille vero in Concilium cum cohorte sua progressus ades terruit omnes, ut nemo ad accusandum accedere auderet. Silentibus autem omnibus unus Sameas, vir iustus, dixit. Viri ex Concilio, & Rex, credo neminem vestrum vidisse unquam similem huic aliquem in hoc Concilio consistentem. Nam qui huc accedere consueverunt, ut causam dicant, humiliter astare, & misericordiam à vobis postulare promissis, & veste atrata soliti sunt. hic vero de cæde causam dicturus, adest purpuratus, et capite ornato, armisque stipatus, ut si condemnatus ex lege fuerit, nos morte afficiat, ipse vero vi facta veritati euadat. Verum Herodem non accuso, siquidem commodo suo, non legi consuluit, sed vos, aut regem, qui ei tantam licentiam tribuistis. Vnum scitote, maximum esse Deum. Quare hic, quem nunc propter Hyrcanum dimittere vultis, quandoque vos, et ipsum regem tor-

*quebit. Hyrcanus autem cum vidisset, iudices ad necem Herodis propendentes, iudicium in posterum diem distulit, & clam monuit, ut urbe abiret.*

Iudæa inde post Aristobulum victum in potestatem Ro. redacta, ac prouincia facta Antipatrum Herodis patrem procuratorem accepit, eo iure, ut nec pontifex Concilium ipso inscio, atque inuito procuratore conuocare, nec Concilium sine auctoritate procuratoris Rom. in damnatum animaduertere possent. ut scribit Iosephus libro vicesimo, vbi de Sancto Iacobo fratre Domini loquitur.

Inde P. Gabinius, ut idem prodit, Syriæ proconsul ab Alexandro Aristobuli filio prouocatus noua victoriam parta rursus Iudæam constituit. etenim quattuor Concilijs additis gentem in quinque partes distribuit, quarum vna, teste Iosepho, Hierosolymis egit, altera Gadaris, tertia Amathunte, quarta Hiericunte, quinta Sephoris Galilææ. Quare cum quinque concilia essent, merito Christus ad apostolos dixit x apud S. Matthæum: *Cauete ab hominibus. tradent enim vos in concilijs.* (Græce εις συνδολια, idest in Concilia) & *in synagogis flagellabunt vos.*

Post autem Herodes rex à Romanis appellatus, ac Hierosolymorum potitus, ut idem tradit Iosephus, epistolas quasdam Hyrcani suspiciosas huic Concilio indicauit, atque illum iam regno orbatum, ut Sameas vaticinatus fuerat, interemit, & lxx seniores morte affecit. atque eis humiliores alios subdidit, ut Talmudistæ quoque cum Philone notarunt. qui scripsit in libro de Temporibus: *Herodes anno xxx principatus sui Sanhedrin ex domo David sustulit.*

Mortuo inde Herode, atque Archelao filio eius rege

ab Augusto Imp. Viennam relegato, Iudæa iterum prouincia Romanorum facta procuratori subiecta, Herodæ Antipa Herodis regis filio Galileam nomine Tetrarchæ tenente. Quo tempore Pharisei, & Sadducei magnas in Concilio opes habuerunt, (hæ duæ hæreses Assamoneorum, vt dixi, temporibus excitatæ tum ciuitatem præcipue obtinebant,) quod ex senioribus, sacerdotibus, scribis, & principibus alij in vna, alij in altera hæresi verlareretur. Quare Christus, qui per hos annos Euangelium docuit, sæpe huius Concilij, & eorum, qui illud inierunt, mentionem fecit. Primum enim cum quodam die sermonem longum in monte instituisset, ac correctionem veteris legis afferret, nouasq. pœnas homicidio constitueret, peritus moris Iudaici spirituales pœnas temporarijs ipsis, quæ tum ex lege vsurpabantur, expressit, Iudicium nominans, & Concilium. Quemadmodum enim dictum erat in psalmo: *Impij non resurgent in Iudicio, neque peccatores in Concilio iustorum*, sic ipse dixit: *Audistis dictum esse antiquis: Non occides, qui autem occiderit, reus erit Iudicio. Ego autem dico vobis, quod omnis, qui irascitur fratri suo, reus erit Iudicio. qui autem dixerit fratri suo racha, reus erit Concilio, qui autem dixerit fatue, reus erit gehenna ignis.* Quibus verbis significauit, maius periculum impendere ei, qui reus ad Concilium adducatur, quam ei, qui ad Iudicium, quoru illud *curia* dicitur, hoc *ἄγριον* S. Matthæus vocauit. nam vt in Iudicio crimina leuiora, in Concilio grauiora disquirebantur, sic in illo pœnæ leuiiores, in hoc acerbiores infligebantur. nam gehennam locum fuisse tradunt, quo cadauera damnatorum cremanda projiciebantur. S. autem Augustinus longe aliter interpretatur inquiens: *Tres reatus sunt, iudicij, concilij, & gehennæ ignis.* Nam in iudicio adhuc defensionem datur locus in concilio autem



tem, quanquam & iudicium esse soleat, tamen quia interest se aliquid hoc loco fateri cogit ipsa distinctio, videtur ad Concilium pertinere sententiae prolatio, quando non iam cum ipso reo agitur, utrum dānandus sit, sed inter se qui iudicant, conferunt, quo supplicio damari oporteat, quem constat esse damnandum. Apparet autem, ipsum iudicialis rationis Hebraicae notionem non habuisse. Alio inde loco Christus præmonens, discipulos suos de morte, qua afficiendus esset à Concilio Hierosolymitano, dixit item apud S. Matthæum xv 1: *Se oportere ire Hierosolymam, & multiplicari à Senioribus, & Scribis, & Principibus sacerdotum, & occidi, & tertia die resurgere.*

Inde cum prædicatio eius omnibus innotuisset, ac legi veteri officere videretur, præcipue hoc Concilium ei obfistere institit. Sic enim scripsit S. Lucas xx: *Principes sacerdotum, & Scriba cum Senioribus quesiverunt à Christo: Dic nobis, in qua potestate hæc facis? aut quis dedit tibi hanc potestatem? cumq. eo modo capere non potuissent, obsecrantes miserunt insidiatores, qui se iustos simularent, ut caperent eum in sermone, & traderent illum principatui, & potestati præsidis, & interrogauerunt eum dicentes, Licet nobis tributum dare Cafari, an non? Et Ioannes xi: Quidam ex ipsis abierunt ad Pharisaos, & dixerunt eis, quæ fecit Iesus. Collegērunt ergo Principes sacerdotum, & Pharisei Concilium, & dicebant. Quid facimus? quia hic homo multa facit. si dimittimus eum, sic omnes credent in eum, & venient Romani, & tollent locum nostrum, & gentem. Unus autem ex ipsis Caiphas nomine, cum esset pontifex anni illius, dixit eis: Vos nescitis quidquam, nec cogitatis, quia expedi: vobis, ut unus homo moriatur pro populo, & non tota gens pereat. ab illo ergo die cogitauerunt, ut interficerent eum. & post: Dederunt Principes sacerdotum,*

*& Pharisei mandatum, ut si quis cognouerit, ubi sit, indicet, & apprehendant eum.*

Inde sequutum est ipsum Concilij iudicium omnium celebratissimum, in quo idem morte condēnatus, atque affectus est. Id vero pluribus locis Euāgelistarum in vnū collatis exponetur, quòd ex eo mos huius Iudicij facilius, quàm ex vlllo alio, percipi possit. Ordinem autem actæ rei, nullo citato præcipuo loco, quòd singula notissima sint, exequemur. Conuocati quippe sunt Principes sacerdotum, & Scribæ, & Seniores populi in atrium Pōtificis, qui dicebatur Caifas, & consilium inierunt, quem admodum Christum dolo tenerent, & interficerent. Iudas autem vnus de duodecim discipulis Christi accessit ad eos tum, & pollicitus est, se illum traditurum, si sibi triginta denarios darent, & accepta pecunia abiit, quærens opportunitatem tradendi eum sine turbis. Interim Iesus pascha cum discipulis suis celebrauit, cænamq. vltimam fecit, in qua se proditū iri ab vno eorū dixit. tū mysterijs omnibus perfectis exiit cum Petro, & filiis Zebedæi in hortum extra urbem, atque orationi se tradidit. Tum Iudas ministris, & cohorte à Principibus sacerdotum, & Senioribus populi, & Magistratibus templi acceptis, nocte accessit, atque illum prodidit. Iesus autem dixit ad eos, quæ ad se conuenerant, turbas. Tanquam ad latronem existis cum gladijs, & fustibus, vt me capere- tis; cum quotidie essem vobiscum in Templo, in me manus non iniecistis. Cohors autem, & tribunus, & ministri Iudæorum eum corripuerunt, & vinctum adduxerūt ad Caifam, qui erat pontifex illius anni. pontifex autem interrogauit illum de discipulis, & doctrina sua. qui vero tenebant eum, illuserunt ei cædentes eum. alij vero Petrum discipulum eius ad focum stantem varie fatigauerunt:

runt. Vbi vero illuxit, cōuenere Seniores populi, Principes sacerdotum, & Scribæ cum vniuerso Concilio, vt eū morti traderent, & duxerunt illum in Concilium suum, quærentes falsum testimonium aduersus eum, & non inuenerunt. Tum dixerunt: Si tu es Christus, dic nobis. Quibus ille. Si dixero vobis, non credetis mihi, neque dimittetis. ex hoc autem erit filius hominis sedēs à dextris virtutis Dei. Dixerunt autem omnes. Tu ergo filius Dei es? qui respondit. Vos dicitis, quia ego sum. Tum illi dixerunt. Quid desideramus testimonium? ipsi enim audiui-  
mus ex ore eius. & reum mortis condemnauerunt. Et surgens omnis multitudo duxerunt eum à Caipha in prætorium ad Pilatum præsidem, vt eum morti traderent. Exiit autem Pilatus ad eos foras, & dixit. Quod crimen obieciſtis homini huic? responderunt, si non esset hic facinorosus, non tradidissimus eum tibi. Dixit eis Pilatus: Accipite eum vos, & secundum legem vestram iudicate. Dixerunt Iudæi. Non licet nobis interficere quenquam. Hunc inuenimus subuertentem gentem nostram, & prohibentem tributa dari Cæsari, & dicentem se Christum esse regem. Pilatus autem rogauit eum, num esset Christus rex Iudeorum? Cui ille. Tu dicis. Pilatus autem ad Principes sacerdotum, & turbam: Nullum crimen inuenio in hoc homine. At illi inualescebant dicentes: Commouet populum docens per vniuersam Iudæam incipiens à Galilæa vsque huc. Pilatus autem audiens Galilæam rogauit, num Galilæus esset, & vt cognouit, eum Herodis ditionis esse, misit ad Herodem, qui Hierosolymis erat. Herodes autem cum nullum responsum ab eo elicere potuisset, spreuit, & remisit ad eum indutum veste alba. Pilatus autem cōuocatis Principibus sacerdotum, & Principibus, & populo, dixit. Obtulistis mihi hominem hunc,  
quasi



quasi auertentem populum, ego vero nullum crimen inuenio, sed neque Herodes. Cum autem moris esset, vt per diem festum præsēs vinctum vnum populo dimitteret, quem vellent, & latronem insignem in vinculis haberet, nomine Barrabam, rogauit populum, vtrum vellet dimitti, Barrabam, an Iesum? illi à Principibus sacerdotum, & Senioribus incitati, dixerunt, Barrabam. Tum ille. Quid faciam de Iesu? dixerunt. Crucifigatur. Tum Pilatus. Nullum crimen inuenio in eo. Responderunt. Nos legem habemus, & secundum legem debet mori, quia filium Dei se fecit. Quærente autem Pilato dimittere Iesum, clamauere Iudæi. Si hunc dimittis, non es amicus Cæsaris. Omnis enim, qui regem se facit, contradicit Cæsari. Videns autem Pilatus se nihil proficere, sedens pro tribunali, lauit manus coram populo dicens: Innocens ego sum à sanguine huius, vos videbitis. respondit autem vniuersus populus: Sanguis eius super nos, & super filios. Tunc Pilatus volens populo satisfacere, adiudicauit fieri petitionem eorum, vt crucifigeretur. Tunc milites susceperunt Iesum, & eduxerunt eum portantem sibi crucem in Caluarie locum, & hora sexta crucifixerunt. Ex his apparet, cum dictum est, conuocatum esse summo mane Concilium, atque eos duxisse Christum in Concilium suum, conuocatum esse in Gazit. atq. eò è domo pontificis adductum esse Christum, ibiq. morti obnoxium esse, sanctitum. inde à populo mortis genus esse indictum. eaq. Pilati præsidis sententia comprobata.

Tertium inde huius Concilij iudicium, vt ordinem temporum persequamur, memoratur in Actis, vbi de S. Petro, & S. Ioanne agitur cap. i i i, & i i i i: *Petrus & Ioannes cum templum ingredientes claudum quendam ab utero matris sanassent, & mirante populo multa super ea re ver-*

da facerent, superuenere principes sacerdotū, magistratus tēpli, & Sadducaei dolentes, quod populum docerent, & annūciarent in Iesu resurrectionem mortuorum, & iniectis manibus condiderunt in carcerem. Postridie vero congregati sunt Principes eorum, Seniores, et Scribae in Hierusalem, & Annas principes sacerdotum, & Caifas, & Ioannes, & Alexander, & quot quot erant ex genere sacerdotali. & statueres eos in medio rogabant, in qua virtute haec fecissent? & mox: Iusserunt autem, eos extra Concilium secedere. Hoc enim in loco Caifas erat pontifex, Anna pontificius, sed potestatem pontificis Caifae generi sui gerebat, Ioannes, & Alexander, ut supra diximus, erant principes sacerdotum.

Quartum est cap.v. ubi agitur de Apostolis prodigia facientibus: Exurgens autem pontifex, & omnes Sadducaei qui cum illo erant, repleti sunt zelo, & iniecerunt manus in apostolos, & posuerunt eos in custodia publica. adueniens in de pontifex, & qui cum eo erant, convocauere Concilium, & omnes seniores (Graece πῶλον γεροντων) filiorum Israel. & miserunt ad carcerem, ut adducerentur. ut autem neminem in carcere inuentum audiuerunt, magistratus tēpli, & princeps sacerdotum ambigebant de illis, quidnam fieret. Tunc abiit magistratus cum ministris, & adduxit illos sine vi, & cum adduxisset, statuerunt in Concilio. quos monuit pontifex, ne verba facerent in nomine Iesu. Cum autem respondisset Petrus, Deo magis, quam illis, obedire oportere, surgēs quidam in Concilio Phariseus, nomine Gamaliel, legis doctor, iussit eos paullulum foras secedere. Denum: Et convocantes apostolos casis denunciauerunt, ne omnino loquerentur in nomine Iesu, & dimiserunt eos.

Quintum iudicium fuit S. Stephani cap.vi: Tunc submiserunt viros, qui dicerent, se audiuisse eum dicentem ver-

ba blasphemia in Moisen, & Deum. commouerunt itaq. plebem, & seniores, & scribas, & concurrentes rapuerunt eum, & adduxerunt in Concilium. & statuerunt falsos testes, qui dicerent: Homo iste non cessat loqui aduersus locum sanctum, & legem. & post multa: Exclamantes voce magna continuerunt aures suas, & impetum fecerunt unanimiter in eum.

Sextum extitit S. Pauli cap. xxi i i: Tribunus timuit, postquam audiuit, Paulum ciuem Ro. esse, & vinctum. post die vero scire cupiens diligentius, cur accusaretur a ludais, soluit eum, & iussit principes sacerdotum conuenire, & totum Concilium. intendens autem in Concilium Paulus, ait: Viri fratres, ego omni conscientia bona conuersatus sum ante Deum usque in hodiernum diem. Ananias autem pontifex. praecepit assistantibus, ut os eius percuterent. Tum Paulus dixit ad eum. Percutiet te Deus paries dealbate. & tu sedens iudicas me secundum legem, & contra legem me percuti iubes. Et qui astabant, dixerunt. Summum sacerdotem Dei maledicis? Dixit autem Paulus: Nesciebam fratres, quia princeps es sacerdotum. Scriptum est enim: Principem populi tui non maledices. Sciens autem Paulus, quia una pars esset Sadduceorum, & altera Phariseorum, exclamauit in Concilio. Viri fratres, ego Phariseus sum, filius Pharisai. de spe, & resurrectione mortuorum ego iudicor. & cum hac dixisset, facta est dissensio inter Phariseos, & Sadduceos & soluta est multitudo.

Septimum fuit S. Iacobi minoris. de quo sic Iosephus lib. xx: Ananus pontifex ab Agrippa rege factus audacia praestitit, & ut Sadduceus, acerbus in iudicijs fuit. putans autem se idoneam occasionem natum, quia Festus procurator vita cessisset, Albinus vero adhuc in itinere esset, conuocat concilium iudicum, & ad id adducit Iacobum fratrem Iesu,



Iesu, qui dicebatur Christus, & quosdam alios crimine ob-  
tato, quod legem violassent. Qui vero moribuserant mitiori-  
bus, egre hoc tulerunt, & clam ad regem miserunt, hortan-  
tes, ut Ananum ab eiusmodi incepto reuocaret. Quidam  
vero eorum etiam Albino obuiam prodierunt, eumq. docuc-  
runt, non licere Anano, iniussu eius concilium conuoca-  
re. Quare Albinus mandauit Anano, ne quid tale tenta-  
ret, nisi pœnas dare vellet, atque ei propterea pontificatum  
ademit.

Octauum fuit S. Matthiæ apostoli, ut est in vita eius:  
Cum Matthias instantius de Iesu sermonem faceret, Ju-  
dæi zelo repleti duxerunt eum vincientes, & nunciauerunt  
pontifici, & senioribus. Iesu discipulum comprehendimus,  
quem subuertentem populum in Synagogis deprehendimus.  
illi adduci iusserunt. Abeuntes igitur cum ministris addu-  
xerunt in Concilium. Quem multis allocutus est pontifex.  
cui respondit Matthias, Christe seruus sum. Tunc pontifex  
obturans aures suas, & stridens dentibus, ait, Blasphema-  
uit Matthias. Audiat legem. Qui blasphemauerit nomē Do-  
mini morte moriatur, lapidibus obruet eum omnis multitu-  
do. atque ita damnatum ad locum Lapidationis perdu-  
xerunt.

Nonum iudicium est apud Iosephum lib. IIII Belli,  
vbi scribitur: Septuaginta plebeiorum honestissimos ex præ-  
cepto conuocant ad iudicium speciem, potestate carentes,  
& apud eos Zachariam, quasi res proderet Romanis, ac-  
cusant.

Decimi mentio fit anno eo, quo vrbs Hierusalem à  
Tito euerfa est, apud Iosephum Gorionis. Conuocauit, in-  
quit, Indices populi, & septuaginta Seniores, qui etiam Sa-  
nhedrin dicuntur, dixitq. Iehocanam ad omnes sacerdotes,  
& seniores, & iudices: Nisi iudicaueritis quoscunq. ad vos  
addu-

*adducemus, pro arbitrio nostro, omnes moriemini.*

Atque hæc quidem de Concilio Hierosolymitano à nobis dicta sint. in quo rei capitalis præcipue apud Hebræos tractata cognitio est.

## De Pœnis. Cap. VIII.

**H**I S expositis, deinceps sequi videtur, vt pœnarum, aut suppliciorum genera demonstramus. Harum vero in lege hæc ferme nomina inueniuntur, restitutio, multa, talio, verberatio, exilium, venditio, mors.

Restitutio, vt Exodi **xxi i** : *Si quis furatus fuerit bouē, aut onem, & occiderit, vel vendiderit, quinque boues pro vno boue restituet, & quatuor onēs pro vna onē.*

Multa, vt ibidem cap. **xxi** : *Si quis percusserit mulierem prægnantem, & abortiuum quidem fecerit, sed ipsa vi-xerit, subiacebit damno, quantum maritus mulieris expeti-uerit, & arbitri indicauerint.*

Talio, vt in ijs, quæ ibi subiiciuntur : *Sic autem mors eius fuerit subsequuta, reddet animam pro anima, oculum pro oculo, dentem pro dente, manum pro manu, pedem pro pede, adustionem pro adustione, vulnus pro vulnere, liuorē pro liuore.*

De verberatione Deuterono. **xxv** : *Sic autem qui peccauit, dignum viderint plagis, prosternent, & coram se facient verberari. Pro mensura autem peccati erit & plagarum modus. ita duntaxat, vt quadragenarium numerum non excedant, ne fade laceratus ante oculos tuos abeat frater tuus,*

Venditio, vt **xxi i** : *Si fur non habuerit, quod pro furto reddat, ipse venundabitur.*

Exilium, vt **xxi** : *Qui non est insidiatus, sed Deus illū*

*tradidit in manus eius, constituam sibi locum, in quem effu-  
gere debeat.*

Necis autem genera tria in lege nominatim exprimū-  
tur, cōbustio, crucifixio, & lapidatio, reliqua sub hoc no-  
mine generali *Occisio*.

Combustionis mentio fit Leuitici xx: *Qui supra vx-  
orem filiam duxerit matrem eius, scelus operatus est. uiuus  
ardebit cum eis. nec permanebit tantum nefas in medio  
uestri.*

Crucifixionis lex traditur à Deo, xxi Deuterono-  
mij: *Quando peccauerit homo, quod morte plectendum est,  
et adiudicatus morti appensus fuerit in patibulo, non perma-  
nebit cadauer eius in ligno, sed in eadem die sepelietur, quia  
maledictus à Deo est, qui pendet in ligno, & nequaquam  
contaminabis terram tuam, quam Dominus Deus tuus de-  
derit tibi in possessionem.* Inde scriptum est Iosue octauo:  
*Iosue regem Hai suspendit in patibulo usque ad vesperam,  
& solis occasum, praecepitq. Iosue, & deposuerunt cadauer  
eius de cruce, proieceruntq. in ipso introitu ciuitatis.* Græ-  
cus autem interpretes neque patibulum, neque crucem no-  
minat, sed lignum geminum vocat, quòd ex duobus li-  
gnis crux constitueretur. & x: *Suspendit Iosue quinque re-  
ges super quinque stipites, fueruntq. suspensi usque ad ve-  
speram. cumq. occumberet sol, praecepit socys, ut deponerent  
eos de patibulis.* Inde secundo Regum xxi: *Gabaonitæ cru-  
cifixerunt filios Saulis permittente Dauide rege in monte co-  
ram Domino, idest coram tabernaculo, quod tum erat in  
Gabaon.* & vi i Esther: *En lignum, quod parauerat Mar-  
docheo, stat in domo Aman habens altitudinis quinquagin-  
ta cubitos, cui dixit rex. Appendite eum in eo. suspensus est  
itaque Aman in patibulo, quod parauerat Mardocheo.* &  
primo Esdræ cap. vi: *A me positum est decretum, ut omnis*



*homo, qui hanc mutauerit iussione, tollatur lignum de domo ipsius, & erigatur, & configatur in eo. Et Actuum v de Christo: Quem vos interemistis suspendentes in ligno. de qua cruce dixit Dauid psalmo xxi: Foderunt manus meas, & pedes meos, dinumerauerunt omnia ossa mea.*

Nullum autem occurrit crucifixionis exemplum iudicio constituta, nisi vnum iudicio Dei, alterum vero Concilij. De priore scriptum est xxv Numerorum: *Iratus Dominus contra eos, qui fornicati erant cum filiabus Moab, ait ad Moysen: Tolle cunctos principes populi, & suspende eos contra solem in patibulis, ut auertatur furor meus ab Israel.* De posteriore, quo Christus est condemnatus, agitur in Euangelijs. Nam qui è Concilio erant, postquam iudicarunt eum reum esse mortis, adduxerunt ad Pilatum procuratorem, ut morti traderet, narrantes, eum se regem Iudæorum vocare. *Quibus demum Pilatus dixit: Quid ergo vultis faciam regi Iudæorum? At illi clamauerunt, crucifige eum. Pilatus autem volens populo satisfacere, tradidit Iesum flagellis caesum, ut crucifigeretur. & titulum criminis inscripserunt: Rex Iudæorum. & cum eo crucifigunt duos latrones, unum à dextris, et alium à sinistris. Iudæi ergo, quoniam Parasceue erat, ut non remanerent in cruce corpora Sabbato, rogauerunt Pilatum, ut frangerent eorum crura, & tollerentur. Venerunt ergo milites, & primi quidem fregerunt crura, & alterius, qui crucifixus est cum eo, ad Iesum autem cum venissent, ut viderunt eum iam mortuum, non fregerunt eius crura, sed unus militum lancea latus eius aperuit, & continuo exiit sanguis, & aqua. Credo autem eos crucifigi postulasse non legibus suis, sed Romanis, nam qui perduellionis erat compertus, is in crucem agebatur, ut in libris de Iudicijs Romanorum ostendimus. Christum autem maiestatis reum fecerant, quod*

quòd se regem Iudæorum assereret, cum solus rex esset  
 Caesar. Mos etiam fuit, vt crucifixi cognatis ad sepultu-  
 ram concederentur, quod & in Christo seruatum est, &  
 in alijs, vt prodit Philo in Flaccum. *Novi quosdā, inquit,  
 iam crucifixos instante festo Augustorum de cruce deposi-  
 tos, & ad sepulturam ex more cognatis redditos.*

De lapidatione autem hæc inuenimus. Lapidibus præ-  
 cipue appetiti sunt, qui in Deum deliquerunt, idest qui  
 alienos Deos coluerunt, qui Deo maledixerunt, qui sab-  
 bata neglexerunt, & qui adulterium commiserunt. Qui  
 vero eiusmodi rem cõpertam habuit, is testimonio red-  
 dito primus lapides iccit, populus vero excipiens homi-  
 nem lapidibus extra urbem est persequutus, donec mor-  
 tem oppeteret. Sic enim præcipitur Leuitici *xxiiii*:  
*Educ blasphemum extra castra, & ponant omnes, qui au-*  
*dierunt, manus super caput eius, & lapidet eum uniuersus*  
*populus. Nam qui maledixerit Deo suo, portabit peccatum*  
*suum, & qui blasphemauerit nomen Domini, morte moria-*  
*tur lapidibus obruct omnis multitudo populi, siue ille ciuis,*  
*siue peregrinus fuerit. Inde Deuteronomij *xxii*: Qui sua*  
*scribit, vt seruiatur Deis alienis, non parcat ei oculus tuus, &*  
*miserearis, & occultes eum, sed statim interficies. Sit primū*  
*manus tua super eum, & post te omnis populus mittat ma-*  
*num, lapidibus obrutus necabitur. Item *xvii*: Vir, aut mu-*  
*lier, qui facient malum in conspectu Domini Dei sui, &*  
*transgredientur pactum illius, vt vadant, & seruiant dñs*  
*alienis, & adorent eos, & hoc tibi fuerit nunciatū, audiēs q.*  
*inquisiueris diligenter, & verum esse repereris, & abomina-*  
*tio facta est in Israel, educes virum, ac mulierem, qui rem*  
*sceleratissimam perpetrarunt ad portas ciuitatis tue, & la-*  
*pidibus obruentur. in ore duorum, aut trium testiū peribit,*  
*qui interficietur. nemo occidatur, vno contra se dicente testi-*  
*monium.*

monium. manus testium prima interficiet eum, & manus reliqui populi extrema mittetur, vt auferas malum de medio tui. & xv Numerorum: Cum essent filij Israel in solitudine. & inuenissent hominem colligentem ligna in die sabbati, obtulerunt eū Moysi, & Aaron, et vniuersa multitudini. Qui recluserunt eum in carcerem, nescientes, quid super eo facere deberent. Dixitq. Dominus ad Moysen: Morte moriatur homo iste. obruat eum lapidibus omnis turba extra. cumque eduxissent eum foras, obruerunt eum lapidibus, & mortuus est. De adulteris vero sic Deuteronomij xxi: Si puellā virginem desponderit vir, & inuenerit eam aliquis in ciuitate, & cōcubuerit cum ea, educes vtrumque ad portam ciuitatis illius, & lapidibus obruentur, puella, quia non clamauit, cum esset in ciuitate, vir, quia humiliauit uxorem proximi sui.

Hæc ferme de lapidatione scripta in lege reperiuntur. Extra legem etiam aliquot exempla eius memoria consecrata sunt. vt blasphemiam tertio Regum xxi: Viri dialogici dixerunt contra eum testimonium coram multitudine. Benedixit Naboth Deum, & regem. quamobrem eduxerunt eum extra ciuitatem, et lapidibus interfecerunt. Benedixit bono vocabulo, pro maledixit vsurpabāt. Itē apud Ioannem x: De bono opere nō lapidamus te, sed blasphemiam. & vi Actuum de S. Stephano: Tunc submiserunt viros, qui dicerent, se audiuisse, eū dicentem verba blasphemiam in Moysen, & Deum. Cominouerunt itaq. plebem, & seniores, & scribas, & concurrentes rapuerunt eum, & adduxerūt in Concilium, & statuerunt falsos testes, qui dicerent: Homo iste non cessat loqui verba aduersus locum sanctum, et legē. & post vbi Stephanus verba fecit, subiicitur: Exclamantes autem voce magna continuerunt aures suas, & impetū fecerunt vnanimiter in eum. & eicientes eum extra ciuitatem



*rem lapidabant. & testes deposuerunt vestimenta sua secus pedes adolescentis, qui vocabatur Saulus. Item de S. Matthia apostolo, qui blasphemasse arguebatur: Cum conduxissent ad locum Lapidationis, testes duo secundum legis mandatum posuerunt manus suas super eum, ac primi lapides iecerunt. De adultero sic Ioannes vii 11: Adducunt Scribae, & Pharisei mulierem in adulterio deprehensam, & stauerunt eam in medio, & dixerunt ei. Magister, haec mulier modo deprehensa est in adulterio. in lege autem Moyses mandauit nobis huiusmodi lapidare. Tu ergo quid dicis? Quibus ille dixit: Qui sine peccato est vestrum, primus in illam lapidem mittat. Ergo, vt dixi, condemnatio ad Conciliū, animaduersio ad populum pertinebat.*

*Reliqua occisionis genera minus celebrata. vt decollatio. de qua S. Matth. xiii: Et decollauit Herodes rex Ioannem in carcere. nam strangulationis, aut suspendii nulla mentio reperitur, nisi Iudæ proditoris, qui suspendio crepuit medius. Ac de iudicijs quidem hæc hæctenus.*



CAROLI SIGONII

# DE REPUBLICA HEBRÆORVM LIBER VII.

Qui inscribitur de magistratibus.

De Generibus Magistratuum. Cap. I.



ONSILIIIS, ac Iudicijs subijciuntur ordine magistratus. quippe qui Consilijs, & Iudicijs præfuerunt, aut omnino sua auctoritate partem publicæ Consultationis, & Iudicationis aliquam attigerunt. Hi à Græco interprete ἀρχοντες, à Latino Principes conuertuntur. Quoniam autem ἀρχων est non solum præesse, ac ducem esse, sed etiam imperare, atque iubere, propterea vis in magistratu insita duplex est, vna, vt populo præsit, eiq. quæ sunt facienda præscribat, altera vt ius dicat, ac iudicet, siue, vt scriptura loquitur, *iudicium, ac institutam faciat*. Quare magistratus in sacra historia aliquando duces populi, aliquando Iudices appellantur. Id quod clare perspicui potest in Regibus. Hi enim vere & populi duces fuisse, & populum iudicasse dicuntur. De ducatu elicitur ex primo Regum nono, vbi Deus dixit de Saule: *Vnges eum ducem super populum meum Israel*. Et quinto secundi ad Davidem: *Tu pasces populum meum Israel, et eris*

eris dux super Israel. & post David de Salomone primo tertij: Salomon regnabis pro me, illiq. precipiam, ut sis dux super Israel, & super Iudam. De iudicio vero extat primo Regum, ubi dixit populus ad Samuelem: *Constitu nobis regem, ut iudicet nos.* & octauo secundi: *David rex faciebat iudicium, & iustitiam cuncto populo.* Et primo secundi Paralipomenon ad Salomonem: *Idcirco Deus posuit te super Israel regem, ut facias iudicium, & iustitiam.* Vnde Psalmo 1x: *Fecisti iudicium meum, & iustitiam meam, sedisti super thronum, qui iudicas iustitiam.* idest præstitisti, quæ tradidi tibi facienda in lege mea. omnibus enim his in locis est Græce *ἡγοία*, *Δίκη*, & *δικαιοσύνη*, quæ respondent illis verbis, quæ mandauit Deus in lege, *ἡγοία*, & *δικαιοσύνη*, idest Iudicia, & Iustificationes, quibus ratio præscribitur, qua impius condemnatur, & innocens absoluitur. Est enim magistratus animata, & loquens lex, siue legis executor, & vindex. Atque vtrum que quidem ius in magistratum conuenire, & ducis, & Iudicis, docuit etiam Aegyptius quidam Exodi secundo aduersus Moysen, qui hominem Aegyptium interfecerat, inquiring: *Quis te constituit Principem, aut Iudicem super nos?* Ducatum vero exercuerunt in bello gerendo, & de rep. consultando, iudicationem in iure reddendo.

Hæc autem potestas siue ducendi, siue iudicandi primum Moysi data est in populum Hebræorum, etiam antequam lex scriberetur, tum cum Deus ei mandauit, ut populum seruitute regis oppressum ex Aegypto educret. Itaque ille primis diebus volentem populum, ac senatum ad consilia aduocauit, & sine iudicibus. aut magistratibus ullis iura eisdem volentibus reddidit. Post autem cum Iethro focer eius ad eum in solitudine agerem primo anno venisset, atque assiduam eius operam in caus





CAROLI SIGONII

# DE REPUBLICA HEBRÆORVM LIBER VII.

Qui inscribitur de magistratibus.

De Generibus Magistratuum. Cap. I.



ONSILIIS, ac Iudicijs subiiciuntur ordine magistratus. quippe qui Consilijs, & Iudicijs præfuerunt, aut omnino sua auctoritate partem publicæ Consultationis, & Iudicationis aliquam attigerunt. Hi à Græco interprete ἀρχοντες, à Latino Principes conuertuntur. Quoniam autem ἀρχων est non solum præesse, ac ducem esse, sed etiam imperare, atque iubere, propterea vis in magistratu insita duplex est, vna, vt populo præsit, eiq. quæ sunt facienda præscribat, altera vt ius dicat, ac iudicet, siue, vt scriptura loquitur, *iudicium, ac insiniam faciat*. Quare magistratus in sacra historia aliquando duces populi, aliquando Iudices appellantur. Id quod clare perspicui potest in Regibus. Hi enim vere & populi duces fuisse, & populum iudicasse dicuntur. De ducatu elicitur ex primo Regum nono, vbi Deus dixit de Saule: *Vnges eum ducem super populum meum Israel*. Et quinto secundi ad Dauidem: *Tu pascas populum meum Israel*, et  
cri

*eris dux super Israel. & post Dauid de Salomone primo tertij: Salomon regnabit pro me, illiq. precipiam, ut sis dux super Israel, & super Iudam.* De iudicio vero extat primo Regum, ubi dixit populus ad Samuelem: *Constitu nobis regem, ut iudicet nos. & octauo secundi: Dauid rex faciebat iudicium, & iustitiam cuncto populo.* Et primo secundi Paralipomenon ad Salomonem: *Idcirco Deus posuit te super Israel regem, ut facias iudicium, & iustitiam.* Vnde Plalmo 1x: *Fecisti iudicium meum, & iustitiam meam, sedisti super thronum, qui iudicas iustitiam.* idest præstitisti, quæ tradidi tibi facienda in lege mea. omnibus enim his in locis est Græce *ῥῆσις*, *Δίκη*, & *Δικαιοσύνη*, quæ respondent illis verbis, quæ mandauit Deus in lege, *ῥησῖματα*, & *Δικαιώματα*, idest Iudicia, & Iustificationes, quibus ratio præscribitur, qua impius condemnetur, & innocens absoluator. Est enim magistratus animata, & loquens lex, siue legis executor, & vindex. Atque vtrumque quidem ius in magistratum conuenire, & ducis, & Iudicis, docuit etiam Aegyptius quidam Exodi secundo aduersus Moysen, qui hominem Aegyptium interfecerat, inquiens: *Quis te constituit Principem, aut Iudicem super nos?* Ducatum vero exercuerunt in bello gerendo, & de rep. consultando, iudicationem in iure reddendo.

Hæc autem potestas siue ducendi, siue iudicandi primum Moysi data est in populum Hebræorum, etiam atque quam lex scriberetur, tum cum Deus ei mandauit, ut populum seruitute regis oppressum ex Aegypto eduiceret. Itaque ille primis diebus volentem populum, ac senatum ad consilia aduocauit, & sine iudicibus. aut magistratibus ullis iura eisdem volentibus reddidit. Post autem cum Iethro focer eius ad eum in solitudine agētem primo anno venisset, atque assiduam eius operam in caus

sis cognoscendis animaduertisset, auctor fuit, vt rerum leuiorum cognitionem præfectis aliquot, viris sapiētia, atque æquitate præstantibus traderet, ipse vero sibi grauiora, in primisq. ad Deum pertinentia reseruaret. Quâ iurisdictionem ille deinde moriens tradidit Iosue Naue filio, ei, qui populum in terram Chananæam induxit. Quo mortuo populus rep. à Deo tradita vti cœpit. Sic enim dixerat Moises anno quadragesimo in terra Moab loquens de ijs, quæ facienda essent, vbi terram Chananæam obtinuissent: *Non facietis ibi, quæ nos hic facimus hodie singuli, quod sibi rectū videtur. neque enim vsque in præsens tempus venistis ad requiem, & possessionem, quam Dominus Deus vester daturus est vobis.*

Ceterum, cum resp. triplex fuerit, nimirum vniuersi populi, singularum tribuum, & singularum vrbium, propterea magistratus in varia distributa genera sunt. Ac magistratus quidem vniuersi populi fuere primum Iudices, deinde Reges, tum Principes, denique iterū Reges, qui in vrbe metropoli confederunt. In singulis autem tribubus Phylarchi, & Patriarchæ, in singulis vero vrbibus Principes ciuitatum, siue iudicum, nempe Tribuni, Centuriones, Quinquagenarij, & Decani. de quibus singulis res postulat vt separatim agatur.

## De Iudicibus Israël.

## Cap. II.

QUI ergo primam Hebræorum rep. idest aristocratiam in terra Chananæa gesserunt, cum duplicem potestatem & ducendi, & iudicandi haberent, tamen non à ducatu Duces, sed à Iudicio, tãquam à parte potiore vocati Iudices sunt, idest homines condemnandi, & absol-  
uendi ius, atque auctoritatem ex lege habentes. Quod  
vt



vt exprimerent Græci, duo verba adhibuerunt κριτὴν, & δικάστην, κρίνειν, & δικάζειν, κρίσιν, & δικάσιωσιν, vt duo legis iussa in hoc magistratu præcipue inclusa significarent, Iudicium, & Iustificationem, quæ in lege, vt iam sæpe pro re præcipue animaduertēda monui, κρίμα, & δικάσιμα dicta sunt. siquidem de Othoniele, Aod, & Debora dixerunt, ἔκρινον, idest Iudicarunt Israel, de Samuele vero ἐδίκησε, & filios eius à patre ad iudicandum constitutos non κριτὰς vt ceteros, sed δικάστὰς appellarunt. & secundo Baruch dicuntur οἱ δικάται οἱ δικάσαντες ἰσραήλ.

Ergo horum Iudicum hæc præcipua auctoritas fuit, vt iudiciorum, consiliorum, & bellorū principatum teneant. Ac Iudicij quidem potestatem in absoluendo, & condemnando positam hi sine minorum etiam iudicum consilio exercuerunt. quod Moyses ex foceri primum auctoritate instituit, deinde lege sua Deus confirmavit, vt supra demonstraui. exercuerunt autem non solum in ijs vrbibus, in quibus ipsi domicilium habuerunt (neque enim earum ætate Hierusalem sedes erat Imperij constituta) sed etiam tribus ipsas circumierunt, ac certis in vrbibus conuentus, & fora egerunt, ibiq. iurisdictionem, de qua diximus, absoluerunt. Vnde scriptum est quarto Iudicum: *Debora iudicabat populum illo tempore, & sedebat sub palma inter Rama, & Bethel in monte Ephraim, ascendeabantq. ad eum filij Israel in omne iudicium.* & septimo primi Regum: *Iudicabat Samuel Israelem cunctis diebus vitæ suæ, & ibat per singulos annos circumiens Bethel, Galgala, & Masphat, & iudicabat Israelem in supradictis locis, reuertebaturque in Ramatha. ibi enim erat domus eius, et ibi iudicabat Israelem. edificauit etiam ibi altare Domino.* Ius vero necis liberum haudquaquam

habuerunt, quia in omnibus legem sequuti sunt. qua deinde soluti Reges fuerunt.

De potestate vero populi conuocandi, & senatus habendi, atque ad vtrumque quæ è rep. videbatur, agendi, obseruatio obscurior est. Quoniam autem id ius & Moyses, & Iosue ante Iudices, & Reges post Iudices habuerunt, propterea & eo Iudices instructos fuisse, credibile est. Neque enim hæc singula expressa sunt in eo libro, qui Iudicum historiam continet, quod ieiune adeo scriptus fit, vt vix successionem eorum, ac bella gesta quædam attigerit.

Iam vero, eos belli gerendi auctoritate armatos fuisse, argumêto est, quod scriptum est de Iephte Iudice x i: *Perrexerunt seniores de Galaad, vt tollerent in auxilium sui Iephte, dixeruntq. ad eum. Veni, & esto princeps noster, & pugna contra filios Ammon.* Omnia certe bella, quæ Iudicum tempore contigerunt, ipsi Iudices, tanquam summi duces, administrarunt, non tamen belli suscipiendi arbitrium habuerunt. alioquin reges ipsos potestate æquassent, qui postea consequuti sunt.

Ceterum hic principatus non fuit hereditarius, sed studijs populi delatus, prout vir fortis indicatus à Deo fuit. quod expressum est iis verbis: *Deus suscitauit eis Saluatorem.* Quare nec semper in eadem familia, nec semper in eadem tribu mansit. Cum autem scriptum est, Deum populo hunc, aut illum Saluatorem excitauisse, significat, Deum populo in mentem iniecisse, vt hunc, aut illum Iudicem belli ducem designaret. Nam ad Gedeonem dixit angelus Domini: *Vade in hac fortitudine tua, & liberabis Israel de manu Madian, quasi virum unum.* & Seniores ad Iephte dixerunt: *Veni, & esto princeps noster, & pugna contra filios Ammon.*

Iudices autem fuerunt hi, Othoniel ex tribu Iuda, Aod ex tribu Ephraim, Debora ex tribu Ephraim, cum Barac ex tribu Nephtalim, Gedeon ex tribu Manasse. Inde Abimelech filius Gedeonis per vim, occisis fratribus, sed à ciuibus suis delectus, post Thola ex tribu Issachar, tum Iair ex tribu Manasse trans Iordanem, item Iephte, tum Hefebon ex Iuda, inde Ahialon Zabulonites, Labdon Ephraimites, Sampson Danites, inde Heli, ac postremo Samuel, vterque Leuites.

De Regibus.

Cap. III.

IV DICIBVS inde successere Reges, qui ab eis longe diuersi fuerunt. quia & ratio creandi fuit alia, & potestas, atque auctoritas multo maior, ut quæ non tam à legibus, quam ab arbitrio, & voluntate regis profecta sit; nam regem ipsi intellexerunt more Aristotelis, qui solutus legibus plenissimo iure regnaret. Quod autem ad creationem pertinet, creatus est primùm suffragiis populi vniuersi, deinde oleo sancto inunctus, & in regali solio magna pompalocatus. Quod vero ad potestatem, primum *XXI* tribuum principatum obtinuit. sic enim dictum est Sauli: *Nonne cum paruulus esses in oculo tuis, caput in tribubus Israel factus es, vnxitq. te Dominus regem super Israel?* deinde iudicauit ipsas tribus & cum Consilijs, & solus, atque omnino vitæ, necisq. potestatem arbitriariam habuit, & quodammodo superior legibus fuit. tum bella pro arbitratu suo & suscepit, & gessit. Hæc autem ut ordine doceam, historiam ipsam regiam à principio repetam, ut quid in Saule primo rege, quid in Dauide secundo, quid in Salomone tertio obseruatum sit, ex sacris volumini-



minibus afferam. Quibus explicitis, facile vnusquisq. quæ à me proposita sunt, cognoscere poterit.

Cum ergo Deus à principio prouidisset, fore, vt Hebræi Iudicibus, idest Aristocratia non contenti regiam dominationem optarent, legem inter ceteras sanxit, qua vti Hebræi deberent, si quando Regis habendi cupiditate flagrassent. qua lege & rationem illius creandi, & creati iura præscripsit, his verbis Deuteronomij xvi: Cum ingressus fueris terram, quam Dominus Deus dabit tibi, & possidebis eam, habitauerisq. in illa, & dixeris: Constituam super me regem, sicut habent omnes per circuitum nationes, eum constitues, quem Dominus Deus elegerit de numero fratrum tuorum. Non poteris alterius gentis hominem regem facere, qui non sit frater tuus. cum autem fuerit constitutus, non multiplicabit sibi equos, nec educet populum in Aegyptum equitatus numero subleuatus. præsertim cū Dominus præceperit vobis, vt nequaquam amplius per eandem viam reuertamini. non habebit uxores plurimas, quæ alluciant animam eius, neque argenti, & auri immensa pondera. postquam sederit in solio regni sui, describet Deuteronomium legis huius in volumine accipiens exemplar à sacerdotibus Leuitica tribus, & habebit secum, legetq. illud omnibus diebus vite suæ, vt discat timere Dominum Deum suum, & custodire verba, & iustificationes eius, quæ in Lege præcepta sunt. nec eleuetur cor eius in superbiam super fratres suos, neque declinet in partem dextram, vel sinistram, vt longo tempore regnet ipse, & filij eius super Israel. Hanc vero legem sic reddidit Iosephus libro iiii Antiquitatum: Si vero regis cupiditas vos incesserit, is ex eadem gente sit. iuram autem gerat iustitiæ, & aliarum virtutum omnino. Caueat vero, ne plus legibus, aut Deo sapiat. nihil autem agat sine pontificis, senatorumq. sententia, neque nuptijs multis

utatur, nec copiam pecuniarū, equorumq. sectetur. quibus  
 partis super leges superbia offeratur. caueat etiam, si quid  
 studio parauerit, ne utilitate vestra sit potentior. Hæc ille.  
 Quod ergo prospexit Deus fore, vt Hebræi aliquando  
 Regis desiderio caperentur, id accidit tempore Samue-  
 lis prophetæ, & Iudicis, vt enim scriptum est primo Re-  
 gum, populo offenso iniustis iudicijs filiorum Samuelis  
 Ioel, & Abia, quos ille iam ætate confectus pro se ius di-  
 cere insulerat, seniores Samuelem adierunt, atque ab eo  
 regem poposcerunt, qui sibi iura moderaretur, quemad-  
 modum ceteræ gentes habebant. Quibus verbis regem  
 legibus superiorem, siue legibus scriptis solutum flagita-  
 runt. Ea vero res his verbis tradita est: *Dixere seniores. Ec-  
 ce tu senuisti, & filij tui non ambulant in vijs tuis. Cōstitu-  
 nobis regem, vt iudicet nos, sicut vniuersæ habent nationes.*  
*Displicuit sermo in oculis Samuelis, & orauit ad Dominū.*  
*dixit autem Dominus ad Samuelem: Audi vocem populi. nō*  
*enim te abiecerunt, sed me, ne regnem super eos. Verūtamen*  
*contestare eos, & pradic eis ius regis, qui regnaturus est su-*  
*per eos. Dixit itaque Samuel omnia verba Domini ad popu-*  
*lum, qui petierat à se regem, & ait: Hoc erit ius regis, qui*  
*imperaturus est vobis. Filios vestros tollet, & ponet in cur-*  
*ribus suis, facietq. sibi equites, & pracursores quadrigarū*  
*suarum, & constituet sibi tribunos, & centuriones, & arato-*  
*res agrorum suorum, & messores segetum, & fabros armo-*  
*rum, & curruum suorum. filias quoque vestras faciet sibi*  
*unguentarias, & focarias, & panificas. agros quoq. vestros,*  
*& vineas, & oliueta optima tollet, & dabit seruis suis. sed*  
*& segetes vestras, & vinearum redditus addecimabit, vt*  
*det eunuchis, & famulis suis. Seruos etiam vestros, & an-*  
*cillas, & iuuenes optimos, & asinos auferet, & ponet in ope-*  
*re suo. greges quoque vestros addecimabit. vosq. eritis ei ser-*  
 ui,

*ui, & clamabitis die illa à facie regis vestri, quem elegistis vobis, & non exaudiet vos Dominus in die illa, quia petistis vobis Regem. Noluit autem populus audire vocem Samuelis, sed dixerunt: Nequaquam. Sed rex erit super nos, et erimus nos quoque, sicut omnes gentes, & iudicabit nos rex noster, & egredietur ante nos, & pugnabit bella nostra pro nobis. Et Samuel rettulit verba populi Deo. Dixit autem Dominus ad Samuelem. Audi vocem eorum, & constitue super eos regem. & ait Samuel ad viros Israhel. Vadat unusquisque in ciuitatem suam. Interim vero duo præcipua, & legitima munera regis detexit, principatum inquam iudiciorum, & belli, cum dixit populus. Et iudicabit nos rex noster, & egredietur ante nos, & pugnabit bella nostra pro nobis. Atque hæc quidem ad iura regis confirmanda, quibus Iudices superauit, satis valere possunt. de quibus etiam ante ex Aristotelis sententia diximus.*

*Nunc de lectione, & vñctione eius cetera subtexamus. His actis Samuel Saulem filium Cis de tribu Benjamin ad se profectum, dum amissas patris asinas indagaret, iussu Domini oleo vnxit, & osculatus est dicens: Ecce vnxit te Dominus super hereditatem suam in Principem, & liberabis populum tuum de manibus inimicorum eius, qui in circuitu eius sunt. & ipsum se expectare iussit in Galgalis. Inde conuocauit populum in Masphat, vt regem deligeret. ibi omnes tribus coniecit in sortem. Et exiit tribus Benjamin, & tribus Benjamin forti commissa est. & exiit cognatio Metri. atque inde peruenit sortiundo vsque ad Saulem filium Cis, & statim misit populus, qui Saulem domi absconditum conuenirent. atque eo Masphat adducto, clamauit: Viuat rex. Inde loquutus est Samuel ad populum legem regni. & scripsit in libro, & reposuit coram Domino, & dimisit omnem populum, singulos in domum suam.*



*suam.* Deinceps agit de consecratione illius, quæ vntione fiebat. vnde rex Christus Domini saepe dicitur, vt psalmo xvii: *Misericordiam faciens Christo suo Dauid.* & primo Regum xxi. *Ne faciam hanc rem domino meo Christo Domini.* Cum autem quidam se parituros Sauli negassent, dixit Samuel ad populum: *Venite, & eamus in Galgala, & innouemus ibi regnum. & perrexerit omnis populus in Galgala, & vnxit Samuel regē Saulem, & immolauerunt ibi victimas pacificas.* Quod autem apud Latinum interpretem est, *Innouemus ibi regnum,* græce est *ἐγκαθίσταμεν.* est autem *ἐγκαθίσταμεν* nō solum renouare, sed etiam consecrare, ac dedicare. Vnde consecratio Templi dicitur Encænia. vt i. i. i. primi Maccabæorum, vbi scriptum est: *Altare holocaustorum eodem die renouatum est, quo fuerat profanatum,* græce est *ἐνκαθίστηναι*, idest dedicatum est. Vnde paulo post *ἐγκαθίστησις* ab interprete dedicatio vertitur.

Saulem inde, quod contra instituta holocaustum, non expectato sacerdote, obtulisset, Deus reprobauit, & Dauidem filium Iesse ex tribu Iuda adhuc puerum, & pastorem Regem destinauit, misso Samuele domum Iesse, vt inspectis septem filiis eius illum demum inungeret. Ita Dauid minimus fratrum suorum rex inunctus ad Saulē Regem, tanquam cytharædus, accitus accessit, & post retētus multa pro eo fortiter, ac strenue gessit. præcipue autem Goliathem gigantem Philistæum singulari certamine prouocantem perculit, ex quo inuidiam Saulis aduersus se concitauit, & propterea persecutiones eius varias tulit. Occiso inde Saule, Dauid iterum à viris Iudæ Rex vnctus est in Hebron in tribu Iuda. Reliquæ vero tribus Isboseth filium Saulis vnixerunt. quo deinde à suis interfecto, Dauid tertio super totum Israel à cuncto populo vnctus

vnctus est, vt scriptum est deinceps quinto secundi Regum: *Venerunt vniuersa tribus Israel ad David in Hebrō dicentes, Ecce nos os tuum, & caro tua sumus. Venerūt quoque seniores Israel ad Regem in Hebron, & percussit cum eis fœdus coram Domino. vnixeruntq. cum Rege super Israel. Erat triginta annorum, cum regnare cepit, & xl annis regnavit in Hebron super Iudam septem annis, & sex mensibus. in Hierusalem autem regnavit triginta tribus annis super omnem Israel, & Iudam. Vbi vero regnum incepit, Iebusæum, qui Hierusalem tenebat, armis vrbe deiecit, & arcem in monte Sion construxit, ibiq. habitauit, vnde Ciuitas Davidis appellata est, & arcam fœderis eò transtulit, & materiam templo ædificando parauit, & deum Salomonem filium regem sibi sublegit, eumq. inūgi præcepit, sic enim proditur primo tertij Regum: *Dixit David ad Sadoc Pontificem, Nathan prophetam, & Banaïam. Tollite vobiscum seruos domini, vestri, & imponite Salomonem filium meum super mulam meam, & ducite eū in Gihon, vt ungat eum ibi Sadoc Sacerdos, & Nathan propheta in regem super Israel, & canetis buccina, & dicetis. Viuat rex Salomon, & ascendetis post eum, & venietis, & sedebit super solium meum, & ipse regnabit pro me. illique præcipiam, vt sit Princeps super Israel, & super Iudam. Atque hæc omnia ita, vt iussit, effecta sunt.**

Mortuo deinde Dauide regnavit Salomon, qui templum condidit, & Arcam in Sancto Sāctorum reposuit, atq. opibus, & gloria omnes longe superauit, vt scriptū est in secundo Paralipomenon.

Salomone inde ex humanis rebus exempto conuocatus est Israel in Sichem, vt Roboam filium eius regem constitueret. Verum cum populus petisset, vt tributa à patre imposita tolleret, atque ille responsum acerbius red-

reddidisset, decem tribus ab eo discesserunt, & Hieroboam filium Nabath ex tribu Ephraim sibi Regem asciverunt. Quare regnum in duo distractum est, vnum tribus Iudæ, cui etiam tribus Benjamin erat adiuncta, alterum decem aliarum tribuum, quod communi nomine regnū Israelis est vocitatum.

Regnum inde Iudæ semper in eadem tribu, & familia Davidis mansit, ita ut filio pater ipsum ferme reliquerit. Regnum autem Israel ad diuersas tribus, & diuersas familias transijt, quia in lege Dei non mansit, sed ad cultū idolorum se contulit. Quamquam autem regnum Iudæ hereditarium fuit, tamen populi quoque suffragijs confirmatum est. Vnde duodecimo tertij Regum: *In Sichem erat congregatus omnis Israel ad constituendum Regem Roboam.* Et vicesimo tertio: *Habitatores Hierusalem constituerunt Ochoziam regem filium pro patre.* sic in ceteris. Inter reges porro Iudæ fuit Ioas, de cuius creatione, quoniam insignis ad memoriam fuit, hæc placet quoque ex vicesimo tertio secundi Paralip. promere: *Eduxerunt Ioam filium regis, & imposuerunt ei diadema, & testimonium, dederuntq. in manum eius tenendam legem, & constituerunt eum regem, vnxitq. illum Ioada pontifex, & filij eius, imprecatiq. sunt ei, atque dixerunt. Vinat Rex.* & xxvi: *Tulit populus terræ Ioachaz filium Iosie, & vnixerunt eum, & constituerunt eum regem pro patre suo.* Desijt inde regnum Israeliticum multo maturius, quàm Iudaicum. nam illud defecit in Osee, quem Salmanassar rex Assyriorum victor cū populo Israelitico in Assyriā transtulit, hoc vero multos post annos in Sedecia, qui à Nabucodonosore rege Babylonie in Babyloniam cū omnibus Iudæis traductus est.

Ex hac rerum expositione facile cognosci potest, quo modo



modo Iudeorum reges creati, & quo iure ornati fuerint, & vt non solum hereditate, sed etiam suffragijs populi ad id fastigium dignitatis ascenderint, Quod idem clarius etiam vnusquisque cognouerit, qui reliquorum quoque regum, res gestas sigillatim attenderit.

Iudicauit porro populum Rex tripliciter, vno modo solus. vt xv secundi Regum: *Omnem virum, qui habebat negocium, vt veniret ad regis iudicium, vocabat Absalon ad se, faciebatq. hoc omni Israel veniente ad iudicium, vt audiretur à Rege.* Itaque diximus supra, Dauidem cuncto populo, iustitiam, iudiciumq. fecisse. Quin etiam ipse Dauid Salomoni regi sibi subleto sic à Deo precatus est: *Deus iudicium tuum regi da, & iustitiam tuam filio regis, Iudicare populum tuum in iustitia, & pauperes tuos in iudicio.* neque id iniuria. nam psalmo xcvi scriptum est: *Iustitia, & iudicium sunt throni Dei.* & xcviii: *Tu paraisti directiones, iudicium, & iustitiam in Iacob tu fecisti.*

Altero modo iudicauit rex, cum vnà cum senioribus, & sacerdotibus iudiciale Concilium iniit, vt supra ostensum est. Tertio, cum senioribus, & magistratibus aduocatis cognouit, ac iura dixit, vt paullo post demonstrabitur, vbi de Principibus tribuum disserteretur.

Senatum autem ab regibus habitum, & populum ad conciones vocatum supra declaratum.

Nam bella eius arbitrato suscepta, & ductu gesta, libri ipsi Regum, Prætermissorumq. ostendunt, qui regionum bellorum expositionibus pleni sunt. Quibus illud additur, quod dixere Hebræi postulantes regem: *Et iudicabit nos rex noster, & egredietur ante nos, & pugnabit bella nostra pro nobis.*

De Principibus Iudæorum, & Regibus  
vltimus. Cap. IIIL.

ATQVE Effraimitæ quidem nūquā postea patrias  
sedes repetuerunt, nec potestatem regiam receperunt.  
Iudæi vero post septuaginta seruitutis annos permissū  
Cyri regis Persarum domum ex Babylonia terra reuer-  
si, Principatum, teste Iosepho, suis pontificibus mandaue-  
runt, cum reges primū Persarum, deinde Aegyptiorū,  
tum Syrorum Iudæam cum imperio obtinerent, ac tri-  
buta à Iudæis exigerent. Tum exorta inter domesticos  
de Pontificatu ipso seditione, Antiocho Epiphane Sy-  
riæ regi, libertate, ac religione orbat, per paucorum mē-  
sium spatium seruierunt. Qua indignitate permoti Assa-  
monei, ex tribu Leui homines, rem Iudæorum armis,  
consilioq. recuperarunt, ac primum nomen sibi Princi-  
pis, deinde Regis ascuerunt. Principem vero cum dixe-  
runt, belli ducem, & litium iudicem intellexerunt. sic. n.  
scriptum est secundo primi Maccabæorum, cum ad Mat-  
thatiam Principatum detulerunt: *Tunc descenderunt mul-  
ti querentes iudicium, & iustitiam. recte. cui enim pote-  
stas iustitiæ, ac iudicij faciendi tribuitur, is Princeps, siue  
Archon declaratur. Matthatiam inde Principem exce-  
pit Iudas Maccabæus filius, qui Principatui pontifica-  
tum adiunxit. quem sequutus est Ionathas frater. de  
quo ita scriptum est: Nunc te hodie elegimus esse pro Iu-  
da nobis in Principem, & ducem ad bellandum bellum no-  
strum. et suscepit Ionathas illo tempore principatum.*  
Inde Simon frater, de quo ita: *Tu esto dux noster lo-  
co Iudæ, & Ionathæ fratris tui, pugna prælium nostrum,  
& omnia quæcunque dixeris nobis, faciemus. Item paulo  
post: Iudæi, & sacerdotes eorum consenserunt, Simonem  
esse*

esse ducem suum, & pontificem in aeternum, donec surgat propheta fidelis, & ut sit super eos dux, & ut cura sit illi pro Sanctis, & ut constitueret praepositos super opera, & super regionem, & super arma, & super praesidia, & ut audiat ab omnibus, & scribantur in nomine eius omnes conscriptiones in regione, & ut operiatur purpura, & auro, nec liceat ulli ex populo, & ex sacerdotibus irritum facere aliquid horum, & contradicere ijs, quae ab eo dicuntur, aut convocare conventum in regione sine ipso, & vestiri purpura, & uti fibula aurea. qui autem fecerit extra haec, aut irritum fecerit aliquid horum, reus erit. Et complacuit omni populo statuere Simonem, & facere secundum verba ista. Et suscepit Simon, & placuit ei, ut summo sacerdotio fungeretur, & esset dux, & princeps gentis Iudeorum, & sacerdotum, & praefectus omnibus. et scripturam istam dixerunt ponere in tabulis aeneis, & ponere eas in peribolo Sanctorum, in loco celebri. Exemplum autem eorum ponere in aerario, ut habeat Simon, & filij eius. Demetrius inde rex Syriae remisit eis omnia tributa. Atque ita Iudaei prorsus in antiqua sub regibus suis libertatem sunt vindicati. quae de re sic in eodem libro: Remittimus ignorantias, & peccata usque in hodiernum diem, & coronam, quam debebatis, et siquid aliud erat tributarium, & sit inter nos pax. Inde sic infertur: Anno centesimo septuagesimo ablatum est iugum gentium ab Israel, & coepit populus Israel scribere in tabulis, & Actis publicis. Anno primo sub Simone pontifice, duce, & principe Iudeorum. Inde Antiochus Demetrii filius alia iura adiunxit, sic scribens: Statuo tibi omnes oblationes, quas remiserunt tibi ante me omnes reges, & quaecunque alia dona remiserunt. Etiam promitto tibi facere percussuram propriam numismatis in regione tua, Hierusalem autem sanctam



*flam esse, & liberam, & omnia arma, quæ fabricata sunt, et præsidia, quæ construxisti, quæ tenes, manean tibi, & omne debitum regis, & quæ sunt futura regi, ex hoc etiam in totum tempus remittuntur tibi.*

Successit inde Simoni Ioannes filius, & Ioanni Aristobulus. qui, ut inquit Iosephus, Principatum ad regiam dignitatem prouexit, primusq. sibi diadema imposuit, post CCCCLXXI annos, & tres menses, ex quo captiuitate Babylonica populus exemptus domum repetiuit. Post Aristobulum inde frater eius Alexander Ianneus à Solina, siue Alexandra Aristobuli coniuge, quæ illi se connubio sociarat, euectus est. Quo vita functo, ipsa Alexandra regnū obtinuit, & post eā Hyrcanus filius, quem frater eius Aristobulus expulit. Pompeius autem dux Romanus, cum bellum Mithridaticum gereret, Syria in potestatem redacta, atque Aristobulo rege capto, Iudæam occupauit, & in prouinciæ formulam redegit, atque ei procuratorem Antipatrum Ascalonitam imposuit. Cum autem mox Antigonus Aristobuli filius vrbe recepta regnum rursus inuasisset, Romani aduersus eum Herodem Antipatri filium regem appellauerunt, qui magnis rebus gestis decessit, ac regni partem filio reliquit Archelao. Hoc Herode regnante Iesus Christus iampridem à Deo promissus est natus. Archelao inde Viennam ob immodica imperia relegato ab Augusto Imperatore Iudæa iterū in prouinciæ formulam est adducta, & procuratoribus commissa. Quare mox Pontio Pilato procurante Christus est crucifixus. Inde Agrippa Herodes Aristobuli filius, Herodis N. à Claudio Imperatore Rex Iudææ appellatus est, quo mortuo tertium Iudæa prouinciali more à procuratoribus Romanis administrata est. quo tempore imperante Vespasiano, & Gessio Floro procuran-

te vrbs cum gente, & templo deleta est. Nomina vero regum, & Principum hæc fuerunt.

REGES IVDÆ, ET ISRAEL.

SAVL rex primus, filius Cis ex tribu Benjamin. an. 20.

DAVID Iesse F. ex tribu Iuda. an. 40.

SALOMON Davidis F. an. 40.

REGES IVDÆ EX FAMILIA DAVID.

ROBOAM Salomonis F. an. 17.

ABIA Roboami F. an. 3.

ASA Abiæ F. an. 4.

IOSAPHAT Asæ F. an. 25.

IORAM Iosaphat F. an. 8. ∴

OCHOZIAS Iorami F. an. 1.

ATHALIA vxor Ioram. an. 7.

IOAS Ochoziæ F. an. 40. ∴

AMASIAS Ioæ F. an. 29.

AZARIAS, siue Ozias Amasiæ F. an. 5.

IOATHAM Azariæ F. an. 16. ∴

ACHAZ Ioathæ F. an. 16.

EZECHIAS Achazis F. an. 29.

MANASSES Ezechia F. an. 15.

AMMOM Manassis F. an. 2. ∴

IOSIAS Ammonis F. an. 31.

IOACHAZ Iosia F. mens. 3.

ELIACIM, siue Ioacim Iosia F. an. 11.

IOACHIM, siue Ieconias Ioacim F. mens. 3.

SEDECIAS Iosia F. an. 11.

Transferuntur Iudæi in Babyloniam, & post annos LXX restituti parent pontificibus suis. inde Principatus Assamoneorum instituitur sub Antiocho Epiphane Syria rege.

PRINCIPES.

MATTHATIAS Affamoneus. an. 1.  
 IVDAS Maccabæus Matthatiæ F. an. 4.  
 IONATHAS Matthatiæ F. an. 18.  
 SIMON Matthatiæ F. an. 8.  
 IOANNES Hyrcanus Simonis F. an. 36.

REGES ITERVM.

ARISTOVLVS Io. Hyrcani F. se regem appellauit. an. 1.  
 ALEXANDER Ianneus Io. Hyrcani F. an. 27.  
 SOLINA, seu Alexandra vxor Alexandri. an. 9.  
 HYRCANVS Alexandri F. mens. 3.  
 ARISTOVLVS Alexandri F. pulso Hyrcano fratre. an. 6.

IYDÆA SVB ROMANIS.

ANTIPATER Ascalonita Iudææ procurator. an. 3.

REGES TERTIVM.

ANTIGONVS { Aristobuli F. erepta vrbe Romanis, vi-  
 timus ex Affamoneis. an. 3.  
 HERODES { Magnus Antipatri Ascalonitæ F. rex à  
 Romanis contra Antigonum factus.  
 an. 37.

IESVS CHRISTVS NASCITVR.

ARCHELAVS { Herodis Magni F. rex Iudææ. an. 9. He-  
 rodes Antipas frater tetrarcha Gal-  
 lææ. an. 34.

IYDÆA ITERVM SVB ROMANIS.

C. COPONIVS procurator Iudææ ab Augusto datus  
 M. AMBIVIVS. item. an. 1. (an. 2.  
 ANNIVS RVFVS. item. an. 1.  
 VALERIVS GRATVS proc. à Tiberio Imp. missus an. 11.  
 PONTIVS PILATVS. item. an. 10.

IESVS CHRISTVS PATITVR.

MARCELLVS. item. an. 3.



## REGES QVARTVM.

AGRIPPA Herodes { Aristobuli F. Herodis Magni N. rex  
Indæ à Caio Imp. tactus. an. 10.

## IVDÆA SVB ROMANIS TERTIVM.

CVSPIVS Fadus procurator à Claudio Imp. missus. an. 3.

TIBERIVS Alexander item. an. 2.

CVMANVS item. an. 3.

ANTONIVS Felix item. an. 3.

PORCIVS Festus à Nerone missus. an. 3.

ALBINVS item. an. 3.

GESSIVS Florus item. an. 3.

Vrbs Hierusalem cum Templo a Tito Cæsare  
eueritur Imp. Vespasiano patre.

De Principibus tribuum, seu Phylarchis.

## Cap. V.

SECVNDA Resp. principes tribuū, & familiarū  
complexa est, de quibus deinceps differendum est. Prin-  
cipes autem tribuum fuere, qui singulas tribus duxerūt,  
earumq. rationes administrarunt. Quare vt duodecim  
tribus, sic duodecim earum principes, extiterunt, quibus  
nominatis Numerorum quinto sic additur: *Hi sunt, quos  
numerauerunt Moyses, & Aaron, & duodecim principes Is-  
rael singulos per domos cognationum suarum. & quarto: Re-  
censuerunt Moyses, & Aaron, & principes synagoga filios  
Cahat, & teritiodecimo: Egressi sunt Moyses, & Eleazar sa-  
cerdos, & omnes Principes synagoga.* Synagoga enim est  
vniuersi populi concio. & Iolue XXI 1: *Miserunt ad filios  
Ruben, & Gad decem principes singulos de singulis tribu-  
bus.* Quoniam autem tribus φυλὰι dictæ sunt, propterea  
Principes earum à τριῶν ἀρχαῖς interpretibus ἀρχοντες

ἀρχοντες, & ἀρχηγοὶ τῶν φυλῶν dicti sunt, atque iidem etiam Principes Israel appellati. Nam vi Numerorum, vbi Latina translatio habet, *Principes Israel*, Græca retert, *duo decim Principes Israel, Principes tribuum*. Vnde Philo dixit in libro de profugis: *Principes generis duodecim sunt, qui Phylarchi dicuntur*. Licet autē xxvii primi Paralip. duo principes nominentur tribus Manassis, & vnus princeps tribus Leui, quibus adiunctis essent quattuordecim, rotundus tamē numerus magis celebrat, nēpe duodecim.

Hi vero hæc consecuti iura sunt. Altiter lateribus regis, & cum eo sedentes partim consilia inierunt, partim ius singulis tribubus reddiderunt, & cum rege se obligarunt, siquid iureiurando publico sancendum putarunt. De illis ad consilium adhibitis hæc sunt documento. Numerorum xxx: *Loquutus est Moyses ad principes tribuum filiorum Israel. & quinto Deuteronomij: Accessistis ad me omnes principes tribuum, & Seniores. & xxxi: Aduocate ad me Phylarchos vestros, & Seniores vestros*. Latinus autem minus apte: *Congregate ad me omnes maiores natu per tribus vestras. & xxix: Vos statis hodie cuncti corā Domino Deo vestro Principes vestri, & tribus, & maiores natu*. Græce ἀρχιφυλῶν. & xxvi i i primi Paralip: *Congregauit David rex omnes Principes Israel, duces tribuum. & quinto secundi: Conuocauit Salomon rex omnes Seniores Israel, & omnes Principes tribuum. & octauo tertij Regum: Congregati sunt omnes Seniores Israel cum Principibus tribuum*. Huc autem allusit etiam David, cum de se rege creato loquens dixit: *Quis, sicut Dominus Deus noster, qui in altis habitat, & humilia respicit in calo, & in terra. Suscitans à terra inopem, & de stercore erigens pauperem, vt collocet eum cum principibus, cum principibus populi sui. idest, vt sedere regem faciat inter duodecim principes*

tribuum illi assidentes. Sic enim Græce sonat.

De iure autem ab eis reddito hæc erunt testimonio. Psalmo cxxi, ubi agitur de Hierusalem, quæ restituta post cladem Babylonicam erat : *Illuc. n. ascenderunt tribus, tribus Domini, testimoniū Israel, ad confitendū nomini Domini. quia illic seacrit sedes in iudicio, sedes super domū David.* Quo eodem allusit etiam Maias tertio : *Sed iam stabit ad iudicium Dominus, & sistet ad iudicium populum suum, ipse Dominus ad iudicium veniet, cum senioribus populi, & cum principibus eius. & xxxi i : Ecce rex iussus regnabit, & Principes cum iudicio imperabunt.* Habuerunt autem singuli sedem suam, unde ius suæ quisque tribui dixit. Quod clarissime docuit Christus, cum huc intuens dixit, se, tanquam regem, in caelesti throno maiestatis sedurum, duodecim autem apostolos, tanquam duodecim phylarchos, super sedes duodecim, ipsas duodecim tribus iudicaturos. neque enim aliò, quam ad veterem Hebræorum temp. respexit, quæ Davidis tempore floruit. sic autem dixit Matthæi xix : *Amen dico vobis, quod vos, qui sequuti estis me, in regeneratione, cum sederit filius hominis in sede maiestatis suæ, sedebitis & vos super sedes duodecim iudicantes duodecim tribus Israel.*

Locum autem his Iudicijs tributum in templo à Salomone, apparet ex septimo tertij Regum, ubi scriptū est : *Porticum quoque fecit, in qua tribunal est, & domuncula, in qua sedebatur ad iudicandum, erat in media porticu.* Græcus enim interpret habet pro tribunali thronos, idest sedes, & locum ipsum vocat *ἡγεῖον*, idest Iudicatorium.

De iureiurando porro liquet ex Iosue nono decimo : *Iosue fecit fœdus cum Gabaonitis iurans, et simul principes synagoge. idest populi.* Ceterum decem tribubus ab ipso



reip. corpore auulsis, ac postmodum in Assyriæ regiones translatis, Iudæi tamen ipsum duodecim principum tribuum numerum, vt etiam lxx seniorum, retinuerunt. Ostendit locus sexto primi Esdræ: *Iudæi Babylone reuer- si duodecim hircos sacrificant pro peccatis totius Israel, iux- ta numerum tribuum Israel.* in septimo vero tertij, vbi ea dem res refertur, inquit: *Iuxta numerum phylarchorum, idest principum tribuum Israel.* & sequenti: *Et separavi ex phylarchis, et sacerdotibus duodecim viros.* Quare meri- to Christus etiam dixit, apostolos, *tanquam xii phylar- chos, duodecim tribus iudicatu- ros.* Vt autem hi Principes Concilij participes essent, supra ostensum est.

## De Principibus Familiarum, seu Patriarchis.

### Cap. VI.

PRINCIPIBUS inde tribuum adhæserunt Princi- pes familiarum. Vt autem quanam hi sint, cognoscatur, prius, quæ familiæ dictæ sint, cognoscendum. Vt ergo po- pulus Israelitarum in xii tribus fuit diuisus, sic singu- læ tribus in multas familias, atque vt totus populus no- mē accepit ab Israele, & singulæ tribus a filiis Israelis, sic singulæ familiæ a nepotibus eius. Has vero familias Lati- nus interpretes nominibus diuersis expressit. Nam genera- tiones, gentes, cognationes, domos, & familias vertit. pro quibus Græcus hæc γενεαι, συγγειαι, οἰκῆς, & πατρίαι. vt primo Numerorum: *Capite summam congrega- tionis filiorum Israel secundum cognationes eorum, & do- mos familiarum eorum. De Ruben per generationes, & fa- milias, & domos suas, & nomina capitum singulorum nu- mera i quadraginta millia quingenti.* Nomina vero fami- liarum, quæ ex singulis filiis Israelis manant, hæc xxvi

Nu-

Numerorum traduntur. Ex Ruben Henochitæ, Phalluitæ, Hefronitæ, Charmitæ. Ex Symeon Namuelitæ, Iaminitæ, Iachinitæ, Zareitæ, Saulitæ. Ex Gad Sephonitæ, Aggitæ, Sunitæ, Oznitæ, Heritæ, Aroditæ, Arielitæ. Ex Iuda Solaitæ, Pharelitæ, Zareitæ, Hefronitæ, Hamulitæ. Ex Issachar Tholaitæ, Phuitæ, Ialubitæ, Semranitæ, Ex Zabulon Sareditæ, Elonitæ, Ialelitæ. Ex Manasse Machiritæ, Galaaditæ, Iezeritæ, Helecitæ, Airiclitæ, Sechenitæ, Semidaitæ, Hephheritæ. Ex Ephraim Suchalaitæ, Becheritæ, Thehenitæ, Heranitæ. Ex Benjamin Belaitæ, Asbelitæ, Achiramitæ, Suphamitæ, Huphanitæ, Hereditæ, Noeminitæ. Ex Dā Suhamitæ. Ex Aser Iemnitæ, Iesluitæ, Ibritæ, Heberitæ, Melchielitæ. Ex Nephtali Iesielitæ, Gunitæ, Ieseritæ, Sellemitæ. Ex Leui Gerlonitæ, Caharitæ, Meraritæ. Hinc scriptū est vii Iosue: Congregamini omnes mane per gētes. & quācūq. tribū ostenderit Dominus, producite viritum. Et mane surrexit Iosue. produxitq. populū per tribus suas, ostensa q. est ei tribus Iudæ, & productus est per cognationes Iudas, ostensa q. est ei cognatio Zare. & producta est cognatio Zare, & ostensa est familia Zabdi viritum. & xix: Exijt sors prima filiorum Benjamin per familias. Exijt sors secūda filiorū Simeō per cognationes suas. & xvii Iudicū: Fuit adolescens in Bethleem Iudæ ex cognatione populi Iudæ. & x primi Regum: State coram Domino per tribus vestras, & familias. & produxit Samuel omnes tribus Israel, & exijt sors tribus Benjamin. & produxit tribum Benjamin, & cognationes eius, & exijt cognatio Mattari, & peruenit vsque ad Saulem filiam Cis.

Hæ igitur sunt familie Israelitarum, quæ in solitudine floruerunt. quarum aliæ postea interierunt, aliæ floccuerunt. siquidem inter alias in tribu Iuda fuit familia David, quæ postea est exorta. vnde ipse dixit primo Paralip.

*lip. xxviii: Deus de Iuda elegit principes, porro de domo Iuda domum patris mei. Perierunt autem omnes ferme ex decem tribubus in Assyriaco exilio. conseruatæ autem sunt reliquæ in Babylonico. vnde regressæ domum populum Iudæorum restituerunt.*

Hac diuisione sic constituta, familias, siue quo alio nomine voces, partes tribuum esse, sequitur, vt, quemadmodum aliqui fuere principes tribuum, sic quidam etiam extiterint principes familiarum, qui item varijs nominibus appellati sunt ἀρχαῖοι, ἀρχοντες τῶν γενέσεων, siue συγγενῶν, πατρὶ ἀρχαῖοι, ἀρχιπατρὶ ὦται, ἀρχοντες τῶν πατρῶν, & τῶν οἰκῶν. idest principes populorum, generationum, cognationum, familiarum, & domorum, atque vno nomine Patriarchæ. Horum vero etiam mentio frequentissima est. vt Numerorum primo: Eruntque nobiscum principes tribuum, ac domorum in cognationibus suis. & vi: Obtulerunt principes Israel, & capita familiarum, qui erant per singulas tribus, præfecti earum, qui numerati fuerunt. & xxxvi: Accesserunt principes familiarum Galaad, locuti que sunt Moysi coram principibus Israel. & Iosue xiiii: Principes familiarum per tribus Israel. & xix: Hæ sunt possessiones, quas sorte diuiserunt principes familiarum, ac tribuum filiorum Israel in Silo. & xxi: Accesserunt principes familiarum Leui ad Eleazarum sacerdotem, & ad Iosue filium Nun ad duces cognationum per singulas tribus. Græce ἀρχιπατρῶται, & ἀρχιφυλοὶ πατρῶν. & primo Paralipomenon xxi: Diuisit filijs Eleazar principes per familias sexdecim, & filijs Ithamar per familias, et domos suas octo. & viii loquens de Beniamitis: Hi sunt patriarchæ, et cognationum principes, qui habitauerunt in Hierusalem. Hactenus quæ fuerint familiæ, & qui principes familiarum, sit dictum.



Officium vero eorum, (nam hoc explicandum relinquitur.) fuit, ut familias, quibus præerant, conuocarent, ad easq. referrent, quæ ad remp. pertinerent, & duces earum in bello essent. præterea à regibus & ad consilia, & iudicia peragenda adhibiti sunt. De relatione liquet ex eo, quod soli ex omnibus magistratibus in exilio Babylonico principatum suum aliqua ex parte retinuerunt, ut cum familijs quisque suis agerent, quæ è rep. essent. Quare cum populus fuit ex Babylonia reducendus, soli principes familiarum appellati, atque exciti per tribus dicuntur, quæ tres tantum erant Iuda, Benjamin, & Leui. ut in tertio Esdræ proditum est, ubi varie in Græca historia nominantur. nam cap. 11 scribitur: *Archiphyli familiarum Iudæ, & Benjamin, & sacerdotes, et Leuitæ conuocati sunt. & v: Electi sunt, ut ascenderent duces domorum familiarum secundum tribus suas.* Item: *Hæc nomina sunt eorum, qui ascenderunt secundum familias suas ad principatum partium, idest παροικιαρχων.* Item: *Qui præsident in familijs.* Item: *Qui præcedunt in familijs suis.* Quam sententiam Latinus interpres non expressit, pro familijs pagos reddens. at vero vi 1 Nehemiæ scriptum est: *Et congregati sunt principes familiarum uniuersi populi, sacerdotes, et Leuitæ ad Esdræ scribam, ut interpretaretur eis verba legis.* De ducatu militari apparet ex eo, quod, ut post dicitur, in exercitu tribuni militum fuere Patriarchæ. Principes autem familiarum ad consilia à regibus fuisse adhibitos, elicitur ex quinto secundi Paralipomenon, in quo scriptum est: *Conuocauit Salomō rex omnes seniores Israel, et omnes Principes tribuum, & præfectos familiarum filiorum Israel.* ad iudicia vero ex capite xix: *Iosaphat rex constituit Leuitas, & sacerdotes, & patriarchas ex Israel, ut iudicium, & causam Domini iudicarent.*

De Principibus Ciuitatum Tribunis, Centurionibus, Quinquagenarijs, & Decanis. Cap. VII.

TERTIA vero Resp. quę singularum ciuitatum descriptionem continuit, proprios cuiusque ciuitatis magistratus, siue principes habuit. Vt enim post tribus sequuntur familię, quę partes earum fuerunt, sic familias excipiunt ciuitates, in quas partes familiarum coniectę sunt. vt .n. supra diximus, singulę tribus multas nactę sunt ciuitates, in quas ipsę eius tribus familię dispersitę sunt. Ciuitatibus vero qui pręfuerunt, ij principes ciuitatum vocati, vt nono Iudicum, vbi de Effraim vrbe Sicima agitur: *Zebul princeps ciuitatis auditis sermonibus Galaad iratus est. & mox: Erat turris excelsa in media ciuitate, ad quam confugerunt simul viri, & mulieres, & omnes principes ciuitatis.* & vicesimo quarto: *Iosue princeps ciuitatis.* idest vnus ex principibus ciuitatis.

Hi vero Principes multi fuerunt, nempe Chiliarchi, ecatōtarchi, pentecontarchi, & decadarchi, ad id instituti, vt consilijs, iudicijsq. pręessent. Quare aliquādo Principes ciuitatum, aliquando Principes Iudicum dicti sunt. Septenos autem in singulis ciuitatibus fuisse, Iosephus adiecit. Chiliarchi porro fuere pręfecti mille hominum, ecatōtarchi centum, pentecontarchi quinquaginta, decadarchi decem. quos Latinus interpretes more Romano vertit tribunos, & centuriones, quinquagenarios, & decanos.

Hos Moyses primum instituit in Deserto, ac populo, & Iudicibus pręesse iussit primum consilio Iethro soceri sui, deinde etiam iussu Dei. Consilium datum est octa

uo decimo Exodi, repetitum vero a Moïse primo Deuteronomij, loco ante citato: *Dixi vobis illo tempore: Non possum sustinere negocia vestra, & pondus, & iurgia date ex vobis ipsis viros sapientes, & gnaros, & prudentes in tribus vestras, ut ponam eos præesse vobis. Et respondistis mihi. Bona res est, quam facere vis. sumpsitque ex vobis viros sapientes, & gnaros, & prudentes, & constitui eos præesse super vos chiliarchos, et ecatontarchos, et pētecōtarchos, & decadarchos, & grammatoisagogeos iudicibus vestris.* Hæc nunc ex Græca versione expressa sunt. quæ aliquando clarior est, quàm Latina. Cum autem inquit: *Cōstitui præesse vobis chiliarchos, & ecatontarchos, & pentecontarchos, & decadarchos,* vnum principatum eorum in populum declarauit. Cum autem addidit, *& grammatoisagogeos iudicibus vestris,* alterum principatum eorumdem in iudices indicauit. Ex quo efficitur, officium eorum fuisse duplex, vnum, ut Consilij ciuitatum præessent, alterum, ut Iudicijs. Ceterum cum priore munereungebantur, senatum conuocabant eius ciuitatis, in qua erant, eumque de rebus publicis consulebāt, atque eatenus principes ciuitatum appellabantur; cum posteriore, ad aliquot eorum senatorum, tanquam ad legitimos iudices causas iudicandas introducebant, atque eo tempore Iudicum Principes, & Grammatoisagogeï, siue licium introductores nominabantur. Hanc vero doctrinam nobis præstantius Græca, quàm Latina tralatio, reddit. Quod ex vtriusque collatione liquebit. De Principibus Iudicū sic Exodi xvi i i i: *Moïses electis viris Arenuis de cuncto Israel constituit eos principes populi, tribunos, et centuriones, & quinquagenarios, & decanos, qui iudicarent plebem omni tempore.* & primo Paralip. xxvi i i i: *Conuocauit Dauid omnes principes Israel, duces tribuum, & prapósitos turma*



rum. Græca autem plenius : Conuocauit omnes Principes Israel, Principes iudicum, & tribuum, & omnes principes diuisionum ephemeriarum. De Grammatoisagogeis sic primo Deuteronomij: Constitui Principes tribunos, & centuriones, & quinquagenarios, & decanos, qui docerent vos singula. & xvi: Iudices, & magistros constitues tibi in omnibus ciuitatibus tuis. & Deuteronomij xxix: Vos statis hodie coram Domino Deo vestro Principes vestri, & tribus, ac maiores natu, atque doctores. & xxxi: Congregate ad me omnes maiores natu per tribus vestras, atque doctores. & xxi i i Iosue: Vocauit omnem Israel, maioresq. natu, ac Principes, duces, & magistros. & xxi i i i: Vocauit maiores natu, & Principes, & duces, & magistros. Hæc autem eadem in Græca translatione sic expressa sunt: Constitui præesse grammatoisagogeos iudicibus vestris. Item: Iudices, & grammatoisagogeos constitues tibi in omnibus ciuitatibus tuis. Item: Vos stetistis hodie coram Domino Deo vestro archiphyli vestri, & senatus vester, et iudices vestri, & grammatoisagogeis vestri. Item: Aduocate ad me omnes phylarchos vestros, & seniores vestros, indices vestros, & grammatoisagogeos vestros. Item: Vocauit omnem Israël, seniores, Principes, & indices, & grammateos. Itē: Vocauit Seniores, & Principes, & indices, & grammateos. Ex quibus apparet, sine dubio magistratum fuisse vnum, qui iudicibus præpositus grammatoisagogeus dictus fuerit. Qui vero hi γραμματοισαγογῆς fuerint, adhuc parum cōpertum, vt video, fuit. Ceterum S. Augustinus in secundo Quæstio ium super Exodum sic scriptum reliquit: Quos autem dicat γραμματοισαγογῆς post decuriones, nō facile sciri potest, quoniam hoc nomen in nullo usu habemus vel officiorum, vel magisteriorum. Nam quidam doctores interpretati sunt, vt intelligantur vique litterati, qui in-

roducant in litteras, sicut resonat Græcum vocabulum. Hoc sane significatur, quòd ante legem datam habuerunt Hebræi litteras, quæ quando caperint esse, nescio, utrum valeat indagari. nonnullis enim videtur, à primis hominibus eas capisse, & perductas esse ad Noe, atque inde ad parentes Abrahæ, & inde ad populum Israel, sed unde hoc probari possit, ignoro. Et libro xviii, cap. xxxix de ciuitate Dei: Denique Moyses in populo constituit, qui docendis litteris præessent, priusquam diuinæ legis ullas litteras nossent. Hos appellat scriptura grammatoisagogeos, qui latine dici possunt litterarum inductores, vel introductores, eo quòd eas inducant, vel introducant quodammodo in corda discipulorum, vel potius in ipsos, quos docent. Ex his videtur S. Augustinus grammatoisagogeos accepisse pro grāmaticis, qui populum litteras docuerint. quò eodem allutisse etiam latio antiqua videtur, cum vertit, doctores, magistros, & qui docerent omnia.

Quoniam vero hi non omni populo, ut sentire videtur S. Augustinus, doctores constituti sunt, sed ex locis supra allatis iudicibus tantummodo, propterea rectius grammatoisagogeï erunt doctores, & magistri iudicum. Quæ expositio si cui fortasse minus arruerit, is paulisper ab ea recedendo dicere poterit, Grammatoisagogeos fuisse, non qui litteras iudices docerent, sed qui causas ad eos introducerent, & principatum, ut diximus, in eos tenerent. Hoc autem innuere videtur lex Dei supra posita: Iudices, & grammatoisagogeos constitues tibi in omnibus ciuitatibus tuis, & iudicabunt populum iusto iudicio. Quam sic explicuit Iosephus: Imperent in singulis ciuitatibus septemviri virtute, & iustitia studio eminentes. unicuique vero principi duo viri ministri dentur ex tribu Levi. itē tertio Esdra: Constitue iudices, & præfides, qui iudicent

*cent omni populo. præfides, idest iudicij moderatores.*

Hi vero illa erant auctoritate ornati, vt causas, quæ ad se deferrentur, recipere, & reijcere possent, & quas receperissent, ad Iudices introducerent. Vnde dixit Isaias capite primo: *Principes omnes diligunt munera, sequuntur retributiones, pupillo non iudicant, & causa viduæ non ingreditur ad illos.* Græce hoc quoque loco apertius, & apertius: *Et litem viduarum non accipiunt.* Hanc vero vocem LXX interpretes ab Athenientibus acceperunt, qui similes magistratus habuerunt, quos εἰσαγωγεῖς τῶν γραφῶν appellarunt. prout nos latius in libris de rep. Atheniensium scripsimus, ita vt quas illi γραφῆς vocant, hi γέγραμματα verterint. Fuere enim magistratus, qui causas, seu accusationes ad iudices ei iudicio destinatos introduxerunt. Quæ locutione vsus est etiam Cæsar libro primo Belli Ciuilis. *Quasunque, inquit, controuersias inter se milites habuerunt, sua sponte ad Cæsarem introduxerunt.*

Quæ si ita sunt, sane ordo actionis, vt supra diximus, sic constitutus fuisse videtur. Qui litem alicui intendere cupiebat, is aduersarium ad aliquem horum Principum adducebat, & quodammodo in ius rapiebat. qui si litem aut nomen recepisset, rem ad iudicium introducebat. Iudices vero cognita causa aut absoluebant reum, aut dānabant. damnatum autem exactori tradebant, qui illum in carcerem conijciebat, reus vero ibi manebat, donec solueret. Vnde Christus dixit xxi i apud S. Lucam: *Cum vadis cum aduersario tuo ad Principem, in via da operam liberari ab illo, ne forte trahat te ad Iudicem, & Iudex tradat te exactori, & exactor mittat te in carcerem. vnde nō exhibis, nisi ad vnum quadrantem persolueris.* Fuere ergo tribuni, centuriones, quinquagenarij, & decani magistratus, qui inter cetera ipsorum munera iudicibus præpositi

V

causas



causas ad eos introduxerunt, & fortasse etiam docuerunt, quod hodie quoque Venetijs faciunt, quos Aduocatores Communis dicunt. unde scriptum est primo secundi Paralip: *Præcepit Salomon vniuerso Israeli, tribunis, & centurionibus, & Iudicibus.*

Tertium inde horum Principum munus fuit, vt à rege aduocati cum eo, & ceteris Principibus de rebus publicis consultarent, & cum eodem quædam etiam causas iudicarent. De Consilijs hæc testimonio sunt, quæ supra in aliam sententiam quoque prolata sunt. Deuteronomij *xxix: Vos constitistis hodie cuncti coram Domino Deo archiphyli vestri, & senatus vestri, et iudices vestri, & grammatoisagoge vestri.* & *xxxix: Aduocate ad me phylarchos vestros, & grammatoisagogeos vestros.* & *xlii: primi Paralip: Dauid de reducenda arca consilium cum tribunis, & centurionibus, & vniuersis Principibus inijt.* & *xxxviii: Vocauit Dauid omnes magistratus Israel, Principes Iudicum, & tribuum.* & primo secundi: *Salomon aduocauit inter ceteros Principes tribunos, ac centuriones iturus ad sacrificium faciendum.* De iudicijs significatur *xxix eiusdem libri Paralip: Ezechias rex aduocauit omnes Principes Hierusalem, & ascendit in domum Domini.* Item apud Hieremiam *xxxvi: Cum Michæas detulisset ad Principes sedentes in domo regis ad Gazophylacium, se audisse Baruch legentem vaticinium Hieremie de excidio proximo urbis, Principes Baruch accito mandarunt, vt librum legeret. quo audito obstupefacti ad regem Ioachim acceperunt, remq. totam exposuerunt, regique cupienti volumen illud exuri, aliquot e Principibus restiterunt, sed nihil profecerunt.* Item *xxxvi: Comprehendit Ierias Hieremiam, quasi fugeret ad Chaldaeos, & adduxit ad Principes. Quamobrè cuncti Principes Hieremiam casum miserunt in carcerem,*  
acinde

deinde dixere regi: Rogamus, ut occidatur homo iste. Quibus Sedecias rex. Ecce in manibus vestris. nec enim fas est, regem vobis quidquam negare. & xvi i i secundi Paralip: Rex Ahab misit Michæam ad Ammon Principē Ciuitatis, ut eum in carcerem traderet. & xx S. Lucæ: Miserunt insidiatores, qui se iustos simularent, ut caperent eum in sermone, & traderent eum principatui, & potestati præsidis. Principatum enim cum dixit, magistratus Iudæorum intellexit, cum præsidem, Romanum procuratorem.

Si ergo vnus ex Principibus ciuitatis fuit Chiliarchus, idest princeps mille hominum, hinc declaratur locus insignis apud Michæam prophetam de Bethleem, vbi, & vnde Christus erat oriturus. cap. v: Et tu Bethleem Ephraïa paruulus es in millibus Iudæ. ex te mihi egredietur, qui sit dominator in Israel. apertius autem Græce: Et tu Bethleem domus Euphratha paruulus es, ut sis in millibus Iudæ. ex te mihi exibat, ut sit in principem Israelis. hoc enim significat. Tu Bethleem, licet parua vrbs adeo sis, ut mille homines non habeas, & præfectum mille hominum, siue Chiliarchum, creare nō possis, tamē ex te exibat Christus archon, idest Princeps non solum ciuitatis vnus, sed etiam totius Israel.

De Scribis, idest notarijs.

Cap. VIII.

I A M vero Scribas fuisse iurisperitos, qui legem populo interpretarentur, Græce *γραμματοῖς* appellatos, supra scripsimus, cum de religione tractauimus. Nūc illud necessario addimus, scribas quoque fuisse homines, qui scriptum fecerunt, ac scribendo operam magistratibus, populo, & senatui præstiterunt. Scriptum fecisse, docet Psalmus xli i i i: *Lingua mea calamus scribæ velociter*

V 2 scri-

*scribentis*. Et Hieremias xxxvi. vbi inquit, se dedisse prophetiam suam scribendam, & recitandam Baruch scribæ, regem autem Ioachim, vbi illam audiuit, ipsam scalpel lo ipsius scribæ discidisse. Et vii i i, vbi dixit: *Vere mendacium operatus est stylus scribarum mendax*. Num vero hi ex eorum quoque numero fuerint, qui legem interpretati sint, an aliud quoddam quasi corpus confecerint, parû compertum. illos certe publicos legis expositores fuisse, hos vero notarios quasi aliquos extitisse, apparet. Vnusquique vero cognitis scripturæ locis iudicium suum adhibebit. Antiquissima porro scribarum memoria est Numerorû quintodecimo. dixit Deus ad Moïsem: *Cõgrega mihi septuaginta viros de senioribus Israel, & scribas, & duces ad ostium Tabernaculi*. Altera Deuteronomij vicefimo: *Loquentur scribæ ad populum*. vbique græce pro scribis est *ὑπαπατάς*. An vero eodem modo dati sint populo, & senatui, & magistratibus, & an ius suggererint, siue acta eorum in scripta, litterasq. rettulerint, nō liquet. certe eis apparuisse, operamque commodasse suam videntur.

Ac primum quidem regem habuisse scribas, indicat Saraias, qui fuit scriba Regis Davidis, & Elïoseph, & Abia, qui Salomonis, & Sobna, qui Ezechia. & xi i i quarti Regum: *Cumq. viderent nimiam pecuniam esse in gazophylacio, ascendebat scriba regis, & pontifex, effundebantq. & numerabant pecuniam, qua inueniebatur in domo Domini*. Item sæpe alias. Iosephus quoque ostendit, Principibus tribuum affuisse scribas, cum inquit libro septimo Antiquitatum: *Ioab præfectus Davidis regis descripturus numerum Hebræorû sumpsit phylarchos, & scribas, & lustravit totum Israel*.

De Principibus vero ciuitatis idem testatur in recitanda



da lege, cum inquit: *Singulis Septemuiris principibus ciuitatis adfint duo ministri ex tribu Leui*. Ministros enim nimirum intellexit duos scribas, qui acta referrent. Eos vero ex tribu Leui fuisse, ostendit etiam primus Paralipomenon. Vbi *monitores, & scribæ ex tribu Leui* nominantur.

De scribis populi illa sunt argumento Deuteronomij vicesimo: *Loquentur scribæ ad populum*. Et Iosue primo: *Precepit Iosue scribis populi, ut imperarent populo sibi preparare cibaria*. Item tertio: *Transierunt scribæ per castra, ut sequerentur Leuitas portantes arcam*.

Fuisse autem qui populo ministrarint, & qui senatui, illud est documento, quod primo Paralipomenon vicesimo septimo scriptum est: *Tribuni, centuriones, & scribæ, qui ministrant populo*. Et Iosephus libro v belli nominat Aristæum, virum insignem, scribam Senatus. Et Hieremias lxxi nominat de Hierusalem abductum scribam, *principem militum, qui probabat tyrones*. græce τὸν γραμματῆα τῶν δυνάμεων τὸν γραμματιῶντα τῷ λαῷ πάσης τῆς γῆς, idest scribam copiarum scriptum facientem populo totius terræ. Ceterum cum in Græca versione sit vbique vna vox γραμματῆς, Latina tamen variat, ac *duces, & Principes, & Praecones*, vertit. Ex quo appar et, ne ii si quidem interpreti satis constituisse, quid essent γραμματῆς, neque ibi pro legis doctoribus accepisse. Fieri autem potuit, ut scriba idem, qui scriptum faciebat, multis alijs officijs publicis inferuaret.

De Re Bellica.

Cap. IX.

HACTENVS tradita sunt, quæ domi aut à populo, aut à Senatu, aut à Magistratibus peragenda fuerunt.

V 3 nunc

nunc res postulare videtur, ut quæ foris, idest militiæ ratio rei gerendæ fuerit, exponamus. siquidem ut sacerdotes, & iudices, sic etiam Imperatores partes præcipuæ sunt optimæ ciuitatis, ut Aristoteles litteris prodidit. Neque vero de hac re multa dicentur, quod sacræ litteræ non multa suppeditent, quæ dicantur. Primum autem quæ belli gerendi præcepta Deus reliquerit, deinde per quos res gesta sit, tum quæ bella ab Hebræis administrata sint, exequemur. De bello igitur gerendo sic Deus præcepit Deuteronomij xx: *Si exieris ad bellum contra hostes tuos, & videris equitatus, & currus, & maiorem, quam tu habeas, aduersarij exercitus multitudinem, non timebis eos, quia Dominus Deus tuus tecum est, qui eduxit te de terra Aegypti. Appropinquante autem iam prælio, stabit sacerdos ante aciem, & sic loquetur ad populum, Audi Israel, vos hodie contra inimicos vestros pugnam committitis, non pertimescat cor vestrum, nolite metuere, nolite cedere, nec formidetis eos: quia Dominus Deus vester in medio vestri est, & pro vobis contra aduersarios dimicabit, ut eruat vos de periculo. Duces quoque per singulas turmas adiente exercitu proclamabunt. Quis est homo, qui edificauit domum nouam, & non dedicauit eam? vadat, & reuertatur in domum suam, ne forte moriatur in bello, & alius dedicet eam. Quis est homo, qui plantauit vineam, & nec dum fecit eam esse cōmunem, de qua vesci omnibus liceat? vadat, & reuertatur in domum suam, ne forte moriatur in bello, & alius homo eius fungatur officio. Quis est homo, qui despondit uxorem, & non accepit eam? vadat, & reuertatur in domum suam, ne forte moriatur in bello, & alius homo accipiat eam. His dictis addent reliqua, & loquentur ad populum. Quis est homo formidolosus, & corde pauido? vadat, & reuertatur in domum suam, ne pauere faciat cor-*

da fratrum suorum, sicut ipse timore perterritus est. Cumque siluerint duces exercitus, & finem loquendi fecerint, unusquisque suos ad bellandum cuneos preparabit. Si quando accesseris ad expugnandam ciuitatem, offeres ei primum pacem. Si receperit, & aperuerit tibi portas, cunctus populus, qui in ea est, saluabitur, & serui tibi sub tributo. Sin autem fœdus inire noluerit, & ceperit contra te bellum, oppugnabis eam. Cumque tradiderit Dominus Deus tuus illam in manu tua, percuties omne, quod in ea generis masculini est, in ore gladij, absque mulieribus, & infantibus, iumentis, & ceteris, quæ in ciuitate sunt. Omnem prædam exercitui diuides, & comedes de spolijs hostium tuorum, quæ Dominus Deus tuus dederit tibi. Sic facies cunctis ciuitatibus, quæ à te procul valde sunt, & non sunt de his urbibus, quas in possessionem accepturus es. De his autem ciuitatibus, quæ dabuntur tibi, nullum omnino permittes viuere, sed interficies in ore gladij, Hethæum videlicet, & Amor. hæum, & Chanaanæum, Pherezæum, & Heuæum, & Iebusæum, sicut præcepit tibi Dominus Deus tuus, ne forte doceant vos facere cunctas abominationes, quas ipsi operati sunt Djs suis, & peccatis in Dominum Deum vestrum. Quando obsederis ciuitatem multo tempore, & munitionibus circumdederis, ut expugnes eam, non succides arbores, de quibus vesci potest, nec securibus per circuitum debes vastare regionem, quoniam lignum est, & non homo, nec potest bellantium contra te augere numerum. si qua autem ligna non sunt pomifera, sed agrestia, & in ceteros apti vsus, succide, & instrue machinas, donec capias ciuitatem, quæ contra te dimicat. Ex his, inquit Philo, liquet, Iudeorum gentem amicam esse omnibus pacem amantibus, non contemnendam tamen, ut cui satis animorum sit ad repellendam iniuriam, si quis ultro velit laceffere. discernit autem in bello, qui sibi infesti



*sunt, & qui non nam cadibus sauire in immeritos, aut leuiter noxios, immanis est ferotia, & iisdem cladibus mulieres cum viris inuoluere. tantus porro amor iustitia est, ut ne agros quidem hostiles vastare liceat, & arbores cadere ad fructuum interitum.*

## De Principe militiae. Cap. X.

INTER magistratus autem, qui operam rei militari dederunt, primum locum tenuit Imperator, idest dux belli. is enim post regem summam in castris potestatem est nactus. Hic vero à Latino interprete Princeps militiae dictus est, à Græco vero ἀρχιστρατηγός τῆς δυνάμεως, & ἀρχὴν πάντων ἀρχόντων τῆς δυνάμεως. i. primarius dux exercitus. Talis vero princeps principum omnium exercitus fuit Abner sub Saule rege. nā Regū secundo cap. 11: *Abner filius Ner princeps exercitus Saul dñ.* Et tertio: ἡγούμενος μίγας. i. dux magtius à Dauide appellat. Talis sub Dauide Ioab, & Amasa, qui in eodem libro *principes militiae Israel, & super omnē exercitū* fuisse dicuntur. De Ioab sic xxiii: *Dauid Ioab principi militiae mādauit, ut vniuersum populū Hebræorum recenseret, & summam militum conciperet.* Ad Amasam vero xix dixit ita: *Hæc faciat mihi Deus, et hæc addat, si non magister militiae fueris omni tempore.* Quin etiam xxi i i i quarti scriptum est, Nabuzardan ducem Nabucdonosoris transtulisse Babylonem Sophier principem exercitus, qui probabat tyrones de populo terræ. At Græcus habet, *scribam principis exercitus recēsentem populum terræ.* Multum vero valuisse apud regem ipsum militiæ Principem, indicauit Helisæus, cum in quarto Regum quarto dixit ad viduam: *Habes negotium? vis ut loquar regi, aut Principi militiae?*

De Tribunis, & Centurionibus. Cap. XI.

IMPERATORI porro paruere Chiliarchi, Ecatontarchi, Pentecōtarchi, & Decadarchi. Hos vero instituit Moyses, vt præfēti essent mille hominibus, centum, quinquaginta, & decem. quos Latinus, vt dixi, interpret transtulit tribunos, centuriones, quinquagenarios, & decanos. Ex ijs autem ferme fuere, qui principatum familiarum gesserunt. sic enim scriptum est primo Numerorū: *Phylarchi secundum familias suas sunt Chiliarchi Israel.* quasi vero dicat, ex eorum numero maxime euectos esse ad Chiliarchatum, qui in suis tribubus essent patriarchæ. neque enim omnes patriarchæ tribuni fuerunt. Chiliarchi vero dicuntur etiam ἀρχοντες, & ἀρχηγοὶ τῶν χιλιάδων, idest Principes Chiliadum, vt xii primi Paralipom: *Transfugerunt ad David de Manasse Eduas, & Iezabud Principes Chiliadum.* & xxiii: *David conuocauit Principes Chiliadum, vt arcam reduceret.* Chiliadis porro militaris mentio est in libro Iudicum. Nam cum Gedeon vocatus esset ad Principatum, eum respuit dicens: *Chilias mea humilis est in Manasse, et ego in familia mea infirmus sum.* item apud Michæā: *Et tu Bethleem paruulus es, vt sis in millibus,* idest vt Chiliadem, & Chiliarchum creare possis.

Centuriones autem, qui ἑκατοντάρχαι à Græco interprete versi sunt, iidē etiam ἀρχοντες τῶν ἑκατοντάδων, idest Principes Centuriarum vocati, vt xxvi secundi Paralipom. Vbi dicitur, David conuocasse Principes Chiliadum, & Centuriarum, idest tribunos, & Centuriones. Tribunorum porro, & Centurionum belli causa metio fit sæpe. vt David exercitum contra Absalon filium emisurus xvi secundi Paralipom. cōsiderato populo suo

con-

constituit super eos tribunos, & centuriones, & fecit tres partes populi sub tribus ducibus exercitus totius. Et quarto Regum xi: *Ioia da ut Athalias reginam opprimeret, centuriones acciuit*, pro quibus in secundo Paralipo. xxi i i, Principes familiarum aduocati dicuntur. Et xxv: *Amasias rex bellum moturus congregauit Iudam, & excitauit eos per domos familiarum suarum in tribunos, & centuriones in uniuerso Iuda, & Hierusalem, & numerauit eos à viginti annis, ut supra. & inuenit eos trecentas Chiliadas, qui exire ad bellum possent*. Et tertio primi Maccabæorum, Iudas princeps bellum illaturus dicitur constituisse, qui ducerent populum, tribunos, & centuriones. Atque hos quidem etiam ἀρχοντας τῆς συνάκτου, & στρατηγῆς, idest principes exercitus aliquando scriptura vocauit. ut Numer. xxxi: *Iratus est Moyses principibus exercitus, tribunis, & centurionibus*, licet Græce non principibus, sed episcopis, idest inspectoribus scriptum sit. Et xxi i i i secundi Regum: *Egressusque est Ioab, & Principes exercitus à facie regis, ut numerarent populum Israel.*

## De Quinquagenarijs, & Decanis. Cap. XII.

PENTECONTARCHI vero, & Decadarchi memoria vsurpatur non solum in Exodo, vbi instituntur à Moisc, sed etiam primo quarti Regum, cum inquit: *Ochozias rex Iudæ misit ad Heliam prophetam Quinquagenarium principem cum quinquaginta militibus, inde alterum, inde tertium*. Item primo Maccabæorum: *Iudas constituit super populo tribunos, centuriones, pentecontarchos, & decadarchos.*

Hi vero omnes pro arbitrato designabantur à rege.

De



De principe militiæ liquet ex eo, quod supra de Amasiascriptum est. De tribunis, & centurionibus illa sunt documenta. *VI I I* primi Regum: *Rex constituet sibi filios vestros tribunos, & centuriones.* & *XXVI I I*: *Saul fecit sibi Dauidem tribunum.* & *XVI I I* secundi: *Dauid constituit super populo suo tribunos, & centuriones.* & post: *Stetit rex iuxta portam, egrediebaturq. populus per turmas suas centeni, et milleni.* & primo Paralipom. secundo: *Dauid dixit: Qui percusserit Iebusaum, is erit mihi in principem, & ducem.* Græce εἰς ἀρχοντα, καὶ στρατηγόν, idest principem in ciuitate, & ducem in exercitu faciam. & *XXV* secundi: *Amasias rex constituit Iudeos per familias tribunos, & centuriones.* Græce excitauit per domos familiarum suarum in tribunos, & centuriones. Ex quo apparet, non semper ex familiarum principibus tribunos esse delectos, sed ex familijs ipsis. & primo Maccabæorum tertio: *Iudas constituit, qui ducerent populum, tribunos, centuriones, pentecontarchos, & decarchos.*

## De Magistratu Templi. Cap. XIII.

**E**X præfectis porro militaribus quidam fuere, qui Græce προστάται, & στρατηγοὶ τῆ ἱερᾶ dicti sunt, idest præfides templi, & præfecti exercitus templi. Hi vero præsidio templi præfuerunt, quod olim Iudas Maccabæus imposuit, itemq. turris Antonia, quam cum templo iunctam illius posteri condiderunt. De præsidio Templi sic scriptum est primo Maccabæorum: *Iudas edificauit montem Sion, & per circuitum muros altos, & turres firmas, ne quando venirent gentes, & conculcarent eum, sicut ante fecerant, & collocauit illic exercitum, ut reseruaret eum.* De Turri sic Iosephus: *Principes Assamonei turrim templo cō-*  
tinen-

*inentem precipue communierunt, quam Barim dixerunt, atq. ibi stolam pontificiam asseruari iusserūt. quam turrim Herodes rex postea ad templi custodiam confirmavit, & in gratiam M. Antonij Triumviri amici sui Antoniam appellavit. Habuisse autem Iudæos eiusmodi custodiæ causâ milites, indicat etiam S. Matthæus xxv 11. cum enim petissent Iudæi à Pilato, vt iuberet custodiri sepulchrum Christi vsque in tertium diem; respondit Pilatus: *Habetis custodiam, ite, custodite, sicut scitis*. Huic vero præsidio præerat tribunus militum vnus, aut fortasse etiam plures cum cohortibus suis, vt mox apparebit.*

Præter milites vero, qui templum custodiebant, erāt quoque ministri, idest lictores, quos ad comprehendendos reos iussu Principum sacerdotum, & populi adhibebant. Quod si qui rei violati templi, aut contemptæ religionis, aut grauioris alicuius flagitij essent, aut eis opibus præditi, vt eos timerent, tum lictoribus custodes etiam milites adiungebant, lictores aduocantes, vt manum iniicerent, atque vincirent, milites, vt vim, sicunde forte ingrueret, propulsarent. Probantur hæc omnia historia Christi. Primum enim Iudas proditor accessit ad Principes sacerdotum, & se, si sibi pretium darent, Christum illis proditurum esse, professus est, inde cum aliquot eorū adiit ad tribunum militum, & cohortem accepit, tum ministros sumpsit. demum cum his omnibus contendit ad Christum capiendum. Loca Euangelij proferam, si lectorem ante monuero, Latinum interpretem *ῥατῆρὸν* magistratum videri parum apte vertisse, primum, quia militarem principatum non expressit, qui in voce *ῥατῆρὸς* continetur, deinde, quia confudit hunc cum principibus populi, qui post cum Senioribus eidem iudicio affuerunt, & eodem Magistratus nomine afficiuntur, cum Græce  
non

non ἑταῖροί, sed ἀρχόντες nominentur. Matthæus xxvi, & Marcus xiiii: *Abijt Iudas ad Principes sacerdotum, et ait illis. Quid vultis mihi dare, & ego eum vobis tradam?* Lucas autem ipsis Principibus sacerdotum etiam Principes populi adiicit, quos interpretes Magistratus appellat, inquires: *Abijt Iudas, & locutus est cum Principibus sacerdotum, & Magistratibus, quemadmodum illum traderet eis.* Ioannes autem xvi: *Iudas, cum accepisset cohortem, et à Principibus sacerdotum, ac Phariseis ministros, venit il- luc. & mox: Cohors autem, & Tribunus, & ministri Iudæo- rum comprehenderunt Iesum, & ligauerunt eum.* Lucas xxi: *Dixit autem Iesus ad eos, qui venerant ad se, Principes sacerdotum, & Magistratus templi, & Seniores.* Græce pro magistratus templi ἑταίρους τοῦ ἱεροῦ. Ostendit idem historia apostolorum, Actuum iiii: *Loquentibus autem apostolis ad populum, superuenerunt sacerdotes, magistratus templi (idest ἑταίρους τοῦ ἱεροῦ) & Sadducei.* Et v: *Vt audie- runt hos sermones Magistratus templi, & Principes sacerdo- tum, ambigebant de illis, quidnam fieret. tunc abijt Magistra- tus cū ministris, et adduxit illos vi.* ex quibus liquet, Ma- gistratus templi duces militares fuisse ad reos capiendos adhibitos. Arque hæc quidem mea est de Magistratu tē- pli sententia, quæ si vera est, sequitur vt errēt illi, qui his eisdem auctoritatibus fulti eos iudices fuisse, qui in tem- plo iudicarent, asseruerunt.

De Bellis Iudæorum. Cap. XIII.

HIS expositis sequitur, vt eorum etiam satisfaciam voluntati, qui bella ab Hebræis gesta summam cognoscere cupiunt. Hæc vero in magna varietate versata sunt. Primum enim armis contendere Hebræi per Arabiam transeuntes duce Moise cum ipsis Arabiæ incolis, ante- quam



quam ad Iordanem transfirent, vt cum Amalecitis, Arad rege Chananæorum, Seon rege Amorrhæorum, & Og rege Basan, cum Moabitis, & Madianitis. Deinde postquam Iordanem transierūt, Iosue duce cum Amorrhæis, Chananæis, Gergesæis, Hettæis, Heuæis, Iebusæis, & Pheræis, qui terram Chananæam à Deo sibi promissam habitabant, eisque magna mole deuictis eam in sortem coniecerunt. Diuisa inde terra, ac sedibus in ea collocatis bella vicinorum diu passi sunt regis Mesopotamiæ, Chananæorum, Madianitarum, Moabitarum, Ammonitarum, & Philistæorum, qui vltimi perpetui hostes fuerunt vsque ad tempora Dauidis, cum quinque vrbes ad mare Syriacum obtinerent versus Aegyptum, Gazam, Ascalonem, Accaronē, Geth, & Azotum. Atq. hæc ferme Iudicibus rerum potentibus. Saul inde rex primus Naas regem Ammonitarum deuicit, Philistæos fatigauit, & Agag regem Amalecitarum, licet longe positum, iussu Dei oppressit. Inde Dauid certauit cum Isboseth filio Saulis rege à suis contra se acclamato, cū Iebusæis, quos vrbe Hierusalem pepulit, cum Moabitis, & Ammonitis, cum filio Absalon, & Siba, quorum à se vterque defece- rat, & quater cum Philistæis. quibus profligatis, ac Syriā Damasci, & Idumæa ad regnum adiuncta imperium ex omni parte pacatū filio Salomoni reliquit. sub quo pax solida fuit. Diuiso inde post obitum eius in duas partes regno, quarum vna Iudæ, altera Israel appellata est, vtraque sæpe arma inter se ciuilia contulerunt. Externos vero hostes pertulerunt, eos reges, qui tum opibus excellebant, Aegypti, Assyriorum, Babylonie, ac Syriæ. Quibus cum resistere propter peccata non possent, Israelitæ demum, qui decem tribus obtinebant, ab Assyrijs translati sunt Ninive, Iudæi vero à Babylonijs Babylonem. Postquam

quam autem Iudæi concessu Cyri regis Persarum antiquum patrię solum recuperarunt, primum Persis, deinde Macedonibus Alexandri Magni successoribus Aegypti, ac Syrię regibus tributarij paruerunt. ad extremum ab Epiphane libertate, ac religione mulctati captis armis tandiu reges ipsos Syrię fatigarunt, donec libertatę integram receperunt. Tum vero subactis Idumęis, Samaritanis, Ituręis, Moabitibus, & Galaaditis, cum inter se contendere de regno cœpissent, arma contra se Romanorū traxerunt. tria vero præcipua ab eis bella perpessi sunt, vnum Cn. Pompeij, qui urbem cepit, alterum C. Sosij, qui Aristobulo rege vrbe pulso Herodem intulit, tertium Titi Cæsaris, à quo vrbs euersa, gensque ipsa deleta est.

Ex quibus intelligi potest, & ducibus, & scientia militari opus Iudęis fuisse, vt tantam molem, varietatem, ac perpetuatę bellorū egregie sustinerēt. Bellis vero alienis Iudæi non affuerunt, nec gētium stipendia meruerūt, aut suis eas stipendijs ascuerunt, quia quocunque modo commercium cum gentibus habere prohibiti lege sunt. Itaque Tiberius Cæsar, vt eos sibi militare propter patrię legis custodiam abnuere vidit, summis tormētis affecit, vt Iosephus xvi i i libro mandauit.

## De Statu Iudęorum extremo. Cap. XV.

His explicitis, nunc quę de statu Iudęorum extremo Philo scriptum reliquerit, addam, atque hac quoque parte illustrata huic commentario finem imponam. In primis ergo quanta per omnes terras Imperante Caio Iudęorum esset diffusa multitudo, docuit in libro de legatione ad Caium: *Populosa, inquit, est Iudæorum natio, nō, ut alia, comprehensa vnius regionis spatio, sed totum pene orbem*

orbem passim incolens. diffusa est enim per continentis prouincias omnes, atque insulas, adeo ut non multo pauciores sint indigenis. absque eo quod ipsam Iudaeam innumera multitudo incolit, Babylon etiam, & multae aliae satrapiae ab eis tenentur, qui singulis annis sacram pecuniam mittunt in templum primitiarum nomine, quanquam per vias difficiles. Adijcit inde de coloniis à Iudeis in varias regiones deductis, hoc modo: Sancta ciuitas metropolis est non vnius regionis Iudaeae, sed et multarum propter colonias inde olim deductas vel propius in finitimam Aegyptum, Phenicem, Syriam tum ceteram, tum eam, quae Cale dicitur, vel longius in Pamphylia, Ciliciam, plerasque Asia partes usque in Bithyniam, & Ponti sinus intimos, pari modo in Europa Thessaliam, Bæotiam, Macedoniam, Aetoliam, Atticam, Argos, Corinthumque Peloponnesi partes praecipuas nec tantum continentis prouincia plena sunt coloniis Iudaicis, sed & insularum celeberrimae Euboea, Cyprus, Creta, ne quid dicam de Transsephratisensibus. excepta enim parua parte Babylonis, & aliarum praefectarum, omnes urbes, quae bonum agrum habent, à Iudeis incoluntur. Inde de Templi maiestate sic intulit: Templum iam inde ab initio nullam admisit manufactam effigiem, cum sit Dei domicilium. pictorum enim, atque statuariorum opera sunt sensibilibus Deorum imagines. illum autem inuisibilem pingere, aut fingere, nefas duxerunt nostri maiores. Agrippa illud inuisit, & honorauit. Augustus per litteras iussit, undecunque illuc mitti primitias, instituto ibi etiam quotidiano sacrificio. Non Graecus, non barbarus, non rex, satrapa, ne ullus vel insensibilis, non seditio, non bellum, non captiuitas, non vastatio, non alia res ulla tantam cladem intulit, ut contra veterem morem effigies manufacta in id importaretur. quanuis, inuisensos haberet accolae, semper tamen sua religione tutum fuit,



fuit, ut sacratum conditori, patriq; rerum omnium, sciebāt  
 .n. violationem eius expiatam saepe grauissimis calamitati-  
 bus. Postremo subijcit, & de synagogis hoc modo: Au-  
 gustus cognito, quod negligenter sacra primitiæ, per lit-  
 teras mandauit prouinciarum Asiæ procuratoribus, ut si-  
 neret, Iudeos solos in synagogis cœtus facere. non. n. hoc esse  
 Bacchanalia, vel seditiosorū conuenticula turbanda pacis  
 causa, sed scholas iustitiæ, tēperantiq; in quibus studium  
 virtutis floreat; primitias verò quotannis conferri, unde  
 fiant sacrificia, missa in hoc sacra legatione ad templum  
 Hierosolyma. deinde edixit, ne quis sit impedimento Iudeis  
 cœtus, collectasue facientibus, aut Hierosolyma eas mitten-  
 tibus more patrio. Ut autem Iudæi ritus patrios colue-  
 rint, idem etiam non dissimulat, inquires: Omnes gentes  
 libenter seruant ritus patrios, sed Iudæi præ ceteris. Cum  
 .n. leges suas credant oraculis proditas, easq; discant à pue-  
 ritia, in animis circunserunt harum expressas imagines,  
 & semper intuendo admirantur, ut honestissimas, alieni  
 genas quoque harum obseruatores amplectuntur pro suis  
 ciuibus. osiores autem earum, aut vituperatores habent pro  
 hostibus, & in tantum abhorrent à quauis re suis legibus  
 vetita, ut omnibus fortunis, felicitatibusq; humanis ad præ-  
 uaricationem adduci nequeant. sed nihil religiosius, quam  
 templum, colunt, vel hoc argumento, quod certissima mors  
 proponitur ultra septum interius penetrantibus. nam in-  
 tra exterius recipiunt undecunque venientes sue gentis  
 homines. Hinc Rutilius in Iudeos post Titi victoriam  
 vbique dispersos scripsit.

Atque utinam nunquam Iudea subacta fuisset

Pompeij bellis, imperioque Titi,

Latius excise pestis contagia serpunt,

Victoresq; suos natio victa premit.

X

ATQVE

ATQVE hæc quidem de rep. Hebræorum inuenimus, quæ quàm planissime, ac distinctissime potuimus, explicuimus. Quibus diligenter mente, ac ratione perceptis, si quis iterum se ad sacra volumina perlustranda contulerit, ne ille multo clarius multa ante tetra caligine mersa perspexerit, ac liquidiore illius doctrinæ haustu conceptam visceribus cælestis scientiæ sitim sedarit. Ceterum si in his opportuna sacrarum litterarum auctoritate firmandis paucis fortasse in locis Græcam interpretationem attulimus, aut aliquid ex tertio Esdræ libro testimoniorum deprompsimus, id nobis censemus vitio verti non oportere. sic enim fecimus cum ob nimiam rerum, quas tractabamus, obscuritatem, quæ plane alia dilucidari ratione non poterat, illustrandam, tum propter sanctorum patrum auctoritatem, qui septuaginta interpretes adhibuere, prodendam, & quidem cum non de dogmate ullo, sed de sola antiquitate disputaremus. quin etiam in veteribus institutis, ac moribus declarandis lucē nos ex antiquissimo quoque monumento posse petere iudicauimus. quo consilio Philonis etiam, & Iosephi, doctissimorum virorum, fidem sepiissime implorauimus, ut à quibus multa, eaq; insignia prisce memoriæ præsidia, ac supplementa sanctos quoq; patres cognouimus accepisse. Sed hæc, & eiusmodi alia utcunq; animaduersa prorsus exacte Ecclesiæ censuræ, iudicioq; remittimus. Illud quidem certe non dubitamus, quin ut multo plura desideraturi sunt, qui semel ad tantas admissi epulas haud plane saturati discesserint, meliora vero parituri, qui his quæstionibus excitati præclara sua ingenia ad eiusmodi generis alia indaganda contulerint; sic multo felicius arcana, quæ his continentur, mysteria venaturi sint, qui faces eiusmodi secum ad abditas eorum

rum latebras perscrutandas prætulerint. Myſteria vero intelligo, cæleſtem vitam, atque æternam, quam S. Auguſtinus hac prænotatam rep. docuit, afferens populum Hebræum in vnam eſſe remp. congregatum, quæ æternæ vitæ ageret ſacramentum. omnes. n. inquit, prophetiæ, omnia præcepta vitæ, ſacra deinum, ſacerdotia, cæremoniæ, dies feſti, ſignificata, & prænunciata ſunt, quæ propter æternam vitam fidelium in Chriſto & impleta credimus, & impleri cernimus, & implenda confidimus. Vtinam autem Deus ipſe pro ſua incredibili miſericordia faxit, vt quam nos ciuitatem viui deſcripſimus in terris, eius poſt mortem conſpectu perfruamur in cælis, vt læti ob ea, quæ nobis dicta ſunt, fore, vt in domum Domini veniremus, vere tandē dicere cum propheta poſſimus: *Sicut audiuiſimus, ſic vidimus in ciuitate Domini virtutum, in ciuitate Dei noſtri. Beati, qui habitant in domo tua Domine, in ſæcula ſæculorum laudabunt te.*

F I N I S.





# RERVM, ET VERBORVM I N D E X.

- A**ron Moïſis frater primus Pontifex, & poſteri eius Eleazar filij. 171. 172  
Abia octava claſſis Sacerdotalis, quæ. 188  
Abominatio deſolationis apud Danielem, quæ. 61  
Abraham filius Thare, Hebræus, ſextus ab Heber, initium hiſtoriæ Hebræorū. 6. 7. filij eius Iſaac, et Iſmael. 7. Huic promiſit Deus progeniem innumeram Iſraelitarum, poſſeſſionem terræ Chanaanæ, & benediſtionem omnium genium in ſemine eius, Chriſto. 7  
Acerabuſa inſtrumenta Tabernaculi. 39.  
Actuum loca expoſita. 24. 64. 70. 78. 81. 190. 54. 221. 222. 230. 242. 317.  
Adam primus homo, Deū cognouit, & peccatum, ac mortem in mundum intulit, filios genuit Abel, Caim, & Seth. 4.  
Adar menſis Hebræorum. 69  
Adulteri lapidabantur. 273. 274. 275  
Aedui, quot. 201  
Aegyptium templum Iudeorum quando conditum, & claſum. 63  
Aelia diſta Hieruſalem ab Aelio Hadriano. 36  
Afflictiones corporis, ieiunio, cilicio, & cinere ſeſebat. 151. 152. 154  
Agni maſtatio in paſchate, qualis. 76. 95.  
Alexander Magnus honorauit Iudeos. 15.  
Altare Holocauſti aneum factū à Moïſe. 39. 40. 41. factum à Salomone in templo. 53. 54. 139. reſectum à Iuda. 57. 58  
Altare thymiamatis aureum. 38. 41. 137. factum à Salomone in Templo. 53. 54. 139  
Altare in Galgalis. 238. in Maſpha. 239. in Gabaon. 46. in Ramatha. 279. in Excelfis. lege Excelfa.  
Aminadab ſernauit Arcam fœderis. 47  
Anna Pontifex, quando, & quomodo. 178. 180. 181  
Annus Hebræorum naturalis, et ciuilis. 65. 67. 85. 102. annus lunaris, quomodo ad ſolarem redigeretur. 64. 66  
Annus ſeptimus ſabbatarius qualis. 88. 89.  
Annus quinquageſimus ſabbatarius qualis. 89  
Antiochus Epiphanes rex Syriæ affixit Iudeos. 15. 22. contaminauit templum Hieroſolymitanum. 57. dedicauit templum Samariæ Ioui. 62  
Arca Noe, qualis. 5  
Arca pecunie ſacræ, qualis. 145. lege Gazophylacium.  
Arca Fœderis præſcripta à Deo conſtituta à Moïſe. & ornamenta eius. 39  
Arca Fœderis, teſtimonij, & teſtamenti idem. 40. 43. delata in Galgal. in Silo. 45. ad Philiſteos. 45. 46. ad Bethſamitæ Iude, in Cariathiarim, in Gaba. 46. in Silo. 47. in templum. 47. 54. euaniuit. 48  
In arca tabula legis fuerit, ſine Teſtamento. 42. 43. 47. 54  
Arch-

# I N D E X.

*Archifynagogus, quis.* 65  
*Arietum oblatio.* 165. 182  
*Aristocratia Hebræorum à Deo instituta, qualis.* 23. 24. 25  
*Aristotelis opinio de aristocratia, & regno pleno conveniens iudicio Hebræorum.* 25. 26  
*Aromata in sacris adhibita, unde fiunt.* 138  
*Arx condita in tertio colle mōris Sîd.* 35  
*Asaph Psalmista.* 197. 198  
*Asphalites lacus in Iudæa, sine mare mortuum.* 30  
*Assamonei leuitæ recuperarunt rem Iudæorum contra Antiochum Epiphanem, & Principatum, & Pontificatum adepti sunt, & postea regnum.* 172. 289. 290. 291  
*Athalia regina templum corripit.* 55  
*Atrium Tabernaculi præscriptum à Deo.* 39. 40  
*Augustus censum in caput instituit, ac totum orbem censuit. lege census.*  
*Auris quid significet.* 166  
*Azymorum dies, qui. 75. 95. Azymorum prima, & septima dies sancta. 76. 77.*  
*Azymorum canister.* 164  

E

*Balam prophetico spiritu ornatus.* 206.  
*Balthæus pontificis, qualis.* 158. 159  
*Benedicere usurpabant, pro maledicere.* 274  
*Bella suscepit, & gessit rex pro arbitratu suo. 288. de re bellica Iudæorum. 309. de mouendo bello lex. 310.*  
*Belli duces, qui. 312. 313. Bella ab Hebræis gesta.* 317. 318  
*Beniamin filius Iacob. 8. tribui nomen dedit. 9. eius tribus cum tribu Iudæ coniuncta fuit. 34. 35. in eis fuit Hierusalem. 34. & in Benjamin pars templi.* 35  
*Bothanum mensis.* 69  
*Blasphemi lapidabantur.* 273. 274

*Eule, Bulentæ, & Buleuteri.* 244. 245  

C

*Abala historica Iudæorum.* 215  
*Caisas Pontifex, qualis.* 180  
*Caim progeniem improbam peperit.* 4  
*C. Caligula Imp. templo Iudæorum infestus, & synagogis.* 60  
*Candelabrum præscriptum à Deo, & constructum à Moise.* 40. 167.  
*Cantores à Davide instituti sub Asaph, Heman, & Idithun.* 197. 198. Cantorum vices xxi. 198. officia. 197. 198. 202. vestes. 202  
*Caper emissarius.* 169. 136  
*Capitium, quod.* 160  
*Cariathairim opp. habuit Arcam, & Tabernaculum.* 46  
*Carcer propter reos.* 305. 306  
*Cathedra Moisis, quæ.* 216. 230  
*Census in caput ab Augusto institutus. 232. excitauit hæresim Gaulonitarum. 232. soluit à Christo. 232.*  
*Centuriones iudiciales. 278. 301. 305. 306. militares. 313. lege eccliarum. Centuriarum principes.* 313  
*Chanaam sine Chananea terra, quæ postea Iudæa 7. 30. habitata à septem populis, occupata ab Israelitis, dimissa in partes XII.* 30  
*Cherubin præscripti à Deo super Arcam.* 38. 39.  
*Chilias ciuitatis. 307. militaris. 313. 314.*  
*Chiliadum princeps.* 313  
*Chiliarchi instituti à Moise. 247. 284. 301. 306. 313. lege Tribuni.*  
*CHRISTVS ex progenie Seth. 4. promissus Abraham 7. Historia Hebraica finis. 3. ad legem explendam venit. 23. & cum auctoritate docuit. 220. Pharisæis, Scribas, Sadduceos, & Herodianos præcipue persecutus est. 228. 229. 230. à Concilio indicatus. 264. Christi uaticinia de Iudæis veritatem acceperunt.* 60. 61  

Christus

# INDEX.

- Christus unctum, & regem significat.* 284. 285
- Cidaris Pontificis.* 163
- Cilicium in afflictione corporis.* 152
- Cingulum, sine baltheus Pontificis.* 159
- Cinis in afflictione corporis.* 152
- Circuncisio mandata Abrahamæ.* 28. 29.
- Moisi.* 133
- Cinis, quis.* 28. *cinis Israelita, quis.* 28
- Civitatis partes Iustificaciones, & Indicia.* 37. *Civitatis tractatio diuisa in Consilia, Indicia, & Magistratus.* 234. *Civitatem instituit religio.* 234. *Civitas iusto, et utili continetur.* 235. *Civitas David, quæ.* 35
- Collecta frugum, festum.* 96. *in septima Azymorum.* 77. *fructuum.* 102
- Columbarum oblatio.* 133. 134. 204
- Concilium, sine Synedrium instituit Deus, sine Moyses.* 254. 255. 256. 257. *confirmavit Iosaphat rex.* 257. *restitutum est post exilium.* 258. *Quid de eo Talmudistæ tradiderim.* 255. *differt à Iudicio Civitatum.* 246. *lectum est ex senioribus, & sacerdotibus.* 256. *& posteris Davidis.* 258. *ab Herode musatum.* 259
- In Concilio causam cognovit Moyses.* 257. *Concilium indicavit Herodem.* 260. *Christum.* 264. *S. Petrum.* 166. *Apostolos.* 267. *S. Stephanum.* 167. *268. S. Paulum.* 268. *S. Iacobum.* 268. *S. Mathiam; & alios.* 269. *Christo fuit infestum.* 263. *ornatum lege, ne quis nisi ab eo necaretur.* 260. *eo iure privatum.* 261. *initum est à sacerdotibus, senioribus, & principibus.* 256. *sub Romanis damnatum, non animadvertit.* 256
- Concilium, & Iudicium quomodo a sur-jarit Christus.* 262
- In Concilio quomodo peractum iudicium sit.* 158
- Consilia quinq; à Gabinio proconsule illata.* 161
- Concio, synagoga, & ecclesia, idem.* 236
- Concio universi populi à quo aduocata.* 237. *ratio convocandi.* 237. *instituta à Deo.* 236. *legitima, & consensu.* 241. 242. *vocata ad audiendum, orandum, agendum. i. creandos magistratus, & iubendum bellum.* 238. 239. *Conciones Græcorum turbulentæ.* 243. *legitimæ tres in mense.* 242
- Conditiones Pontificis.* 160. *sacerdotum.* 183. *Iudicum.* 250
- Confessiones. i. Dei laudes, quomodo fiervent.* 130. 197
- Consuemini domino, quoniã bonus.* 131. 199
- Consecratio Pontificis.* 163. 165. *sacerdotis.* 182. *Regis.* 285. *Consecrationis sacrificium.* 132. 164. 165
- Consilia, & Indicia partes Civitatis.* 234
- Consilia de utilitate tractant.* 235. *in Senatum, & Concionem diuiduntur.* 235. 242
- Consistorium Gazith, quale.* 253
- Convectus forenses Romanorum.* 243
- Corbona idem, quod Gazophylacium.* 145
- Corona ornamentum Tabernaculi prescripta à Deo.* 39
- Corporis afflictiones cinis, cilicium, ieiunium.* 152
- Crux, qualis.* 271. *Crucifixio, qualis.* 272. *exempla eius.* 272. *Crucifixi donabantur cognatis.* 273. *Crucifixus est Christus more Romanorum.* 272
- D
- Damnabai nemo indicta causa.* 252. *Damnationem habuit Concilium non animadversorem.* 259
- Dan filius Iacob.* 8. *nomen tribui dedit.* 9
- David rex factus.* 285. 286. *Salomonem sibi sublegit.* 286. *Iebuseos expulit.* 32. 34. 35. *Hierusalem extruxit.* 35. *Civitatem Davidis condidit.* 35. *arcem in Sion edificavit.* 35. *Arcem Hierusalem transfudit.* 32. 47. *Tabernaculum novum firmavit.* 46. 47. *remp. reforma-*



# INDEX.

reformaui. 216. *Leuitas instituit.* 193  
 & *Cantores.* 197. *Sacerdotes, Leuitas,* Cantores in 24 vices diuifit. 188.  
 195. *Scribas conftituit.* 216. 217.  
*Dauid domus particeps Concilij.* 258.  
*eo priuata.* 265  
*Dauid familia, quæ.* 299  
*Debora prophetis, & iudex.* 207  
*Decani iudiciales.* 278. 301. 305. *militares.* 314. *lege Decarchi.*  
*Decem præcepta legis.* 16  
*Decimæ, quæ, & quot, & quo deferrentur.* 141  
*Decimarum quattuor gna fecundum S. Hieronymum.* 141  
*Decollatio supplicij genus.* 275  
*Dedicatio altaris.* 285  
*Delictum quomodo differt a peccato.* 123.  
*Sacrificium pro delictis.* 122. 123  
*Depulfo criminis, qualis effet.* 259  
*Deus tria promifit Abraham progeniem numerosam, terre Chananæ poffeffionem, Chriftum è femine fua oriturum.*  
 7. *Mofis, et Hebræis legem dedit, atq; omnia faciendâ præfcripfit, & enumerata prædixit.* 9. 10  
*Deus quattuor modis verba fecit hominibus.* 213. *respondis per fomnia, sacerdotes, & prophetas.* 210. 211.  
*affluuit prophetas. lege propheta.*  
*Dei verbum, quale.* 213. 214. *quos officia gellit.* 214  
*Dei cõfulendi ratio quadruplex.* 209  
*Deo actiones humanas tribuit fcripturæ, cur.* 215  
*Deorum fimulachra Sarug inuolit.* 5.  
*Deos alienos coli nemis Deus, fed fe.* 16  
*Deuteronomium, quid.* 10  
*Deuterofes Pharifæorum, quæ.* 229  
*Δαίωμα, quid.* 18  
*Dies inæquales duodecim horarum.* 70  
*Dies fefti, aut profefsti.* 70. 72  
*Dies finguli proprium facrificium habebant.* 71

*Dies fabbath.* 69  
*Diluuium, cur à Deo miffum.* 5  
*Doctrina, & Veritas in Pectorali Pontificis.* 211. 163  
*Dona facra, quæ.* 111. 139. *Voluntaria.* 139. 143  
*Dux belli.* 289

## E

**E** *Catonarchi, qui, lege Centuriones* 30. 305. 313  
*Effraim filius Ioseph adoptatus ab auo Iacob.* 8. *tribui nomen dedit.* 9. 10. *Effraim tribus pro vniuerfo populo decem tribuum oppofita Indæ, vi Effraimite Indæis.* 12. *Effraimite ad impietatem fecefferunt.* 13. *cum Indæis contenderunt.* 13. *Galilea à Indæis fpoliati funt.* 13. *in Affyriâ à Salmanaffa re rege translati ibi remanere.* 13. 14  
*ΕΙΣΑΓΩΓΗΣ ΤΩΝ ΥΕΡΑΦΩΝ.* 301  
*Eleazar, filius Aaronis primi Pontificis.* 171. *eius pofteritas habuit Pontificatum.* 171  
*Elizabeth quomodo cognata Maria virginis fuerit apud S. Lucam.* 11  
*Emundatoria inftrumenta facri Cantabris.* 40  
*Encenia, quid, et quot.* 91. 92. 103. 180  
*ΕΥΧΑΡΙΣΤΙΑ, quid.* 281  
*Ephemerie facerdotales. i. vices.* 188  
*Ephod. i. superhumeralis.* 160. *valebat ad prophetandum.* 211. *Ephod facerdotale differt à pontificio.* 182. *Ephod bad. i. lineum facerdotum fuit.* 182  
*Eſdra ſcriba, facerdos, ſcribarum princeps, & facerdotum erum, expoſuit, et diſpoſuit legem amiſſam exilio Babylonico, & Scribas inſtituit.* 218. 219  
*Effai, ſine Effani heretici, quam vitam, & doctrinam profeſſi.* 225. 226  
*Exactor accipit debitorẽ à Iudice.* 305  
*Excelfa, quæ.* 38. *verita à Deo 49. permiſſa.* 49. *ſermata à regibus Iſrah, et*

# I N D E X.

- Iuda*. 50. dissipata à Iosia rege. 51. *Excelsum Gabaon*. 46  
*Exilij pœna*. 270  
*Expiationum dies festus*. 81. 102. *Sacrificium*. 135  
F  
**F**amilie Hebræorum, quæ. 297. 298.  
 Familiarum Principes. i. Patriarchæ.  
 lege Principes, & Patriarchæ.  
*Farina mundissima*. i. similia in Libaninibus. 111. 115. 127  
*Feminalia pontificis*. 118. 119  
*Festa tria*, quo omnes conuenerunt, *Pascha*, *Pentecoste*, *Tabernacula*. 86  
*Festi dies à vespere ad vesperam celebrati*. 72. *Pascha*. 74. 95. *Azuma*. 74. 96. *Pentecoste*, seu *Hebdomades*. 79. 96. 97. 98. *Tuba*. 81. 102. *Expiationes*, siue *propitiatio*. 102. *Collectæ*, & *Tabernacula*. 83. 102. *Sabbatum*. 73. *Annus septimus*. 88. *Quinquagesimus*. 89. *Encania*. 90. 103. 105. 108. *Placitus filie Iephre*. 92. *Ignis suscitatus*, siue *Lumina*. 105. *Iudith*. 93. 105. *Esther*, siue *Mardocheus*, siue *Sorres*. 93. 108. *Festum victoriæ de Nicanore*. 94. 108. *Ieiunium Godoliæ*. 94. 102. *Festum arcis mundatæ à Simone principe*. 97  
*Fimbriæ Phariseorum*, quales. 231  
*Fadus Dei cum hominibus*. 43. *Arca fœderis*. lege *Arca*. *Fadus*, pactum, testamentum, Testamentum idem. 43  
*Forenses conuentus Romanorum*, quales. 242. 243  
*Formula intensionis*, & depulsionis criminis. 259  
G  
**G**abaa habuit arcam. 46  
*Gabaon habuit Tabernaculum*. 46.  
*Excelsum fuit*. 46  
*Gabaonitæ ministri*, qui postea *Nathinæi*. 203  
*Gabinus Ro. proc.* quinque *Concilij instituit*. 261  
*Gad filius Iacob*. 8. *Tribui nomen dedit*. 9. *Familie eius*. 298  
*Galerus pontificis*. 160. vide *Pileus*.  
*Galilæa*, *Iudæa*, et *Samaria*. 31. *Galilæa urbes*. 31  
*Galilæa à Iudeis adempta* *Efframitis*. 13. *Samaritis*. 13. *Galilææ synagoga*. 222  
*In Garizin monte templum Samaria*. 62  
*Gaulonitæ heretici*, quid professi. 232  
*Gazith consistorium*, siue *synedrion*, quale.  
*Gazophylacium*, quid. 145. 146. 147. *Custos eius*. 148. eo *primitiæ*, ac *decimæ*, ac *pecunia sacra*. 144. 145  
*Gazophylax*. 148  
*Gehenna ignis*, quid. 262  
*Generationes hominum à principio quatuor*. 4  
*Genesara lacus*, qui. 30  
*Godoliæ ieiunium*. 94. 102  
*Γραμματεὺς*, qui. 217  
*Γραμματῶτι σαγῶν*, qui, et à quo instituti. 247. 302. 303. 304. 305.  
*Gratiarum*, siue *landis sacrificiis*. 117. 118. 119. 120. 129. 130.  
H  
**H**adrianus Imp. *Hierusalem Aeliæ appellauit*. 61. *templum terra obruit*, & *Veneris fœrum ibi consecrauit*. 61  
*Hereses Iudeorum septem*. 23. 223  
*Hebdomadum*, siue *Pentecostes festum*. 79. 80  
*Hebdomades*. i. *septimane*. 69  
*Heber trans*, unde *Hebræi*. 5  
*Heber filius Sale procreauit Hebræos*. 6  
*Hebræi dicti ab Heber*. i. trans, vel ab Heber filio Sale. 5. 6. *origo eorum*. 6. *progenies eorum*, qui Deum cognouerunt. 4. 6. *Deo dilecti*. 4  
*Hebræorum populus*. 3. 4. 5. 6. 7. 8. *gens antiquissima*. 4. *eorum historia* ab

# I N D E X.

Ab Abraham. 7  
 Hebræi Israelitæ dicti à Iacob. lege  
 Israelitæ. annum lunarem habuerunt.  
 68. antiquum sermonem retinuerunt.  
 6. Bella eorum. 317  
 Heli pontifex repente mortuus. 41  
 Hemerobaptiste hæretici, qui. 225  
 Herodes Antipatri Ascalonitæ filius  
 profelytus rex Iudeorum. 26. auxit  
 templum. 58. Concilio indicatus. 260.  
 Christus existimatus. 227. 228. Senio-  
 res è domo David sustulit. 261  
 Herodian hæretici Herodem Christum  
 existimant. 225. 228. præualere tem-  
 pore Christi. ibidem.  
 Hieroboam rex defecit à Deo. 55. Excel-  
 sa insinuit. Effraimitas impios fecit.  
 13. 50.  
 Hierusalem à Deo electa. 32. 33. à Da-  
 uide extructa. 34. 35. metropolis re-  
 gni facta. 32. in tribu Iuda, & Ben-  
 jamin. 34. Salem dicta, possessa à Mel-  
 chisedec rege, habitata à Iebusæis.  
 34. arca faderis à Dauide decorata.  
 35. Templo à Salomone ornata. 35.  
 capta à Sisac rege Aegyptiorum. 35.  
 obsessa à Sennacherib rege Assyriorum.  
 35. capta bis à Nabucodonosore rege  
 Babyloniorum, & tertio euersa abda-  
 Eto populo. 35. restituta post exilium  
 à Neemia, direpta ab Antiocho rege  
 Syriæ profanato templo, recepta ab  
 Assamoneis, capta à Pompeio, Anti-  
 gono, Sosio, demum euersa à Tiso, rese-  
 cta ab Hadriano, & Aelia nominata  
 sine templo. 35-36  
 Hierosolymis unum Concilium è quin-  
 que. 253. 261  
 Hircus expiationum. 136. 137. Hirci  
 XII pro peccatis. 297  
 Holocarpoma pro Holocausto. 113  
 Holocaustum, quid. 113. ritus eius. 113.  
 114 partes eius. 128. Holocaustum  
 Neomeniæ, & singulorum dierum.  
 70. Aliare Holocausti æneum. 39.

40. non rise oblatum est a rege. 285  
 Hominum à principio stirpes quatuor. 4  
 Hymni canebantur in Confessionibus  
 Deo. 197

## I

Iacob filius Isaac recepit promissa fa-  
 cta à Deo auo Abraham. Israel di-  
 ctus 7.8. filios habuit duodecim, unde  
 XII tribus Hebræorum, qui ab eo Is-  
 raelitæ dicti. 7.8. 12. adoptauit Ma-  
 nassem, & Effraim filios Ioseph filij  
 sui. 8. ex Chananea in Aegyptum pro-  
 pter inopiam frumenti se recepit cum  
 familia ad Iosephum. 8  
 Iacobus Iustus Nazareus. 204  
 Ianitores, qui. 200. officia eorum. 201.  
 202. classes XXIII. 200. sacra pecu-  
 nia custodes. 201  
 Idumæi ab Edom. 7. ad circumcisionem  
 adacti. 29  
 Iebusæi à Dauide pulsæ urbe Hierusale.  
 34. 35  
 Ieiunium. 102. modi eius, & præcepta.  
 151. Ieiunij dies festus in Expiationi-  
 bus. 83. 151. Ieiunio caritas Deo gra-  
 tior. 153. traditum à Christo. 153  
 Ieiunium Godolie. 151  
 Iesus Sirac, quando sapientiam scri-  
 pserit. 175  
 Ignis perpetuus sacrificiorum, qualis.  
 114. 115. 124. 142. enauis. 47. 48.  
 eius ratio. 115  
 Ignis suscitati festum. 92  
 Immunitates datæ Iudæis à Regibus Sy-  
 riæ. 290  
 Incensi oblatio. 137. cur offerretur. 139.  
 lege Thymiana. Incensum nõ rise obla-  
 tum à rege. 138. sed à pontifice. 164  
 Immutare pro consecrare. 285  
 Intensio criminis, quomodo fieret. 259  
 Intercalatio dierum ad cursum solis. 6.  
 8. 109.  
 Intercalaris mensis tertius decimus. 67.  
 109  
 Introducētes causam, à quo institui.  
 247.



# I N D E X.

- 247.302. *quales*. 304.305. *lege grāmatoisagogeos*.  
*Si Ioannis loca exposita*. 32. 62. 65. 70.  
 91.20. 220.  
*Ioarib prima classis sacerdotalis*. 188  
*Iob prophetico spiritu ornatus*. 206  
*Iordanes fl. qualis*. 30  
*Iosaphat rex confirmavit indices*. 248.  
*Concilium*. 257  
*Ioseph filius Iacob patri carus, venditus a fratribus, coniectus somniorum, prefectus Aegypti, fratres agnouit, patrem in Aegyptum euocauit. 9. caput familiae in Aegypto. 9. terram extra sortem a patre accepit. 35. pater Manassis, & Effraim, quos dedit in adoptionem Iacob*. 8  
*Ioseph ab Arimathia senator, & Concilij particips*. 258  
*Iosias rex Iudae templum instaurauit*. 56.  
*Excelsa sustulit*. 51  
*Iosue successor Moisis Iordanem traiecit, & Chananeam tenuit, eamq; XII tribus diuise*. 10  
*Isaac genuit Iacob, & Esau*. 7  
*Ismaelite ab Ismaele filio Abraham*. 7  
*Israel. lege Iacob*  
*Israel terra. uide Chananae*  
*Israelitae dicti Hebraei ab Israele. i. Iacob. prossi in Aegypto, reducti in Chananeam egerunt in Deserto annis XL, & ibi legem a Deo acceperunt per Moysen. 9. in XII tribus diuise*. 9  
*Israel regnum decem tribuum, oppositū regno Iudae. lege Regnum*.  
*Israel Indices. lege Iudices*,  
*Israel tribus. lege tribus*.  
*Issachar filius Iacob. 8. tribui nomen dedit. 9. eius tribus familiae*. 297. 298  
*Iser sabbati mille passus*. 230  
*Ithamar filius Aeronis, cuius progenies pontificatum gessit. 171. 173. item sacerdotia*. 187. 191  
*Iubileus. unde*. 90  
*Iudas filius Iacob. 8. tribui nomen dedit. 9. familiae eius*. 297. 298. *Iudas pro Iudaeis, ut Effraim pro decem tribubus. 12. in tribu Iuda Hierusalem*. 34  
*Iudas, et Benjamin tribus coniunctae, & pro una acceptae, & Iudaei uocati*. 12. 35  
*Iudaea, Samaria, Galilea*. 31  
*Iudaea urbes, & descriptio*. 31  
*Iudaeorum, & Effraimitarum contentiones*. 13  
*Iudaeorum, & Samaritanum contentiones*. 15  
*Iudaei impediuntur a Samaritanis reaedificare templum. 14. in Babylonia translati a Nabudonosore. 14. restituntur in patriam post annos LXX. 15. ex Iudaea in Galileam transibant per Samariam. 15. afflicti ab Ant. Epiphane. 15. 35. a Romanis. 36. 319. Immunitatibus affecti a Syris, & libertate. 290. non militariū genibus. 319. Bella eorum. 318. status ultimi, qualis. 319. 320  
*Iudas Maccabeus legem, & urbem restituit. 23. purgas templum. 57. princeps, & pontifex*. 176  
*Iudas Gaulonites princeps Gaulonitarum haeticorum*. 232  
*Iudices ciuitatū a Moise institui. 247. a Iosaphat confirmati. 248. ex numero seniorum. 249. restituti post exilium Babyloniae. 249. Iudicum conditiones*. 250  
*Iudicia ciuitatum, qualia. 247. in porta facta. 251. eorum faciendorū ratio. 251. quae de ijs Talmudici tradunt*. 251.  
*Iudicia, in quibus aut iustificatur reus, aut damnatur*. 246  
*Iudicia Dei, quae in lege traduntur. 18. 19. eorum exemplum*. 19  
*Iudicium, & iustitiam faciebāt magistratus*. 277  
*Iudicialis domus regis, & phylarchorum*. 296  
*Iudiciorum ordo*. 305  
 16*

# I N D E X.

<i>Iudico pro condemnno.</i>	19
<i>Indices Israel, qui, quo iure, &amp; quo modo creati.</i>	25. 26. 280. à Iudicio vocati.
<i>278. quomodo indicarent populum.</i>	
<i>279. liberum ius necis non habuerunt.</i>	
<i>279. diuersi à regibus. 280. conuocauerunt senatum, &amp; populum, &amp; bella gesserunt.</i>	280
<i>Ius iurandum publicum conceperunt rex, &amp; principes tribuum.</i>	296
<i>Iustificare est absolvere.</i>	18. 19
<i>Iustificatio, &amp; Iudicium tractantur in Iudicijs.</i>	246
<i>Iustificaciones Dei, quid. 18. earum exemplum.</i>	19.
<i>Iustificaciones, &amp; Iudicia Ciuitatis partem. 37. proximum attingunt in lege.</i>	16. 17. 277
<i>Iustitiam, &amp; iudicium faciebant magistratus.</i>	272
<i>Iustitia sacrificium.</i>	129
<b>K</b>	
<i>Kalendarium Hebræorum.</i>	95
<i>Kalende Hebræorum.</i>	71
<b>L</b>	
<i>Labrum aureum in Tabernaculo.</i>	39
<i>Lacus Genesara, siue mare Tiberiadis.</i>	30
<i>Lacus Asphaltites, siue mare mortuum.</i>	30
<i>Lamina aurea in fronte pōtificis. 162. 158</i>	
<i>Lapidationis ratio. 243. Lapidati ob blasphemiam. cōtemptum sabbati, &amp; adulterium.</i>	273
<i>Lapidationis locus.</i>	275
<i>Lapides xii in Rationali pontificis. 157. 161. 162. in Superhumerali, et Rationali 162. 163. 211. duo in pectorali lapides valebāt ad prophetandū. 211</i>	
<i>Lapis pro arca in secundo Templo. 49</i>	
<i>Laudis sacrificiū. 118. 119. 120. 129. 130</i>	
<i>Lectores legis, qui.</i>	217
<i>Leprosi mundatio.</i>	134
<i>Leui filius Iacob. 8. tribui nomen dedit. 9. eius familia. 298. tribus leui sacra in sortem accepit. 9. 10. 11. decimas</i>	

<i>accepit. 156. segregata à Deo in ministerium sui. 155. 156. 190. ubique habitauit. 11. uxores ex quaque tribu duxit. 11. tribum propriam non fecit, sed ei ascripta est, ubi habitauit. 11. reliquit Effraim, &amp; ad Iudam se contulit. 13. Refugij ciuitates nata est.</i>	10
<i>Leuitæ ministri à Moise instituti turam gesserunt Tabernaculi, &amp; Arce. 191. 192. adiungerunt sacerdotes. 195. 4 Dauidē consilijs ministri templi in xxxiii classes diuisi. 191. 193. 194. 195. detrahebant pelles holocaustoria loco sacerdotum.</i>	196
<i>Leuitarū classes quibus nominibus affectæ.</i>	196
<i>Leuitarum principes.</i>	195
<i>Lex à Deo data Israelitis in Deserto. 9. 10. 15. 16. lapideis tabulis incisa. 20. qualis fuerit, &amp; quæ capita habuerit. 15. religionem, &amp; ciuitatem complexa est. 16. permissa est principibus sacerdotum, &amp; scribis. 218</i>	
<i>Lex secunda scripto commissa, &amp; Deuteronomium vocata, &amp; recitari iussa in festo Tabernaculorum. 21. oblitterata, renouata, amissa, inuenta, iterū oblitterata, instaurata, exposita, ordinata, conuersa, crepta, reddita. 20. 21. 22. 218. 219</i>	
<i>Legis exponendæ initiū, ratio. 215. 218</i>	
<i>Lex septimo quaque die exposita. 216</i>	
<i>Lex ne uita eriperetur, nisi Concilij sententia damnato. 260. Lex synedrj de die paschatis. 77</i>	
<i>Libamina genus sacrificij, &amp; cæteris sacrificijs adhibita. 115 ritus eorū. 115</i>	
<i>Libertinorum synagoga quæ, &amp; quorum. 222</i>	
<i>Linea stricta.</i>	158. 159
<i>Loca sacra, quæ.</i>	38
<i>S. Luca loca exposita. 20. 220. 221. 229. 241. 307. 377. 69. 77. 86. 132. 134. 139. 144. 184. 188. 189. 205.</i>	

Lucer.

# I N D E X.

Lucerne septem præscriptæ à Deo. 40  
 Lucernas curabat pontifex. 167. 137  
 Luna prima, & secunda pro primo die,  
 & secundo. 70  
 Lunaris annus Hebræorum. 64. 66

M

**M**agistratus lex animata, & loquens,  
 277

Magistratus, qui. ijdem cum Principibus,  
 276. eorum nomina. 276. 278. lege  
 Principes, Magistratus qui præfunt  
 Concilijs, et Iudicijs. 23. 276. duces, et  
 indices. 277

Magistratus Templi, qui. 315

Magistri pro introductoribus caussarum,  
 248

Magnificencia pro summa laude. 131.  
 132

Mala Punica in tunica pontificis. 158.  
 160

Malachias propheta ultimus. 208. 209

Manasses filius Ioseph adoptatus ab avo  
 Iacob. 8. tribui nomen dedit. 9. familie  
 eius. 298

Manassis tribus pars una trans Ior-  
 danem, altera cis Iordanem. 9. 10.  
 eiusdem duo principes. 295

Manasses rex Iude restituit Excelsa. 50

Manasses frater Iaddi pontificis templi  
 in Samaria condidit, atq; ei pontifex  
 præfuit. 14. 61. 62

Mandata Dei, quid, 18

Manipulus quando offeratur. 76. 80

Mandata, & præcepta in lege Deum  
 attingunt, religionis partes. 32

Manus quid significet, 166

S. Marci loca exposita. 16. 77. 87. 130.  
 189. 215. 219. 228. 230. 23

Mare Tiberiadis, 30

Maria virgo ex eadem tribu cum Io-  
 seph. 11

S. Matthæi loca exposita. 19. 246. 220.

229. 230. 296. 316. 29. 70. 219.

Masphat locus orationis. 238. & belli  
 decernendi. 239

Mensa XII panum propositionis in Tabe-  
 bernaculo præscripta à Deo. 39. 42

Menses anni duodecim. 62, alij 29, alij  
 30 dies habent. à noua luna incipiunt,  
 ab ordine nominantur. alia nomina  
 post exilium nati sunt. 67. 68. 69.  
 Mensis primus à Deo constitutus. 74.

75. 76

Mensis nouarum frugum, 67. 76

Mensis intercalaris, 109

Mensis Fortium, 67

Menstruosa mundatio, siue purificatio,  
 315

Mensis principium, & finis, quando. 81.  
 96

Metropolis reip. Hebræicæ, quæ. 30. 31.

32. à Davide constituta. 31

Milium custodia in Hierusalem, & tem-  
 plo. 316.

Moyses iussu Dei eduxit Israelitas ex  
 Aegypto. legem à Deo in Deserto ac-  
 cepit, & repetiuit. ducatum Iosue re-  
 liquit. 9. 10. Indices, Seniores, Princi-  
 pes, reimp. instituit. 24. propheta præ-  
 stantissimus fuit. 207. primus legem  
 exposuit. 206. Concilium instituit, &  
 causam in eo cognouit. 257

Morias mons, in quo templum. 53

Multa. 270

Mundationis sacrificia. 133

Mundatio puerperæ. 133, Leprosi. 134

virginis seminis. 134. mulieris men-  
 struosa. 135. eadē dicitur purgatio, &  
 purificatio.

Musica instrumenta in Confessionibus  
 instituta à Davide. 197. 113

N

**N**abodonosor Assyria rex trans-  
 iit Iudeos in Babyloniam urbe  
 eversa. 14. 35. 56

Nathinæi, qui, & eorum officia. 202.  
 203

Nazaræi, qui, & votum eorū. 203. 204

Nazaræi heretici, qui. 225

Necis genera. 271

Neemias



# I N D E X.

- Neemias urbem restituit Hierusalē.* 35  
*Neomenia sacri dies, & cultus eorū.* 70  
*Nephtalim filius Iacob.* 8. *tribui nomen dedit.* 9. *familia ab eo progenita.* 298  
*Nohe habuit arcam.* 46  
*Noe seruatus à Deo, et progenies eius.* 5  
*Novarum frugum mensis.* 67. 76  
*Nuptiarū lex, ut mulieres in eadem tribu nubant.* 90  
*Nysan mensis primus.* i. *Martius.* 75. 76  
O
*Obedom seruauit arcam.* 47  
*Oblationes, quæ.* 111. *uotivæ, & voluntariæ.* 148  
*Oblatio incensæ.* 137  
*Oculati testes cum fide digni.* 250  
*Officia pontificum.* 167. *sacerdotum.* 183. *Leuitarum.* 196. 197. *Cātorum.* 198. *Ianitorum.* 200. 201. *Nathineorum.* 203. *Prophetarum.* 209. *Scribarum.* 217. 218. *Magistratum. lege in singulis magistratibus.* 40  
*Oleum sanctum quomodo fieret.* 40  
*Onias templum condidit in Aegypro.* 63  
*Oraculum quid.* 38. 209. 53. *oraculum consulere, quid.* 210  
*Osseni heretici, quales.* 225  
*Ozan adiunxit arcam mortuus.* 47  
*Ozias rex non rite obtulit incensum.* 138  
P
*Pacificorum sacrificium, quod, & quor parsium. ritus, & lex eius.* 117. 118  
*Palæstina urbes.* 31  
*Panes Propositionis mutabantur singulis sabbatis.* 39. 40. 42. 73. 168  
*Parasceue.* 77  
*Paschæ dies.* 74. 77. *celebrabatur in Hierusalem.* 78. *ritus eius.* 74. 75. 76. *Quo die celebratus sit à Christo.* 72. *De eo lex Synedrj.* 77  
*Pascha unice dictum.* 76  
*Passerum oblatio.* 134  
*Patriarchæ, qui, & iura eorum.* 297. 298. 300. *lege Principes familiarū.*  
*Pauperis in iudicio nō esse miserendum quomodo intelligatur.* 250  
*S. Pauli loca expōsita.* 130. 220. 43  
*Paulinus procos. claudi iussit templum Aegyptium.* 63  
*Peccatum differt à delicto.* 123. *sacrificium pro peccatis.* 120. *peccata ex silentio veritatis, immunditia, errore, iureiurando, sacrorum abusu.* 121  
*Pecunie sacræ oblatio, & quæ pecunia sacra sit.* 144. 145. *Pecunia ad templum missa primitiarum nomine.* 320  
*Pentecostes festum.* 79. *ritus.* 79. 80  
*Personæ sacræ, quæ.* 155  
*Pes quid significet.* 166  
*Pharisæi, quam disciplinā professi sint.* 224. *cur ita dicti.* 225. *cum Scribis senserunt. purificationes adhibuerunt.* 229. 230. *cum Gaulonitis senserūt.* 232. *in Concilio potuerunt.* 262. *dabant decimas etiam vilium rerum.* 144. 225. 231. *simbrias, & phylacteria lata habebant.* 231. 232  
*Phasæ, Paschas, cur.* 76  
*Phiale vasa Tabernaculi.* 39  
*Philistæi, & urbes eorum.* 30. 31. *propter arcam captam pereunt.* 46  
*Phinees pontifex.* 175  
*Phylarchi.* 291. 292. *lege principes tribuum.*  
*Phylacteria Pharisæorum, qualia.* 231. 232  
*Pilatus procurator Iudææ.* 293  
*Pileus hyacinthinus pontificis.* 162. 163 *lege tiaram, & cidarim.*  
*Panarium genera.* 270  
*Pontifex, qui & primus, & magnus sacerdos.* 155. 156. *vestes eius.* 157. 158. 159. *consecratio.* 163. *conditiones.* 166. *officia.* 167. 168. 169. 170. 171. *solus Sanctus ingrediebatur in die Expiationum.* 169. *Concilium aduocauit.* 256. 258. *adoleuit incensum.* 168  
*Pontificum imperium in rep. post exilium.*

# INDEX.

*lium.* 173. 261. Pontifices creati  
*Ascaloniæ reges permissi Romano-*  
*rum.* 27  
 Pontifices sine macula, & integri de-  
 bent esse. 166  
 Pontifices pro Pontificijs. 180  
 Ex Pontificijs qui proximi pontifici  
 erant pontifices vocabantur. 181  
 Nomina omnium pontificum. 72  
 Pontificatus perpetuus in tribu Levi 17.  
 per unum annu, aut annos. 179. 80.  
 in familia Aaronis, & filij eius Elea-  
 zari, & Ithamari. 171. Ad Assamo-  
 neos translatus. 172. ad alias familias  
 non Leviticis translatus. 172. ad tem-  
 pus dari coepit. 176  
 Populus Hebræorum. lege Hebræi, Israe-  
 litiæ, Indei. Effraimite.  
 Populus Hebræorum. lege Concio.  
 In porta iudicia facta. 251. Porta iudi-  
 cij. 251  
 Præcepta Dei quid differant à manda-  
 tis. 18  
 Presbyterium. 245  
 Primitiæ, quæ. legitimæ, & votivæ.  
 140. dies primitiarum. 79. 80  
 Primitiæ, & Primogenita offerenda.  
 140. 141. 143. 144  
 Princeps, quis. 289. & quo iure. 290.  
 purpura & auro operiebatur. 290  
 Principes. i. magistratus. 276  
 Principes Israel. 278  
 Principes Indeorum. 289  
 Principes populi. 295  
 Principes sacerdotum. 159. concilium  
 inierunt. 258. legem exposuerunt. 218.  
 219. Lenitarum. 195  
 Principes tribuum, & iura eorum. 294.  
 295. cum rege iura reddiderunt. 296  
 Principes familiarum. 297. iura eorum.  
 300  
 Principes civitatum, & iudicum. 301.  
 iura eorum. 302. 304. 305. 306  
 Principes militiæ. 312. 315  
 Prophetæ, qui, & eorum origo. 204.

214. promissi à Deo. 204. prophetico  
 spiritu ornati. 204. 205. prodierunt  
 tempore Samuelis. 207. collegia ha-  
 buerunt. 207. ultimus Malachias.  
 208. 209. inspirati à Deo. 208. post  
 Samuelem multi. 208. per prophetas  
 respondit Deus 211. defecerunt in se-  
 cundo templo. 213  
 Prophetarum nomina. 209  
 Prophetiæ, quæ. 214  
 Propitiatorium præscriptum à Deo. 39.  
 quid fuerit. 38. 40. ad id consulebant  
 Deum in primo templo. 200  
 Propitiatorium festum. 102  
 Profelyi, qui. 28. 29. fiebant summo stu-  
 dio ab Hebræis. 29  
 Psalmorum loca exposita. 17. 246. 296.  
 251. 295. 307. 33. 34. 82. 130. 131.  
 26. 120  
 Puella heres non nubet nisi in eadem tri-  
 bu. 11  
 Puerpera mundatio. 133  
 Purgationis dies. 134. eadem dicitur pu-  
 rificatio. 133  
 Purificationes Phariseorum, & Scriba-  
 rum. 228. 229. 230

Q<sup>uæ</sup>stio templi. 148  
 Quinquagenarij iudiciales. 278.  
 301. 305. 306. militares. 314. lege  
 Penetentarchi.

Quinquagesimus annus sacer. 89  
 Quinquagesimæ festum. lege Penetentæ.

R<sup>ationale</sup> pontificum quale. 157.  
 161. cessavit. 162  
 Refugij civitates datæ tribui Levi. 10  
 Regnum Hebræorum. arbitrium, & so-  
 lutum legibus. 24. 25. 26. 281. 283.  
 Reges postulatur ab Hebræis. 283.  
 ungebantur. 284. 285. Regum iudi-  
 cia, & bella. 284. Eorum nomina.  
 292. 293. ratio creandi. 282. 283.  
 287.

Rex primus Saul. 26  
 Reges

# I N D E X.

- Reges populum iudicant, in Concilio, & cum principibus. 288. 296. participes, & principes Concilij. 296. Concilium advocant. 298. Bella susceperunt, & gesserunt. 288. Regis imperia duo nota Aristoteli. 26. Regnum Hebræorum divisum in duo, Israel, & Iuda. 12. Profelytis datum. 26. Rex nõ rite obtulit sacrificium. 285. neque incensum. 138. Religio pars civitatis, & instituit civitatem, non contra. 234. Remissio in septimo, & quinquagesimo anno, qualis. 89. Reip. Hebræorum forma, aristocrata, & Regnum. 23. resp. triplex populi, Tribuum, & civitatum. 27. 28. ty. us vitæ celestis. 13. 320. 32. Resitutio panis genus. 270. Ritus sacri, qui. 18. 110. 111. Romanorum bella cum Iudæis. 319. 35. 36. 60. 61. Ruben filius Iacob. 8. tribui nomen dedit. 9. quas familias procreavit. 297. 298.
- S
- Sabbatum. i. dies septima, festum. 73. cuius cultus, & sacrificij. 73. sab-  
 bati iter mille passus. 230. Sabbatum pro festo. 72. sabbati cõtem-  
 ptores lapidabantur. 273. 274. Sabbatum pro septimana. 69. 70. Sabbatis lex exponebatur. 216. Sabbatum secundo primum. 86. Sacerdotes, qui. 190. eorum vestes. 118. consecratio. 182. conditiones. 183. 190. officia. 183. 202. classes, seu vi-  
 ces XXIII. 188. 196. ex genere Eleazar. 187. quotidie incensum offere-  
 bant, & pro populo, & pro privatis. 183. 184. machabæ hostias, 128. pelles holocaustorum detrahebant. 185. 196. Sacerdotum princeps. i. Pontifex, lege Pontifex Reges
- Sacerdotum principes. i. qui viginti quat-  
 tuor vicibus præerant. 156. Sacerdotes probati. 190. Sacerdos magnus, & primus dictus pun-  
 tifex. 156. Per sacerdotes respondit Deus, quo-  
 modo. 211. Sacerdotes participes Concilij. 296. Nomina classium sacerdotalium. 187. Sacrificium, quid. 111. sacrificia sex  
 Holocaustum, Libamina, Pacifica, Pro peccatis, Pro delictis, Consecrationis. 112. tria Holocaustum, Pacifica sine salinis, & Pro peccatis. 112. 205. Holocaustum. 113. Pacifica. i. Salutaris, & Laudis. 118. 119. 120. Libamina. 114. 15. Pro peccatis. 120. 128. p. delictis. 22. Pro populo. 184. Consecrationis. 132. 164. 165. Oblationis incensi. 137. Mandationis. 133. Expiationis. 135. Sacrificia fiebant ad altare Holocausti. 41. Sacrificium matutinum, & vespertinum. 72. Sacrificiorum exempla. 124. 25. 26. 11. 127. 128. apparatus. 112. Sacrificia voluit Deus externa, sed interna. 129. Sacrificium iustitiæ, & laudis. 129. Sacrificium incruentum præposuit Deus cruento. 130. Sadducei heretici, qui. 123. 124. valuer. Hierosolymis. 228. 230. Sadoc primus pontifex templi. 173. Salem post Hierusalem. 34. Salomon rex filius. 286. condidit templum. 34. 55. intulit tabernaculum, & arcam. 47. descripsit classes sacerdotum. 188. Levitarum. 195. Salvatorem excitavit Deus, quid. 280. Salutaris sacrificium. 112. 118. 119. 120. 129. Samaritarum origo. 13. 62. religio. 13. Sub-



# I N D E X.

<i>Subacti à Iudeis.</i> 15. <i>Sanmaritane hære-</i>	<i>Sem progenies Deum coluit.</i>	9
<i>tici.</i> 13. <i>cōtendunt de religione cum Iu-</i>	<i>Seministui viri mundatio.</i>	134
<i>daïs.</i> 62. <i>templum condunt.</i> 15. 61. <i>si-</i>	<i>Senatus triplex.</i>	243
<i>mulant religionem Græcam, &amp; tem-</i>	<i>Seniores imperarunt post Moïsem.</i>	24
<i>plum Ioui consecrant sub Ant. Epipha-</i>	<i>Seniores, siue senatores LXX. instituti à</i>	
<i>ne.</i> 15. <i>impediunt Iudeos ædificare</i>	<i>Moïse.</i> 243. <i>singularum tribuū.</i> 245.	
<i>templum.</i> 14. <i>vincuntur à Io. Hyrcano</i>	<i>singularum ciuitatum.</i> 246. <i>seniores</i>	
<i>rege Iudæorum, &amp; templo eximun-</i>	<i>I X X aduocabantur ad consilia à</i>	
<i>tur.</i>	<i>principe.</i> 244. <i>manserūt post exilium.</i>	
<i>Samaria, unde dicta, &amp; urbes eius.</i> 31	<i>244. 245. assedere summo principi.</i>	
<i>Samaria urbs.</i>	<i>244. prophetico spiritu afflata.</i> 205	
<i>Samaria, Iudea, &amp; Galilea iunctæ.</i> 31	<i>Sennacherib rex Assyriorum obsedit</i>	
<i>Samaritane mulieris verba cum Chri-</i>	<i>Hierusalem.</i>	35
<i>sto.</i>	<i>Sententiæ ferende ratio in Iudicijs.</i> 252	
<i>Samuel Nazareus.</i> 204. <i>Index. propheta.</i>	<i>Septemviri in ciuitatibus.</i>	309
	<i>Septima dies, sabbatum.</i>	69
<i>Samson Nazareus.</i> 204. <i>Index.</i> 281	<i>Septimane Hebræorum.</i>	69
<i>Sanabalat præfectus Darij regis cōcedit</i>	<i>Sprimanarum festum.</i>	85
<i>ædificari templum in Samaria.</i> 14. 61	<i>Septimus annus sacer.</i>	83
<i>Sanehdrin concilium, quod.</i>	<i>Seth progeniem piam procreauit.</i>	45
<i>Sanctuarium Sanctuarij, siue Sanctum</i>	<i>Sicera.</i>	204
<i>Sanctorum.</i> 38. 39. 40. <i>intra Velum.</i>	<i>Siclus pecuniæ sacræ genus.</i> 144. 150	
<i>135. Sanctuarij expiatio.</i> 136. <i>solus</i>	<i>Silo metropolis in tribu Efram.</i> 32.	
<i>ingrediebatur pontifex.</i> 170. 171	<i>33. ibi Tabernaculum, &amp; Arca.</i> 44.	
<i>Sarius Deorum simulacra inuenit.</i> 6	<i>45. eo conuenere Hebræi.</i> 45. <i>sedes re-</i>	
<i>Saul rex creatus displicuit Deo, quomo-</i>	<i>ligionis.</i> 45. <i>reiecta à Deo.</i> 32. 33.	
<i>do.</i>	<i>euerfa.</i>	42
<i>Scenopogia, siue Tabernaculorum fe-</i>	<i>Simila, quæ.</i> 115. 116. 117. <i>simila-</i>	167
<i>stum.</i>	<i>go.</i>	
<i>Scribe, qui.</i> 215. <i>consulit de lege.</i> 219.	<i>In Sinai lex data.</i>	9
<i>legis doctores.</i> 217. <i>constituit à Dau-</i>	<i>Sion. i. ciuitas Dauid à Dauide extructa.</i>	35
<i>de.</i> 216. 217. <i>ab Esdra.</i> 219. <i>siue au-</i>	<i>35. Sionis montis pars mons Moria,</i>	
<i>thoritæ docebant.</i> 220. <i>&amp; Pharisei</i>	<i>in quo templum.</i>	35
<i>erant.</i> 220. <i>in templo, &amp; synagogis do-</i>	<i>Sisac rex Agyptiorum cepit Hierusa-</i>	
<i>cebant, ambitione flagrabant.</i> 65. <i>con-</i>	<i>lem.</i>	35
<i>cilium inierunt.</i>	<i>Sinam mensis.</i>	87
<i>Scribe uni ex septem hæresibus.</i> 228	<i>Somniorum ratio, &amp; per ea diuinatio.</i>	
<i>Scribe pro introductoribus causarum.</i>	<i>212. somnia naturalia, incerta, &amp;</i>	
<i>lege introductores, &amp; grammato isa-</i>	<i>contemnenda.</i> 213. <i>somnia, quæ pro-</i>	
<i>gogeos.</i>	<i>hibita, &amp; quæ concessa.</i> 212. 213	
<i>Scribe pro notarijs.</i> 307. <i>officia eorum.</i>	<i>Subucula linea pontificis.</i>	159
	<i>Super humerale pontificis.</i> 157. 160. <i>le-</i>	
<i>308. 309.</i>	<i>ge Ephod.</i>	
<i>Secundo primum sabbatum.</i>	<i>Synagoga pro concione.</i>	236. 294
<i>Segetes quando matrescant in Iu-</i>	<i>Synagogarum origo.</i> 38. 63. 64. 294. <i>ibi</i>	lex
<i>dea.</i>		

# I N D E X.

*lex exponebatur.* 64. Hierosolymis, & in provincijs erant. 64. ibi docuere scribere. 65. 220. eas Christus, & S. Paulus perlustravit. 222. synagoga a gentilibus condita. 65. ad cultum Imperatoris tradita. 60. synagoga Romæ. 222. 223. synagoga libertinorū. 222. synagoga princeps. 65. synagoga ejici probrosum. 65  
Synedrium. lege Concilium.  
Syrie descriptio. 30

## T

**T**abernaculum prescriptum a Deo, & constructum a Moise, quale. 38. 39. 42. eius historia. 44. commissum leuitis. 192. positum in Galgalis, & Silo. 32. in Gabaa, in Nob, in Gaboon, & ibi mansit. 46. 47  
Tabernaculum a Davide factum 47. translatum Hierusalem. 44. in templum. 54. unam Arca perijt. 48.  
Tabernaculum expositum a S. Hieronymo. 44  
Tabernaculorum festum. 83. 84  
Teglatphulassar Assyrie rex Galileam recepit. 13  
Templaria. 58  
Templum Hierosolymitanum a Davide destinatum. 52. Salomoni mandatum. 53. ab eo conditum. 53. instrumenta, & ornamenta eius. 53. super id precatus est. 54. sanctificatum ab eo. 15. directum a decem tribubus, non cultum a Judæis. 55. instauratum a Ioa. 55. 56. pollutum ab Achaz, mundatum ab Ezechia, instauratum a Iosia, incensum a Nabucodonosore, restitutum a Zorobabele. 56  
Secundum Templum carnis presentia De, prophetis, igni sacro, lapidibus Rationalis, arca, propitiatorio, & Cherubim. 57. profanatum ab Ant. Epiphane, purgatum a Iuda Maccabeo, auctum ab Herode, ornatum turri custodiae causa. 59. dedicatum nomini Ca-

lisulae Imp. 60. incensum a Tito. 61  
terra obrutum ab Hadriano, & Veneri dicatum. 61. quot annis conditum, & resectum. 60. ubi situm. 59  
Templum Samariae a quo constructum. 14. 15. 61. dicatum Iovi. 62. eversum. 62. templum Transgressorum. 62  
Templum Aegyptium conditum. 63. clausum. 63  
Templi magistratus. 315  
Templi quæstor. 148  
Tenorium Tabernaculi. 37  
Terra sancta, quæ. 31  
Testamentum lex Christi, cur. 43  
Testamentum, & testimonium, quid. 43  
Testes falsi puniebantur. 252. Testium ratio, qualis in Iudicijs. 252  
Testes primi lapides iaciebant. 273.  
274. testes oculati, cur fide digni. 250  
Testimonium, Testamentum, pactum, fixus. 43. Testimonium in Arca. 39.  
42. Testimonia Dei, quæ. 17. 18. 19. 20.  
Testimonij tabernaculum. 45  
Thumis, & uris lapides in pectorali pontificis. 211. i. Doctrina, et peritas. 163  
Thuribula. 39  
Thymiama, quò fieres. 45. Altare Thymiamatis. 38. 41. lege Incensum.  
Tiara pontificis. 158. 160. lege Pileus, & Cidaris.  
Timinnabula in tunica pontificis. 158. 160  
Titus Casar euertit Hierusalem, & incendit templum. 35. 61  
Trachoniis regio. 81  
Traditiones seniorum. 215. Phariseorum. 229  
Transgressorum templum. 62  
Tribuni iudiciales. 278. 305. 306. milisares. 313. lege chiliarchi.  
Tribus XIII, & nomina earum a filijs Iacob. 9. 10  
Tubæ ad convocandam concionem. 237.  
Tubarum festum. 81. 102  
Tunica hyacinthina pontif. 160. 163. 158  
T

Turris

# INDEX.

<i>Tinrris Antonia iuncta templo cum</i>		<i>Viulus pro peccato.</i>	164.181
<i>praesidio.</i>	315.59	<i>Vnctio pontificis.</i>	163.164. sacerdotis. 182.
<i>Turturis oblatio.</i>	145.134.204	<i>Regis.</i>	284.285
<i>V</i>		<i>Voluntaria oblationes.</i>	148.149
<i>Veadar mensis XIII.</i>	109	<i>Votum, quid.</i>	149
<i>Vestes Tabernaculi.</i>	34	<i>Vota Nazareorum, qualia.</i>	203.204.
<i>Velum, intra quod sanctuarium.</i>	135	<i>Votorum ratio, et lex.</i>	150. <i>Votinae obla-</i>
<i>Velum tabernaculi, &amp; templi.</i>	40.60	<i>tiones.</i>	148
<i>Venditio panis genus.</i>	270	<i>Vris, &amp; Thumis in pectorali pontificis.</i>	
<i>Verberatio panis genus.</i>	270	<i>211.i. Doctrina, &amp; Veritas.</i>	163
<i>Veritas, &amp; doctrina in Pectorali ponti-</i>		<i>Vtilitas continet civitatem.</i>	231
<i>ficis.</i>	211.163	<i>Z</i>	
<i>Vestes pontificis. 157. sacerdotum. 181.</i>		<i>Zabulon filius Iacob. 8. tribui nomen</i>	
<i>Principis, &amp; regis. 290. secundum S.</i>		<i>dedit. 9. familias procreavit. 297.</i>	
<i>Hieronymum. 159. Leuitarum, can-</i>		298.	
<i>torum.</i>	199	<i>Zacharias 10. Baptiste pater pontifex, an</i>	
<i>Pices sacerdotales, quae.</i>	188.189.231	<i>sacerdos.</i>	189
<i>Videntes olim propheta dicti.</i>	214	<i>Zona pontificis, qualis.</i>	159

# F I N I S.





# *Errata sic corrigenda.*

10 7 assignata  
 14 12 reges  
 15 13 Quare  
 18 28 ab absolutionem  
 26 31 Quibus Herodes  
 27 26 Princeps . tribus  
 28 25 προσϋλῦτοι  
 65 22 prima  
 80 28 hebdomades  
 83 18 er ergo  
 84 13 Deuteromij  
 114 26 mox alijs  
 122 15 dimittetur illis  
 143 28 gignit  
 160 11 tiaram  
 160 26 tintinetnabula  
 192 27 ab occidentem  
 192 28 exubias  
 200 25 uisi  
 209 12 ventura  
 213 6 filij  
 215 26 vobis Moises  
 276 31 Syriæ  
 230 4 primam  
 230 30 dixerant  
 231 9 eam filium  
 237 21 vniuersum domum  
 240 22 vocari  
 248 2 pererigrinus  
 287 9 diuersas  
 289 12 Epiphane  
 307 16 Euphratha  
 311 21 peccatis in Dominum  
 263 5 es damnandum  
 264 14 ad eos, quæ  
 267 6 principes

assignata  
 rege  
 Quare  
 ad absolutionem  
 quibus Herodes  
 Princeps tribus  
 προσϋλῦτοι  
 primas  
 hebdomades  
 ergo  
 Deuteronomij  
 alius  
 illi  
 gignit  
 tiaram  
 tintinnabula  
 ad  
 excubias  
 diuisi  
 venturæ  
 fili  
 nobis  
 Syria  
 primum  
 dixerint  
 cum  
 vniuersam  
 vocare  
 peregrinus  
 diuersas  
 Epiphani  
 Ephrata  
 peccatis  
 esse  
 eas  
 princeps

# Errata grauiora.

39	3	& altare aureum Thymiamatis	tolle hoc totum, vt superfluum
88	19	Leuitici xxxv.	xxv
102	31	collecta frugum	fructuum
117	13	σωτήριον, θυσία εἰρηνικὴ dicitur.	lege σωτήριον dicitur.
118	10	comedens	comedetis
122	7	calumniam fuerit	fecerit
128	20	cxxxix	ex xxix
136	12	emittet in eum.	emitter eum
147	26	inquem	in quam
149	21	ascendet caput	super caput
153	3	Dicebant	Dicebam
153	29	lxiii	lviii
154	6	carnem suam	tuam
174	13	Ioiada pontificis	Ioiadz
210	8	octauo	septimo
214	6	tum rex Hieroboam	tum prophetes quidam
221	13	Actuum xi	xv
230	22	habebant	habuerunt
230	28	xxii	xxiii
248	7	constituit	constitui
257	23	filius Israel	Ismael
263	26	multa facit	multa signa
270	32	xxi: Qui	xxi Exodi:
271	1	tibi locum	sibi
271	23	frangerent	frangerentur
274	23	sed blasphemia	sed de
279	33	ti altare	ibi altare
281	23	in oculus	oculis
279		ισραλ	ισραηλ




















71:80.

— 53

A FD/321




UNIVERSIDAD DE SEVILLA



600711255

127909384







F.D.  
321